

Cautio
CRIMINALIS,
Seu
DE PROCESSIBUS
CONTRA SAGAS

Liber.

AD MAGISTRATUS

Germania hoc tempore necessarius,

Tum autem

Consiliariis, & Confessariis Principum,
Inquisitoribus, Judicibus, Advocatis, Confessariis
reorum, Concionatoribus, cæterisque lectu
utilissimus.

AUCTORE

INCERTO THEOLOGO ORTHODO.




RINTHELII,

Typis exscripsit Petrus Lucius Typog. Acad.

M DC XXXI

Sto. M. D. C. XXXI
M. D. C. XXXI

= Spee, Friedrich von 1591-1635.



~~7440377~~

A. 8082.

AUTORIS PRÆFATIO.

MAgistratibus Germaniæ inscripsi librum : iis utiq; qui lecturi cum non sunt; non iis adeo qui lecturi. Ratio est: nam q̄ ejus sollicitudinis Magistratus fuerint, ut legendū sibi putent q̄ de causis Sagarum hic perscripsi, jam id habent propter q̄ librum legi oportebat: curā nempe ac diligentiam in his causis pernoſcēdis; unde legere, & hæc unde sumere non est necesse: Qui v. ejus sunt incuriæ, ut hæc talia lecturi, & curaturi non sint; jam ij sane ut vel maximè hæc legant, atq; ex libro hoc solliciti ac diligētes esse discant, nimis est necesse: legant igitur qui lecturi non sunt: qui sunt; ne legant quidem &c.

Sive tamen lecturus aliquis hunc librum est, seu non lecturus, id desiderem ut sit nemo qui non unicum saltem quod libri hujus dubium ultimum est legat & cum animo suo perpendat.

I N D E X

Dubiorum seu quæstionum hujus libri.

I.

An Saga, Striges, seu Malefici revera existant. pag. 1

2. Pluresne Saga seu Malefici in Germania sint ac alibi. 3

3. Quale crimen sit Sagarum seu Maleficorū. 7

4. An crimen hoc sit ex genere Exceptorum. 7

5. An contra Excepta formare liceat processum pro arbitrio. 9

6. An bene faciant Principes Germania cum in crimen Sagarum acriter procedunt. 11

7. An acri hoc medio sat extirpari hoc malum possit? & an aliā quâ ratione possit? 12

8. Quam cautè Principes in hoc crimine procedere debeant. 15

9. An Principes sat liberent conscientiam si parum ipsi solliciti curam omnem in officiales suos rejiciant. 24

10. An credibile sit Deum permissurum ut aliquando innocentes simul involvantur. 39

11. An credibile sit permissum id esse de facto ut innocentes quoque involuta sint. 44

12. An cessandum sit ab inquisitione contra Sagarum Sagarum

I N D E X.

Sagas, si constet multas innocentes de facto involvi. 52

13. *Quid si periculum innocentibus immineat sine mea culpa an adhuc abstinendum à persecutione nocentum!* 56

14. *An expediat instigare Principes ac Magistratum ad inquisitionem contra sagas.* 61

15. *Qui maxime y sint, qui Magistratum contra sagas identidem instigant.* 65

16. *Qui possit in Processibus contra sagas cavere ne innocentibus periculum creetur.* 71

17. *An captis in causa Magia permittenda defensio sit & advocatus concedendus.* 84

18. *Quæ Corollaria ex proxime dictis colligantur.* 92

19. *An de captis nomine Maleficij, mox presumendum sit eas omnino reas esse.* 101

20. *Quid de tormentis sentiendum an periculum morale & frequens innocentibus inducant.* 111

21. *An accusata Veneficij sæpius torqueri possit.* 138

22. *Cur multi Iudices hoc tempore agre reas absolvant et si se per torturam purgarunt.* 146

23. *Quo prætextu obtineri posse videatur ut liceat tormenta repetere sine novis indiciis.* 149

I N D E X.

24. *Quomodo iudex scrupulosus qui sine novis
indiciis torquere non audeat, facile nova indi-
cia reperiatur.* 155
25. *An novum indicium sit Maleficium taci-
turnitatis.* 159
26. *Quae signa maleficij taciturnitatis afferri
soleant à malitiosis & imperitis.* 166
- X 27. *An tortura aptum medium sit ad revelationem
veritatis.* 172
- + 28. *Quae sint argumenta eorum qui continuo
vera putant esse quae rei in torturis confessi
sunt.* 176
- X 29. *An tortura cum adeo periculosa sit ex usu
tolli debeat.* 186
30. *Quae praecipuè documenta Confessariis Sa-
garum tradenda putemus.* 188
31. *An ante torturam mulieres per lectorem ton-
deri conveniat.* 214
- X 32. *Quibus ex causis ad torturam procedere li-
ceat.* 218
33. *Cujus sit arbitrari quae indicia in specie talia
sint ut pro fere plenis probationibus haberi
possint.* 221
- X 34. *An sola fama non aliis claris & firmis pro-
bationibus suffulta ad torturam indicium
des.* 226

I N D E X.

35. *An Magistratus teneantur hoc tempore se-
rio inquirere & punire detractores & Calu-
mniatores* 237
36. *An tunc saltem sola fama sufficiat ad tortu-
ram cum crimina difficilis probationis sunt.* 243
37. *An universim probationes quæ in vulgari-
bus criminibus non sufficerent, sufficiant in
Exceptis & occultis difficilis probationis.* 250
38. *An nullo sensu verum sit axioma passim u-
surpatum in criminibus occultis & difficilis
probationis facilius iri posse ad torturam quam
in aliis.* 259
39. *An quæ nihil in torturis confessa est damna-
ri possit.* 262
40. *An criminis ante confessi revocatio facta
in loco supplicij alicujus momenti habenda sit.* 271
41. *Quid præsumendum circa eas quæ in carce-
ribus mortuæ reperiuntur.* 284
42. *Quando tuta conscientia judicari possit res
pertum cadaver à se ipso vel Dæmone iugula-
tum esse.* 291
43. *Quid sentiendum de stigmatibus, an ea
probum signum sint ad sagas agnoscendas.* 293

I N D E X.

44. *An magni faciendæ sint denunciationes
complicum in crimine Magia.* 300
45. *An saltem denunciationibus credi debeat
ob denunciantium pœnitentiam.* 318
46. *An saltem denunciantibus credi debeat si
infallibiliter certum sit vere conversas esse &
verum dicere velle.* 326
47. *An Dæmon in conventibus Sagarum re-
præsentare possit innocentes.* 331
48. *Quæ sint argumenta eorum qui ajunt Dæ-
monem non posse in tripudiis repræsentare in-
nocentes.* 335
49. *Quæ sint argumenta eorum qui denuncia-
tionibus sagarum omnino fidem habendam
esse volunt, ac sufficere ajunt ad denunciatas
torquendas.* 351
50. *An Iudex alterutram sententiam securè am-
plexi possit seu illorum quæ contemnit, seu a-
liorum quæ magnificat denunciationes.* 375
51. *Quæ sit brevis summa & methodus Proces-
sum contra sagas hodie apud multos in usu,
digna quam Divus Cæsar intelligat, & Ger-
mania consideret.* 378

CAU.

CAUTIO CRIMINALIS

SEV

De Processibus contra Sagas

LIBER.

DUBIUM I.

An Sagæ striges seu malefici
revera existant?

RESPONDEO, *Et si scio
nonullos in dubio posuisse, et-
iam Catholicos & doctos quos
nominare non attinet: etsi et-
iam quidam non temere su-
spicari sibi videntur, fuisse
se aliquando in Ecclesia ea tempora in quibus de
corporalibus Sagarum conventibus creditum non
fuit: Etsi denique ipse ego dum cum variis ejus
criminis reis in carceribus egi frequentius ac at-
tentius, ne dicam, curiosius, ita non semel ani-
mum involvi, ut quid tandem hujus rei crede-
rem pene ignoraverim, nihilominus ubi sum-
mam tandem colligo perplexarum cogitationum,*

29. 2 Dubium I. An Sage seu malefici revera existant?
id omnino tenendum existimo, revera in mundo
maleficos aliquos esse, nec id sine temeritate, ac
præposteri judicij nota negari posse. Videantur
auctores, qui argumentum hoc profitentur, Re-
migijs, Delrius, Bodinus, & alij: nostri insti-
tuti non est hic morari. Tot autem esse & eas o-
mnes, quæ hæcenus in favillas evolarunt: neque
credo velego, vel multi quoq. mecum p̃ij viri,
neque adeo ut credam facile persuadebit, quisquis
mecum non impetu & clamore vel autoritate
pertendere, sed judicio & ratione rem examinare
volet. Id quod lectorem meum velle, per eam
charitatem, quam legifer noster Christus vehe-
menter voluit inter affectas suos accendi, maxi-
mopere precor. Si quis Zelum habet, & frendet in
magia crimen, comprimat se tantisper, & addat
Zelo scientiam ac considerationem, quam fortasse
non habet. Non omnis impetus à virtute est,
nam & quidam à natura solum. Virtus modera-
ta & modesta est, atque amat instrui, nec ideo
minor esse timet, cum fit instructior. Quod si
impetu ruimus, & quia scire omnia apprehendi-
mus detrectamus discere, quid est mirum si nos
veritas in multis fugit? Age lector, & seposito
præjudicio modeste sequere quo te manu mea pe-
detentim ducam: non pigebit multa lentè & moro-
sè considerare.

Du-

Pluresne Sagæ seu malefici in
Germaniâ sint ac alibi?

RESPONDEO. *Quæstio est de re quam
nescio: dicam tamē verbo otij eludendi causâ
quod occurrit. Itaque videntur saltem & putan-
tur plures in Germaniâ ac alibi reperiri.*

RATIO est. Nam imprimis constat in
Germania passim fumare omnia incen-
diis, quæ hanc luem depalcant, claro utiq;
argumento quâlatè omnia afflata esse fa-
teantur: Ita quidem ut non parum inde
nomini Germanico detractum sit apud
hostes nostros, ac, ut loquitur scriptura fæ-
tère fecerimus odorem nostrum coram
Pharaone & setvís ejus.

Deinde nutrimus hanc opinionem de
multitudine apud nos Sagarum ex duobus
capitibus, quæ notatu digna sunt.

PRIMUM est vulgi imperitia seu supersti-
tia. Quod sic ostendo. Docent omnes Phy-
sici, naturalissime causari etiam ea, quæ
subinde à communi ordine naturæ nonni-
hil exerrant, & extraordinaria vocari so-
lent, ut imbrem aliquem effusiores, læ-
viorem grandinem & pruina, illustrius
tonitru & similia.

Docent & medici etiam pecora non secus ac homines suis morbis subdi, existere in hominibus & pecoribus multas sæpe affectiones novas, quæ nec ipsis satis exploratæ sint, mira multa in naturâ latere, quæ subinde in lucem se exerant cum admirabilitate eorum, qui naturæ divitias ignorant: nec doctissimum quemquam omnium retro seculorum ejus vim omnem complecti indagando potuisse &c. Hæc illi: Prodat se tamen quicquam tale in Germaniâ maximè apud homines Paganos: invadat pecora pestis aliqua, turbetur cælum & indignetur vehementius, nesciat medicus morbi alicujus novi ingenium, aut morbus veterrimus non mox arti obtemperet, denique eveniat quippiam sinisterum qualecunq; , quod extra ordinem putetur esse, jam nos nescio quâ levitate aut superstitione aut ignorantia ducti, continuo ad maleficia traducimus mentem, & in Sagas conjicimus causam. Ibi omnem nos rei fontem manibus tenere exclamamus: Tum verò ut quamque vidimus inter hæc fortè transeuntem, astantem, venientem hæc vel ista sic casu facien-

cientem aut dicentem (necessario autem quædam semper antecessisse, aut concurrisse aut secuta esse oportuit) sinistra interpretatione in culpam vocamus, & quæ est malignitas naturæ nostræ, per omnem viciniam suspicionem movemus. Unde mirum non est si intra paucos annos accrescens fama nos admodum locupletet: præsertim cum nec moveant se hic concionatores & spirituales viri, sed ipsi potius in eadem culpa sint, nec inventus ullus Magistratus in Germaniâ sit, quod sciamus, qui in pestilentissimas has susurrationes zelum suum distrinxerit, de quo plura infra, dubio 35. Cautiores aliæ sunt nationes, à quibus hac parte superari pudor sit: nam siquidem apud eos puer aliquis aut pecus morbo tabescit, si verberatur arbor, aut seges calamitatem patitur, si pauperiem aura facit, si locusta aut mus agrum exedit, totam mali originem à Deo repetunt seu naturâ; nec nisi ea tantum, quæ manifesto reprehendunt, & docti judicant naturæ leges egredi, tum demum maleficiis asseribunt.

SECUNDUM est ejusdem vulgi invidia

& malevolentia, quod sic ostendo : Nulla non alia natio concedet, quosdam semper esse, quibus Deus benedictionem aliquam in bonis temporalibus largiorem imperiatur, ut quod celerius sua omnia distrahant præ cæteris, quod emanant fortunâ aliquâ fauentiore præ cæteris, atq; , ut verbodicam, augeantur & ditescant præ cæteris, contingat tamen hoc quoque in Germania inter vulgus : mox sunt aliqui ex vicinis, quibus tardior à tergo fortuna est, qui capita conferant, & conflato murmure de magia suspiciunculas fuscitent : quæ tum demum fortius se attollunt, si eorum quempiam, quos æmulantur, viderint in templis devotionē, aut lectum suum præcacium alibi quam in templo gestantem, aut ingenua forte ad orandum in agro aut cubiculo prostratum, & similia, ut exempla mihi multa non desunt, quorum mentione Germanorum pudet. Res indigna sane & apud alias nationes plane inaudita, quæ, quod hos duos fontes obstrictos habet, hinc pauciores apud eos quam apud nos malefici sunt. Nullas interim apud nos Sagas esse non dixero. Concedam

dam esse, sed id addo fore ut prudens Lector facile ex iis quæ deinceps dicenda erunt, intelligat, si ita agitur, ut nunc passim agi dicam, quam omnino necesse sit, in tanta hætenus exultarum multitudine, quam plurimas iunoxias interesse : atque adeo nihil in Germaniâ incertius, quam reas numerari posse.

DUBIUM III.

Quale crimen sit Sagarum seu maleficorum ?

RESPONDEO. Enormissimum, gravissimum, atrocissimum, quia in eo concurrunt circumstantia criminum enormissimorum, apostasia, hæresis, sacrilegiû, blasphemia, homicidiû, imo & parricidiû, saepe & concubitus contra naturam cum creatura spiritali, & odiû in Deum, quibus nihil potest esse atrocius, Verba sunt Delicti l. 5. Sect. 1. de quo argumento tamen alio libello latius disquiram.

8

DUBIUM IV.

An crimen hoc sit ex genere exceptorum ?

RESPONDEO. quod sic. Nota enim, solere juris consultos duplicis generis crimina sta-

8 DUB IV. An crimen hoc sit ex gen. except.

tuere, alia communia & vulgaria, ut furtum homicidium & similia, alia atrociora & graviora, quæ directè magis vergunt in damnum rei communis, ac mirifico quodam modo Remp. affligunt, qualia sunt crimen læsæ majestatis l. fin. C. de accusationibus. & l. quoniam liberi C. de testibus & c. crimen hæreseos, cap. in fidei favorem. l. 6. de hæreticis. crimen Sagarum l. fin. C. de maleficis & mathematicis. crimen prodicionis l. penult. & fin. C. ad legem Juliam Majestatis. crimen conjurationis c. fin. de testib. cog. crimen falsa monetæ l. fin. C. de fals. monet. crimen latrociniij. l. D. Adrianus ff. de custodia & exhibit. reor. & l. penult. C. de feriis, quæ crimina vocari solent Excepta. Nomen hoc inde est, quod excipiantur à communi seu ordinario legis dispositione, sicut opus non sit contra ea se adstringere ad eum procedendi modum, quem altoqui in aliis præscribunt jura.

RATIO hujus est, quia cum perniciosissima Reip. sint, atque eam extraordinariè lædant, æquum videtur si extraordinariis quoque mediis cohibeantur.

Du.

An igitur contra excepta formare liceat Processum pro arbitrio.

RESPONDEO. Non licet.

RATIO est. Etsi enim ut jam dixi Excepta sunt ab eo, quod humanæ leges Positivæ, non tamen quod humana ratio seu lex naturalis præscribit. Itaque qualiscunque tandem contra ea Processus fiat, siue intra seu extra communem ordinem juris, hujusmodi tamen fieri necesse est, in quo nihil sit omnino, quod cum recta ratione contendat. Clarum id est per se, nec indiget probatione: Nemo enim dicet, licere aliquid, quod sit contra rationem. Moneo autem ea causâ, quia animadverto, Judices quosdam, dum contra Sagas inquirunt, liberiores esse quam oportet, excusantes omnia per hoc, quod sit crimen Exceptum. Itaque si futilia habuere indicia, si modum excessere in torquendo, si nimis creduli fuere, si negavere defensionem & similia, quæ à ratione deferuntur, identidem hoc velut scutum obijciunt, Exceptum fuisse crimen, in Exce-

ptis aplissimam esse libertatem, prout deinceps hinc inde sæpius interspergam. Sed nisi planè iniqui esse velimus, illud sibi omnes Judices velut generale quoddam principium atque inconcussum axioma præfixum habere debent, in omni crimine seu excepto seu non excepto aliter Processum formare non licere, quam recta ratio permittat. Deinde verò falsissimum quoque est licere in exceptis ab omnibus simpliciter recedere, quæ à legibus positivis præscripta sunt. In quibusdam tantum licet non omnibus; neque enim aliud ex ullo jure colligi poterit: ut proinde satis hinc arguatur multorum imperitia, ac bene doceat *Farinacius q. 37. nu. 90.* hanc doctrinam, quod in exceptis liceat ordinem juris negligere, vel strictè loquendo esse falsam, vel intelligi solum oportere de punitione tantum, quando jam non amplius quæritur, sed cum constat de delicto, quasi hæc severior esse possit, quam communiter alioqui leges præscribant, & hanc esse sententiam plurimorum Doctorum quos citat, & nos brevitatis causâ omittimus. lege de hoc etiam *Mascardum vol. 3. concl. 1311.* Sed quicquid

quid sit, neque enim hic hærete lubet, id extra controversiam est, non licere in exceptis quicquam, quod rectæ rationi adversum sit.

DUBIUM VI.

An bene faciant Principes Germaniæ, cum in crimen Sagarum acriter procedunt?

RESPONDEO. *Longissime absit à me, ut arguam Magistratus, cum vehementer in hoc crimen se concitant: voluit eos imperare nobis Deus & nos parere. Rationes suas habent, quas consiliarij iis dictant, & sunt istæ.*

RATIO I. Purgant (ut ajunt) Remp. ab insigni peste, quæ ut cancer serpit & contagione nocet.

RATIO II. Anteverunt damna & clades, à quibus machinandis mancipia illa Sathanæ nunquam celsant.

RATIO III. Satisfaciunt officio suo, & vocationi: Sic enim Apost. ad Romanos 13. loquitur de Magistratu. *Non sine causâ gladium portat, Dei enim Minister est, vindex in iram illi qui male agit. Ita quidem ut si contra bonum commune omittant punire*
reos

12 Dub VI. *An Princip. Germ. benefaciant &c.*
reos sine legitimâ causâ gravissime pec-
cent, & criminis fiant participes *ex c. 1. de*
offic. & potest. iudicis de leg. & ex Innocentio,
Baldo, Decio, Barbatio, Panormitano & re-
liquis Doctoribus; tenenturq; ad restitu-
tionem omnium damnorum, quæ inde vel
in Remp. vel in privatos redundant, ut de-
finitur ex dicto c. de Offic. de leg. estq;
communis sententia Theologorum D. Tho-
ma 2. 2. q. 26. Sylvestri, Cajetani in summa V. re-
stitutio, Dominici Soti l. 4. de justitia & jure. q. 7.
a. 3. Medina in Cod. de rebus restituendis, & alio-
rum quos longum sit recensere.

RATIO IV. Ostendunt zelum suum,
quem habent tuendi honoris divini, dum
in capitales ejus hostes laqueo & flammâ
grassantur. Bene igitur faciunt, nec culpa-
ri possunt, monente insuper scripturâ; *Ne*
maleficos vivere patiantur. Exod. 22.

DUBIUM VII.

An acri hoc medio sat extirpa-
ri id malum possit? & an alia qua
ratione possit?

RESPONDEO. *Quantumvis urant Prin-*
cipes, non exurent unquam, nisi omnia exu-
rant;

rant: vastant terras suas, plusquam ullum bellum, nec hilum proficiunt: res est vel sanguine deflenda. Sunt igitur, qui media mitiora suggerant, in quibus discretionem & prudentiam pollicere mihi semper visus est insignis Societatis Iesu Theologus Tannerus tomo 3. Theologiae, disput. 4. de Iustitia quaest. 5. dub. 5. num. 123. & sequentibus, cuius si media quae praescribit audire Principes vellent, non est dubium, quin fructum Respublicae experiretur. De me quidem ut candide dicam, multa in hanc rem animo versavi, & excogitare sum conatus, multos etiam ad Deum gemitus ac preces à multis aliis fusos scio, si quem radium suae lucis dimitteret, & quàm maxime ratione tanta caligo planè posset dicuti edoceret. Verum eam video esse temporum conditionem, ut si vel reperisse quid tale contigisset, non viderentur Magistratus Germaniae quicquam pensi habituri: unde neque me hactenus in eam possum impellere sententiam, ut exponere in publicum velim, quod nesciam quàm fectorum pace & affectu sim factururus. Quod si vero est quispiam summorum Magistratuum ejus animi ac curiositatis, qui audeat a veatque cognoscere, ac primum capere novae cujusdam industriae experimentum, quae intra annum duntaxat unicum omnem suam provinciam

ciam ab universa hac peste sic expurget, ut nulum rariius quam veneficij crimen futurum sit, si est inquam, quisquam Magistratum, qui nosse & experiri serio velit, & conscientia quoque sua ac Reip. ut experiatur putet interesse, habeo amicum virum religiosum, qui industriam singularem, quam reperit docere velit, atque oppignorare vitam audeat, si fallat. Vidi eam & examinavi, nec quantum omni mea cogitatione consequi possum, errorem deprehendo, quin id certissimo possit consequi quod intendit: miratusq; sum non parum nondum hactenus pluribus in mentem venisse. De cetero & dictum satum satis est, & involvendum tamen silentio atque occultandum, quod non nisi ad solas avidorum aures inventor vult afferri. Docuit legiser noster duodecim esse diei horas, & terram aliam bonam, aliam inutilem: & in hanc quidem si quid sparseris tantundem esse, ac si in fluctus magni maris abjeceris. Vbi tempus erit igitur & apta terra, sementi non parcetur: sed & forsitan hoc ipso commentario adhuc dicam, quod prudentes intelligant. Res est facilis & expedita, minima & magna, nota omnibus, omnibus ignota.

Quam caute Principes & eorum officiales in hoc crimine procedere debeant.

RESP. *Vti non male faciunt Principes cum in crimen hoc acriter procedunt, ita male, ac pessimè, nisi maxima cum cautela, prudentia, circumspeditione. Adeo ut non modo non liceat liberius, ac negligentius in hoc crimine versari: deo quia exceptum est verum etiam multo quam in ullo alio capitalium genere majore cum attentione & cura ad vigilandum sit, ne quo modo processus illegitimus, & indiscretus formetur.*

Itaq; esto concedam in hoc crimine excepto Sagarum licere in quibusdam aliter procedere quam communi modo in non exceptis; sed id nego tamen, licere agere minus caute, & circumspecte quam communi modo in non exceptis: requirere enim hic eximiam quandam in procedendo diligentiam, attentionem, curam circumspeditionem, praequam in aliis ullis desideretur. Rationes istae sunt.

RATIO I. Crimen hoc occultissimum est ut omnes fatentur noctu, plerumque geritur & inter tenebras simul ac larvas, magna igitur opus prudentia & medi-

16 Dub. VIII. *Quam caute Principes & eorum*
meditatione ut rite in lucem producas.

R A T. II. Videmus inchoatum semel
processum contra sagas in annos aliquot
produci, atque adeo augeri numerum pu-
niendorum, ut integri pagi funditus ab-
sumantur, neq; tum aliud profectum esse,
quam quod libri æquè pleni sint nominib.
aliorum; adeo ut si porro pertinaciter in-
sistatur nullus videatur futurus finis ustio-
num, quoad tota regio exhausta sit: neq;
ullus unquam inventus princeps est, qui
abrumpere non debuerit: ita quilibet ad
hunc usq; diem finem semper fecit, non
invenit: Quæ res cum gravis sit, & nimis
vasta, potestne ulla tanta esse diligentia,
quam non adhiberi par sit, nec ubi error
aliquis intercedat, quo simul innocentes
implicentur? Præsertim cum vel unica si
implicita fuerit, continuo innumeras a-
lias implicari necesse sit, ut inferius adhuc
ostendam.

R A T. III. Si contingat per impru-
dentem processum innocentes quoque
eâdem procella feriri ingentia quædam
mala in Rempublicam redundabunt. Sup-
plicia nimirum tot capitum iniqua; & in-
famia,

famia, ac probrum non solum nobilissimarum familiarum, sed & religionis catholicæ, quæ, ut recte notavit Tannerus non parum apud hostes nostros traducitur, si ij quoque tanquam communi hoc torrente rapiantur, qui cæteris videbantur religiosiores. Audire nuper debui à viris magnis nonnulli eo esse malevolentia descendum, ut jam, si quis ibi more pietissimorum Catholicorum solum suum precarium studiosius volvere, ac deferre secum audeat, si aspergere aqua benedicta se frequentius, si orare in templo studiosius, ac tantillum genuinæ devotionis præ se ferre, is continuo incurrat in suspicionem magiæ; tanquam ita scilicet præ cæteris religiosiores velint esse, qui eo crimine tenentur, aut ut alij dicunt tanquam alioqui quiescere eos Dæmon non sinat; Unde factum est, ut in quodam nobis vicino tractu sub optimo, & laudatissimo Principe quisque sibi quam diligentissime caveat ab omni specie pietatis; ac Sacerdotes quidam antea indies celebrare soliti; nunc vel penitus id intermittant, vel si faciant non nisi privatim id audeant occluso

18 Dub. VIII. *Quam caute Principes & eorum*
templo, ne incipiat vulgus de magia fa-
mam commovere. Ita dum sub specie ju-
stitiæ incaute procedimus, ad impietatem
& atheismum viam facimus, quam ut po-
tius occludamus non immerito singula-
rem quandam vigilantiam Magistratibus
præscribimus.

R A T. IV. Mulierum fere genus est con-
tra quas processus fiunt, quæ illæ autem
deliræ sæpe, insanæ, leves, garrulæ, incon-
stantes, subdolæ, mendaces, perjuræ, &
quidem si verè reæ sunt, ad omne scelus à
Magistro suo eruditæ, quibus examinan-
dis, audiendis, judicandis, singularis utiq;
attentio interveniat necesse est, nisi mille
turbas, & errores dare libeat. Dicebat mi-
hi nuper Juris Consultus clarissimus tot si-
bi ex hoc uno capite quotidie difficultates
objici, ut si semel efferre pedem ex histicis
liceret, nunquam esset repositurus, nec ulli
Principum suaturus, ut negotium tam un-
diq; intricatum facile ordiretur.

R A T. V. Audio quibusdam in locis pro
Salario eorum Jurisconsultorum, seu in-
quisitorum, quos principes huic negotio
Sagarum præficere solent constitutam ef-

te cer:

se certam pecuniam pro numero reorum, ut verbi causa in singula capita daleros quatuor aut quinque. Quis hic non videt vel hac tola de causa quanta opus vigilantia sit, ne spes lucri processum vitiet, dum tanto facilius quisque noxius putabitur, quanto loculis Consultius est maiorem esse quam minorem reorum numerum. Res sanè ardua, & periculosa: neque enim sancti omnes sumus, aut tam inconcussa mentis, quam non ardor aliquis habendi labet acter, & in transversum si non rapiat saltem laceflat.

RAT. VI. Nihil vero æq; intendere diligentiam principum in rite curandis his processibus debet, quam quod si in iis errari cæperit, difficilima emendatio futura sit: itaq; in erroribus cæteris fere semper corrigendi aliqua ratio in mundo suppetit; at hic non item. Id ita probo: Nam in cæteris quidem semper fere inveniuntur, qui errantes admonere circumspectè, & utiliter possint, ac velint sine macula suæ famæ; at in una hac nostra causa deinceps, ut video, intercepta erit omnis hæc monendi via. Nam quisquis ille futurus est qui im-

posterum monebit quantumvis caute, & discrete seu voce sive stylo, continuo sibi maculā adhærescere sentiet, quasi jam vel sibi ipsi, vel uxori, liberis, aliisve suis metuere incipiat, aut vindicare velit cineres cujuspiam è suis: audiet & has voces nimis invidiosas: hoc esse atrocissima scelera libertate donare, hoc esse arguere tot, ac tantos principes, hoc esse damnare injustitiæ, & infamare tot publica judicia: sed & incurret indignationem nonnullorum magnatum ad quorum aures detorta omnia ab adulatoribus deferentur. Quis autem tam exaggeratæ virtutis sit, aut quis tam projectæ famæ, & honoris sui, ac suorum ut sub hac macula, & periculo offendendi, nihilominus inclinare se volet, ut veritati luveniat? Ablata igitur monitio, & correctio erit cum inique procedi ceperit: ne igitur inique procedatur tanto amplius est providendum.

R A T. VII. Emergunt indies in hac materia novæ difficultates; tum & virorum non solum doctorum, sed & piorum & religiosorum distrahuntur sententiæ. Putabatur satis fecisse Delrius, & Binsfeldius, sed

nunc

nunc sunt qui particularia quædam penitus examinent, putant nimium tributum esse narratiunculis, & fallacissimis confessionibus in tortura effectis : desiderant resolutiones minus severas : negant tantam iudicibus libertatem arbitrandi : dubitant de tripudiis illis, seu conventibus sagarum aut saltem cum Tannero rariores esse existimant cum plerasq; phantasmatis illudicribilius sit : detrahunt momentum denuntiationibus similibusve judiciis quibus illi nimium tribuerunt non sat solidis rationibus adjuti : deniq; novi indices l' belli volitant qui rem perplexam reddât. Quis hic neget igitur majore prorsus quam in aliis causis liquidioribus circumspectione, & sollicitudine esse opus?

DICES. Imo opus non erit ita anxium vel levis sollicitumq; esse, qui modo probatum aliquem auctorem sequi statuerit. Docent enim Theologi cum utrimq; probabiles sententia sunt, utramlibet teneri posse salva conscientia, relicta etiam tutiore : probabilem autem, & tutam vocant quæ vel gravi autoritate, vel non modici momenti ratione nititur : autoritas autem gravis hoc loco censeri debet : quæ est saltem unius

22 Dub. VIII. *Quam caute Principes & eorum viri docti & probi, ut docent Casista, & vide apud Laymannum lib. 1. tractatu. 1. cap. 5. §. 2. numer. 6. &c.*

Re. 10. Autoritas sola non multum probabilem, & tutam sententiam aliquā reddit, nisi autores illi post perspecta rationū pondera quæ in oppositum afferri possunt eam amplexi sunt: quod etsi eos fecisse plerumque præsumi potest præsertim ab indoctoribus, uti additum est à Laymanno loco citato: tamen si deinde alij se illi sententiæ rursus opponant, & rationes novas afferre spondeant quas isti nondum dissolverunt, aio teneri saltem doctiores has examinare & diligenter perpendere, si forte certi aliquid evincant, vel saltem probabilitatem sententiæ oppositæ rursus evacuent; & ita non posse iudices sic leviter procedere, nisi etiam eos qui recentius scripserunt, audiant, & ulterius in has causas examinandas incumbant.

Re. 20. Etsi etiam communiter verum sit cum utrimque probabiles sunt sententiæ licere in conscientia sequi utramlibet, etiam minus tutam: Expressè tamen (quod miror eos, qui scire aliquid volunt

non

non attendere) excipiunt Theologi, & dicunt, tunc saltem omninò sequi oportere sententiam magis tutam, atq; hanc preinde diligenter vestigandam esse, cum periculum est ne proximo fiat damnum, aut injuria: Vnde in nostra materia, cum de hoc periculo agatur, ac proinde sententia tutior omninò in conscientia sequenda sit, applicare sane curam, & sollicitudinem oportebit, ut non quilibet temerè arripiant, sed cautissime has causas perpendant. Ex quibus omnibus id tandem relinquitur, quod probare intendebam, ad processus contra Sagas tam periculosos singularem quandam, & extraordinariam curam adferri oportere, ne temeritate nostra in laqueos nos inducamus. Quod quidem ex eo vel maxime confirmo, quod Inquisitores nonnulli in ea sunt peruatione, quasi vix errare queant; quodq; existimant captivas suas omnibus Sacerdotibus facile imponere & satanica hypocrisi ludere posse; ipsis vero, & cæteris Judicibus laicis non posse. Cui securitati tam periculosa quantasatis magna cautela obviari poterit? nemo enim satis unquam cavet, qui non cavet. &c.

An Principes sat liberent conscientiam si parum ipsi solliciti, curam omnem in Officiales suos rejiciant?

MOveo hanc quæstionem, quia audio monitum nuper Principem quendam, quanta opus esset cura in negotio Sagarum, quod strenuè urgebat, leviter respōdisse: se sollicitum non esse, viderent Officiales sui, quos in eam rem constituisset.

RESPONDEO. Non excusatur Princeps, qui omni cura à se rejecta Officiales pro libitu agere sinit, tenetur ipse suam quoq, diligentiam & inspectionem adiungere, ac multum orare Deum, ut spiritu Principali se confirmet. Rationes ista sunt:

RATIO. I. Non semper est Princeps certus de peritia & probitate suorum hominum: multi sæpè imperiti, impetuosii & maligni sunt: qui ubi Principem intelligunt zelosum esse adversus hoc crimen, nescio quo studio placendi parum subinde pen.

penſi habent, quàm humaniter & Chriſtianè cum reis agant. Officiũ igitur erit Principis, ut & ipſe partem aliquam curarum in ſe ſulciat, nec per omnia alieniſ humeris confidat.

RATIO II. In rebus Oeconomicis, aucupiis, venationibus &c. non omni curata ſe exuunt Principes, quin & ipſi ſua quoq; ſollicitudine intereſſe velint: nec id quicquam officere majeſtati ſuæ exiſtimant, ſi à graviffimis aliis imperandi curis ad hæc humiliora cogitationẽ demittant: ex quo ſequitur, non, ſat ſe apud Deum in Iudicio purgatuſ eſſe, ſi qui in rebus minoribus gnavi ac ſolliciti fuẽre, in aliis maioris momenti, ubi de humano ſanguine agitur negligentes & incurioſi fuerint.

RATIO. III. Solet plerumq; Deus à quo omnis legitima poteſtas eſt, Principes ipſos ſingulari quadam præ cæteris prudentia ac gratia exornare, ut neſcio quo pacto ubi ipſi quoq; in perſona propria curam aliquam ſuam ad negotium quodvis apponunt, omnia felicius ſinceriusq; eveniant: hanc igitur prudentiam ſuam ſingularem, ſi tam arduis negotiis ſine ma-

26 Dub. IX *ipsi sollic. cur. omn. in Offic. suos reijciant.*
gna causa subtrahunt, videndum tanè ne
& indignos sese ulterioribus Dei donis
constituant, & quod gerunt administran-
dæ justitiæ munus parum debitè exornent.

RATIO IV. Sed & tolent Principes
benignioris cujusdam esse naturæ, & ad om-
nem Clementiæ ac Christianæ huma-
nitatis affectum admodum propensæ,
qui proinde si interdum ipsi de captivo-
rum miseriis propius cognoscerent; si ge-
mitus & suspiria audirent miserorum; nec
tam alienis oculis auribusvè quam suis de
officialium suorum processibus certiores
reddi vellent; non est dubium, quin mul-
ta quandoque aliter gererentur, nec tam
facilè tot sententiæ capitales tam vili
pretio venirent. Immanes & truculenti
esse alij quivis ex officialibus possunt, Prin-
cipes non possunt: horum proprium est
humanitate & clementia diffuere semper,
sævire nunquam: qui proinde si eam, quæ
nunc passim viget immanitas torturarum
suis met oculis usurpassent unquam, aut
fidei narratione exhibitam animo exce-
pissent, pauciores tanè Sagas Germania
numeraret, quatu nunc acerbitas quæstio-
num non est unquam numerum factura.
Quod

Quod etsi peccatis quidem nostris præcipue debemus, ipsi tamen simul Principes peccant, cum ea, qua singulari sunt humanitate ad nos contovendos & miserias nostras paulò propius ac certius cognoscendas à natura instructi, penitus nos privant. Dicere solco, inter omnes captivorum pœnas & miserias, hanc unam esse summam, quod omni Principum aspectu æternū carituri sūt: quippe qui in eū sunt angulū cōjecti, quo nullum illi unquam radium infūdēt, nisi per oculos alienos. i. e. per infecta vitra, quæ talem efficiunt lucem & objectū qualem ipsa colorē habent. Unicus inventus est Princeps terræ. & Rex Regū, qui non despexit vinctos in mēdicatē & ferro, sed illuxit his, qui in tenebris, & in umbrā mortis sedebamus: undē effusus in misericordiam visceribus compassus est infirmitatibus nostris, ut scilicet Advocatum haberemus apud Patrem tentatum per omnia.

RAT. V. Cum intelligūt Officiales Principē suum oculos à se avertisse, nec curare quid fiat, necessariū est ut licentiores & minus attēti evadant. Est hæc hominum natura, ut agatur negligentius, quod à Superiorum aspectu remotum est. Hoc ignorare Princeps non potest: peccat igitur

28 Dub. IX. *ipfi sollicit. eur. omn. in Offic. suos reijciant.*
si omnem sollicitudinem & inspectionem
à se excludit. Si Officialium acta & pro-
cessus in retanta non subindè examinat ip-
se; si non monet; si non urget; ac serio
provideri mandat, ne quo modo cuiquam
fiat injuria. Tenetur omninò acuerere suo-
rum diligentiam, atq; omnem remove-
re occasionem, quâ in innocentes pernicies
aliqua redundare possit. Inquirat igitur
particulatim an carceres & quoties visiten-
tur: an ij squalidiores sint, quam custodias
esse oporteat: an jaceant nonnulli rei an-
nos integros in frigore & æstu nec audian-
tur, seu ut finem vinculis impetrent seu vi-
tæ: quæ ratio & modus sit tormentorū: quæ
ratio quærendi: quæ moderatio & peri-
tia Sacerdotum qui adhibentur: an defen-
sio cuiusvis integra sit: an querelæ aliquæ
vulgi sint de Commissariis id est Inquisito-
ribus: an avari hi sint, an inhumani, an in-
ter omnes vel unicus sit, qui antequam
convictus reus sit, ab ejus potius sit parte
quàm ab adversa, an qui ullo unquam si-
gno ostenderit, malle se innocentem repe-
rir i reum quam nocentem, itemq; qui cum
reus innocens inventus fuerit, non indi-
gnatus

gnatus sit, sed gavius: quærat etiam an reorum aliquis in carcere mortuus sit, & quid ei factum: ac si sub patibulo detossus sit, quo argumento ostensum malâ morte reliquisse vitam: & similia. Inquirat etiam judicia variorum, quid sentiant in utramq; partem de variis quæstionibus, quæ circa processus Sagarum moveri solent: non uni parti sic adhærescat, quin alterius quoq; argumenta ponderet: facultas sit cuiq;, quid putet, voce libera edicere: inspiciat subinde Protocolla ut vocant, aut legi sibi mandet: moveat dubia aut moveri curet: non credat continuò omnia quæ afferuntur, curet examinari per eos qui in contrariâ sunt sententiâ potius, quam qui in eadem, ut sic veritas se clarius ostendat: nihil tam primâ fronte videatur absurdum, quod non sub examen ducat; quid tam hodiè paradoxum, quam putare exiguum esse numerum Sagarum? & id tamen si cui Principi ea esset Patientia audiendi & discendi cupiditas, ad oculum fortassè demonstrari posset: non omne aurum est quod putatur, nec omne falsum quod præter opinionem; multa latent arcana, quæ
supra

30 Dub. IX. *soll. cur. omn. in offi. suos rej.*

supra vulgi aures erigenda, & non nisi sum-
mis capitibus insusurranda sunt; nihil tam
veritati inimicum est quam opinio præ-
concepta. Sed hæc finamus; neq; enim in
propatulo habenda sunt quæ vulgus non
capit.

RATIO. VI. Illi ipsi qui zelosi admo-
dum, in causis Sagarum esse audiunt, & hoc
nomine imperitis pro oraculo sunt, idi-
plum videntur; tanquam certum sup-
ponere, bonos Principes neq; nunquam,
neq; parum in his causis sese met occupa-
re. Sic enim nuper ex eorum numero in-
geniosior quidam, si Diis placet, solidè pu-
tabat arguere contra Tannerum, alium vè
non neminem religiosum, cum hic dice-
ret: tam multi, inquit, Germaniæ Princi-
pes probi & excellentes in Sagas strenuè
arma & ignes movent: & quis igitur contra
eos cum Tannero aliquo similive Theolo-
go existimare possit, permissurum esse un-
quam Deum, ut ad innocentes quoq; sup-
plicium excutrat? Quod utiq; argumen-
tum non stringeret, si liceret excipere,
Principes ipsos non admodum sibi cordi
suo sumere has causas, nec singularem po-
nere

nere operam, ut officialium suorum excessus de propinquo cognoscant. Dicerem enim Tannerum & qui eum sequuntur bonæ & Christianæ conscientie viros fuisse multa oculis atq; aurib. in carceribus, judiciis, Protocolis noscitate atq; accuratâ meditatione excussisse, q̄ nec Principū dictorum oculos, neq; aures nisi à lōgè transvolasset, tam variè insuper mutata, quā ij varij sunt, q̄ hæc Principibus velut p̄ nebulam & pro ut iis lubitū est ostendunt. Undè ut stringat argumentum supponunt sanè non minorem esse Principum, quam eorum Sacerdotum in sagarum causis experienciā, qui eam utiq; non omnem alienis sensibus acceperunt. Alioqui n. quam multa sæpe alia Principes p̄ se boni jubent, q̄ tamen quod p̄ alios omnia geri sinūt pessimè administrari Deus permittit? & cur nō igitur in his quoque causis permittat? frivola igitur hæc argumentatio erat, aut præsupponit q̄ volebā.

RATIO. VII. Ipsimet officiales præsupponunt Principes suos, sesemet ac propriam conscientiam, quam maximè in his causis onerare. Id inde patet, quod cū iis à viris spiritualib. subinde inculcatur, ut cautè agāt, rejicere omnia solent in Principes suos

32 Dub. IX. *soliciti, cur omn. in Offic. suos reijciant.*
suos, quod ab illis vrgeantur. Undè nuper
quidam : scio, inquit, intercurre in pro-
cessibus nostris etiam innocentes, sed non
facio mihi scrupulum, habemus conscien-
tiosissimum Principem, qui continuò nos
urget; Is sciet utiq; & ad conscientiam ex-
penderit, quid mandet: ipse viderit, meum
est parere : Similia & alius mihi pridem
monenti regerebat, uterq; ab illo met Prin-
cipe constituti, quem initio hujus dubij in-
nuebam à se omnia in suos amovisse.

Rem sanè per jucundam ! Princeps se
cura & attentione diligentissima liberat, ac
reijcit in conscientiam Officialium : Offi-
ciales quoq; se liberant & rejiciunt in con-
scientiam Principis, A in B. & B in A. Prin-
ceps ait: viderint officiales: Officiales ajunt
viderit Princeps : quis hic circulus est? u-
tri autem Deo respondebunt? Nam cum
& hi & ille viderit, nemo viderit. Sanè di-
cere vix possim, quis meo cordi sit dolor,
cum hæc indicare non licet, ac consulere
optimo illi ac pientissimo Principi, pro
quo non dubitem vitam effundere.

RATIO VIII. Ita rerum Status est
hoc tempore, ut nisi interdum per se ipsos
aut

aut constitutos à se immediatè occultos Syndicos , non possint Principes veritatem circa Officialium suorum Processus & incuriam cognoscere: vel enim ab Officialibus ipsis ac quorum illi seu Laicorum seu Sacerdotum utuntur opera, vel ab aliis.

Non ab Officialibus ipsis ac qui illis ab auxiliis sunt, nam hi utiq; suammet rem aucturi sunt, nec commissuri, ut se ipsos prodant, ac tam suaviter obvianti sibi lucro facile obfistant; præsertim cum non Laicis solum, sed & Confessariis quoq; jam nonnullibi in singula reorum capita statutum pretium sit, communesq; fiant cum Inquisitoribus epulæ, & computationes è sanguine pauperum, quem penitissimè extingunt, pulcherrimo collusionis invitamento.

Non ab aliis autem, cum vel nolint se in hujusmodi negotiis miscere, vel si charitate commoti velint, audiendi tamen non sint, aut si etiam verbulo audiantur, jam hoc ipso se quoq; reddant suspectos, qui Justitiæ fluxum intercipere, ac sceleribus patrocinari velint, haud modico argumento ejusdem delicti ut supra innui. Quod ne

Lector putet augere me & invidiosè repe-
 tere, audiat magni cujusdam Principis In-
 quisitorem, imò duos, qui nuper cum eru-
 ditum & prudentem Commentarium lau-
 datissimi Societatis Jesu Theologi Tanneri
 perlegissent, ausi dicere sunt, se eum homi-
 nem si nacti essent nō dubitatu-
 ros in equuleum conjicere. videlicet quod ille prudē-
 tissimè & solidissimè admonet negotia Sa-
 garum cautè esse tractāda, ac Judices si eo-
 rum arbitriis nimium tribuatur facilè exer-
 raturos, ac similia; ineptissimis hominibus
 sufficiens indicium dedit, ut in torturam
 capi possit tantus Theologus. Non existi-
 mo ego Serenissimum sanguinē Principū
 Germanorum non ebulliturum esse, si hu-
 jusmodi suorum officialium voces vel di-
 midia aure cōbibissent. Judicet nunc Prin-
 ceptis, si quis legit, aut Consiliarij Principū,
 quā illi cum moderatione & peritia erga
 viles animas, pauperulas, & mulierculas
 justitiam armaverint; qui sic ausi in tantum
 virum, ne simul dicam ordinē impingere?
 Et hujusmodi tamē Inquisitores seu Com-
 missarios sæculares & Laicos Germania pa-
 titur, ac eorum conscientia rem omnem
 Principes committunt; hi doctissimi sunt
 jurium

jurium consulti, hi quam multa & magna in expeditione suâ gesserint, quam latè se Magiæ lues effuderit, quam innumerabilis, si Diis placet, numerus sit Sagarum ad Principes suos ambitiosè referunt, & magnis ventis inflant. Nec Tannerum solum jam malè apud tales audire scimus, sed & alios quoq; plures novi religiosos & pios Viros, qui quod subindè similes Inquisitores modestè nō minus quam solide admonuissēt, ne quid in suo munere per negligentiam imperitiamq; præcipitarent, ostenderētq; nonnullos eorum errores, qui hinc inde intercurrissent, non modo nil profecerunt, sed in eandem Magiæ calumniam malevolorum linguis protracti sunt: Ut profectò pessimè sibi consulturus sit, qui in hanc materiam stilum sive linguam vel cantillum immittat. Doleo vicem Principum, qui sic quietam possident conscientiam, cum vel maximè periclitatur, ablata etiam vel ipsimet eorum Confessariis monendi seu libertate seu cura. Ter nuper calamum arrîpi ter rursum me retraxi, ne quenquam per epistolam erudirem, nam ad me quid spectat?

Vah tamen quod tot alij silent ad quos spectat, & qui soli fructuosè audirentur si loqui possent. In hoc certè monitorie scripto nil ago aliud, si summam colligas, quam quod moneam de cautela; quod reprehendam errores quorundam; quod ostendam probationes quasdam seu indicia parvi esse momenti, quæ quidam passim usurpant: finis meus est, ut innocentibus multis subveniatur. Modus est ut acrior non sim, quam res postulet, ac religiosum virum deceat: non perstringo nisi malos & in genere, bonos non attingo, nec de iis loquor: nihil igitur hic mali est, quod bonis viris & æquitatis amantibus displicere possit; quin potius qui æquitatem amant, ac ratione & prudentiâ se flectunt, gaudebunt indies aperiri ulteriorem viam quâ grassari liceat ad veritatis arcem: Nihilominus non dubito, quin si in vulgi manus incideret, futuri essent plerique rerum capitalium Præfecti, qui indignarentur & exploderent. Quo ipso tamen sat clarè nominarent sese qui essent, & quam æquitatis amantes: Sed quicquid sit, id deniq; relinquitur non fore qui monere Principes audeant, nisi ipsi sibi

res

res has cordi sumant, atq; igitur ut sumant conscientia eorum interesse.

R A T I O IX. Nisi Principes in his causis ipsi quoq; oculum subindè inferant propius, & notitiam aliquam experimentalem sumant; graviter peccabunt, si cum deindè officiales ad eos in nonnullis difficultatibus recurrent, ipsi audeant quid faciendum sit resolvere. Id autem quod peccabunt probo; quia necessariò resolvent malè: & id probo, quia non intelligent Propositiones seu informationes: & id probo quia novi juveni sunt à Judicibus loquendi modi, quos, quibus hætenus linguarum thesauris seu Calepinis utimur, non habent, sed ab unica ea, quam dicebam notitia experimentalis debent disci. Quod ut fingere non puter, tentent se Principes, sitne ex omnibus vel unus post tot excitata busta, qui in hodiernum diem noverit quid significant hæ phrasæ Inquisitorum, cum sic ajunt verbi causa.

1. *Audita est Gaia defensio, non satisfecit.*
2. *Habemus gravia contra eam judicia.*
3. *Procedimus secundum allegata & probata.*
4. *Titia se ream fassa est sine tortura.*

- 38 Dub. IX. sollicit. cur. omn. in Off. suos reſciant.
5. Liberrimè ratificavit Confessionem in tortura factam ad hunc iuris.
 6. Multa Penitentes super Gaja mortui sunt.
 7. Fassa est Titia omnia puncta & circumstantias, easdem quas denunciantes complices de ea deposuerant.
 8. Sempronia maleficio taciturnitatis usa est contratormenta.
 9. Nihil sensit in tormentis, risit, dormivit.
 10. In faciem convicta est esse rea: nihilominus impenitens permansit.
 11. Reperta in carcere mortua est, cervice penitus confractâ, demon eam jugulavit. Et similia. Aſſo enim audacter non magis hæc significare quod sonant, quam aut significet equum bovem, aut asinum camelus, aut aquatilenam; prout Lector ex infra hinc inde dictis intelliget, cum eas loquendi formulas obiter & sparsim suis locis explicabimus.

Unde si ad Principem referat Inquisitor quid verbi causa mandet fieri de Titio Sacerdote, an non exuri vivum, qui non modo magnis indiciis obrutus, sed etiam in faciem convictus sit, ac nihilominus converti nolit nec pœnitere? quid inquam hic reſcribet

An Principes sat liberent conscientiam si parum ipsi 39
scribet sine errore Princeps, si adhuc ignoret, quid in hac materia significant magna Indicia, quid sit in faciem convictum esse, quid converti nolle, quid impœnitentem mori velle? Quin imò esto consulat Princeps Doctores Theologos, ac non suæ, sed eorū sententiæ rem committat. Quid tum postea? æquè erraturus est, ac tanto perniciosius. Nam ubi illi aut in quibus tandem libris has phrasas explicatas reperissent? an verò somniare illi possent immutatam esse vocum significationem, literario concilio non convocato? Necessè est igitur Principi, ut hos & similes loquendi modos discat: non discet autem nisi notitia experimentalis se instruat: non instruet autem nisi non omnem curam à se in Officiales rejiciat.

DUBIUM X.

An credibile sit Deum permitturum ut aliquando innocentes simul involvantur?

Sententia est quorundam Deum non permitturum, ut circa crimen

40 Dub. X. *An credibile sit Deum permissurum*
tam atrox inñocentes in eandem nas-
sam cum nocentibus pertrahantur.
Atque ait Binsteldius hoc esse privi-
legium amicorum & filiorum Dei
quod & probat: pag. 354.

I. Quia sic divinæ legis promif-
siones affirmant, ut in psalmis: *quo-*
niam in me speravit liberabo eum, pro-
tegam eum, quoniam cognovit nomen
meum; Et iterum sperent in te qui no-
verunt nomen tuum quoniam non dereli-
quies quærentes te Domine; & iterum:
clama-verunt ad me iusti, & ego exau-
diameos, item; qui sperat in Domino non
confundetur: & 2. Pet. 2. No-vit Domi-
nus pios de tentatione eripere, & Paulus.
Fidelis Deus qui non patitur vos tenta-
ri supra id quod potestis: sed dabit cum
tentatione proventum.

II. Quia exempla huius rei non
defiunt, quem in finem memorat hæc
tria,

tria, Sufannæ, & S. Athanasij, & Silvani Episcopi.

III. Quia accedat quoque maximum testimonium S. Cypriani,
quod & nostri malefici & Iagæ in suis confessionibus confirmant. Hic enim sanctus, inquit, cum adhuc magus esset Justinæ Christianæ Virginis amore incensus, incantationibus & Veneficiis Antiochiæ illam ad suæ libidinis assensum allicere conabatur & Dæmonem consultabat, quamam id re consequi posset: cui Dæmon nullam sibi artē processuram, ait, adversus eos qui vere Christum colerent: sic ipse, quem sequitur ob dictas rationes Delirius, & multi hoc tempore Zelosi viri. quibus non obstantibus.

RESPONDEO. *Opinio hac quod Deus permissurus non sit, ut innocentes quoque cum nocentibus percant, admittenda penitus non est.*

42 Dub. X. *An credibile sit Deum permitt.*

*Nam imprimis aperit Iudicibus fenestram ad
solicitudinē, ne ut oportet ipsi exquisitè solliciti sint,
& diligentes. Deinde laxat conscientias Principum
ne valde curent, quales Iudices quam bonos,
& peritos rebus agendis præsiciant. Deniq; veritate
quoq; destituitur. Rationes istæ sunt.*

R A T I O I. Nam cur obsecro non permittat Deus nunc hoc tempore quod olim? cum non multi solum, sed pæne innumerabiles Christi martyres infâdis suppliciis subjecti sunt, atq; ipsiusmet huius quo de agimus magiæ criminis rei habitici. Ubi tum axioma illud delitescerebat, Deum non permittiturum, ut in innocentes tam atrox tempestas delæviat? Ubi tunc quas Binsfeldius paulo ante citabat divinæ legis promissiones? ubi exempla quæ affererebat, & maximum illud, ut vocabat testimonium Cypriani? An non omnes innocentes erant? vere colebant Deum? ejus nomen invocabant? in eo omnem suam spem & fiduciam repositam habebant?

R A T. II. Permittit Deus multo graviora ut. V. G. quod sacræ hostiæ conculentur, a cædis aliis modis tractentur quod filius ejus unigenitus cum latronibus crucifixus sit, & similia, cur igitur non per-

mittat

mittat multo leviora? concludā verbis Tanageri, qui de hoc ipso argumento sic loquitur; scilicet, inquit, Deus tot alia eaq; immanissima scelera idq; iustissimis de causis permittat, & in solo hoc processu adversus Sagas signato quasi codicillo sponsonem fecerit, non se permissurum ut innocentibus fiat injuria?

Ridiculum igitur est hoc, & mirum à viris cordatis dici potuisse.

Ad argumenta Binsfeldij ante allata jam responsum est. Nam

I. Probant nimium & sic nihil: quod nimium patet: quia conficiunt, nec Deum permissurum fuisse, ut perirent tot martyres: cujus cum omnes contrariū sciamus quid erat his argumentis opus?

II. Si sic licet argumentari: non permisit Deus ut tres illi innocentes perirent, Susanna, Athanasius, Sylvanus, ergo Deus non permittet, ut pereant innocentes; licebit quoq; mihi sic argumentari: permisit Deus ut perirent quoq; tres innocentes, imo plures certe martyres, magis simul postulati. Ergo Deus quoq; pmitet, ut pereāt innocētes.

III. Quoad testimonium S. Cypriani si verum dixit Damoni artes suas id est incantationes & veneficia non processura adversus eos qui vere Christum colunt, quid tantopere Binsfeldius & alij contra sagas vociferantur, q̄ veneficiis suis

44 Dub. X. An credib sit Deum permiff ut aliq. & c.
republicam tantopere infestent, colamus omnes
verè Christum & artes earum contra nos non
procedent. Deinde vero Binsfeldij argumen-
ta allata maxime loquuntur de permissione illa
qua permetteret Deus perire innocentes ob repræ-
sentationem eorum in conventibus sagarum à
Damone faciendam. Vnde etsi concederemus (de
quo plenius infra dubio 47.) Deum non permif-
surum ut per huiusmodi artes demonis, innocen-
tes pereant; non hinc tamen sequeretur, non per-
missurum ut pereant per artes hominum, id
est per incantos processus iudicum quod nobis
sufficit.

DUBIUM XI.

An credibile sit permiffum id
esse de facto, ut innocentes quo-
que involutæ sint.

Binsfeldius & Delrius id videntur
non putare. Sed

RESPONDEO. Nobis dubium non est,
quin multa sæpe innocentes, de facto involutæ in
eandem cum cæteris pœna communionem sint.
Rationes istæ sunt.

RATIO I. Testatur Tannerus multos
doctos & prudentes viros Theologiæ etiam
pro-

professores è quibus aliqui non parvo tempore in foro conscientiaè has causas Sagarum tractassent, professos esse; timere se, ne quo forsan in ordinato procedendi modo multis etiam innocentibus fiat injuria: quod utiq; magnum est pro opinione nostra præjudicium.

RATIO II. Scio item & ego viros quoq; doctos & religiosos, qui cum easdem causas aliquamdiu tractavissent, non solum id timere se, sed vero minime dubitare affirmabant. Itaq; novi Principem, qui cum in sagas aliquanto tempore, inquisivisset, tum autem nescio qua occasione rogavisset ex eo sacerdote, qui conscientias curabat & cremandos ad supplicium educabat, putaretne serio quasdam vere innocentes cum reliquis abreptas esse, atq; is contractis humeris sincere respondisset, nihil quidem se hac de re dubitare, imo per animæ suæ salutem aliud affirmare non posse; ita dictum hoc cordi curaq; sumpsisse, ut continuo substituerit ac progredi suos in negotio vetuerit.

RAT. III. Si & mihi aliquid lector concedit, fateor me ipsum nonnullas superioribus annis in diversis locis ad mortem comitatum fuisse, de quarum innocent-

centia tam minime etiamnum vacillo, quam nihil fuit uspiam studij & industriae poene nimiae quod non adhibuerim ad veritatem detegendam.

Stimulavit me curiositas (quid enim dissimulem ?) & penè ultra metam traduxit, ut in re incerta certum aliquid cognoscerem, neque aliud tamen nisi ubique innocentiam deprehendi : quam cum apud me non paucis nec futilibus argumentis convictam tenerem, neque tamen (ob certas quasdam causas) iudicio intercedere liceret, facile aestimare est, quo cum animi mei sensu tam miserandis moribus interfuerim. Homo sum, & falli possum, non id unquam inficias iturus sum; Quando tamen, postquam diu multumque cum captivis illis tum intra tum extra confessionis sacramentum egi : postquam animos omni arte multifariam susque deque versavi ; in omnem me poene partem obverti ; divina & humana ope ac consilio usus sum ; indicia atque acta pervidi ; cum Iudicibus ipsis quantum licuit salvo sigillo confessionis disserui ; accuratè omnia perpendi, argumenta singula apud ani-

animum meum disputavi; nihilominus aliud judicare non potui, quam crimine vacare quæ reæ putabantur; non existimo leviter facere, si me falsum esse difficulter credam.

RATIO IV. Imprudenter læpe & maligni sunt ij, qui processibus contra sagas præficiuntur; tortura frequenter enormis, & crudelis, indicia multa futilia, & periculosa; agendi modus non raro contra juramentum rationem, pro ut infra suis locis inspergam & admonebo: mirum sane esset, si nihilo tamen minus cum semper cursum rectissimum justitiæ teneret, ut non aliquando in scopulum impingeret.

RATIO V. Narrat Tannerus superioribus annis in Germania duos latronculatores, qui causas Sagarum tractaverant, ob processus illegitimos cum periculo innocentum adhibitos, sententia juridicæ facultatis Ingolstadiensis capite damnatos & extremo deinde supplicio fuisse affectos: Ipse ego scio Principem qui nonnullos eadem de causa capite obtruncari jussit. Quis autem dubitet quin sub his judicibus non paucæ innocentes in favillam evolarint?

RAT.

48 Dub. XI. *An credibile sit perm. id esse de facto,*

RATIO VI. Imo verò, quot innocentes sub aliis adhuc iudiciis periisse arbitramur, qui cum antea in hoc crimen severissimis modis animadvertissent, ipsi deinde malefici quoque fuisse confessi sunt & exusti? nuper ita duo tresve quorum nomina omitto ne manes eorum inquietem damnati sunt: Germania hæc exēpla vidit, quid contra dici potest? & quis nos liberet metu, ne vel hodie, vel paulo post huiusmodi sint plures? sane dubium non est, quin id dæmon vehementer optet & satagat, cum ubi talem vel unicum Inquisitorem nactus sit, apertum habeat ostium insigniter dilatandi suum regnum, & veris sagis securitatem, innocentibus exidium parandi. Sed & mirum esset, si postquam tam infinitus est numerus maleficorum, ut isti volunt, non id omni sua ac Dæmonis industria possent efficere, ut eorum plures ad Iudicium & Inquisitorum munus arreperent; quod enim aliquoties, ut jam dixi, Deus permisit, cur sæpius non permittat?

Attendant Principes & examinent Officialium suorum vitam: nolim ego bonorum quenpiam in invidiam vocare; id tamen

mentimere mihi licet, quod quorundam mores non refutant. Nam si verum est quod narratur, sunt quidam qui in templis vix conspiciantur, aut si raro quidem, tum non nisi nugantes, ridentes, fabulantes, ac si quas viderint è lexu fœmineo intentius precari, mox sciscitantes, an nil de his auditum suspicionis sit? homines liberi superbi, avari, imperiti, crudeles: quæ Epitheta cum nuper de non nemine recenseri audirem, subticui quidem capite conculso, nec consentire volui, ne viderer detractionibus astipulari, aut delectari: interim deinde animadverti fuisse vera, atq; adeo addi potuisse plura.

RATIO VII. *Narravit mihi nuper vir fide dignus de carnifice quodam item ultimo supplicio plexo, cujus inter alia gravissima scelera & hoc unum erat, quod cum magia non imperitus esset, id quod sua arte efficere solet, ut quoscunque tandem sub manu recepisset, nemo omnium non fateri cogeretur quidquid rogavisset: itaq; innocentes plurimos ad ea edicenda impulisse, quæ fortasse ne cogitatione quidem unquam attigissent.*

Quid clarius in rem nostram afferri possit?

fit? ut sanè oraculum sit, quod quidam cum Delrio putant, si qui innocentes indicati ac capti fuerint, mox innocentiam eorum Deo sic disponente palam fieri: mox scilicet cum in cineres jam involuti sunt.

RATIO V. Ex iis quæ hætenus experientia aliquâ & jugi curiositate didicisse potui, ita clarum mihi est, necessario involvi innocentes ut si quis est Principum Germanorum qui id credere non velit, nisi manibus ipse contrectet, is mihi audeat à malevolorum linguis securitatem promittere, ego illi invento pulcherrimo adhuc occulto rem omnem in utramq; manum tradam: neq; enim à quo tempore primum literas gustare cœpi, minus esse curiosus studui in docendo quam discendo. Itaque cum palpaverit obstupescet, & insignem sentiet conscientix suæ morsum, quantumvis nunc adhuc quieta & tranquilla sit: non mihi licet omnia in publicum effari.

RATIO. IX. Imo ex ipso Binsfeldio & Delrio convincitur de facto permissum esse ut plurimæ innocentes in hoc crimine perierint. Id sic ostendo: Docent illi & re-
cte,

de facto, ut innoc. quodq. in causa sua.
etè, probationem lagarum per aquam illi-
citam plane esse & si quis Judex ex ea pro-
cedat illegitimè procedere, ac proinde
processum ejus esse nullum. Unde sequi-
tur sane si ita contra aliquas processum sit,
eas innocentes periisse, tam diu enim in-
nocens quis haberi debet, quam diu non-
dum est legitimè probatus nocens. Atqui
vero concedunt iidem, & olim & nunc plu-
rimos Judices ex ea probatione processis-
se & procedere, concedent igitur conse-
quenter plurimas quoq; & olim & nunc in-
nocentes periisse, & perire, unde igitur
ut pereant & perirent est de facto per-
missum.

Præterea existimant iidem probatio-
nem per stigmata item reiiciendam esse,
cum autem ex solis pauculis, una & altera
denunciationibus non esse procedendum
ad condemnationem, etsi ad torturam: ac
probationem utriusq; assignant, ne innocen-
tes pereant: obsecro autem an non pluri-
mi ex his ad condemnandum processer-
unt? & credibile igitur non existimant
omplures innocentes de facto ut perirent
permisum esse?

DUBIUM XII.

An igitur cessandum sit ab inquisitione contra sagas si constet multas innocentes de facto involui?

JAm ante allatum est exemplum Principis qui cessandum judicabat: Et id quidem recte. Quod tamen ut tanto patientius zelosus lector accipiat in ejus gratiam distinctione quadam utemur, duplici enim modo, seu duplicis generis processus possunt institui.

I. Ita caute & circumspecte juxta præscriptum legum & prudentis rationis, ut si iis serventur non sit futurum periculum ne innocentes quoque attingantur.

II. Ita improvidè, & oscitanter, aut maligne, ut si iis serventur, futurum sit ut ipsis etiam innocentibus

mora-

morale periculum creetur. De utroque genere processuum dicam duplici responsione. Itaq;

R E S P O N D E O. I. Non opus est cessare si processus prioris generis instituantur minime periculosi, nec aliunde id periculum prævideatur. Ratio est, quia nihil obstat, quin sic procedatur ad rem publicam ingenti peste liberandam, si constet esse infectam.

R E S P O N D E O. II. Omnino cessandum ac super sedendum est processibus posterioris generis, non solum in hoc sagarum crimine, sed etiam, in cæteris omnibus, seu Exceptis seu non Exceptis. Rationes istæ sunt.

R A T I O I. Talis processus semper est iniquus & illegitimus. Probatur. Est enim contra justitiam ut ei periculum gravis mali inducas, cui id minimè debetur;

R A T I O II. Utens tali processu peccat mortaliter: Probatur: peccat enim mortaliter qui sciens se exponit periculo peccandi mortaliter, sed utens tali processu exponit se periculo peccandi mortaliter nimirum occidendi innocentem sine iustâ causâ. Ergo &c.

Unde necessario sequitur quod respondemus à talibus processibus tanquam injustis & illegitimis in quocunque tandem crimine, quantumvis atroci, & excepto abstinendum esse.

DICES I. Rempublicam à tam atroci sanguinum crimine expurgari tantum ac tam optabile bonum est, ut hæc sufficiens & iusta causa videatur cur curandum non sit, si pauca innocentes aliquot pereant.

R. Si perirent nulla tua culpa & indirectè; fortasse curandum de una aut altera non esset, nunc tu malum facis qui directè periculum eucreas. Non sunt autem facienda mala ut eveniant bona. Deinde si vel pauca innocentes implicentur, implicabuntur mox innumera, ut infra dicam, & sic non purgabitur Respublica à malis quod tamen intendebatur sed potius à bonis. Sequenturq; ingentia illa incommoda quæ rangesbam supra Dub. 8. rat. 3. quod est oppido notandum. Unde ingentia hæc mala non sunt iusta causa ut innocentibus excitetur periculum.

DICES. II. Ergo etiam abstinendum à bellis in quibus sæpe innocentes non pauci parem cladem cum nocentibus accipiunt.

R. Non est par ratio: nam aliud est indirectè & abs.

& absq; infamia quod sit in bellis, aliud directè ac tanta cum infamia, quæ morte gravior est, nocentes perimi, prout latius apud Theologos vide, cum de homicidio agunt: sed & cavendum id in bellis est, quantum potest. Accedit quod infamia hæc de qua dixi majus planè malum infert reipublicæ, quam boni ex altera parte sperari possit. Itaque in bellis vita tantum perditur, non fama, hic autem utrumq; & insigni quodam modo, nam & infamantur integra familia, eaque nobilissima in perpetuum, & infamatur ipsa fides catholica ut supra dixi, & ubi una atq; altera infamata sunt necessario sequuntur infinita alia ut item innui & inferius ostendam Dubio. 20. rat. 12. Imo si nec hæc quidem essent & omnia paria cum bellis &c. Nihilominus expressam in particulari habemus resolutionē hujus dubij à Christo in parabola Zizaniarum de qua infra: quæ auctoritas sufficere debet contra quævis argumenta. Unde facio dilemma: Velenim argumenta quæ contra nos afferri possunt vim aliquam habent vel non habent; si non habent frustra afferuntur; si habent autem cur id ignorabat Christus, atq; eā parabola quam mox adducam in nostram sententiam determinabat?

DUBIUM XIII.

Quid si periculum tale imminet innocentibus sine mea culpa an adhuc abstinendum à persecutione nocentum?

IN crimine nostro vix locum id habet: Ibi enim si modo processus ita cautè & discretè instituantur ut illi periculum secum nullum trahant, non videtur aliunde metuendum periculum, tamen quia generaliter quæritur, dicam quod sentio. Itaq;

RESPONDEO. Si Princeps vel Magistratus quispiam rempublicam purgare velit ac in malos inquirere ut è vivis exturbentur, interim vero advertatur periculum ne simul innocentes perimantur: aio quod etsi Magistratus talis periculi causa non sit, omnino tamen videatur ab inquisitione & peremptione malorum abstinendum esse.

Rationes istæ sunt quas adducit Tannerus.

RATIO. I. Hæc olim in veteri testamento sententia fuit magni auctoris Abrahami:

mi: qui cum Deum cerneret in Sodomitarum necem licet justam accinctum, ut ab innocentum cervicibus cladem averteret omnibus impunitatem orare aulus est: *Absit à te inquit, ut rem hanc facias & occidas cum impio justum, fiat q̃ justus si ut impius, Non est hoc tuum qui judicas omnem terram: nequaquam facies judicium hoc. Sic ille.*

RATIO. II. Sententiam hanc Deus ipse secutus exemplo obsignavit, tum mox audita Abrahami oratione, populosissimæ ac nequissimæ urbi impunitatem adjudicavit, si in tam ingenti numero vel decem solum justi interfuissent.

RAT. III. In novo testamento ita legislifer noster Christus manifestè præscribit in parabola Zizaniorum *Matth. 13.* Dicebant servi patris familias. *Visimus & colligimus Zizania?* Respondet ipse: *Non ne forte colligentes Zizania eradicetis simul & triticum.* Ubi nota non dici solum, *ne eradicetis*, sed adjungi quoq; particulam, *ne forte eradicetis*: ut ostendat duo se docere: nimirum imprimis abstinendum ab extirpatione zizaniorum si simul evellendum sit triticum, quod indicant verba illa, *ne eradicetis*; dein.

deinde vero abstinendum si vel eradicandi simul tritici sit periculum, quod indicat adjuncta particula *ne forte eradicetis*; nihil autem hic distinguit siue periculum hoc cum culpa siue sine culpa servorum extirpare volentium contingat, sed simpliciter & absolutè ait esse abstinendum ab eradicatione propter hoc periculum: id quod intendebam ostendere.

DICES. Hoc argumento de Zizaniis utuntur pro se heretici omnes, dum contra eos inquisitio instituitur, & tamen Ecclesia contra eos procedit.

Res. Utuntur malè. Nam parabola hac non docet simpliciter sinenda esse Zizania, sed sinenda esse tum, cum est periculum ne simul triticum evellatur. In extirpandis autem hereticis per inquisitionem, abest hoc omne periculum: Iam enim sat noti sunt, & à catholicis distincti per Ecclesie consilia, nihil est igitur quod hac parabola juvare se velint. Quod si tamen distingui non sat possent aut ita evelli, quin & triticum periclitaretur; utiq; & tum sinendi essent juxta Evangelij præscriptum nec Ecclesia tunc contra eos procederet. Et ita parabolam hanc explicant ecclesie doctores D. Augustinus lib. 3. contra Epistolam
Par.

Parmeniani cap. 2. & contra Crelconium lib. 2. cap 34. & 37. ac contra literas Petilianib. 3. cap. 2. & 3. Item D. Thomas 22. q. 10. art. 8. ad 1. *quos sequuntur passim omnes interpretes, nec quisquam ex tanto scriptorum numero dissentit. Non possunt omnia scandala de mundo tolli, permittenda sunt plurima, qua comode emendare non licet. Satius est triginta & amplius nocentes dimittere, quam vel unum innocentem plectere:* præstat enim, dicente Augustino contra literas Petilianib. 3. cap. 3. *Quam diu palea cum frumento trituratur, ante tempus ventilationis tolerare potius propter bonos comixtionem malorum, quam violare propter malos charitatem bonorum. Ita sapiendum in malos est.*

Itaq; gladius librandus ne in innocentum quoq; cervices incidat.

RATIO IV. Intempestivus videtur zelus, ut cum passim clamitent magiæ crimen occultissimum esse, Dæmonem autem vaterrium & nequissimum ad fallendum etiam prudentissimos quosq; qui omnem ætatem in spiritali militia contriverint: nihilominus ad tam occulta vestiganda, & ad colluctandum cum versutissimo

mo hoste puri laici & sæculares tanto impetuant : Nullum hic è sacris literis aut exemplum aut præceptum afferre est , quo tale quid suadeatur. Puniri crimina mandavit D E U S , nimirum si occultissima non sint; si nocentes à nocentibus discerni commodè possint : alioqui de zizaniis inter triticum enatis jam dictum est ; *finite utraque crescere usque ad tempus messis* , tunc angeli separabunt & mittent in caminum ignis. Si namus ut hi potius occultissima distinguat aut si nos , etiam rudes laici , & spiritualis nequitiae imperiti , ea distinguere novimus & tam innumeram reorum multitudinem ab innoxiiis eximere , quid est quod occultissimum vocemus crimen ? Manifesta sunt alia complura scelera : cur si zelus Magistratum à Deo est non ea primum vindicantur , ac deinde ad occultissima venit ?

Itaq; si nec periculum hic esset ullum , nihilominus præposterus foret ordo ut præteritis quæ in oculos omnium involant , ea primum perquirantur , quæ obscurissima sunt.

Rectissimè mihi illi Respublicæ facere videntur.

videntur, quæ ubi quid in crimine Magiæ apertius se casu aliquo protulit, mox excindunt; tum autem ulterius occultissima rimari periculosissimis viis prorsus abs re boni communis esse existimant. Sed ne tamen qui omnino persequi sagas volunt mox commentarium hunc abjiciant, docebo eos quâ cum optima ratione id faciant: non terreantur, pergant legere, invenient quæ non displicebunt.

DUBIUM XIV.

An expediat instigare Principes ac Magistratum ad inquisitionem contra Sagas?

RESPONDEO. *Non existimo expedire nisi cum eo, ut simul etiam admoneantur de rei arduitate quam hætenus inculco: perinde ut non expedit, si quem in locum lubricum adducas, neque simul sollicitè moneas qua cautione procedat.*

Audi vi ego concionatores nonnullos, qui pro egregiâ suâ facundiâ, mirè in hoc argumento declamabant, & magistratui suadebant, ut in pestem hanc sagarum de republica ejiciendam severitatem suam omnem distringerent. Audi vi & alios

lios qui in privatis allocutionibus, iras Principum exacuere, & criminis hujus atrocitatem suis coloribus exscribere non desistebant: tum autem pleni ingenti quodam zelo pœne ignem de calo citaturi videbantur.

Non ideo quidem absolutè reprehendo, nec nego detestandum esse tantum sagarum scelus, aut armandam dextram principum adversas tantam pestem: quin imo nihil magis in votis ponam quam ut purgatissimus sit Ecclesiæ Catholicæ ager ab omni adulterina planta: sed est quod in bonis & prudentibus viris desidero, ut quandoq; seposito affectu observare conentur, quis saepe ab imprudentibus iudiciis servetur inquirendi in hoc crimen & procedendi modus: considerent etiam quam opus hoc periculosa alea sit plenum, quamq; verè non solum colluctatio sit adversus carnem & sanguinem, sed contra principem tenebrarum, ac tum denique cum apud magistratum de extirpandis Zizaniis ferventer & Zelose agere volent, id semper una addere ac sincere monere imo inculcare meminerint, cautionem quam maximam adiungendam esse, quo ab ipso tritico zizania hæc accurate distinguant, atque omne periculum avertant à cervicib. innocentum. Adducatur parabola de qua diximus atq; ea explicetur,

eur, cum hac utiq; negligenda non sit, nec frustra à Christo Domino nobis relicta: nihil ea mali causatura est, nec tam iustitiam cohibebit quam formabit.

Notent hoc diligenter principes, aut quia principes ista lecturi non sunt, ij principes monere possunt. Sed

DICES. Videri me eo tendere, ut gravissima crimina in Republica manean, & iustitia retardetur, ideoq; audiri non debere tanquam scelerum patronum: sic enim nuper non neminem intelligo dixisse eorum quos moneo.

R. Quo tendere videar non habeo aperire, eo tamen me tendere adhuc ostendi, quo allata Christi parabola zizaniorum cum interpretatione non mea, sed communi doctorum.

Non intercedo iustitia, non obfisto, nolo ut sint crimina impunita, sed id solum volo quod legifer noster Christus suo ore sancivit, non evellenda esse zizania, si periculum sit, ne forte cum eis & triticum evellatur. Id cupio innotescere iis qui ad purgandum Reipublicæ agrum se accingunt: an hoc scandalum cuiquam dabit, si de summi legislatoris voluntate principes velim erudiri? aut locutus est aliquid salvator noster quod silentio premi debet, ne sceleribus & sagis patrocinari aut

64 Dub XIV. An expediat instig. Princip. ac
infringere cursū iustitiae videamur? Quia imo iā
ex hoc ipso quod obijciunt tanto fortius sumo ar-
gumentum ad probandum id, quod paulo ante di-
cebam, nimirum admoneri prorsus Principes de-
bere de circumspectione, cum ad inquirendas sa-
gas instigantur: cum enim tam zelosos apud se
habeant instigatores qui audire me quidem no-
lunt, ac quae insignis calumnia est, patronum
criminum appellent, cum aliud non dico, ni-
si quod in Evangelio Christi reperio, timeri non
imprudenter potest, ne huiusmodi monitorum
tam acris fervore, subinde aliquanto longius quam
oporteat in tam arduo negotio provehantur: Vnde
sequitur quod velle hoc capite tanto amplius di-
ligentiae, & attentionis commune fieri debeant.

Itaque attendant Principes qui sint isti qui sic
vehementer urgent, ut in magis crimen arma
moveantur: nam praterquam quod timendum
dixi ne nimius eorum zelus Principem extra
metas abripiat, saepe alia se zelo admiscunt ut cu-
piditas, vel ignorantia, &c. ex quibus concludet
re princeps debeat sistendum sibi potius & mo-
randum quam sic illico quo vocant festinandum
esse. Repeto enim quod dixi: si tam vehementis
zeli & inordinati affectus homines apud se prin-
cipes habent prudenter metui potest, ne ut solet
fieri

fieri affectibus impediti, nec advertant, nec caveant plurima quæ deinde ubi capti semel erunt processus, periculosa innocentibus futura sunt, & sic simul eriticum in discrimen adducatur, quod igitur ne fiat non modo monendi principes erunt, ut quam cautissime, sed simpliciter ut ne procedant quidem, cum omnis cautio futura frustra sit, quam diu impetuosos huiusmodi & imperitos in monitores Principes habituri sunt. Nam si imprimis in me iniqui audent esse & calumniari quod adhaream opinioni nostri legislatoris, quam aequi illi & modesti erunt in pauperculas captivas in quas non modo impune eis grassari licebit, sed & sub pulcherrimo Iustitiæ prætextu? Deinde si tam parum quoque providi sunt ut ea contra me obijciant, quæ ipsissima, mihi arma fiant contra ipsos: quam illi providè & perite consulent, aut stant in difficillimis Sagarum causis, quibus nec maximè ingeniosi se pares esse confidunt?

DUBIUM XV.

Qui maximè ij sint qui Magistratum contra Sagas identidem instigant?

RESPONDEO. Sunt quatuor ferè generum quos ponam ordine.

F

PRI.

PRIMI Generis sunt ex Theologis, & Pra-
latis y tantum qui speculationibus suis & musaolo
contenti altissima quiete gaudent : quid foris ge-
ratur, quis squalor carcerum sit, quod vinculo-
rum pondus, quae instrumenta torturarum, qua
lamenta pauperum & similia, experientia nulla
didicerunt : visitare custodias, colloqui cum men-
dicabulis, inclinare se pauperum querelis, & pra-
ter dignitatem eorum est & studendi munus.
Quid igitur illi in his rebus intelligere possint? ac
proinde quid à Principibus audiri?

His adjungo sanctos quosdam & religiosos qui-
dem viros sed imperitos plane rerum & nequitia-
rum hominum, qui ut sunt ipsi simplices ac sancti
sic iudices at inquisitores omnes in suis causis esse
putant ac summum esse nefas existimant, si non
omnia publica Iudicia ut sacrosancta veneremur
quae errare non possint.

Itaq; si audiant aut legant narratiunculas
quasdam saepe aniles de maleficis, si confessiones tor-
mentis expressas; mox ut evangelicas historias
amplectuntur; & zelo prius, quam scien-
tia intumescunt: clamant tolerari scelus hoc non
debere, omnia esse maleficis plena, exurgere in
has pestes omni conatu oportere & similia com-
plura: Nec ut sunt iudicio innocenti periculum

ullum

ullum apprehendunt. O sancti & boni! quid his faciamus, cum non nisi optimè reipublica consultum velint: qui si scirent quæ passim malitia & imprudentia in procedendo vigeret, clamarent utiq; quod eorum magister Christus: Sinite utraq; crescere usq; ad tempus messis: nunc probi & simplices instructionis non sint capaces.

SECUNDI Sunt ex juris peritis, quantum qui quod paulatim animadvertunt lucrosissimam hanc esse provinciam, si Sagarum causis admoveantur, eam prensant: ac subito pientissimi homines viros scrupulos magistratibus movent, ni in crimen hoc excalescant: quos scilicet, quotendant, nemo videt.

TERTII Generis sunt imperitum & fere invidum ac malitiosum vulgus, quod cum impune passim inimicitias suas infamando ulciscitur, aut loquacitatem non nisi detrahendo consumit; quid est quod audiri prudenter & salva conscientia possit, nisi primum fama publica acerrimis pœnis vindicetur à libertate calumniandi? sed de hoc dicā infra, dub. 34. Id tantum breviter moneo hunc jam hodie esse vulgi morē, ut si Magistratus non subito ad quescunq; futes eorum clamores capiant, torqueant, & urant, mox liberrimè vociferentur, timere ipsos sibi & uxoribus,

ac amicis : Corruptos esse à diuoribus , honestior
rem quamq; familiam Urbis Magia obnoxiam es-
se ; penè digitis designari sagas posse ; hinc proce-
dere non audere, & similia complura, quæ manife-
stissimè arguunt, quam insignis populi malitia sit.
Et hi scilicet prudenter audiri possunt, in se inui-
cem Magia crimen afflantes, cum etiam vel i-
psos Magistratus sic sine ulla causa infament? Atq;
utinam non etiam viros ecclesiasticos & religio-
sos nominare possim, primi generis antea recen-
siti, qui hos populi clamores in Magistratum ipsi
quoq; promoveant, cum compescere deberent.

QVARTI Generis ij ex vulgo dicuntur es-
se, qui cum ipsi malefici sint, ut tanto longius à se
omnem criminis suspicionem reijciant, præ omni-
bus reliquis eximio quodam & minis exuberante
studio bacchantur in Magistratus, quod lentius se
in sagas commoveant. Accidit enim jam in lo-
cis quam plurimis ut eximij illi instigatores & ipsi
deinde denunciati, capti, torti, confessi & cum ca-
teris exusti sint, dictitantes ea se importunitate
urgendi, non nisi latebras, suo scelerei quasuisse. A-
deo ut nuper auditus dicere sit quidam Inquisi-
tor, se quidem cum tot viderit hujus rei exempla,
non posse non prudenter eos habere suspectos, si
quos audiat ita extraordinario zelo in id crimen
efferris.

efferrī: dixit hoc ille, & dicunt plures, ego dicere non ausim, tale tamen facio dilemma: plurimi tales quales jam dixi, imo pene innumeri ita confidentes exusti sunt; vel igitur hi innocentes passi sunt, ex odio aliterve delati, vel nocentes. Si prius; ecce quam pulchre procedimus, ut nec innocentibus & his tam multis prospectum sit; ubi cogitationes suas habent viri docti, quos consulunt Principes ut se non reflectant? si posterius, ecce igitur quam primum est de iis pessime post tot exempla suspicari, qui ita vehementer in Magia crimen zelant. Ego vero omnino existimo, Inquisitores eos qui ut supra diximus Theologum Tannerum ad torturam applicandum censuerunt, maleficos sine dubio esse, & ad hanc quartam classem pertinere: Indicia mihi non desunt, qua non nisi unica hac causa silentio premo, ne Magistratus turbem, neve immisceam me causis à mea professione dissitis. Animadvertant interim Principes quid agant, & cum specie justitiæ ad rem difficilem incitantur probent Spiritus an ex Deo sint. Non plane nego extirpanda esse Zizania (frustra hic Zelare sine scientia magni quidam volunt) sed nimirum sic cognoscantur, & distinguant sine periculo innocentum possint. Evangelium in manibus est; si id Consiliarij Magnatum

70 Dub.XV. Qui maxim. ſint qui Magiſt.

non legant , ac legent forte curioſitate ducti qua
nos hic commentati ſumus. Repetimus igitur jam
aliquoties hanc Chriſti eſſe legem Matth. 13. ut ſi
periculum ſit evellendi ſimul triſtici , ne zizania
quidem extirpentur. Vel hoc Præceptum Chriſti
eſt vel conſilium duntaxat : Si præceptum ; cum
ſit in Materia valde gravi , graviter luet qui
transilierit. Si conſilium autem ; caveat quicunq;
eſt ille Princeps , qui conſiliarium hunc non ad-
mittat cum ullum admiſſurus ſit.

Porro ut hic finiam monere placet pro conclu-
ſione obſervaffe me quod ſequitur , & oppidono-
tandum eſt : pleriq; enim eorum qui ita vehemen-
ter in oppidis ſuis & pagis Inquiſitionem contra
maleficos urgent , cum conſcij ſibi non male ſint,
non advertunt , nec proſpiciunt quod ſi fervere
torturæ inceperint , ac torti ſinguli denunciare ali-
quos debeant , conſtanterq; ſic processus conti-
nuentur , neceſſario futurum ut & ad ipſos quoq;
tandem perveniatur : quippe cum ut ſupra monui
finis inveniri nunquam poſſit , dum omnia exu-
ſta ſint. Vbi igitur poſtea ſe quoq; denunciatoſeſſe
ac rapi vident , tum primum oculos aperiunt ac
lamentantur : ſed fruſtra : nam quo ante ferven-
tiores contra ſagas fuere , tanto nunc nocentiores
putantur eſſe , qui hoc velut pallio ſe integere vo-
luerint.

luerint: quod ipsum cum torturis intolerabilibus oppressi fateri deniq; cogantur; cum ceteris in flammis eunt: eatenus quidem cum plurimis aliis innocentes; sed hoc tamen iusto & occulto Dei iudicio conventi, quod affectibus non sat ordinatis abducti in alienam primum famam, libere & confidenter linguam laxaverant, & suppliciis eorum procurandis impetuosius incubuerant. Caveant sibi, qui hac ignorant.

Itaq; qui providentiores hodie sunt viri nobiles & magni, cum passim cernere oculis ac similia deprehendere incipiunt, suadere Principibus processus non audent.

Itali certè & Hispani, qui ad speculandas res & meditandas proniores à naturâ videntur esse, non obscure videant quam si Germanos imitari velint innumeram innocentum turbam simul abrepturi sint, recte abstinent, & solis nobis vrendi hanc provinciam committunt, qui nostro malumus zelo confidere, quam legislatoris Christi precepto acquiescere.

DUBIUM XVI.

Qui possit in processibus contra sagas caveri ne innocentibus periculum creetur.

RESPONDEO. Sapienter utcumq; cau-

72 Dub. XVI. Qui possit in proces. cont. sag.
tum erit si sequentes Cautela adhibeantur.

CAVELA I. Curent Principes ante o.
mnia, ut qui causis sagarum dirigendis aut iudi-
candis adhibentur sint ad id munus tanti ponde-
ris perquam idonei. Tales erunt si apprimè docti,
prudentes, probi, misericordes, mansueti fuerint,
ne quid scilicet, vel imperiè, vel improvide, vel
malignè, vel crudeliter, vel impetuosè agant.
Explicatione res non indiget.

Non acculo hic quenquam, sed tamen
de imperitia multorum id affirmare pos-
sim mirari me subinde quam parum rerum
consequencias discernant, quam levissi-
mis sæpè contra reos argumentis pondus
plurimum inesse putent, ac rursum levissi-
ma existiment quæ pro reis pondus ac mo-
mentum habent. Unde & contigit ut cum
vel tantilla ratione suaviter & amicè urgen-
tur, tum aut obmutescant aut indignen-
tur, ac rem discuti examinariq; ad rationis
& doctrinæ libellam nolint.

Non probo autem ut si quem Theolo-
gum adungere sæcularibus Principes ve-
lint, jungant magnum aliquem Doctorem
& Prælatum qui auctoritate & titulis pol-
leat præsertim si simul ab impetu & factu
notam

notam habet. Ratio est : quia I. dum tales autoritate alios premunt, id facile obtinent, ut quicquid ipsis solummodo sit visum, prævaleat. Nec obniti quisquam contra argumentis liberè audeat, ne vel ipsos in se concitet, vel Principem apud quem valent. II. Sæpe etiam in talibus doctrina & iudicium non tanta adsunt quanta tituli & personæ dignitas spondent. III. Qui tanti sunt non facile eam quam oportet experientiam his causis jungent : non adibunt carceres, non audient paternè nec solabuntur jacentes in squalore & pœdore, non ad reliqua similia se dimittent, sed per alienas tantum aures lamenta miserorum intelligent, & quod illi pro suo quisq; affectu factum aut infectum esse dicturi sunt, credent quod ipsum æque poterant Principes. IV. Non erit hoc aliud quam multiplicare sumptus, de quo jam tum ubiq; ingentes sunt querelæ, adeo ut jam dictitent sperare nunc pauperes immunitatem paulatim ab Inquisitionibus posse, cum omnia exhausta sint. V. Si quis tantæ auctoritatis impetuosior fortè sit, jam ter tanto nocentius id erit, quam si idem aut major impe-

tus cum minore authoritate in alio conjunctus esset.

CAVTE L. II. Nihil autem aq. curandum, quam ut judices ac Inquisitores ij sint qui juxta dictamen non solum legum, sed etiam naturalis rationis, dum res non aperte manibus tenetur pro reo seu accusato potius quam contra eum inclinent.

Incredibiliter hic passim peccatur: neque capio quâ jam salvæ esse possint ullæ æquitatis leges cum plerique omnes sic contra jam captas delæviant, ut quicquid quoque modo eis adversum sit, quisquis qualitercunq; in eas incurrat id validum ac rectum sit. Tum autem quicquid eis favere possit, quisquis qualitercunq; pro eorum innocentia testanda argumenta afferre velit, atq; ipsi etiam pro se loqui id vanum incassumq; sit, ac penitus explodatur: tanquam inculpari quivis exculpari nemo possit. Itaq; id agere videntur iniqui homines ut per fas & nefas reos faciant quos ceperint, cum id potuerint gaudēt ac triumphant, si non potuerint, sed contra innocentia cujuspiam in apertum evolârit, tum vero frontem contrahunt, mustant
inter

inter sese, murmurant, indignantur, con-
coquere non possunt, cum gaudere potius
oporteret. Quæ hæc ratio æquitatis est? Et
ubi oculi Principū ut hæc non videant? aut
si vident ac norunt, ubi conscientia ut his
talibus gladium committant? Insero quod
nuper audiebam. *Proponebam punctum hoc*
viro cuidam magno, hortabarq; ut sedatè & cogi-
tatè causas intricatas excuteret, ac non minus qui
defendi reus quam accusari posset, attentionem
suam applicaret, nec pronior adeo ad capiendum
esset, quam ad dimittendum, ut primum sese quis-
que legitimè vel antè vel per torturam purgasset.
Respondebat ille, se verò nimisquam à Principe
suo, ut acerrimè procederetur, urgeri, non esse
monitionum & mandatorum finem, vocari se
panè etiam in suspicionem criminis, ni rem stre-
nuè procuret; itaq; quid posset? Steti ego atto-
nitus atq; hæc mecum: Itane hæc Principis
ullius Germani mens esse potest, ut perin-
de sit quam ritè procedatur, dum strenuè
procedatur non credo sanè ac scio men-
tem non esse. Imo si mens quoq; sit: an ta-
men illiusmodi ministros Principes Ger-
mani & Germanos quidem habent, qui vel
contra conscientia procedere sustineant,
ne non

ne non principi satishat? Ego verò si sim Princeps, confidere non possim eos mihi futuros fideles, qui conscientia sibi suæ fideliores non sunt, atq; excipere disertè non audent, se quantumcunq; mandatis urgeanturaliter tamen quam coram Deo in conscientia suis tueri se possint non esse processuros. Quicquid sit valde metuo, ne in magno Germaniæ tractu vix liceat unum aliquem Judicem seu inquisitorem nominare, qui sic laboret reperire aliquem innocentem quam nocentem, quiq; sic tueatur repertam innocentia, quam tueatur confessionem quantumvis periculosissimis quæstionibus extortam. Faxit Deus ut fallar. quod si autem non fallar, argumentum id habeo insolubile, quo me semper hætenus convinco, rem iniquè geri & Magistratus in conscientia tutos non esse.

CAVTELA III. Removeantur ea omnia, quæ putarentur Inquisitores aut Iudices posse depravare, ne occasio furem faciat, quod dici solet ut V. G. stipendium iis certum assignetur, non autem in singula capita puniendorum.

Nam præterquam quod id turpe & carnicum proprium ac proinde à constitutione Carolina articulo 205, merito explor-

sum

sum est, ansam quoque dare potest injustitiæ ut plures esse cupiant nocentes quam pauciores.

Ne principibus quidem suadeam, ut reorum bona confiscent, nescio quid & hic periculi aut materiæ sermonum: jactari enim jam tum passim has vulgi voces audimus: expeditissimum quietissimumque esse ditescendi modum, quæ e bustis liceat parare: non abs re fore si à pagis ad oppida in familias ditiorum magis suspicio traduci possit: ædificare cœpisse Inquisitores nonnullos & augere statum: posse etiam eodem compendio agros & villas meditari ac similia complura quæ etsi non nescio petulanter magis quam verè interdum effundi, præstat tamen qualibuscunque his diæteriis occasionem omnem præscindere. Præsumi certè non potest incorruptam esse justitiam Inquisitoris illius, qui ubi per suos mirè passim Rusticorum animos in sagas exacuit, tum autem ab eis accersitus venturum se & exuturum has pestes respondit, præmittit exactores quosdam qui ostiatim ei collectam aliquam non parum liberalem cogant, quo velut invitamento subarrhetur, sic enim appellant.

Hac

Hac collecta accepta ubi venit, & deinde actum unum atq; alterum celebravit, ampliusq; vulgi animos extumefecit narratione facinorum, & ulteriorum machinationum quas jam exustæ confessæ fuerint, simulat abiturum, & hunc interim studiosè curat per prædictos exactores suos impediri, ac novam aliquam collectam suaderi, quæ adhuc retineatur, ad reliqua quoque zizania extirpanda. Donec tandem sic tolerabiliter emuncto pago alio se confert & eadem industria se implet. Mihi tanè publica quædam hæc videntur tributa esse; quæ miror vel quod Principes suis Inquisitoribus, vel quod magnus Cæsar Principibus permittat: præsertim cum experiamur non parum hinc nutriri dicacitatem vulgi, ut si qui in solenibus illis collectis vel paulo amplius contulerint, vel minus, utriq; à maledicis notentur: hi quod nolint promoveri justitiam, quia fortè vel sibi timent vel suis; illi quod occurrere sua liberalitate velint ne putentur esse quod forte sunt.

CAVTELA IV. Quoniam difficulter haberi possunt persone iudiciales idoneæ quales ante descripsimus bene doctos probos &c. quin imò et si possent

possent, nihilominus timenda esset nimia Iudicio-
rum diversitas, & processuum inaequalitas: qua
& scandalum parere & Remb. turbare potest:
Quoniam etiam circa crimen hoc nova indies o-
riuntur difficultates, ante hac non ita ventilata
sic ut constitutio Criminalis Carol'ina non suffi-
ciat, optandum esset ut à sacra Casarea MajeSta-
te constitutio nova Criminalis toto imperio obser-
vanda decerneretur, in qua abundè de omnibus
ad hoc crimen spectantibus sic cautum esset, ut
quam paucissima Iudicum arbitrio ac discretioni
relinquerentur.

CAVTELA V. Quia verò sua Majestas
gravissimis aliis Imperij negotiis ac bellis impedi-
tur non abs re erit, imo plane necessarium ac con-
scientiis principum, eorumq; quos ipsi monitores
habent, seu habere debent, planè incumbens, ut
interea si qui principes in sagas generalem inqui-
sitionem instituire voluerint, ij antequam tam
arduum negotium aggrediantur certam ac pecu-
liarem aliquam praxin criminalem confici jus-
beant, quam iudicibus suis omnibus imò & con-
fessariis qui Sagarum conscientiis preponentur,
diligenter legendam, & accuratè observandam
prescribant. Huiusmodi Praxin valde quo-
que à Principibus desiderat, tanquam ad-
modum

20 Dub.XVI. *Qui possit in process. cont. sag.*

modum necessariam Delrius *lib. 5. inquisit. append. 2. q. 41.* & Tannerus *de iustic. disp. 4. Qua. 5. dub. 3. num. 81.* multiq; alij hodierno tempore viri docti & religiosi qui negotium hoc sagarum accuratius ac penitius considerant, Estque tanto amplius necessaria quod nunc hodiè quæ praxis multorum viger, est iniqua: contra quam si persæpe viri docti nonnulla reprehendant, atq; ex legibus seu ratione seu utroq; apertè convincant, male & iniquè geri, non aliud tamen impetrant, quam quod audiant ridiculâ & imperitam Judicum responsionem?

Hæc hodie est Praxis. quod si igitur ex Praxi Jus & æquitas pender, ea fiat Capitalium rerum communis Praxis necesse est ad quam eruditi quoque & intelligentes ac sollicitæ conscientiæ viri non inertes solum illi, & discursuum rudes possint provocare.

CAVTE LA VI. Ad conficiendam porro hujusmodi constitutionem seu Praxin Criminalem, non solum Iurisperitorum sed etiam Theologorum ac medicorum Iudicium ac lima accedat, multa ex hoc nostro commentario suggerentur, quæ servire poterunt: tum ubi confecta fuerit, primum

mum Academiis aliquot examinanda ac dispu-
 tanda offeratur : post ad Iudices mittatur in effe-
 ctum deducenda, cum monitione, ut si quid in-
 tra anni spatium occurrat, vel nova vel non-
 dum exhausta difficultatis, aut quid simile, quod
 addendum, detrahendum, mutandum videatur,
 id omnino significent, quo ulterius discuti ac reli-
 quis addi, vel detrahi possit. Ita fiet, ut post
 tam accuratam limam perfectum aliquid
 proferatur : sperandumq; erit, ut quando
 eam quæ in nobis est, curam ac diligentia
 fecerimus, tunc Deus opt. max. provisorus
 sit, ne qua nostra cum culpa sanguine in-
 nocenti tribunal spargamus. Alioqui nisi
 aliter quam adhuc hodie passim fieri video
 procedatur, omniq; studio de opportunis
 remediis provideatur, nequeo salva con-
 scientia ulli principū suadere aliud, quam
 ut si cœpit abrumpat, si non cœpit absti-
 neat, propter manifestam non paucorum
 innocentium cladem, quorum utiq; san-
 guis clamore non vacat. Atq; id ego nuper
 responsum dedi, cum super hac reroga-
 tus essem : qui aliter consulunt, vel igno-
 rant quid geratur, vel ipsi gerunt, quæ
 queror, & interius hinc inde querar. Non

abs renuper vilus est loqui, qui existima-
bat non alia ratione corrigi errores posse
publicos, ac æquitatem constitui, quam
supplicatio demum fieret, ad summam Ju-
sticiæ aram id est pientissimum Germaniæ
Patrem Ferdinandum II. ut is magistratibus
tantisper quietem indiceret, dum de
ratione sua procedendi, clarius docerent
ac si qui essent interea, qui queri vellent
id nemini esset fraudi.

*CAVTELA VII. Quoniam vero pluri-
mi existimant, impunitatem ludicum non par-
vam esse causam, cur conscientia pleriq. laxa sine
curabit Princeps de eorum delictis fieri certior,
sicubi exerraverint, severe in eos animadvertit
ut V.C. si contigerit sine sufficientibus Indici-
bus quampiam tormētis subjecisse eum coget ut jux-
ta communem juris & rectæ rationis ordinem per-
sonæ læsæ exactè satisfaciat. Ita fiet ut cum inter-
xerint, impune sibi negligentibus & laxis
non licere, eam rebus suis curam ac sollicitudine
commodaturi sint, quæ metum nobis ejus de
hactenus loquimur, periculi vel tollat vel immi-
nuat. Remedium id & præsentissimum
erit, & infinitis miserorum hominum suspi-
cibus exoptatum. Sed quis Principum an-
ple*

plectetur? aut potius quis Principibus exponet? arguebat me quidam nuper, atq; irrisoriè taxabat, quid mihi hac super re in mentem veniret, quod vel id à longè spe aliqua præcipere auderem, futurum quempiam, qui in similes suorum Inquisitorum errores juberet inquire. Nescio an ita sit, si est autem, culpanda certè hæc summorum Magistratuum incuria est. Insero quod nuper in hanc rem contigit. *Viri duo nobiles quos nominare possum, diversis Principibus data venia loquendi sic serio de Inquisitoribus quibusdam contra sagas destinatis pronunciarunt: daretur modo ipsis commissio, se in Inquisitores eos e vestigio ipsdem plane indicibus ac tormentis quibus ipsi hætenus in alios solerent, processuros, & ni sic continuò eos maleficij manifestè confessos flammis reos statuerent, tum verò se id suismet capitibus luituros.* Eandem ego conditionem accipio, palamq; profiteor, dum solum acta publica, quæ nunc tamen non fideliter curantur, pervoluere mihi liceat, passim omnia erroribus plena ostensurum. Sed hæc quorsum? audierunt ista Principes & tacuerunt: audiunt eorum cōselliarij & tacent. Nam quid fiet? Deus ista

84 Dub. XVII. *Ancapt. in caus. Mag. perm.*
non videt scilicet nec gemitus innocentum
attendit.

DUBIUM XVII.

Ancaptis in causa Magiæ per-
mittenda defensio sit & advoca-
tus concedendus.

Pudet me quæstionis, sed iniqui-
tas nostrorum temporum pudor-
em detergit: existimant imperiti
[imo malitiosi & iniqui, cum tam
imperitus vix quisquam esse possit]
quia Crimen hoc Sagarum exce-
ptum sit, omnem prorsus defensio-
nem præscindi oportere. Sed qui-
sit sentiendum duplici Responsione
breviter explicabo. Itaq;

RESPONDEO. I. Cum liquidum est
crimine Excepto reijcitur defensio & negatur ad-
vocatus ex jure communi juxta cap. finale d.
Hæreticis in 6. & legem quisquis §. deni-
C. ad legem Juliam. & leg. per omnes. C. d.
defensione civitatum. Itaque quod si cap-
quæpiam crimen quidem de se non negat, sed cr-
mi-

mine admissio defendere illud cupit, id est, excu-
 tare, ut verbi causa obtendendo artem esse libe-
 ralem, vel à Dæmone se deceptam, coactam &c.
 potest ei negari defensio & advocatus. Ratio est:
 quia excusationes huiusmodi frivola sunt ac pro-
 pterinde explodi possunt nec audiri, præsertim cum
 iam sat excussa & definita sit huius criminis a-
 crocitas à communi Doctorum consensu. Sed hic
 difficultas non est, nec de hoc casu proposita quæ-
 stio procedit. Itaq;

RESPONDEO II. Cum non plene &
 plane constat de crimine : admittenda defensio
 sit, & advocatus concedendus ex sententia com-
 muniut Vide apud Julium Clarum §. hære-
 sis num. 16. & Farinacium quæst. 39. num.
 99. & 167. quod etiam servandum in crimini-
 bus Exceptis, ut bene sentiunt Autores citati à
 Felrio, & post eum à Tannero de Justitia disp.
 q. 5. dub. 3. num. 76. nimirum Doctores In-
 stadienses, Friburgenses, Patavini, Bononiens-
 es, Autores Mallei Eimericus, Penna, Hum-
 bertus, Simancha, Bossius, Rolandus &c.
 non quid Autores adducimus, aut senten-
 tiam communem vocamus, quasi auctoritate
 præstigio cernenda sit? est enim id planè iuris na-
 turalis (ut nemo hominum negare volet, qui ra-
 tione

86 Dub. XVII. *An captivus in caus. Mag. perm.*

tionem fungatur) ut defendere te possis cum de culpa non es convictus. Itaq; quod si capta quapiam crimen quidem non excusare, sed à se illud amoliri vult, negans se eo scelere teneri de quo quaritur an teneatur, permitti debet integerrima sui defensio, & concedi advocatus, quem optimum nancisci potest. Imo tantum abest, ut negari hac ei debeant, eo quod crimen Exceptum sit, ut etiam ob eam ipsam causam tanto promptius concedi debeant, imo merito obtrudi. Rationes istæ sunt.

RATIO I. Ridiculum est clamare crimen Magiæ Exceptum esse, antequam constet captivam ejus ream esse. Nam esto sit exceptum, sit atrox, sit funestum, sit quantumcunq; volet, quid tum postea si persona capta eo se teneri negat. Quod si crimen id ipsa habet, tum vero age dic exceptum esse, ac procede ut in exceptis liceat; sed id deniq; nunc est adhuc in questione an eo crimine ipsa sit alligata? Ridiculè igitur magnitudo criminis objicitur.

RATIO II. Naturalis juris est, ut nemini negetur justæ & integra sui defensio, quam optima ea haberi potest: adeoq; ut qui per se nequit per alium se defendat qui maxi-

me

me idoneus videatur: quæ autem juris naturalis sunt & que in exceptis ac non exceptis observari debent, ut supra dictum est, frustra igitur exceptionem prætendimus, cum à jure naturali & rectæ rationis dictamine exceptio non detur.

RATIO III. Si autem ut jam dixi, naturalis juris est, ut nemini negetur justæ sui defensio, tanto utique minus negari oportebit, quanto major erit sui defendendi necessitas, & quanto majus erit malum illud, contra quod se quisq; defendit. Verbi causa, si concessum est à jure naturæ ut prohiberi non possim, ne me defendam ab ictu cultri, multo minus igitur prohiberi poterò, ne me defendam ab ictu bombæ. Unde sequitur, ut si jus nactus sum à natura defendendi me & purgandi à Crimine minori, multo maximè jus habeam defendendi & purgandi à Crimine majori, ac præsertim tam atroci quam est Mortis. Imò sequitur, ut quo grandius & major atq; crimen, quod mihi intentatur, & me repellere habeo, eo etiam melior & magis idonea concedi debeat defendendi ratio, per meliores & aptiores quosq; ad-

vocatos. qui proinde ex vi juris naturalis negari non poterunt.

RATIO IV. Idem plane præter jus naturale requirit charitas Christiana: quæ quidem cum ejus sit naturæ, ut non modo non impediatur ne te defendas sed & potius juvare velit, atq; arma quo id tanto possis melius subministrare cupiat, utiq; & hoc agat ut quo major vis ac malum est, quod à cervicibus tuis depellere satagis, eo quoque & impediatur minus, & juvet promptius atq; arma celerius, eaq; meliora in manus obtrudat. Ex quibus omnibus sequitur, quod probare intendebant, non modo non negari posse, in crimine excepto, quam optimam integerrimamq; sui defensionem, verum etiam hanc multo magis quam in crimine non excepto concedi oportere, ac qui secus faxit violati juris naturalis & charitatis Christianæ in re maximi momenti adstringi, proindeq; peccati mortalis reum constitui. Potestne vero quisquam Principum consiliarius tam esse simplex ut nesciat, aut tam incurius ut non moneat? Jam enim Inquisitores quosdam optimorum & laudatissimorum Principum esse

esse scimus, qui non modo Pontificiam Bullam Cœnæ, atq; excommunicationes contemnunt, dum sine speciali sedis Apostolicæ licentia in Personas Ecclesiasticas manus injiciunt, sed id audent quoque ex indiciis quæ nec puer quispiam à Grammaticâ suâ abreptus non irrideat; & æinsuper via optima defendant plane cavent. Atq; hic scilicet est justitiæ zelus ut cum authoritate iniqui simus & libertatis omnis Ecclesiasticæ quam vel maxime tueros oportebat eversores. Quod si autem virs Ecclesiasticis sic indigne defensionis via obstruitur, & quicquid agant per fas & nefas nocentes debent esse, quid jam aliæ viles animæ sperare habent! Mirantur multi Ecclesiasticum ordinem hæc nonconqueri ubi oportebat.

R. T. V. Imò ut clarius pateat absurditas & imperitia imo malitia eorum, qui in crimine excepto seu atroci negandum censent advocatum quem in aliis concedunt, audiat me lector qua ratione procedant, nam ita res habet:

Accusat me quispiam commissi furti: magna hæc macula est meæ famæ; conce-

dunt mox igitur periti illi & boni , ut me defendam ac maculam eluam , & si ipse commodè nequeam , advocatum eligam , qui pro me præster.

II. Accusat me alius commissi adulterij: major hæc macula est; adhuc igitur concedunt ut hanc quoq; notam eluam.

III. Accusat tertius commissi veneficij: turpissima & maxima hæc macula est; mox igitur prohibent ne me defendam nec eluam, & rationem addunt: maculam enim hanc turpissimam esse , crimen atrocissimum , funestissimum , non igitur elui debere.

Quis non ingemiscat ad hanc rationem tam præclaram! quippè quæ omnino contrarium evincat , ut quoniam crimen maximum est quod imputatur , maxima macula quæ aspergitur, tanto amplius majore studio , in melioribusq; mediis nemæ famæ adhærescat providere debeant. Pudet me Germaniæ cum non melius in re tanti momēti argumētari novimus. Quid dicent aliæ nationes , quæ iam tam simplicitatem nostram ridere solitæ sunt? indigna res sane quam nec infantes probare velint

velint, ut ei contra vim pestilentissimi serpentis manum liges, cui contra morsum pulicis utramq; solvis. Insero hic quod mihi nuper vir clarissimus narravit, & ipse multorum annorum Judex. *Princeps quidam quem nominare non attinet, in sagas acriter aliquot annos animadverterat; Incidit ut & religiosus quispiam caperetur; Movit ordo se & defensioni petivit locum, sed hunc penitus negabat Princeps, rogat tamen iudicem, quem dixi quia ipsi videretur? qui cum responderet, omninò concedi oportere, perscribit rem ad Academiam quandam Germania, à qua idem offertur responsum. Indignatus Princeps; si sic, inquit, concedenda omnibus defensio fuit, quam nos multos igitur innocentes hætenus perdidimus!*

Euge bene! & quam multos hætenus alij quoque ex eodem capite innocentes perdiderunt, atq; indies adhuc perdunt! Deus numerum sane signat, & in iudicium suo tempore producet. Caveant magistratus, ne dum ardere se putant justitiæ zelo id agant ut ardeant in alterius vitæ flammis. Loqui hoc viri docti & prudentes debebant etiam in conspectu regum & non confundi, quia veritas est. Nihilominus prædi-

prædictus Princeps procedi simpliciter volebat cum sic instaret, quod ni fieret, damnaret hætenus à se factos processus: donec tandem non nemo commotum animum hac voce sedavit: Non ideo peccandum ulterius videri si hætenus peccatum sit: neque unquam delictum prius, posteriore posse corrigi, sed augeri.

DUBIUM XVIII.

Quæ Corollaria ex proxime dictis colligantur.

RESPONDEO. Colliguntur hæc, quæ etsi inter legendum ipsa satis in animum lectoris influere poterant, nihilominus quo certius eum stringant ita ordine dispono.

COROL. I. Iniquum est ijs quæ defendere se volunt, quod Sæga non sint, negare advocatum.

COROL. II. Et quidem optimum, ac si quem ipsa velint.

COROL. III. Ac si quidem id ipsa nesciant, aut non cogitent, non monere de hoc suo jure, ac sincere instruere.

COROL. IV. Iuvare potius debet ad defensionem & omnia necessaria concedi quam quovis modo impediri.

COR. 5.

COROL. V. Gaudendum etiam est non contrahendum supercilium, si ea emergant quae captarum innocentiam ostendant.

COROL. VI Quo gravius est crimen illud, cuius quispiam arcessitur, eo gravius peccat is, qui defensionem ei praecludit. Itaque in crimine Magia peccat gravissime.

COROL. VII. Cum in carcerem rea veniunt concedendi sunt dies aliquot, quibus se recolligant ac meditentur, quo se optimo modo defendant: Iniquum autem est in continenti statim ut captae fuerint ad tormenta rapere. Ratio est nam alioqui sic subito tanta status mutatione consternata, non sat praesentes sibi & paratae erunt ad integerrimam atque optimam sui defensionem: quam tamen uti vidimus, & ius naturae & recta ratio omnino eis salvam vult constare.

COROL. VIII. Necessario danda est reis copia indiciorum quae contra eos allata sunt: si n. advocatus & defensio concedenda sunt, non apparet quomodo ea negari possit. Vt vide latius apud Tannetum de Iustitia disp. 4. q. 5. Dub. 3. num. 73. Unde contrariam quorundam locorum praxin male probat alicubi Delrius: ubi tamen nota ex malleo Sprengeri parte 3. nomina testium contra reas
testi.

testificantium, non esse eis edenda nec eorum advocatis, quando propter personarum potentiam imminere posset testibus aliquod periculum: quod si nullum sit periculum, ea esse edenda sicut in aliis causis regulariter.

COROL. IX. Non est aditus ad carcerem ijs præcludendus quorum opera uti cupiunt ad defensionem: quod habetur quoq; in constitutione Carolina art. 4. Vnde semper judicavi iniquissimos esse, qui id cavent ne doctior quispiam quem rei expetunt, ad eos accedat, timentes ne eis argumenta suggerat ad removendum crimen; cum sane si quis innocens ostendi posset, id magnopere optandum esset. Nuper quidam Sacerdos cum ludicibus tacite & secreto ex protocollo demonstrasset iniquè contra quasdam processum esse: non aliter monitioni dedere, locum, quam quod illas capite plexuerunt, hunc autem ne ad ullas deinde custodiasmitteretur sanciverunt: imo nunc audio id pluribus contigisse.

COROL. X. Iudicis ipsius est providere ne Advocati captivi desint.

COROL. II. Inepti sunt advocati, qui operam suam in his causis Sagarum accommodare nolunt, quiq; alios ne id faciant absterrent. Imo corrigome, nam bene faciunt: Væ enim qui in

his causis advocare velint, transferent enim hoc ipso in se litem, ut jam supra monui, quasi nec ipsi forte ejus artis sint exsortes. Vah quæ temporum libertas! advocare aliquis audet? jam suspectus est. Imo plus dico suspectus est, aut saltem exosus etiam is, qui solum judices amicissime hac super re monere audet. Quæ causa est quod commentarium hunc monitorium tam dudum à me conscriptum typis non evulgo, sed amicis tantum pauculis manuscriptum communico suppresso nomine. Terret me exemplum religiosissimi Theologi Tanneri qui non paucos in se concitavit verissimo ac prudentissimo suo commentario.

COROL. XII. Potest reus appellare à Decreto torture: quod & probat textus in l. 2. C. de Appell. recip. & sentiunt communiter Doctores Bartolus, Baldus, Marsilius, Cotta, Follerus, Gomez, Prosper Caravita, Brung & alij citati à Farrinacio q. 38. n. 10.

COROL. XIII. Si Iudex non obstante hac appellatione, ad torturam processerit, & ob id à reo confessionem extorserit, talis confessio prorsus nulla est, & inefficax ad condemnationem ut sentiunt ijdem apud Farrinacium ibidem num. 17. & 22.

COROL. XIV. Reus etsi legitimis indicis

dictis tortura adjudicatus, non tamen debet tortura subijci, si in contrarium alia habeantur indicia innocentia qua aequè probent innocentiam ac ista priora culpam: nam una præsumptio merito sine tollit alteram ut vide apud Menochium de præsumpt. l. 1. q. 29. & 30. & Mascard. de probat. l. 3. conclus. 1224. n. 4. & seqq. Et quando dua invicem contraria præsumptiones concurrunt videlicet delicti & innocentia semper preferenda est præsumptio exclusiva delicti inquit Farinacius q. 38. num. 112. quod verum quoque esse ait ex communi sententia doctorum quos multos citat, etiam si indicia pro reo allata inferiora paullo essent quam qua contra eundem allata sunt; qua obsecro quis hodie observat? quis attendit an observentur? miror verò qua eorum sit conscientia qui Principum conscientis non melius consulunt; sed tacent.

COROL. XV. Iniquissimi sunt qui cum simulent se reis defensionem concedere nil minus agunt. Igitur ut discant Principes quid apud quosdam eorum inquisitores significant illæ phrasæ cum dicunt se omnino concedere reis defensionem locum, auditam esse Grajæ defensionem sed non substituisse &c. ut discant item ex quibus causis torturam reis decernant, sciant sic nonnulli proce-

di: Vq.

di: Vocat ad se Inquisitor captivam: ait non ignorare eam ob quam causam capta sit, hac atq; ista contra eam indicia produci: purget se igitur & respondeat. Vbi respondit; tum etsi singula, ut ipse sapissimè expertus sum, accuratissime diluerit, sic ut replicari nec tantillum possit, tangaturq; manibus accusationis totius futilitas, nihilominus nulla amplius responsionis discussione facta, nec subjuncto verbo, quasi in ventos mulier locuta sit, aut saxo narrauit fabulam, hoc solum ei dicitur, ut in carcerem redeat, & melius apud se perpendat an in negatione velit persistere; fore ut post horas aliquot revocetur. Dum ea ad carcerem redit, scribitur in Protocello ream hanc rogatam in negatione persistere: decerniturq; ut igitur torqueatur.

Cum deinde revocata est, hac tantum audit: Mitimus te hodie coram nobis & negasti, concessimusq; tempus ut melius perpenderes & à perviciacia respirares. Quid agis igitur? an adhuc persistis & negas? quod si negare pergis ecce tibi protocollum: factum est contra te decretum Torturale, sic enim loquuntur: post quæ verba si adhuc negat, ducitur ad torturam nec quæ attulit ad indiciorum purgationem vel tantilla eorum sit mentio, quasi ea omnia solo silentio retusa sint,

ac tantundem plane fuerit seu defenderit te mulier seu oscitavit.

Quorsum igitur audita mulier est? quorsum se purgare iussa, si purgari nihil unquam potest? nam quæ illa unquam ibi fuit quæ quantumcumq; se purgarit, raptâ tamen ad torturam non sit? testor autem DEVM tam accuratas me sæpe audivisse purgationes, ut qui ad disputationes scholasticas inassuetus non plane sum, non invenirem quid difficultatis fuerit relictum, quod non exhaustum sit: Idem & alios novi qui iurati affirmare audent viri docti. Soli principes sunt, quæ ne ista nesciant sed longe aliter informantur nescio qua divina punitione sit. Itaq; quæ indicia Inquisitores contrareas habent diligenter in actis perscribuntur; quod autem plerq; & probata plene non sint, & si plene probata sint, quod rarum est, quid contra ea responsum sit, & quo pacto accurate deterfane verbulo memoratur. Vi sane omnibus bene perpenfis quæ & dixi & dicturus deinceps sum, non possim non metuere ne magistratus illi qui hodie in Sagas inquiri jubent, cum tam periculose inquiratur, damnationem sibi accersant.

COROL. XVI. Necessæ est quod ex proxime dictis sequitur errare gravissime Inquisitores etiamsi ex allegatis & probatis procedant: quod

oppido notare debent, Principes & Doctores quos illi consulūt, nam passim hic impingitur ex phrasium ignoratione. Nam multi hodie Iudices indici plurima probata legitime non habēt, & tamen cum ex his processerint ajunt se procedere secundum allegata & probata: necesse est igitur inique procedi et si ex allegatis & probatis procedatur; quia tantundem est dicere allegata & probata, quam allegata & non probata sed refutata: hac verborum eorum significatio est. Quod ne videar invidiose comminisci, offero me ad probandum sub pœna à jure decreta in calumniatorem. Mirantur amici quidam mei cum hac legunt, & quarunt an hac igitur se ita habeant? id se credere non posse. quibus respondere soleo ignorare eos adhuc prima Principia in hac materia, ac me pigere operam sumere ut explicem, rogent DEVM ut excitet Principes qui veritatem scire velint, & phrasas Inquisitorum intelligere.

COROL. XV II. Processus is nullus & irritus est in quo justa hujusmodi defensio reus negata sit. & tenetur Index cum suo Principe ad re-stitutionem, quod si consiliarij & Confessarij Principum non monent & recte instruunt; pariter omnes in culpa sunt, severe à DEO puniendi.

COROL. XV III. Æquissimum est, ut si

100 Dub. XVIII. An decaptis nomine Venef. mox
Sacerdotes quoq; aliquos ex indicis indignis capi
contingat, iis saltem pro tanti ordinis & Ecclesia
Catholicæ respectu dies aliquot aut saltem unicum
in carcere instrumenta scriptoria concedantur: ut
liceat supplicationem aliquā brevem aut apologiā
ad suum Principem aut Divū Casarem concipere.
Potestne minus quid, & iustius ab ijs peti? Ego
vero existimo ne quidem inter barbaros gentiles
hanc tam exiguam veniam negatum iri moritu-
ris sacrificulis idolorum.

COROL. XIX. Nec iniqua quoq; postulatio
est, ut sub extremum vitæ eo liceat uti confessario;
quam ipsi sibi delegerint non quem Iudices obtru-
serint. Indignares mihi visa est ne sacerdoti qui-
dem eam confitendi libertatem nuper esse con-
cessam.

COROL. XX. Vt nec & ista iniqua peti-
tio est, ut si forte contingat integerrima semper
vitæ & famæ sacerdotem inique & malevole
circumventum & captum, miraculose ex vincu-
lis & carcere expediri, liceat ei in Imperio Ger-
manico Apologiam suam typis excudere, & qua-
liter secum actum sit eatenus explicare, ut nisi
omnia per legitimos testes probare possit quæ asse-
rat, sistat se Sacratissimo Casari; iterum in car-
cerem & mortem rectā profecturus.

DUBIUM XIX.

An de captis nomine Veneficij
mox præsumendum sit eas neces-
sario reas esse?

STulta quæstio videtur; & esset sane,
ni quorundam quod nollem dicere lice-
ret, Sacerdotum seu simplicitas seu zelus,
(ego inscitiam, imprudentiam, & defe-
ctum judicij interpretari soleo) quærendi
necessitatem mihi imponeret. Audio e-
nim esse qui cum carceres invisunt, ita
afflictissimas custodias adoriuntur, in-
stant, urgent, vexant & ad fatendum
crimen sollicitant, ut iudicari aliud non
possit, quam quod plane apud animum
suum obfirmatum habeant, nullam peni-
tus earum innocentem esse posse.

Interim quicquid se misera illæ plan-
gant, quicquid loqui, explicare causam
deducere fundamenta suæ infamationis

paratae sint quicquid postulent audiri
 saltem, ac velut cum homine spiritua-
 li confidentius sine arbitris confer-
 re, consilium rogare, consolationem
 aliquam in multiplicibus molestiis acci-
 pere, & quae similia afflicti homines desi-
 derare solent, non inveniunt nisi statuas
 surdas, & hoc unicum animatas, quod
 perpetuo eis Veneficii crimen in oculos
 impingant, ac tanquam omnino reas non
 sat honestis titulis exornent: vocitant e-
 nim obstinatas, pervicaces, putidas me-
 retrices, obsessas, diabolicae frontis, mutos
 bufones, mancipia gehennae &c.

Quo accedit quod iidem apud Iudices,
 custodes carcerum, lictores, aliosve ni-
 hil aliud ingeminent quam perpetuas in-
 stigations ad acriter eas examinandas
 & torquendas: hanc & illam singulari-
 ter videri pertinacem, non esse dubium
 ullum quin Damon earum fauces obfi-
 deat

deat, aspectu esse diabolico, non dubitas
 re se vitam interponere quin verè sagæ
 sint, & quæ aliæ sunt id genus voces in-
 temperanter jactatæ; sicut etiam auditæ
 sint nonnunquam captivæ dixisse (imo
 quid nonnunquam? frequentissimæ hæ
 sunt plurimarum voces) malle se ipsum
 adeo Carnificem quam ejusmodi Sacer-
 dotem admittere; plus eum sibi molestiæ
 una sua importunitate quam licτόrem o-
 mnibus tormentis intulisse; nec modicum
 è contrario gavisæ sint judiciales personæ
 setalem deniq; esse nactos spiritualium
 præsidem, qui non modo castigaret ac for-
 maret judiciorū zelum sed & insigniter
 acueret. Sacerdotes tales ego aliquot &
 vidi & audiivi, plures esse ex eo constat,
 quod audio Inquisitores, si qui alij sunt
 modesti & circumspecti, dicuntare eos in
 rem suam non esse: tum vero quales de-
 scripsimus impetuosos & imperitos qui

104 Dub. XIX. An de capt. nom. Venes. mox
præter ventum quo se jactent nihil ha-
bent stipendio vel eleemosyna mercari,
aut esca saltē ac potione devincire. Quā
circarem ut mentem meam aperiam di-
cam ad propositam quæstionem quod res
erit. Itaq;

RESPONDEO. De captis mox præsume-
re quasi simpliciter nocentes sint, ac proinde ea fa-
cere quæ jam dicta sunt à quibusdam Sacerdoti-
bus fieri nimisquam intolerandum est. Rationes
istæ sunt.

RATIO I. Supra ostendi nonnullas
innocentes de facto cum nocentibus in-
terimi, non igitur omnes captæ continuo
nocentes sunt, non igitur obstinatē id præ-
sumendum, non igitur quasi sint oportu-
nius urgendæ, & omni penitus audientia
excludendæ: promant si quid volunt, spi-
ritualis viri est auscultare & instruere ac seu
nocentes sint, seu innocentes spirituali
consolatione & auxilio omnibus adesse.

RATIO. II. Non esse certum quod
ut quæq; capta est mox vere nocens sit, ipsi
Judices præsupponunt. Ideo enim ad tor-
menta seu quæstiones procedunt, quia
non.

nondum liquet, si liqueret, non liceret ad
torturam ire ut infra dicam *dub. 39.*

RATIO III. Docent omnes Theologi & Jurisperiti cum res nondum liquet
præsumendum in partem meliorem: id enim postulare legem charitatis & juris, pro
ut ipsi fute persequuntur. Unde cautè statuerunt Honorius & Theodosius A A. cum
ajunt: *servari jubemus ut quicumq; in discrimen capitis accersitur, non statim reus qui accusari potuit existimetur, ne subjectam innocentiam feriamus* lege 17. C. de accusationibus. Simplicitas est quorundam Idiotarum putare sic religioſa esse omnia acta & Judicia ut non sæpè publice graviter erretur: placent verba cujusdam commentatoris in Evangelia quæ hodie legebam circa vincula Joannis Baptistæ & sic habent: *non continuo malus est qui in publica vincula conijcitur ac detinetur, cum in his fuerint integerrimi sæpe viri propter falsas accusationes &c. Magistratus & hujus mundi principes sæpe numero sua abutuntur potentia* Sic ibi

RATIO IV. Non decet Sacerdotem nisi mansuetudo & mititas Christiana, quibus aperte repugnant omnia illa quæ ante

de imprudentibus quibusdam memorata sunt, uti cuilibet ea examinanti facile apparebit: nolumus enim exaggerare, quæ potius à vulgi oculis tegi oportebat.

RATIO V. Esto etiam vere nocentes sint quas hujusmodi aliquis Sacerdos prædicta ratione exercet; id tamen ipsi non certo constat: quin imo si constaret, adhuc tamen ne sic quidem importuna illa vexatio satis deceret aut conducere; redderentur potius obstinatiores quam si benignitate & suavitate quadam agendi Ecclesiasticis personis propriâ ad veritatem incitarentur; quâ si viâ ad agnitionem criminis perducere nequeunt, quid tum postea? patientia usurpanda est; fecimus quod salvo decoro & consciëntia fieri potuit. Quamquam id inficias non eo cum benigniora media frustra tentata sunt prodesse quoque; subinde & in quibusdam acerbiores increpationes; sed ita tamen ut identidem ad paternam quandam facilitatem redeatur, qua id agere videamur ut ipsis ac salutem earum piè sincereque magna cum charitate consulamus, non ut eas quasi per vim reas facere velimus.

R A T. VI. Si vero innocens sit aliqua (ut sane multæ esse possunt) in quam monitor tam pertinacis imperitiæ incurrat, quid ei fiat proprius, quam ut in desperationem decidat, aut lethalem animi mœrorem? quippe quæ ab omnibus deserta quam aliquam adhuc in spiritali patre consolationis spem repertum iri existimaverat, ab hac etiam excidisse se animadvertat. Sane quidem, quæ suspiria, quos gemitus ea res nonnullis conciverit, non mentiar si mihi notum esse dicam. Videt Deus, & requirer, non ab iis solum qui hanc rem ipsi peccant, sed qui indiscretos ejusmodi in provinciam periculosam mittunt. Id quod hac de causa moneo; quia nonnullibi observatum est, à quibusdam ordinibus religiosis eos sacerdotes in hanc rem expositos fuisse, qui vel à defectu judicii, vel importunitate agendi, vel persuasione scientiæ cum inscitia conjuncta, vel in his omnibus simul insignes domi suæ haberentur; ut necessum deinde fuerit ob hominum querelas alios peritiores & discretiores emittere.

R A T I O VII. Verendum est ne cum
ita

ita imprudenter cum reis agitur, multa
deinde committantur sacrilegæ confessio-
nes, atq; animarum Salus in discrimen de-
ducatur.

*Narrabo quod de sacerdote quodam mihi con-
stat, qui non multo pauciores quam ducentas Ma-
giæ postulas adrogū comitaverat. Is eas incarce-
re auditurus cōfiteētes, rogare solebat ante cōfessio-
nē, nū etiā in ipsa de crimine illo cōfiteri vellent,
prout in tortura apud Iudicem fecissent? se sim-
pliciter non auditurum quæ se ream factura non
esset. Itaq; si quæ ante confessionem non continuo
promitterent, sed haberent, & in genere solum di-
cerent, se in confessione veritatem dicturas, o-
mnino à se repudiabat, cum addito: ut igitur more
canum morerentur sine pœnitentiæ & Euchari-
stie Sacramentis. Vnde factum ut nulla non seu
nocens esset seu innocens ni rursus subijci tor-
mentis, aut instar canum ut dicebat mori vellet,
cogeretur se ream in Sacramento facere, &
sic plecti. Nuperrimè id clarissimus juris Doct̃or
in mensa publica referebat in laudem ejus sa-
cerdotis tanquam insigne eliciendæ veritatis
stratagema. Ego autem admirandus ingenti
cruce me signabam, & ingemiscebam: tanto
amplius quod Doct̃or hic Inquisitor esset in Sa-
garum*

garum causis, cui is Sacerdos pro Sagarum confessorio adjunctus erat. Itaq; stimulante curiositate ipse deinde carceres accessi, observaturus an sic esset: Dicere non expedit quæ tunc deprehendi.

Memini enim sententiæ quam alicubi Tannerus citat ex Ecclesiastæ Cap. 4.v.1.

Verti me ad alia & vidi calumnias quæ sub sole geruntur, & lacrymas innocentium, & neminem consolatorem: nec posse resistere eorum violentia cunctorum auxilio destitutos. & laudavi magis mortuos quam viventes &, feliciorum utroq; judicavi, qui necdum natus est, nec vidit mala quæ sub sole sunt. Porro stratagema hoc jam memoratum, sunt & religiosi quidam alij qui nuper imitari ausi sunt.

R A T. VIII. Nimis incauta dicta sunt, & minimè sacerdotem decent ultima illa quæ item memorabam: *hanc & illam singulariter videri pertinacem; non esse dubium ullum quin Dæmon earum fauces obsideat; aspectu esse Diabolico; non dubitare vitam interponere quin vere Sagæ sint.* Si de trivio quispiam sic loquatur reprehendi debeat; quanto magis Sacerdos, quem timere par est ne his ac similibus causa sit reis gravium tormentorum & mortis, ideoq; irregularitas centuram

ram incurrat? Quanquam quid irregularitas sit & quo modo contrahatur, imperiti hujusmodi non norunt: *Audiebam nuper de Sacerdote quodam, etiam, si diis placet, ut sibi videbatur, non parum docto, solere instigare iudices, ut has illas (in particulari) caperent, torquerent, tum & ne annis caterorum quorundam puerorum parceretur monere; videri hunc & illum capacem esse supplicij; plecterentur sine scrupulo; non esse quod emendatio speraretur: juvare etiam strenue in complicibus expiscandis, quas & ipse in pugillares suos excipiebat; assistere item torturis, instruere, suggerere argumenta quibus culpam amplius deprehenderent, & similia complura, quæ iam pene exciderunt.* Quid hic autem de Irregularitate studuisse potuit? Unde mirum non erat si tam insignem adiutorem mire Inquisitores, ipsi æque periti, suspicerent & mirarentur tanquam hominem de cælo sibi allapsum, qui ipsissimam agendi praxin solus combibisset ad omnium Theologorum speculantium invidiam. Quæ hæc autem miseria & inscitia nostrorum temporum! aut quid juvet litteras vidisse si hic ignorantia est honos? legant Confessarij quæ infra quoq; dicam dub. 30. ubi eos instruo.

DUB. 20.

Quid de Tormentis seu quæ-
stionibus sentiendum An periculum
morale & frequens innocentibus inducant?

RESPONDEO. *Ea est ut plurimum
conditio tortura, ut cum ultro citroq, quæ id
genus vidi, legi, & audiui apud me memoria
pervolvo, discernere non possim aliud, quam quod
frequens & morale periculum innocentibus in-
ducat, & Germaniam nostram impleat sagis ac
sceleribus inauditis: nec Germaniam solum sed
quamcunq, aliam nationem qua idem experiri
incipiat. Rationes istæ sunt.*

RAT. I. Tormenta passim usitata natura
sua ingentia sunt, & dolores causant supra
modum acerbos: hæc autem maximorum
dolorum natura est, ut dum eos declinare
liceat, non vereamur vel in ipsam mortem
incurrere: periculum igitur est, ne non
multæ, ut se cruciatibus equulei expediant,
fateantur crimen quod non habent, ac
quævis de se scelera mentiantur quæcunq;
vel suggerunt quæsitores, vel ipsi rei ut fa-
teantur meditatione ea sunt.

RAT. II. Id adeo verum est ut robustissi-

mi quidam qui gravissimorum scelerum
 causa in tormentis pependerant, sancte
 mihi affirmarint nullum tantum excogita-
 ri posse crimen, quod non promptissime
 sibi imposituri fuissent, si ejus confessione
 tantisper se tanto cruciatu excipere licuif-
 set, quin imo antequam reduci se eodem
 paterentur potius in denas mortes rectis
 pedibus insilituros esse. Quod si inveniu-
 tur alij qui discerpi potius quam silentium
 solvere in equuleo malint, (*ut de Ægyptiis
 memorat Ælianus in Historia varia Lib. 7.
 Cap. 8.*) ij & rari sane hodie sunt & subinde
 non bonis artibus adversus omnem dolo-
 ris sensum muniti: Unde non immerito
lex. i. ff. De quæstionibus Torturam appellat
rem fragilem & periculosa sic enim lo-
 quitur: *Quæstioni fidem non semper nec tamen
 nunquam habendam constitutionib. declaratur:*
Etenim res est fragilis & periculosa, & qua ve-
ritatem fallat. Nam pleriq; patientiâ sive duritiâ
tormentorum ita tormenta contemnunt, ut ex-
primi eis veritas nullo modo possit. Alij tantâ
sunt impatientiâ, ut quidvis mentiri quam pati
tormenta velint. ita fit ut etiam vario modo fa-
teantur, & non tantum se, verum etiam alios
 commi-

comminentur. Hinc & Cicero in partitionibus: Dolorem fugientes, inquit, multi in tormentis ementi persæpe sunt, moriq; maluerunt falsum fatendo, quam inficiando dolere, & idem pro Sylla non magis oratorie quam vere: *Questiones nobis servorum ac tormenta ministrantur, in quibus quamq; nihil periculi suspicamur, tamen illa tormenta gubernat dolor, moderatur natura cuiusq; tum animi tum corporis, regit quaesitor, flectit libido, corrumpit spes, infirmat metus, ut in tot rebus & angustiis nihil veritati loci relinquatur &c.*

RATIO III. Atque ut magis innòtescat vel tormentorum magnitudo, vel impatentia nonnullorum, hoc exemplum esto: scient confessarij. qui experientiam aliquam habent reperiri nonnullos qui ubi falso quospiam in tormentis detu'ère; post autem in pœnitentiæ sacramento intelligunt non posse à peccatis absolvi, nisi quos falsâ accusatione in vitæ discrimen coniecêre rursus eripiant; excipere solere id se facere non posse, quod timeant ne si canant palinodiam, rursus in quaestiones repetantur: Ad quod si instet confessarius, nihilominus non posse innocentes in cul-

pâ relinqui sub pœna damnationis; repê-
riundam aliquam esse viam qua delatæ in-
ventur, respondere non raro; se verò qua-
vis ratione innocentia eorum consulere
paratos esse, sed nialiter queant quam cum
periculo redeundi in quæstione non posse
neque velle, ne quidem si de salute actum
sit. Ex quo igitur infero in hunc modum:
si nonnullis ita gravis ac intolerabilis tor-
tura est ut damnari potius quam torqueri
sustineant, quis neget prudenter & cum
ratione credi posse quod diximus: nimi-
rum torturas has non leve secum trahere
periculum, ne si non serio occurrantur no-
centum numerum innocentes exaggerent.

RATIO IV. Ego de me fateor tam mi-
nime tantis pœnis exhauriendis subsistere
ut si in quæstiones abriperer non dubita-
rem mox ipso initio reum me cujuscunq;
maleficij statuere & mortem potius quam
tantos cruciatus amplecti: præsertim cum
(ut suppono ex communiori Theologo-
rum sententia) non peccet mortaliter
qui se reum facit vi tormentorum adactus.
Idem audiui de se dicentes viros non pau-
cos admodum religiosos & alioqui auda-
tissima

tissimæ constantiæ ac fortitudinis insignis; qui consilij sibi communis fragilitatis & acerbitatis hujuscemodi pœnarum non audebant de se nisi humana omnia promittere: ut sane imprudentiæ arcessi non debeam si metuere medicam ne ubi in imbelles fœminas quæstiones exercentur falsissimas confessiones exprimat torturæ vis, atq; ita in periculum & pœnas innocentes juxta ac nocentes vocentur.

RATIO V. Auget vero periculum in negotio sagarum conditio ipsius sexus: quis nescit quam animal sit imbecillum mulier, quam impatiens dolorum, quam promptum lingua? quod si ne viri quidem ut jam diximus etiam religiosi ita animo valent, quin mortem quam tormenta malint, quid de fragili illo sexu præsumendum erit?

RATIO VI. Auget item periculum quod levissimis ut mihi quidem videtur de causis, certe viro cordato indignis tortura decernatur, ut ex fama sola, aut ex denunciationibus, aut utroq; cum neutrum quicquam merito habere momenti debeat ut infra suo loco ostendam.

RATIO VII. Auget item periculum quod in crimine hoc sagarum acerbiora fere tormenta usurpantur quam in aliis, quodq; ut his diebus audiebam nonnulli-
 bileviora putant esse quæ hætenus in usu sunt, proindeq; nova cogitant: quod tamen nec in atrocissimis debere fieri docet Farinacius *lib. 1. Tit. 5. q. 38. num. 57.* ex communi sententia: Est enim res digna Phalaride quopiam aut Perillo non homine Christiano ut rectissimè notat Petrus Gregorius Tolosanus *synt. lib. 48. Cap. 12. num. 25.* & Julius Clarus *lib. 5.* Brunus & alij. Nam si quæ hætenus servamus adeo periculosa sunt ut dixi, quid fiet si sævitiam novis commenis intendimus? Et tamen hodie Magistratus etiam Ecclesiastici hæc suis officialibus permittunt.

RAT. XII. Auget item periculum q, non solum ut jam dixi acerbiora fere tormenta in hoc crimine usurpatur; sed q, præterea quantumcunq; hic excedatur seu in modo seu tempore, nemo tamen sibi ullum faciat conscientiaæ scrupulum. Ut mirum sit in omni alio peccatorum genere esse qui se acculent in foro poenitentiaæ, sed hic plane

plane esse neminem vel pœnitentium qui accuset, vel confessorum qui roget: cum tamen annexa hic sit restitutionis & satisfactionis obligatio. Itaq; mihi constat enormioribus torturis multos esse mortuos, multos etiam in omnem vitam inutiles redditos, multos ita laniatos & scissos ut cum capite plectendi essent non ausus fuerit lictor pro more humeros nudare ne crudeli spectaculo populum concitaret: quosdam in ipsa ad huc ad supplicium via expediri debuisse ne antequam pervenirent mortui conciderent: &c. Nemo tamen adhuc erit qui conscientiam pacatissimam non gerat, aut tantillum se existimet in conscientia ad satisfactionem teneri.

Jam ut dicam de tempore sane quidem gravissimus est torturæ dolor si vel dimidium quadrantē imo hunc dimidiū solum duret; quid erit si per quadrantem? quid si per duos quadrantes? quid si per horam? Ac licet proinde Paulus III. Pontifex in Bulla quadam quæ continetur in Bullario. 1. Parte. folio 471. prohibuerit, reum detineri in Tortura per longum spatium ut unius

horæ: nunc tamen mi iſſimi Iudices (nam de ſeveriorib. ne loqui quidem lubet) tam minime hic peccare hodie timent, vt ad horam unam vel duas dimidias torquere plane ſolenne fecerint, adeo ut inſufficiens nominetur quæ id tempus non expleverit. ut infra dicam *Dub. 23.*

Quis hic ſuſſiſtet? quis non mori malit, & vel ſexcentis mendaciis tantas pœnas redimere? quod ſi aliquæ adhuc id tempus ſilentio transmittunt, nec mentiuntur, cauſa ſub eſt paucis cogitata ſed ut experientia multa didici veriffima, & notanda. Pleræque enim omnes apprehenſam hanc opinionem habent mortaliter peccare ac ſalvari nullatenus poſſe, qui tantum ſcelus quantum eſt magia in ſe innocens ſuſcepit, ideoque ne in animam ſuam ſic graviter peccent, adverſus intolerabiles pœnas totis viribus luſtantur; quibus tamen tandem vel ſic quoque cū extremam patientiam conſumpſerint ſuccumbunt: actum demum quod exiſtiment jam utiq; de æterna ſua ſalute eſſe actum, incredibile dictu eſt quāto mœrore in carcere ſe conficiant, atq; etiam lubinde deſperationi ſe tradant, ſi nul-

si nullum inveniant qui erigat & erudiat. Cæterum quæ licere sibi putant cogentibus tormentis falso crimini se submittere non sustinent sane tantas pœnas, sed maturius occurrunt, & quælibet in se mentiuntur. Scio quid loquar & Confessarios omnes per viscera misericordiæ DEI nostri obtestor, eos se se præbeant spirituales, viros, humiles, mites, prudentes & simplices, quales suos debere omnes esse legifer noster dixit: deprehendent plurima quæ hactenus ignorant, unde & quod multis nunc indies contingit cohibebunt paullatim impetus suos & correctiore oculo notare incipient quam non temere suspicari voluerim ne non plurimus in Germania sanguis innocens sit fusus.

R A T. IX. Auget idem periculum quod etsi acerbissimæ torturæ sunt, tamen neq; Iudices quidem neq; alij multi eam acerbitatem apprehendunt. Non apprehendere autem colligo ex quadam valde ipsis usitata phrasi, cum dicunt, aliquas se reas esse falsas sine tortura. Nam ita ego mer his meis auribus non semel & Iudices & vero etiam sacerdotes audiui affirman-

tes, atq; inde probantes eas igitur sine ullo dubio nocētes esse. mirum est quo tandem loquendi licentia egrediatur. Cum enim quærere deinde institui num sic haberet, intellexi eas omnino tortas fuisse: sed tantum prælo quodam ferreo & lato cujus lamina anterior acutis striis sulcata cum obtibias, ubi acutissimus est sensus, vehementius urgetur, ac caro, exsiliante utrinq; sanguine, instar placentæ comprimitur, is necessario existit dolor, quem etiam robustissimi quicq; viri intolerabilem sibi visum esse dicunt: Et hoc tamen isti affirmabant esse fateri sine tortura: hoc spargunt apud vulgum, hoc scribunt ad Principes non esse quod de crimine sagarum dubitent, cum & ultro plurimæ sine tortura fateantur. Et quid igitur illi apprehendunt. qui hos dolores non apprehendunt? quid judicant & resolvunt consulti Doctores, qui nondum Inquisitorum idioma seu phrasen intelligunt? Vbi jam autem quod docent omnes Criminalistæ vel ipsum metum torturæ æquivalere torturæ ac proinde neque hunc sine magnis indicis posse incuti? Quod si eo hodie ventum est ut nec ipsa

tortura, tortura sit, quid metus torturæ
erit.

R A T. X. Auget item periculum quod
expromimus hodie tormenta in quosvis
sine discrimine.

Qua in re vereor, ut severitate ipsos eth-
nicos videamur anteire velle, qui tamen
olim, & atrocissimis, continuisq; bellis, &
crudelissimis gladiatorum spectaculis, tru-
culentiam suam indies de industria acue-
bant. Nam apud eos quidem non nisi soli
servi tormentis rogabantur, illorum hæc
pœna tantum erat: & qui illi autem servi
erant? qui nequam: lege comicos, Tere-
ntium, Plautum, Poëtas cæteros, juve-
nes fuisse quendam quasi omnis insignitæ
Improbitalis florem, nequitia spumam;
mendaciorum architectos, falsarios, perju-
ros ad fraudes & omne scelus ab unguicu-
lis eruditos, non nisi merissima verberum,
nervorum, flagellorum, fustium mancipia
ad omnem cujusvis doloris patientiam
assuetacta. In hos igitur duntaxat, tam a-
cerbas quæstiones exercebant, jam ante de
nequitia notos; in quibus etiam si erratum
fuisset facilius jactura erat; cum pœne ante

mortem meriti essent, non in cæteros incognitæ adhuc duritiæ & nequitia: quippe quos merito formidabant nimis facile etiam contra veritatem dolori cessuros. Sed nos modo post Christi legem paulo mitiores facti, transferimus eas in quoscunq; nulla nondum simili improbitate, & dolorum usu, ac sufferentia notos.

RATIO XI. Auget item periculum nequitia & libertas nimia carnificum. Putaram ego eam esse oportere judiciorum sanctitatem & religionem, ut li&toribus ne quidem verbulum mutire liceret, sed ea tantum simpliciter exequi quæ juberetur: nunc ij quibusdam locis dominari mihi visi sunt, & pro suâ libitudine torquendi modum definire. Ipsi urgent, instant, rogant: verbis stimulant pendentes, intendant terribiles minas atroci voce ni fateantur; acerbant etiam tormenta atq; adeo intendunt ut impossibile sit tolerare. Hinc laudes quorundam li&torum & prærogativæ memorantur, quod nemo unus reus sub ipsis vocem non ruperit, & tales accersuntur cum alij desecere; ij palmam ferunt. Quos sane etsi neq; aviditas lucri, neq; in-

nata

nata scævitia extra metam rapere posse crederetur, nihilo adhuc tamen minus oblo-
lam qua laberant infamiam à quacunq; a-
gendi & loquendi libertate prohiberi o-
portuerat.

RATIO XII. Auget item periculum
quorundam Quæstorum seu Judicum qui
tormentis præfident laxa conscientia, imo
intoleranda indignitas. Serio cavent ju-
ra ne de quoquam complice seu criminis
consorte nominatim quis in tormentis in-
terrogari debeat, verba sunt legis. l. ff. de
Quæstionibus.

*Qui quæstionem habiturus est, non debet spe-
cialiter interrogare aa Lucius Titius homicidium
fecerit, sed generaliter quis id fecerit? Alterum
enim magis suggerentis quam requirentis vide-
tur, Et ita Divus Trajanus rescripsit. Idem cau-
tum est in Constitutione pœnali Carolina
articulo. 13. ac nemini non recta ratio sic di-
ctat, quam & lex tangit, ideoq; & ad crimina
Excepta transit. Nihilominus non desunt
hoc tempore qui contrarium audeant, &
& velut in os indant reïs quas accusent. In-
fero pro exemplo quod sequitur: *Anni
sunt aliquot cum in loco quodam Germaniæ ubi
multa**

124 Dub. XX. Quid de torm. seu quest. sentiend,
multa ac severa in sagas animadversio erat, collo-
quis sic casu capiti cum viro gravi, canâ & promissa
barbâ locoq; inter suos honesto. Loquebamur au-
tem de sagarum suppliciis, earrumq; tum ingen-
ti frequentia; Quam quod ego admirari me dice-
rem, ingemiscens illa: No verit, inquit, q humana
omnia tuetur DEVS, an & omnes quæ nunc qui-
dem pœne, culpæ etiam consortes sint. Nam &
ipse ego anno superiore iudiciis assedi: Sed ut de-
nique me inde deducerem conscientia persuasit
nec enim ferre admodum nec impedire poteram
austeritatem Iudicis: Ad quod ego: & quæ illa
inquam austeritas erat? ea inquit ipse, quam in
questionibus adhibebat: pendentibus enim reis &
de confessis, cum de aliis quoq; rogarentur, atq; illa
autem se constantissimè negarent aliam se nullam
nosse, tum ipse: an non igitur & Titiam
tu nosti inquit? annon in tripudiis vidisti?
ad quod si ausa quæ esset respondere, se vero
nihil penitus de eâ malè scire; tum ille mox
ad Carnificem conversus: Trahe inquit li-
ctor tende fidiculas. Quo trahente, cum illa
obruta dolore exclamaret, imo, imo, remitte li-
ctor, novi, novi Titiam & vidi, non negabo,
referebatur denunciatio hac in acta; ac deinde
mox eodem modo de Sempronia quoq; rogabat;
de qua-

de qua si item initio negaretur, monebat propere
licto rem ut attraheret, dum & Sempronia esse rea
diceretur; atq; ita consequenter de aliis, donec
minimum tres aut quatuor cujusvis quantum-
vis reluctanti exculpisset. Nescio quid dicam.
hæc tamen mihi senex ille ut verissima referebat.
Judicet nunc lector, si ita agitur unde tan-
tus sit nobis in Germania numerus saga-
rum: Judicet quam absurde & imperite
censeam morale & frequens periculum in-
nocentibus per tormenta superduci? Væ
autem iterum Principibus qui in sagas a-
criter inquiri volunt nec majori diligentia
Judiciis prospiciunt! *Vix hæc scripseram*
cum supervenit amicus quidam meus cui cum
sciscitanti quid meditarer repeterem quod scripsi,
intuens me ille ac non modeste arridens: quin tu,
inquit, exemplum hoc quod narras quantocius
expungis? non opus jam exemplis est in re
quotidianâ & tam vulgari: non hoc unus
ille Judex quem dixisti, sed plures hodie fa-
ciunt: est hæc praxis admodum usitata &
frequens, ipse intertui, vidi, atq; his auri-
bus audiui. Adeo ut in loco quodam nuper
cum Jurisperiti quidam eo coëgissent In-
quisitorem in illis partibus scævientem, ut
ne ibi

ne ibi in uilum complicem nominatim inquireret, nec an in hac, aut ista domo aut platea, aut tribu quis nocens esset, non parum triumpharint, tanquam optime de popularibus suis meriti; cum in aliis locis, ubi contradictores non inueniret eo quo dixi modo scire pergeret.

Quid hic dicam? vix iterum principibus. Potestne autem sine gravi admodum culpâ ignorare hæc is, qui vel maxime scire debet, cum & ego non nesciam cui nescire licuit? Sed quid volumus? Consiliarij eorum & Confessarij tacent æque omnium quæ geruntur nescij; unde nec conscientiam suam nec alienam movent.

Iraque ut deinde ipse quoq; observare cœpi, communis hæc est multorum quæfitorum praxis ut seu circa complices seu circa scelera admissa, seu circa loca & tempora tripudiorum, seu circa alias circumstantias quascunque nominatim aut quasi nominatim in os indant reis quid respondeant, quæ omnia cum sic pluribus eadem suggererint, mirifice deinde venditant apud Principes aliosve, quod tam multæ in iisdem plane punctis accuratè con-

convenerint. Quæ hæc autem cœcitas Germaniæ est? An existimant magistratus se absque gravissimis peccatis dissimulare hæc delicta quæ sitorum tam periculosa innocentibus posse? Et tamen nuper Prælati quidam Ecclesiæ non dissimilem quærendi modum approbabat; dum annueret non sibi displicere quod malevolus Inquisitor quidam mulierculas suas rogitaſſet, nullum ne etiam Parochum seu Ecclesiasticum in conventibus vidissent? Præclara sane ratio! quasi non hac via quis tandem hominum ordo in periculum deduci suggestionem possit? ut profecto egregiè deinde vir magnus cum hæc audivisset, ita responderit: Diceretur Prælati isti rogandas potius mulierculas videri, nunquid visi quoque sint Ecclesiæ Prælati, & si negent tam diu cædendas esse, dum affirmant &c. quippe cum non minus eorum aliquem quam quemvis alium nominaturæ sint si modo nec quæſitor suggestionem, nec licetor fidiculis parcat. Et hujusmodi Doctores Principes consulunt, horum spiritus & imperitiam Respublica pati debet. Prudenter vero providit Prin-

Princeps ille qui nuper Inquisitori euidam suo expresse rescriptit, ne de Ecclesiasticis vel in genere vel in specie dicto modo rogaret. Doleo tamē non parum quod ignoreret, id eum Inquisitorem ex eo tempore minimē observare: sic enim existimo, in his causis tanti momenti non satisfacere conscientiæ suæ Principem, si quid rectē mandet, nisi etiam ad executionem eorum quæ rectē mandata sunt advigilet. Quare si etiam pientissimus Princeps Inquisitori sæculari addat non neminem virum Ecclesiasticum, qui cum auctoritate attendat, ne quid incautius in eum ordinem impingatur; Videndum id sane erit, quod multos audio vociferantes, ne is vel cognitione, vel & moribus ac trūculentia sæculari iudici jungatur, quiq; vel superbus esse audiat, vel avarus, vel imperitus. Præstet fortasse syndicos habere occultos, uti supra dixi *dub. 15. in fine*. Interim: non parum placet ingeniosum illius Inquisitoris inventum de quo nuper audiebam cum in loco quodam capere & torquere incepisset, primum omnium rogavisse num qui è senatu in conventibus comparuissent? ut

vide:

videlicet primoribus illius loci primum
sublatis tanto deinde facilius in cæterum
gregem lanienam immitteret.

RATIO XIII. Auger item pericu-
lum quod in jam dicta suggerendi indu-
stria non modo quæsitores versati sint
verum etiam ipsi adeo lictores egregiè
protecerint, tanto majore artis successu,
quanto minus id notum Inquisitoribus est,
sitamen semper est ignotum: Nam licto-
res quidam cum reas simpliciores ad tor-
menta præparant; prius instruunt quas
audacter complices edicant, ajunt talem &
talem ter quater &c. denunciatum ab aliis
esse, caveant ne tergiversentur & de-
nunciare detrectent, de quibus tamen jam
fatis constet & quæ nihilominus non eva-
dant; sequantur consilium suum se ele-
mentem eis fore: Hæc illi: sed & suggerunt
iniqui nebulones quid aliæ de ipsis quoq;
falsæ sint, ut discant quid de se fateri ha-
beant si tormentis superentur. Unde fit
ut cum deinde eadem de se fateantur cum
isdem circumstantiis quæ aliæ de ipsis
prius sunt confessæ mirifice triumphant
quæsitores & in protocollis eximiè notent,

K

quasi

quasi certissimo jam ipsam manibus veritatem teneant; quippe quod alioqui sic exacte congruere accusatæ cum accusantibus non potuissent, nec animadvertunt ingeniosissimi homines licitorum fraudem, quam vel ego non nimis miris industriis vestigare potui. Ita qui occultissimum, ut vocant, sagarum crimen in lucem jactant producere, crassissimam suorum licitorum nequitiam latere patiuntur. Discant hinc Principes quæ vis insit illi phrasi, cum ajunt: Titiam ultro in eadem puncta incidisse quæ de ipsa aliæ denunciant.

RATIO XIV. Auget item periculum quod si semel vel unica tantum vere innocens vi tormentorum superata ream se criminis ac flammæ fecerit, continuo innumeras quoque alias innocentes in eundem reatum pertrahi necesse sit. Id quod sic ostendo: Gajam innocens mentita est se sagam esse: mox ergo postulabitur socias ut prodatur: si habuisse neget, fides abnueretur, tolleretur in quæstionem, in qua si se semet ante servare non potuit, nec deinde alias servabit: *facile enim* ut ait Paulus Juris Consultus lib. 5. sent. tit. 12. *alienam salutem in dubium*

deducet qui de sua desperavit. Accusabit igitur quas nescit, atq; eas imprimis quas meminert infames audivisse : quas proinde si ut fieri non semel vidi ob unam hanc denunciationem cum infamia conjunctam in carcerem ac tormenta ambulare oportuerit, ac deinde rursum harum quoq; singulæ subjectæ pœnis suas item complices effari cœperint, quis non videt intra brevissimum tempus futurum, ut denunciantium & denunciatarum finis vix sit inveniendus : præsertim si terocior sit Judex & eorum autorum sequatur sententiam qui vel unicam vel plures aliquot complicum denunciations nullis aliis indiciis comitatas ad torturam imo & condemnationem valere volunt in criminibus Exceptis. Punctum hoc cum attentius considero, nō semel ad insignem Germaniæ cœcitatem attremui. Consideret quoq; lector & dubitabit non nemo in tota hac materia sagarum quid credat, & an omnino quidquam credat. Ita q; cogentibus tormentis incredibile dictu est quanta de se ipsis, quanta de aliis mentiantur : quicquid tandem verum esse tortoribus placuit id est verum : ad

omnia annunt torturæ; & cum deinde revocare non audeant, morte omnia obli-
 gnantur. Scio quid loquar & ad Judicium
 illud provoco quod vivi mortuiq; præsto-
 lantur; in quo admiranda patefient quæ
 nunc involuta tenebris sunt. Id ex animo
 pronuncio, nescire me à multo tempore,
 quid Authoribus iis, quos ante hac proli-
 ciente curiositate lectitare & æstimare so-
 lebam, Remigio, Binsfeldio, Delrio ac
 cæteris in ulla re fidei possim adjungere;
 omnis fere eorum de sagis doctrina non a-
 lij imposita fundamento sit, quam vel nar-
 ratiunculis quibusdam, vel confessioni-
 bus per torturas expressis. Novit DEUS,
 quot gemitus ex imo corde deductos effu-
 derim cum hæc mecum etiam noctibus
 per sæpe vigilans attenderem, nec tamen
 modus occurreret quo tantisper sistere li-
 ceret opinionum vulgarium torrentem,
 dum absq; præjudicio & depravato affectu
 rem altius repetere hominibus luberet.

RATIO XV. Auget item periculum
 quod si qua semel dolori dedit ut rea esse
 vellet, jam omnem sibi viam ad salutem oc-
 cluserit, nec spes ulla reliqua sit suscepti se-
 mel cri-

mel criminis excutiendi. Negotium periculofum !

Nam fi poſt tormenta ſe corrigat ac dicat vi doloris non veritatis laxaſſe linguam, repetetur in quaſtionem : in qua ſi paulo prius tenere vocem non potuit, nec nunc tenebit, irritato per iterationem poenæ doloris ſenſu. Ac ſi poſt torturam hanc ſecundam iterum ſe corrigat, ſane tertiam experietur ultra quam etſi negent autores boni Petrus Gregorius Tholoſanus, Gomezius, Leſſius, Delrius, & alij plurimi ab hoc citati *lib. 5. ſect. 9.* procedi oportere, atque ita tum demum revocationi ad abſolutionem eſſe locum : tamen ne id quidem ſatis juverit cum imprimis vix reperientur quæ non mori malint quam ad quaſtionem tertiam pervenire, deinde autem & autores alij ferocioreſ non deſint, qui etiam ultra tertiam vicem in atrocibus criminibus eundẽ eſſe putent: quorũ proinde opinionem ſeveri iudices ſequẽtur. Quod ſi vero etiam adductæ tandem reæ in ſupplicij locum cum à tormentis non habent metuere jam flammas intraturæ revocent audacter quæ ſunt doloris coactione con-

fessæ; ne id quidem quicquam habet ad salutem momenti. Contemnunt enim Judices & ei potius insistant Confessione quæ judicialis fuit in tormentis facta; ut hæc ultima ante mortem revocatio omnino frustra suscipiatur: proindeq; verum maneat quod dixi, præcisam omnem esse spem correctionis ubi semel in tormentis lapsu linguæ suscepta culpa est.

R A T. X V I. Auger item periculum quod si quæ è contrario dolori nil dedit ut fateri voluerit, nihilominus nec sic eripere se possit & ab asperso crimine purgare. Toties enim ad tormenta revocabitur dum succumbat & vox veniat in potestatem tam frequentium pœnarum. Erat aliquid si post unam quæstionis procellam constanter elisam in tuto salutem statuere liceret. Nunc illa repetitio & frequentatio fiducularum, virgarum, facularum &c. passim usitata spem omnem interficit unquam emergendi. Qua quidem in re aut vehementer cum pientissimis multis viris deliro, aut videre sane nequeo quo tandem modo sufficienter innocentibus à periculo sit cautum, quin innumerabiles & perierint hæc
& enu

atenus, & impofterum periturae ſint. *Rectiſ-*
ſime nuper religioſus quidam vir ingenio perſpi-
caci cum apud judiciales quasdam perſonas de hoc
argumento eſſet ſermo, quaſtionem eis hanc ſub
finem propoſuit: doceri ſe cupere quis tandem ille
eſſet modus quo is poſſet uti ut ſe liberaret, qui ve-
re innocens in vincula veniſſet? ad quod cum
diu non ſatisfacerent nec is tamen premere deſi-
ſteret, id tandem reſponderunt ſe ea nocte deſu-
per meditatuſos eſſe. Ecce autem hi tales cum
jam tot ante pyras incendiſſent, ita adhuc
eatenus proceſſerant, ut neque in illum
diem modum allignare ſufficientem poſ-
ſent, quo qui vere innocens fuiſſet ſe eri-
pere ex eorum manibus potuiſſet. Ego
eandem quaſtionem Magiſtratibus Ger-
maniae propono. Et ſi quis erit qui putet
ſe eum modum inveniriſe: jam hoc ipſo o-
ſtendet nescire ſe quid gerat; et ſi nesciat,
in periculo ſalutis ſuae eſſe, cum ſcire debe-
ret, legat quae adhuc deinceps dicemus, &
tamen omnia dicere adhuc nondum no-
bis expedit, cum ea tempora ſint quae non
ferant. Et quid miramur ſi omnia ſunt ſa-
gis plena? Miremur inſignem Germaniae
coecitatem, & ſtuporem etiam peritorum:

136 Dub. XX. *Quid de Torm. seu quæst. sentiend.*
sed hi nimirum quieti & lautitiis affluenti ac
post se facere commentari soliti, cum nec
speciem quidem ullam doloris concepe-
rint animo, non secus de reorum tormen-
tis sentire ac loqui solent, actam liberaliter
ea decernere, quam si cæcus de coloribus
differat, quorum imaginem non habet:
Dici de iis non incongrue potest quod ha-
bet scriptura, Amos cap. 6. *bibentes vinum
in phialis, & optimo unguento delibuti, & nihil
patiebantur super contritione Ioseph.* Qui si
deinde ipsi tormentis vel per quadrantem
horæ admoverentur omnem subito sa-
pientiam suam & Philosophiam tam ma-
gnificam in terram excuterent: neq; enim
non plane infantiliter de rebus quas ne-
sciunt philosophantur.

Unde & concludam omnino sentio
cum ornatissimo quodam viro & amico
meo, qui sic loqui solet lepide & vere: Quid
inquit, tam sollicitè maleficos quærimus?
Heus inquit Iudices ostendam extemplo
ubi sint: Agite, rapite Cappucinos, Jesui-
tas, Religiosos omnes & torquete, fate-
buntur: si qui negant, repetite ter quater,
fatebuntur: si adhuc obstinati sunt exorci-
late,

sate, detondete: utuntur maleficio, obdu-
rat eos Dæmon, vos procedite; tandem
dabunt manus. Tum si plures multis, rapi-
te Ecclesiæ prælatos, Canonicos, Docto-
res; tatebuntur Nam quid miseri illi & de-
licati, quî subsistent? Quod si adhuc plu-
res vultis; vos ipsos ego torsero, & me vos
deinde: non diffitebor quod vos facti eritis;
sic omnes magi sumus. Nam scilicet nos
ij erimus qui tot pœnis toties repetitis vo-
cem subtrahere possimus fortes & con-
stantes viri! sic ille.

*DICES. Imo falsum est quod de repetitio-
ne pœnarum dicitur: neq. enim repeti tormenta
leges volunt nisi nova eay, urgentissima indicia
asserantur.*

*R. De eo loquor non quod leges volunt aut
quod ratio præscribit, sed quod nunc passim lu-
dices usurpant. Alia in speculatione vera sunt,
alia in re ipsa facta fiunt. Id declaravero si idem
argumentum à nova questione latius per-
secutus fuero. Quaratur igitur.*

DUBIUM XXI.

*An accusata Veneficiij sæpius
torqueri possit.*

Distinguenda quæstio est ut hæc duo
quæri intelligantur.

- I. *An iterum torqueri possit, quæ semel
torta & confessa est, post autem revo-
cat confessionem.*
- II. *An iterum torqueri possit, quæ semel
torta sed confessa non est dicam de u-
troque. Itaque:*

R E S P O N D E O I. Si quæ semel torta
confessa de se crimen est, post autem revocat, vo-
lunt repeti in torturam posse et si nova indicia non
supervenerint: deq; hac repetitione loqui intel-
ligenda est lex 16 ff. de quæst. cum sic ait: repeti
posse quæstionem Divi Fratres rescripserunt.
Et ratio est, quia imprimis prior confessio in tor-
mentis facta est loco semiplenæ probationis & fa-
cit Indicium sufficiens, ut habet VVesenbecius
hoc loco. deinde per talem revocationem indicia
priora infirmata non sunt: deniq; si non posset re-
peti, totum hoc remedium, ait Lessius esset sine
ullo

ullo effectu: nam nemo ratificaret suam confessionem, si putaret in se non posse amplius quaestionem exerceri. Atq; ita (ut loquitur Marcellus cuius phrasi delector) turcastaret in viduitate & delicta remanerent impunita. advertendum tamen, quod paullo ante monui, non ultra tertiam torituram in actu tam odioso procedendum esse: quod sentiunt communiter Doctores, ut vides apud Delrium lib. 5. Sect. 9. & Farinacium quaest. 38. num. 96. Vbi iudices qui ultra trinam vicem procedunt, vocat carnifices. Ego vero omnino existimo qui in tortura secunda rursus confessus post eam rursus negat, ne quidem ad tertiam revocandum sed dimittendum esse. Prohibeat DEV S ut qui comprehenderit quis & quantus sit tortura dolor, aliter sentiam: vereor sanè, ut omnes illi olim iudicium sine misericordia in morte experiantur qui tam saevi & immites in iis sunt pœnis decernendis, quas si sola imaginatione rectè expressas nossent, non sustinerent vel bruto animanti inferri, quin compaterentur. Nemo certè omnium nobilium Germania est, qui venaticum suum canem sic laniari perferre posset. Ut homo igitur toties laceretur quis feret?

RESPONDEO. II. Si qua semel tortura sed confessa non est, non potest iterum torqueri,
nisi

nisi novarursum eaq³ argentissima indicia proferantur. Ita Clarus, Menochius, Gregorius, Tholosanus, Farinacius, Dinus, Albericus, Villabodius, Sylvester, Azor, Lessius & alij communiter Iurisconsulti ac Theologi. Colligitur autem ex lege unius 18. ff. de quæst. ubi sic habetur: Reus evidentiorib. argumentis oppressus repeti in quæstionem potest, maximè si in tormenta animum corpusque duraverit. *nota verba* argumentis evidentioribus, ut *maiora intelligamus* requiri quam quæ ad quæstionem primam sufficere. Vnde rectè Delrius lib. 5. Sect. 9. Nunquam est inquit iteranda tortura nisi superveniant indicia nova & diversi generis & prioribus evidentiora & nisi reus sit adeo fortis & robustus ut animo & corpore in priora tortura perduraverit. Sic ille: omninò ad mentem legis. Et ratio manifesta est, nam indicia priora contraream allata, quantumvis gravia per torturam primam sufficienter elisa sunt everuata & destructa, ut proinde reus tanquam legitimè exculpata, ac purgata absolvi debeat. Imo verior & communior sententia est, per sufficientem torturam purgari etiam probationes plenas, ut contra nonnullos fusè docet Prosper. Farinacius Prax. Crim. lib. 1. tit. 5. q. 40.

sequi-

sequitur Delrius lib. 5. Sect. II. Tannerus & alij &c. Vnde non poterit rea ad torturam revocari, nisi vel alia afferantur nova indicia, quibus denuo in novam criminis suspensionem vocetur, vel dicatur torturam cuiq; sine causa inferri posse, quod inauditum est, & omni aequitati contrarium. Quod autem nova hac indicia ad torturam alteram evidentiora prioribus quæ erant ad torturam primam lex esse velit, planè secundum rationem statuitur: Nam cum quis accusatus argumenta quibus petebatur accuratè semel evitavit, tum autem aliis petatur, ab novo, ita comparatum natura est, ut validiora ferè expectemus quam priora fuere. Deinde vero cum tortura altera necessario multò sit acerbior atq; illa prima fuerit, ad quam animus adhuc erectus & infracta vires adhuc allatae sunt; postulat sanè recta ratio, ut ad eam tanto graviolem non nisi tanto quoque gravioribus de causis accedatur. Fiat igitur quod lex dicit, id est repeti in questionem reus possit; sed cum eo ut argumentis evidentioribus oppressus sit id est novis indiciis adhuc validioribus, quam priora fuerint, conclusus. Imo addendum est quod docet Farinacius lib. 5. q. 38. n. 77. secutus Paridem de puteo, Angelam, Marsilium, Aymonem, Blanchum, Carrerium, Guido-

nem

nem de Suzzania, Boffum, Clarum, Menochium, Francisc. Personalem, Bertazzium, & alios indicia hæc non solum debere esse prioribus fortiora, sed etiam diversi generis, id est quæ ab aliis differant specie & substantia. Verbi gratia inquit, prima indicia respiciebant malam famam inquisiti, vel ejusdem inimicitiam cum occiso, & ex illis ipse reus fuit tortus & nihil fassus est supervenit postea testis, qui deponit se vidisse eundem reum vulnerare, vel vidit eundem cum gladio evaginato: talia dicuntur nova indicia, quia differunt à primis specie vel substantia: Verum si prius habuit reus contra se indicium famæ probatæ per aliquos testes, & ex illis tortus perstiterit non potest amplius repeti, licet superveniant alij testes eandem famam probantes: tales enim testes non inducunt novum indicium sed novam probationem veteris indicij. Sic ille: Quæ quidem etsi ita sint non solum legibus sed & rectissima rationi consentanea, atq; eam ob rem in criminibus omnibus etiam Exceptis retinenda. Nihilominus ut sunt laxæ & immites multorum conscientia parum de futuro alterius quoq; vitæ judicio sollicita longè aliter in Praxi observari solet ut agnoscat

scit etiam Farinacius ibid. num. 76. & ante eum
 Clarus lib. 5. q. 64. & ibid. Bramus ab eo citatus,
 qui non solum sic vidisse sed & se fecisse malè ac
 minus iuridice fatetur: causas dubio sequenti ve-
 stigabo. Interim monere hic serio huiusmodi Iu-
 dues operæ pretium erit, si quis forè lecturus est,
 qui vigilante adhuc conscientia fruatur. fieri id
 non posse absq; gravissimo peccato. Ratio est, quia
 sine causa ut jam dixi infertur corpori proximi
 malum gravissimum. Itaq; si nemo non Theolo-
 gorum sentiet eum peccaturum esse mortaliter,
 qui sex septem vulnera etiam non lethalia dum
 alias ea sint, quæ ingentem corpori dolorem im-
 ponant, in caput ac brachia Titij sine causa di-
 spergit gladio si vè fuste, peccabit utiq; & multo
 quidem gravius, qui in eundem Titium item sine
 causa ea tormenta explicet quæ si vel dimidio ho-
 ra quadrante subeantur, eum pariant dolorem,
 quem dolor vulnèrum viginti quinq; non aquet.
 quod si item dicent peccaturum mortaliter, qui al-
 teri sine causa utramq; manum abscindant, pec-
 cabit utiq; & qui alterum sine causa torturæ sub-
 jiciat, cum hanc graviores pœnam esse, quam
 utriusq; manus abscissionem ex communi sen-
 tentia Doctòrum affirmet Farinacius quæst. 42.
 num. 14.

Quæ

Quæ cum ita sint, mirari sæpè subit quid multis adeo inclementibus esse libido sit, ut tam minime in torquendo vel alieno corpori vel suæ conscientie parcant? sanè quidem si peccare mihi libeat, & omnino animo conclusum sit, quod avertat DEVS, ad gehennam proficisci, nolim tamen itinere tam insuavi, sed non paullo iucundiore via.

DICES, si sic subito se exemit, quæ unis tormentis infamiam & indicia absterfit, paucissimas nos Sagas uideremus, procedere non possemus.

R. Ita mihi non infrequentes hæ voces audiuntur, ut quotiescunq; hætenus modestissime monere plures soleo de diligentia & attentione procedendi toties non alio uno argumento sibi securitatem, mihi silentium imperent; quam quod negent, nisi ita faciant procedere se posse. Gaudeo vero cum eos formant in rem suam discursus, quos refellere non possum, neq; enim possum. Letor meus si ita ei placet & iudicio non parum valet is refellat: sic enim mihi dicere videntur nisi ea facimus quæ cum ratione & aequitate ac legibus non consentiunt, id est nisi gravissime peccemus & eos qui se purgarunt ad nova tormenta sine nova causa ducamus nos Sagas non habemus, pyras quas exstruere non possumus, exstruenda

exstruenda tamen pyra sunt, & habenda saga,
undecunq, quarumvis legum ingratis accersan-
tur. Præclara sane sententia? quæ ingentem hunc
sagarum numerum quem cum piis & religiosis
multis viris non audebam sine nota exotici sensus
palam proloqui, manifestio calculo nobis addicit.
Et ecce Germania tot Sagarum Mater quid mi-
rum si præ mœrore oculos efflevit, ne videre possit?
O cecitas nostra gentis? Ecce ipsimet Iudices cla-
re clamant: servetur aequitas, sequamur ratio-
nem, & Sagas non comburemus. Non ego quid
contradicam scio; concedo enim; respondere non
possum, itaq, non jam miror, consideratissimum
Tannerum, quod cum in suo commentario de sa-
gis dubio 5. modos collegisset eas efficaciter extir-
pandi inter ceteros hunc quoq, prudentissimè an-
notarit num. 131. Ut processus non nimis
diu prorogentur, sed servatâ Juris formâ
matutius expediantur, vel damnatis reis &
confessis vel dimissis si qui per torturam in-
dicia purgarint. Sed quid prodest hæc editis
commentariis monuisse? pergent nihilominus
Iudices ut cæperunt nam causas suas habent quæ
sequenti dubio dicentur.



DUBIUM XXII.

Cur multi Iudices hoc tempore ægré reas absolvant etsi se in tortura purgarint

RESPONDEO. Nondum sæpe vidi, etsi multis in locis sæpissime videre poteram dimissam qua in prima tortura inficiando culpā, se purgasset. Ægerrime ac vix sane absolvuntur, quæ semel in carcerem recepta sunt; & videri poterat justitiæ hic Zelus esse & quidam velut ardens virtutis. Sed absit ut tam immoderatum quid virtus habeat, quæ non nisi inter eam lineam quam lex & ratio direxit exercere vim suam solet. Mihi ista potius videntur esse.

PRIMO Per fas & nefas habere volunt quas comburant ut præcedenti dubio jam dixi: qui nescio quis cæcus impetus sit, & seu illi seu magistratus culpam habeant.

SECUNDO Accedit quoq̃, quod ignominia sibi fore fingunt, si facile dimittant, tanquam præcipientes fuerint in ea capienda & torquenda quæ mox innocens inventa sit. Inter o quod vidi ante annos duos. Eram in loco, ubi initium dabatur inquisitioni sagarum. Prima omnium Gaja, quod in pago suo au-

direct

direr male, ob hoc unum capta est, ob idem torta est. Hæc in tormentis Titiam defert, ut consortem, tantumq; valet unica delatio, ut & Titia capiatur, & in æquuleum tradatur: Hunc illa superat & constanter se ream negat. Interim Gaia ad pyram educitur, ubi admodum pœnitens, & ad mortem iudicio confessarij optime comparata revocat delationem Titia tanquam fallam, & vi tormentorum expressam, male se fecisse deferendo innocentem, nunc adeo paratam esse morte sua obsignare se de Titia nihil mali scire, cum iis verbis in flammam intravit. Nihil tum erat causæ, quin Titiam dimitti conveniret, quam nec capere quidem oportuisset dimissa tamen non fuit: obstabat enim quod dixi: mussitabant inter se iudiciales personæ levitatis se notam contracturos, si sic Titia ad libertatem recurreret. *Vah quam res indigna, parumq; Christiana, omni æquitati adversa!*

*TERTIO Licetor quoq; dedecus veretur
tanquam arte sua ac tormentis imperitè functus.
cum imbelli fœminæ confessionem non abstulit.*

QUARTO Miscet se amor lucri, si inca-

148 Dub. XXII. Cur multi lud. hoc temp. agere & ti-
pita plectendorum constituta pecunia est, quam
nolint, imminutum iri. Enim vero non omnes san-
cti sumus, aut ita aq. à continentia instructi, quin
subinde auri & argenti fulgor oculis obludat. Itaq.
quod non semel audiui & indolui, quarunt omni-
bus modis ut rea sit quam esse volunt, compin-
gunt in arctiora vincula, macerant squalore car-
ceris, domant frigore & aestu, submitunt sacer-
dotes, quales supra descripsi, impetuosos, seu im-
peritos, seu olim medicabula, nunc inquisitorum
servos, retrahunt in nova ac nova tormenta, ac
deniq. eo usq. vexant, & affligunt dum tot mise-
riis confectam tandē ad confessionem seu veram
seu mendacem impellant. Neq. enim desunt in-
venta pulcherrima & expedita ad repetendas
questiones, & conscientiae lumen tantisper obrue-
dum, etsi nova indicia non reperiantur, ut jam
dicam. Labet enim, ne de lenitate mea nimia at-
que incitiā rerum criminalium me pudefaciant,
accedere paulisper ad eorum partes, & vel instrue-
re minus eruditos, quibus inventis facere
liceat quod lubet.

Quo prætextu obtineri posse videatur ut liceat tormenta repetere sine novis indiciis.

RESPONDEO. Non unus prætexus est, quo Iudices laxioris conscientia uti possint, & nunc strenuè passim solet.

PRAETEXTVS I. Bartolus Iurisconsultus in lege unius ff. de quaestione. vult esse positum in arbitrio iudicis, an repeti in Equuleum possit qui in prima quaestione nihil est fassus. Idem sentit Baldus in l. 2. num. 10. ad finem, C. quod metus causa. Idem Paris de puteo, Marfilius, Cataldus, Menochius & alij relati à Claro & Farinacio q. 38. num. 87. Recte & egregie plane ad Iudicum mentem : dicent enim se sequi sententiam Bartoli & Baldi aliorumq; citatorum, & ubi ipsis lubebit, arbitrabuntur repeti oportere. Quod si dicas arbitrium Iudicis debere nihilominus secundum jura regulari, ut bene observant Doctores; respondebunt illi in exceptis criminibus licere jura transgredi : Ita liberrima semper arbitria futura sunt, nec quisquam unquam quantumcumq; exerraverit conveniri poterit ac puniri.

PRAETEXTVS II. Docent alij repe-

150 Dub. XXIII. Quo prae. obti. posse vid. ut
tunc posse, cum tortura prima sufficiens non
fuit Ita Clarus lib 5. q. 64. Quae autem suffi-
ciens aestimanda sit, pendet à ludicis arbitrio, in-
quit De'rius l. 5. sect. 9. Damhauderus praxi
criminali cap. 38. & alij passim, & hoc casu
solent Iudices verba sunt Iulij Clar loco cit:
quando jubent reum deponi à primâ tor-
turâ scribi facere quod illum deponi ju-
beant animo repetendi &c.

Rectissime & hoc pro laxis illis militabit: di-
cent enim cum ita volent priorem torturam suf-
fi. ientem non fuisse; sic quippe omnem eam ap-
pellabunt, quareo vocem nondum extorsit, eritq;
hic calumnia struenda quasi locus communis. Ita-
que torqueatur reus: si confitetur bene est: si non
confitetur, in sufficiens tortura fuit, cras repeta-
tur, si nec tunc fatetur, adhuc insufficiens tortura
fuit: procedamus.

PRAETEXTVS III. Similis est item
repetenda tortura color, quem suggerit, Bartolus
in l. unius ff. de quaestionibus dum ait, eam le-
gem ut & l. repeti, ff. eodem titu sic intelligi &
practicari, quod non possint repeti tormenta si
indicia fuerint infirmiora; possint autem si fue-
rint valde firma & multum urgentia: atq; de hac
Bartoli explicatione ait Farinacius quaestion.

38. num.

38 num. 79. eum magistraliter locutum esse, sequunturq; Bartolum Paris de Puteo, Marsilius Bossus, & alij à Farinacio citati, contra Boërium & ut ait velle Carrerium, contra magis communem Doctorem opinionem. Quicquid sit, in signis sic est color: nam imposterum pro suo quisq; cerebro indiciis suis quodcumq; volet pondus adimet aut addet, & si repetere tormenta lubeat, dicet indicia sua plurimum urgere, & minime infirma esse.

PRAETEXTVS IV. Iuvabit quoq; quod sequitur; sic enim hodie probi Iudices existimant licere sibi torturam in hoc crimine utpote atroci ad horam unam aut etiam quinq; quadrantes extendere, cum & sic doceat Farinacius quæst. 38. num. 54. contra generalem prohibitionem Pauli III. & ut mihi videtur contra seu naturalis seu saltem Christiana humanitatis legem ut suprâ dixi, dub. 19. ratione 7. sed tamen sic mites illi putant. Itaq; ut id tempus tanta fructuosius collocent, dividunt in duas tres partes ac diebus diversis torquent.

Sic enim ratiocinantur; licere sibi sumere tempus horæ, licere igitur eam horam in partes discindere. Praclarus color! nec advertunt ut etiam concedam antecedens (quod tamen nun-

152 Dub. XXIII. Quo præt. obt. posse videat. ut
quā concesserim) non tamen nisi crudeliter infer-
ri consequentiam posse : nam incredibiliter am-
plius ita distracta quam continuata tortura affli-
git. Refrigerato enim corpore, atq; animo insuper
per noctem fracto ac perterrefacto imaginatione
nova sequentis diei pœna, quis neget insignem
cumulum ad permissam pœnam adjectum iri? qui
certe tam notabilis excessus non potest sine pecca-
to gravissimo decerni ob causam datam supra
dub. 21.

PRAETEXTVS V. Iuvabit vehemen-
ter pracedentem prætextum autoritas Iacobi
Sprengeri & Henrici Institoris auctorum Mallei
maleficarum, qui hæretica pravitatis inquisitores
à sede Apostolica quondam in Germaniam mis-
sifuerunt. Nam hi expressè docent, sapius tor-
queri posse non fatentem per modum non quidem
repetitionis sed continuationis. Verba eo-
rum ita habent parte 3. quæst. 14. pagina 513.
Quod si nec poterit reus ad terrorem vel
etiam veritatem induci, tum pro secunda
aut tertia die quæstionandum erit, ad con-
tinuandum tormenta, non iterandum,
(quia iterari non debent, nisi nova super-
venissent indicia) & tunc feretur coram eo
sententia in modum qui sequitur. Et nos
præ-

præfati Iudex assignamus tibi tali diem talem ad quæstiones continuandum ut tuo proprio ore veritas audiatur : sic illi nimis quam præclare. Quis jam iudicium malevolarum, non apertum habet ostium faciendi quod velit ? non repetemus, inquit, torturam : absit sane ut id sine novis maximisque indiciis faciamus, continuabimus solum alio die dum veritas elucescat : scimus repeti non posse, est id contra leges ac rationem ; nolumus tam esse inhumani & crudeles, continuabimus duntaxat, continuari enim posse didicimus ; & auctores sequimur viros in hac materia versatos, Inquisitorum munere per Germaniam functos, Theologos, & religiosos : sic illi igitur tuebuntur. Nescio quid dicam, itane viros religiosos ac sacerdotes loqui posse & ludere in re tam acerba.

Irreligiosa hac mihi crudelitas videtur ; & veteri incipio, imo sæpe ante sum veritus, ne prædicti Inquisitores omnem hanc sagarum multitudinem primum in Germaniam importarint, torturis suis tam indiscretis ; imo, inquam verissime discretis & divisis.

PRAETEXTVS VI. Sunt quidam qui docent, quod si reus tot delicta commisset ut uno die examen absolvi non posset, posse cum ultra

154 Dub. XXIV. Quomodo Iudex scrupul. qui
tres vices torqueri, adeo ut si quis de quinque di-
versis criminibus foret delatus, & ex indicio
gratuitus suspectus, & de tribus tantum delictis
tres torturae & examina consumpta, de reliquis
toties torquendus sit, donec examen de iis fuerit
perfectum & absolutum: sicut reus sufficienter
hoc est bis aut ter tortus atque contra se crimen con-
fessus, quarto aut quinto torqueri potest ad dete-
gendum socios: quia ratione sociorum nunquam
fuit tortus. sic ait Tannerus docere Delrium lib.
5. appendice 2. quaest. 34. Non habeo appen-
dicem illam Delrij ut videre possim: si ita est, quid
obsecro fiet in crimine Magiae ubi tot crimina so-
lent esse connexa; quanta via aperta ludicibus e-
rit ad torturas multiplicandas? Prohibeat Deus
quae hac immanitas futura est. Denique id ex di-
ctis clarum est, sub specie iustitiae eam esse Inqui-
sitoribus potestatem repetendi tormenta, ut nul-
lum non hominum genus quod sub tormenta mori
do venire potuerit magiae lue infectissi-
mum sit.

DUBIUM XXIV.

Quomodo Judex scrupulosus,
qui sine novis indiciis torquere non
audeat, facile nova indicia re-
periat.

RESPONDEO Suggesteram superiore
dubio non malos pratextus quibus Iudices
uti possent, si repetere torturam sine novis indi-
ciis liberet, nunc tamen quia aliqui fortassis scru-
pulosiores, ne sic quidem satis conscientia clamo-
rem compescerent, sed omnino vererentur sine
novis indiciis eas pœnas repetere, maxime ter
quater & quinquies; iis quoq; subveniam tribus
aliis inventis non injucundis; quibus ita paratam
conscientiam reddet, ut omnem ejus modum tol-
lant. Ingeniosissimi enim homines tres modos
excogitarunt, velut divites argumentorum los-
cos, unde illico in promptu habeant, nova indicia
quæcum repeti in novas pœnas sinant, imo &
plane convictum rogo damnarent. Modi autem
isti sunt:

MODVS I. Quæ in prima, secunda aut
tertia, imo & quarta tortura vocem tenuit, eam
reduc in carcerem; ibi tum fac in arctioribus vin-
culis, frigore, squalore loci, ac solitudine mæro-

rem suam & dolorem, quas à tormentis reliquias
 asportavit, concoquat aliquanto tempore, & sen-
 sim absumat: parum est si hyemem unam & aësta-
 tem sic maceretur; cum & ea quies post tot tortu-
 ras etiam hodie personis Ecclesiasticis nonnullibi
 indulta sit. Interim dum eam sic detines, pro-
 cede tu, & in alias sagas inquire, cape & torque;
 cum pœnis impares fuerint, interroga de priore
 illa, quam in carcere adhuc servas, an non hac
 alicubi ab iis in conventibus sit visa? an docue-
 rit? an didicerit? aut si quid erit tale? Invenies
 certe quibus exprimas quod voles, quæq; con-
 gruant, in iis circumstantiis quas tuis cum tor-
 quentur suggeres, aut licitor, juxta dicta supra
 dub. 20. ratione 11. & 12. Tum autem ut pri-
 mam novam aliquā denunciationem hujusmo-
 di contra captivam inveneris, invenisti utiq; id
 quod docere te volebam novum scilicet indicium;
 age id ei denuo propone, urge, insta, increpa, & per
 te ac confessorium impelle, ut faciat se tandem
 ream, ac ni acquiescit repete in tormenta: si con-
 scientia adhuc obmurmurat, non cura, dic: hac
 hodie est praxis. Aut si adhuc nec id audes; ex-
 specta occasionem meliorem: nam dum interres
 circumcirca alias atq; alias torquebis, facile fiet
 ut inter tam multas una aliqua aut altera dum

nominare alias cogitur, incidat etiam in hanc tuam captivam nominandam, utpote quam jam tum infamatam audit tum igitur indicium novum habes, ut torqueas: Qui etiam modus serviet ad eas in carcerem recipiendas quas semel inde dimissa forte sunt, & cautionem prestiteri ne fugiant. Nam hæc quoq; hodierna praxis est, atq; inventum pulcherrimum ut nulla non frustra impofterum de carcere dimittatur.

MODVS II. Si nec sic proficis, tum unam aliquam qua dicto modo captam denunciavit jubecum illa tua denunciata confrontari: interimq; denuncianti, dum ad denunciatam ducitur, liëtor impudens minetur quicquid spirare pænarum potest, nisi denunciationem suam in tortura factam clare coram denunciata edisserat: idem terminare.

Vbi convenère; increpa denunciatam de per- tinacia, ac dic adductam jam esse, qua eam tandem in faciem convincat, & dubitationi omni imponat finem; conversusq; ad denunciantem, roga an non constet, in confessione antefacta, quod hanc videris, in conventu &c. timebit sanè hac, ne si non constet ad graviora tormentareducatur, proindeq; constare dicet. Quod etsi non factura sit, nisi voce subtimida & à suspirio inchoata,

tum

tum & capite submisso, dejectis oculis, atq; eo denique gestu, qui invitiissimum mendacium affirmet; etsi etiam denunciata illa mox excipere & respondere paret; tu tamen hac omnia dissimula, & abrupta omni veteriore audientia, aut examinatione, jube illico denunciantem reduci, & denunciata id unicum cum tuis inclama: Nunc eam tandem palam esse convictam, proindeq; non modo repeti in tormenta posse, sed etiam si hac eludat, nihilominus damnari, ut manifesto obstinata & in faciem convictam; nam sic loquuntur, & id hodie est confrontari, id in faciem convinci: quod cum continuo in vulgus spargant, & ad Principes perscribant, merito omnes, etiam Theologia Doctores super hoc consulti, iniquissimis processibus applaudant; tanquam qui illas loquendi phrases curiosius non didicerunt, neq; discent. O germania quid facis? & cur hac indicare atq; monere Magistratus non licet? Iterum hic cum amici mei hac legunt, herent attoniti, & quomodo inquirunt, haccine ita fiunt? hac est praxis? ego vero juratos adducam testes, qui hanc praxin oculis suis & memoria (non enim iudices protocolli) inscripserunt. Et quid principes dicturi sunt, si etiam testatum dederò per talem confrontationem taliter convictas, cum adhuc negarent, ob

hanc

sine novis indicibus torquere non audeat, &c. 159
hanc obstinationem condemnatas esse, ut igitur
exurerentur viva? Et quid dicet Magnus Caesar,
sietiam Ecclesiasticas personas eadem damnatio-
ne in Imperio peruisse audiat? Sed hac alias.

MODVS III. Sume novum indicium &
id admodum firmum ex ipsamet tot tormento-
rum tolerantia: dicenim hanc tantam esse non
potuisse sine maleficio, & hoc igitur malefici-
um esse novum indicium criminis. Vnde iube male-
ficiatum exorcisari aut quod aliqui suadent mu-
tari locum & carcerem ut in aliud Castellum
transferatur, ac deinde depulso hoc per exorci-
smum aut mutationem loci maleficio ac deinde de-
pulso hoc per exorcismum maleficio, jam experire
ab novo quid tortura possit. Quodere ut clarius
processum Iudicium quorundam intelligamus,
dicam latius dubio sequenti.

DUBIUM XXV.

An novum indicium ad tortu-
ram novam det malefici-
um taciturnitatis?

Malefici-um taciturnitatis appellant,
cum quis artibus malignis contra
sensum tormentorum obduruit: ut vide-
re est,

re est, in malleo Sprengeri, parte 3. q. 15. pag. 518. & apud Delrium lib. 5. Sect. 9. Itaq; si quæ hodie bis aut ter torta, nil fatetur; mox ajunt eam uti maleficio, demonem ei fauces obsidere, ne fateri possit; atque hoc ipso sat deprehendi ream esse, proindeque exorcisari & rursum torqueri posse.

Sane Titia, inquiunt, nisi saga esset, non potuisset sustinere duas has aut tres torturas, tam immanes; non enim id fecisset, nisi ope diabolica, vel divina: Formalia hæc verba, adhuc nuper à religioso quodam iuvenculo & imperito; tum autem alias, non semel à iudicibus auditum: Quærendum igitur est, an hoc recte? &c.

RESPONDEO; Quod nequaquam. Rationes istæ sunt.

RATIO. I. Nego imprimis non potuisse Titiam, eas duas tresve torturas sustinere ope naturæ: plurima sanè homo
natu.

naturaliter ferre potest; unde autem illi norunt, hæc quoque tormenta, non inter illa plurima, contineri? non igitur, si quæ tacet, id continuo dicendum est maleficio obtinuisse.

R A T. II. Ne tamen nimis strictus sim, concedo etiam non potuisse Titiam robore proprio contra hæc eniti; esto ita sit; jam id amplius me juvat: nam sic argumentor. Non potuit Titia, sustinere tormenta nisi ope diabolica vel divina. Ergo sane graviora fuere, quam ut naturaliter perferri posset; si hoc autem, ergo iniquissimi fuere iudices, qui talia decreverunt: Si hoc autem, ergo & iniquissima tormenta, ergo & in omni jure invalida, & nulla; ergo est & Titia obesse non possunt, ergo nec ex illis ullum contra Titiam argumentum duci; ergo nec ex illis Titia pro saga judicari, ergo nec ab novo torqueri, & si quidem torqueatur, tamen nec comburi viva, ut obstinata, si tacet, aut ut confessa si fateatur, cum & obstinatio, & confessio sit nulla. Sic communiter Juristæ docent, & vide apud Farinacium, q. 38. nu. 78. ex Gomezio, Gigante, Carrerio, Bersato, Francisco

Personali. & aliis. O magne Cæsar, quot tamen in Germania hac tua sic indies perierunt, & perierunt? neq; tu tamen culpam habes, sed expectas supplicantium querelas, ut subvenire omnibus possis.

RATIO III. Aliter formo idem argumentum: Titiam videri adhuc sagam, ajunt judices, & repeti in tormenta posse, quia novum jam indicium repererunt. Sed quod illud? quia usa est maleficio ad tormenta priora superanda. Sed hoc ipsum qui probant? quia tormenta ea erant, ut aliter superari non possent. Accipio hoc & infero: ergo iniquissimi fuere judices, qui hujusmodi tormenta intulerunt, quibus aliter quam maleficio obniti naturaliter non licuit; ergo deniq; indicium novum habent judices, quia iniquissimi fuere; nisi iniquissimi fuissent, non haberent: culpa igitur nova Titiae, iniquitati judicum infertur, tolle hanc, & contra Titiam nil novi habent; imò pone hanc, & æquè nihil habent, cum quod iniquis & invalidis tormentis substructum sit, invalidum quoq; sit & nullum. Ut jam pateat, quam imperitè & contra se se inconsiderati homines loquantur.

Rat. 4.

RATIO IV. Esto quoq; , non potuerit Titia tormentis iis obluctari nisi ope dæmonis, vel Dei; cur jam potius ope dæmonis id factum asserunt, quam Dei? Enimvero cum Titia sic immaniter est torta, vel verè innocens fuit ejus criminis, quo gravabatur, vel verè nocens. Si prius quid credibilius quam juvisse **DEUM** sic innocentem, tam immaniter cruciatam? si posterius; tum esto dæmon porius, quàm **DEUS** juverit, jam illi tamen id factum esse, & verè Titiam fuisse nocentem præsupponere non debent, cum id ipsum adhuc sit in quæstione: atq; eam ipsam ob rem quod id ignorent, indicium novum quærant.

RATIO. V. Si, quod Titia in gravissimis tormentis nihil fassa sit, novum hoc apud illos indicium criminis est, ergo gravissima hæc tormenta illata ei sunt plane frustra, & nullo fine: nam quo illo? an ut plenè scirent, rea ne esset Titia, an secus? At jam ante æquè scribant (si volebant) eam ream esse: sic enim quod argumentaturi erant postea, argumentari poterant paulò prius: vel Titia in tormentis iis fatebitur se ream, vel non fatebitur. **Utrum**

autem fiat, utiq; est rea; si fatebitur, rea est, quia falsa est. Si non fatebitur, tunc quoq; rea est, quia falsa non est in tam atrocibus tormentis, itaq; & si fateretur, & si non fateretur, rea est. Absolutè igitur ream esse Titiam cum ante torturam æque scirent, ac probare possent si vellent; quid ex tantis tormentis, non diversa notitia vel probatione eam ream esse, voluerunt scire? Frustra igitur, & nullo fine, quod erat ostendendum, gravissima suscepta tortura est: nisi forte eum finem voluerint, ut crudelitatem palcerent, atq; hominem barbarè, lacerarent. Hoc autem cum sine gravissima culpa fieri non possit, quæ hæc insana libido est, thesaurizandi sibi iram Dei? ubi nunc sunt viri spirituales, & docti, non qui Judices tam insultè de taciturnitatis maleficio ratiocinari doceant, ut nuper audio fecisse quendam qui se philosophum ausus putare est, sed qui solidè & Christianè erudiant, nequid vel imperitiam, vel inordinatum imperium peccent, in re tam gravi, unde salus pender?

RATIO VI. Ajunt juristæ adhiberi torturam ut veritas patefiat: Quæro igitur si hæc

si hæc hominum prædictorum praxis valet
quo tandem modo patefieri possibile sit?
cogitet lector & mihi suggerat, ego nescio;
nec occurrit cogitanti: nisi forte id velint
dicere, nihil aliud in hac materia posse esse
veritatem, quam hanc unicam propositio-
nem, quod quæ torturæ addicitur sit rea:
Si ita est, concedo hanc veritatem per tor-
turam posse patefieri, ut cunq; res cadat, seu
eam toleret, seu elidat ut dixi; alioqui si
possibile est quoq; propositionem illam al-
teram aliquando esse veram, quod quæ
torturæ addicitur, rea non sit; nequeo vi-
dere, qua tandem ratione patefieri hæc ve-
ritas secundum illos unquam possit. Ne-
quaquam igitur, cum Titia ter, quater tor-
ta, inconfessa manet, dici convenit male-
ficio se firmasse, ac proinde ab novo indi-
casse culpam, ut ab novo, quæstioni alteri
præmissis exorcismis subjiciatur: Præsta-
bat potius ab initio de maleficio formida-
re, & ante omnem adeò torturam per exor-
cismos, si ita vellent, maleficiis occurrere,
quam sic imperitè juxta ac crudeliter ar-
gumentari. Pudeat inscitia sacerdotes eos,
qui hos demum exorcismos, cum ita malè

166 Dub. XXVI. *Quæ signa malef. taciturn.*
argumentati fuerint, adhibent, & ad necem hominum iniquè tortorum, ac proinde secundum allegata & probata innocentum, tali argumentatione efficaciter concurrunt.

DICES. Atqui verò si Titia in tormentu nil sentiat, si rideat, si obmutescat, si obdormiscat, si castigata sanguine non fluat; An non hæc cetera maleficij sunt signa, ac proinde nova indicationes?

R. Non sunt sanè. Quod ut ostendam, à novo dubio commodius ordiemur.

DUBIUM XXVI.

Quæ signa maleficij taciturnitatis afferri soleant à malitiosis, & imperitis?

RESPONDEO. *Præter id, quod tenet vocem quis potuit, afferuntur & alia proximè dicta in fine præcedentis dubij, & hæc quoque partim falsa, partim vana: quæ quod item magistratus, sic leviter audiant, & non examinent, culpa utiq; non vacant: nos distinctè hic ponemus, ut consiliarij & confessarij principum discant & doceant. Itaq;*

SIGNUM I. Ajunt quosdam in tormentis

z is m

tis nil sentire, sed ridere. Audio sane, sed id ego falsissimum esse ajo, dum probent; id est, dum jurati testes affirmant. Capere non satis possum quæ hæc prurigo sit mentiendi, ferè omnes enim mentiuntur: ferè inquam, ut exceptum se sciat, qui de industria certò observasse, & verum dicere juraverit, qualem nondum adhuc ullum testem vidi: Itaq; si quis reus animo ac corpore ita potuit, ut, quod in magno contra dolorem nisu solet fieri, compressis dentibus, ac deductis labiis, resorptoq; halitu, ac voce, pœnas constanter exhauferit, eum clamant crudelissimi homines, dexterrimè præeunte carnifice, nō curare quicquam, non sentire, sed deducto sic & renidenti ore irridere, ac ludere. Hic ipsissimus intellectus, istius phraseos est. Vah autem, quæ hæc immanitas est? Et hoc tamen mox in vulgus liberrime spargunt, atq; ad ipsos deniq; Magistratus omnium credulos perducunt. Novi quid dicam, & testari possum: ac magistratus si me audiant, insigniter punire debeant tam falsos calumniatores. Imò ipsi tanè, quòd hæc & similia plurima nesciunt, verendum est, ne olim a Deo puniantur.

SIGNUM II. Ajunt *quosdam obmutescere, & obdormiscere.* Sed eadem plane fide. Obmutescere quidem possunt, sed obdormiscere non credo ni jurati testes affirmant. Iterum mentiuntur. studui ego, ut has eorum phrasas intelligerem, cur principum consiliarij non student, quorum interest? præsertim cum ex hujusmodi rerum ignorantia is nascatur in omniũ mentibus Zelus, qui cæco quodam impetu, innocentem potius quam nocentes abripiat. Ut profectò dicere non verear, timere me vehementer, ne principes illi, qui sic in lagas hodiè, & non cautius feruntur, in præsentissimi sint periculo suæ salutis; quid autem eis prodest, si universum, ut putant, orbem zizaniis expurgent, ipsi interim animæ suæ detrimentum patiantur? Sed in viam redeamus. Scio imprimis nonnullos in tormentis animi deliquium esse passos; id mox impij appellarunt dormivisse. Deinde quoque scio, alios cum planè obstinassent tenere vocem, cumq; compressis palpebris, & collectis omnibus viribus diu cum pœnis colluctati essent, tandem deniq; doloribus fractos remisso nisu, inclina-

ro capite, & oculis adhuc clausis, se dedisse victos, & quietos viribus jam exhaustis, sed an hoc dormire fuit? Concedunt certè medici ac philosophi naturaliter posse contingere, ut dolore maximo, præsertim equulei, sic homo obstupeat, ut veluti somno captus sit aut vita: quod adumbrare Poëtæ voluerunt in fabula Sciotes, dum eam fingunt dolore in lapidem obriguisset: Hoc igitur nostri Judices dormire appellabunt, ac nil sentire? Insero, quod nuper audiebam. Sacerdos quidam Sacellanus, cum tortura cujusdam rei interesset, qui sic oculis adhuc clausis pendeat, & ad interrogata amplius respondere nollet, aut inquirere, ut constaret questionibus eum obdormisse, ac proinde maleficio à dæmone iuvare: id consilij ipsis suggessit, ut relicta materia in qua erant, id est, interrogationibus & stimulis ut fatetur; subito alia inter se tractare inciperent, & ridicula quadam prorsus aliò spectantia in medium offerrent. Quod cum illi agitur fecissent, ac pendens reus animadverteret, sic subito cessare tempestatem questionum ac longè alia tractari, proindeq; sensim oculos aperuisset aspecturus, quo hæc rerum mutatio spectaret, & an fortasse à pœnis dimissio speranda esset: mox

170 Dub. XXVI. *Quæ signa malef. taciturn.*
sacerdos, tanquam re confecta; ecce inquit, nunc
somno solvitur, ubi alia tractamus; cum id age-
retur, ut se reum diceret, tunc ad omnes Quæstio-
nes obdormiebat: Quid de maleficio dubitabi-
mus? non poterat eas pœnas nebulo perferre, nisi
dæmon ei sensum sopivisset. Exorcismi igitur in-
terprecandi sunt, ac deinde rursum alea tentanda:
sic ille. Præclarum verò facinus, ac sacer-
dote dignum! qui, si abfuisset ordinis in-
juria, tolli in nervum properè debuerat, &
duplicibus virgis à lictore exorcizari, du-
plici spiritu obseffus ignorantia & crude-
litatis. Dum hæc scribo, incidit, quod obi-
ter annotabo, nonnulli ipsi carnifici pro-
mitti, ut maleficiū taciturnitatis, de quo
agimus, depellat, præbita quadam portio-
ne, quæ qualis sit ignoro; id scio, quæstas
esse reas, ita se post eam exhaustam fuisse
turbatas ut quasi inter medium agmen spi-
rituum obreptæ aut obseffæ sibi videren-
tur: ac si quidem malignas artes omnino
scire cogantur, non nisi tunc primum, cum
hac portione eas imbibisse. Sed pergamus.

SIGNUM III. *Aiunt quosdam, dum in*
equuleo pendent, virgis concisos sanguine non
fluere, sic enim nuper de nonnullo narra-
batur

batur, sed nec hoc est verum : iterum nego dum jurati affirmant, aut videam. Itaque cum urgerem, id tandem expressi, ut dicerent, non multum saltem sanguinis fudisse. Non multum igitur, iis erat nihil. Imbrem credo expectabāt. & verò si adhuc nihil fultum esse concederem, quid tamen esset? potuit id naturaliter contingere: ajunt medici, quos consului, posse fieri, ut in illis angustis sic sanguis à nonnullis partibus refugiat, atq; ad cor confluat, ut non sit quod extra fundi possit : Quis enim nisi plane imperitus nescit, quotidianam experientiam ferre, ut solo terrore, similive de causa, iis omnis sanguis consistat, nec gutta effluat, qui vel maximè ei viam aperuere sectione Lenæ?

D I C E S. At si tamen verè constaret, quempiam in tormentis nil sensisse? annon id magnum tum indicium esset, ut verè maleficus putaretur?

R. At quid, si id verè non constaret? Sed tamen esto, ero admodum liberalis, fuerit aliquis aliquando, qui in tormentis nil senserit, atq; id etiam arte magica obtinuerit, nego adhuc, inde magnum aliquod indicium sumi posse, quod is veneficus

172 Dub. XXVII. An tort. sit aptum medium
necius sit. Iam enim Autores quidam, quos nomi-
nare non attinet, nonnulla ponunt, quæ qui usur-
pet, in tortura sopiat doloris sensum. ea igitur
quis inde didicerit, aut ex Delirio partem quoq;
sumpserit, (nam & hic habet) & usurpaverit;
quid hinc confici magno opere poterit, nisi quod ar-
te vetita sit usus, quæ ex occulto pacto, ut omnes
ille solent, vim habet? quam multi passim hujus-
cemodi, artibus homines curiosi, & superstitiosi,
nobiles, & magni utuntur, ad sistendum sangui-
nem, & curandam febrim, & conciliandos amo-
res, ad prohibendam penetrationem amorum,
& similia quos tamen ideo nemo maleficos esse di-
cat: aliud est enim arte vetita uti, aliud esse male-
ficum. Apage igitur, ut tam futilebus momentis
nixi laxam alias conscientiam judicium amplius
aperiamus, aut si ipsi sibi aperiunt & dilatant, cer-
tè meritò pronunciamus reorum hodie quæstiones
maximis periculis non vacare.

DUBIUM XXVII.

An tortura aptum medium sit
ad revelationem veritatis?

Dubium hoc ponere non erat opus:
nam hætenus id ipsum satis excussi-
mus,

mus, atque adeo non nisi repetimus, quæ jam tum dicta sunt : tamen quod dum phrasin variamus, & repetimus, melius lectori rem imprimimus, atque nos maxime intendimus, dabunt veniam, qui alioqui accuratiores nos esse cupiant. Itaque

R E S P O N D E O Tortura an aptum ad veritatem reperiundam medium sit an secus; nolim expresse definire sed potius lectori ex dictis & dicendis colligendum relinquere. sic enim existimo, periculosum esse statuer. Rationes istæ sunt.

R A T I O I. Aptum esse medium arguitur hinc, quod multi veritatem malint dicere, quam pati : sed rursus non aptum esse, æque conficitur quod multi quoque quam pati : mentiri malint.

R A T I O II. Utriusq; fane generis homines sunt, & quibus veritas, & quibus mendacium extorquetur; quem nunc ergo torquisti, Unde nosti, ex utra hominum sit Classe?

R A T I O III. Certe posterior hæc Classis ma-

sis major futura videtur , cum mors tormentis levior sit , non solum reipsa , sed etiam in imaginatione , quæ vivacius , & gravius , præsentia tormenta , quam futuram mortem apprehendit.

RATIO IV. Sed tamen inquis , qui innocens sit , non facile se nocentem esse facturus , malet sustinere torturam , & tacere , quam loqui & mori ac familiæ indebilem notam aspergere. Recte ; sed è contrario , etiam , qui nocens est , non facile se nocentem facturus est , malet & ille torturam , quam mortem sustinere , & infamiam familiæ relinquere utrimq; erga difficultas evendæ veritatis erit. nec facile se innocens accusabit , nec facile nocens perdet : si innocentem , innocentia constantem , nocentem culpa pertinacem facere poterit : quæ naturæ vires innocenti contra tormenta suppetent , eadem & nocenti : Imo ut quisq; scelestior , ita ferocior esse solet , ac proinde innoxius fortasse citius succumbet.

RATIO V. Difficilius tamen inquis creditu est ; quod qui innocentia sibi suæ conscius est , se reum contra tam exprel-

lum

sum ejus dictamen facturum sit. Nec id quidem quicquam facit ; nam innocentiam suam contra tam acerba supplicia, & dolores exquisitos tueri non est, nisi exquisitæ etiam minimæq; vulgaris virtutis, quæ in paucis sane reperitur. Dicit hic aliquid posset, quod Germania obstupesceret ; sed nondum audeo, servabo in opportunius tempus, atq; in alium fortasse tractatum.

RATIO VI. Non potest tortura medium esse cognoscendæ veritatis nisi ea vox, quam tortus effuderit, veritas putetur esse : sed hoc putatum iri difficile pronuntiatur est, quid si enim vox ea sit hujusmodi *Non sum reus* : an tunc putabitur id verum esse ? At longe alia hodierna praxis est ; ut præcedenti dubio ostendi. Quidquid sit incerta hic omnia & non nisi tenebræ. Mirrificant hanc Judicialium quæstionum eleganter, piè & Christianè plangit D. Augustinus, *de Civit. Dei Lib. 19. c. b.* cujus verba quod amœnitatis, & subtilitatis plena sunt, hic adscribam. *Quid cum inquit in sua causâ quis torquetur, & cum queritur utrum sit nocens cruciatur; & innocens luit pro incerto scelere certissimas pœnas: non quia illud commississe de-*

delegitur, sed quia non commississe nescitur: ac per hoc ignorantia iudicis plerumq; est calamitas innocentis. Et quod est intolerabilius, magisq; plangendum, rigandumq; si fieri posset, fontibus lacrimarum: cum propterea iudex torqueat accusatum, ne occidat nesciens innocentem; sit per ignorantia miseriam, ut & tortum, & innocentem occidat, quem ne innocentem occideret, torserat. Si enim secundum istorum sapientiam delegerit ex hac vita fugere, quam diutius illa sustinere tormenta, quod non commisit se commississe dicit. Quo damnato & occiso, utrum nocentem, an innocentem iudex occiderit, adhuc nescit: quem ne innocentem nesciens occideret torfit. ac per hoc innocentem ut sciret torfit, & dum nesciret occidit. sic ille. &c. quæ utinam considerent viri religiosi & Ecclesiastici, qui cum reis agunt. &c.

DUBIUM XXVIII.

Quæ sint argumenta eorum, qui continuo vera putant esse, quæ rei in Torturis confessi sunt,

RESPONDEO. *Ita passim inconcussè putantur esse vera, quæ in torturis rei contra se, &*

se, & alios confessi sunt, ut impossibile videatur, ab ea apprehensione unquam imperitum vulgus diducere: quod tamen non ita miror, uti miror, doctissimos Scriptores omnem penè molem doctrinae suæ, q̃ de Sagarum negotiis orbi proposuerunt, & orbis amplexus videtur, huic uni fundamento tam fallaci imposuisse; Videamus igitur, quibus ferè argumentis moveantur, & eis respondeamus.

ARGUMENTUM I. Grave peccatum est contra se, in causa mortis mentiri, aut saltem contra proximum: non igitur credibile est, id reos esse, facturos.

R. Debile mihi semper, hoc eorum argumentum est visum: nam imprimis negant optimi Theologi, mortale esse, si quis ad evitanda gravia tormenta sibi ipsi falsum crimen imponat, propter quod morte plectendus sit. Ratio quia doctus minus suæ famæ est, nec mentitur perniciose, cum non teneatur tantis tormentis, quæ ipsi sunt morte graviora, vitam conservare: unde nec postea tenetur revocare, cum non retractando nemini faciat injuriam. Vide Lessium, & quos citat lib. 2. de Just. & Jure. cap. 11. Dub. 7. n. 41.

Deinde probabile etiam est quod habet Petrus Navarra, lib. 2. cap. 3. n. 251. Sylvester in sum-

N

ma ver.

178 Dub. XXVIII. Qua sint arg. eorum qui
ma verbo detractio. q. 3. si quis magna vitor-
mentorum alius falsum crimen imponat, non pec-
care mortaliter: saltem ubi spes esset postea revo-
candi. Ratio: nam sola talis confessio inefficax
est ad procedendum, ac per se non potest jure obesse
denunciato, modo tamen postea non ratificetur,
sed potius ut debet, retractetur de quo infra dub.
30. num. 17. Deniq; vero, esto sit peccatum mor-
tale mentiri contra se & alios, ac certo sciat qui
torquetur, fore ut si proximum falso denunci-
et, is ex hoc precise condemnatur, nec futurum ut
unquam mendacium suum, efficaciter retractare
possit; quid tum postea? an ideo quantum vis tor-
queatur non mentietur? concedam quidem quod
aliqui saltem, omnibus primum viribus dolori se
opponent, ne cum tanto peccato, mentiantur, sed
tandem tamen dabunt manus ac cum nominare
complices aliquas cogentur, quas nesciunt, pri-
mum quidem, ut minus noceant, nominabunt
jam ante exustas, aut diffamatas & captas, tum
deinde si ulterius intenduntur pœna, etiam alia
quascunq; gravissimè potius peccare, quam gra-
vissimè pati sustinentes: nam scilicet tam homi-
nes nos reformidamus peccare, ut nullis adeo tor-
mentis ad id adigi possimus? mirari soleo cum
hac audio & maximè ab iis, qui etiam nulla co-

Etione

Stione in qua vis scelera sponte ruunt. Itaq, non modo credimus sed indies videmus, & simus gravissima passim scelera committi, rapinas, furta, falsa testimonia, latrocinia, homicidia, adulteria, oppressiones pauperum, vastationes provinciarum, & infinita similia, etiam cum ad haec nemocogit: & credere non possumus, committi, quoq, homicidas denunciationes, cum sunt, qui ad eas cogant, intolerabilibus tormentis? Debile igitur hoc argumentum est: Obiter vero hic annotare placet, quam lepide hic consequenter mentiri soleant, qui semel tormentis victi mentiri contra se cepere: nam ubi deinde equuleo dimissi sunt, quicquid voles affirmabunt, ne non sibi constare videantur: si roges cur non citius sint fassentur doloribus occurrerent? dicent nescire se, id scire tamen quod loqui nequiverint: si roges an igitur demon eis linguam obstrinxerit? dicent quod obstrinxerit, si an eum viderint, aut astiterit, dicent quod viderint, quod astiterit & similia complura, quae rogare libuerit: nam sic mundus sibi ludos quarit. Atq, interim capitalium rerum vindices, nugae has credunt, & mire se confirmant. Ego vero simplicitatem hanc ridere soleo.

ARGUMENTUM II. Ni vera habeantur quae in tortura dicta sunt, jam omnia poeno iudicia vacillant. N 2

Et Esto, vacillent, non ego hoc negare venio, sed est ipsum id scilicet quod metuo, quodq; D. Augustinus, tanto ingenio ac consideratione vir, verbis antecitatis ait, esse plangendum, rigandumq; si fieri posset, fontibus lachrymarum. Neq; enim de nihilo est, quod non fontem aliquem unum, sed fontis postulet lachrymarum: ut quid obsecro his tantis undis est opus; si iudicia sibi constant, & reorum confessiones? Itaq; quod vir tantus lachrymarum fontibus, prosequendum putabat id nos ne apprehendimus quidem: excusatiores futuri, si & raro, & moderate, & non futilibus ex causis in quoslibet indistincte faviremus.

ARGUM. III. *Experientia convincit, quæ in tortura dicuntur esse vera, quia congruunt circumstantiæ: ut V. G. dicit Sempronia in tormentis se ante tres menses maleficio necasse Vaccam Titij, item ante annos duos infantem Gracchi, & similia: examinant igitur iudices & deprehendunt vere ante tres mentes Vaccam Titij corruisse, vere etiam ante biennium Infantem Gracchi contabuisse &c. quid hic clarius quam ipsissimam veritatem in tormentis esse dictam? sic autem plerumq;*
con-

contingit; vera igitur sunt, quæ in tortura dicuntur. Ita Vulgus, imò non Vulgus, sed ipsimet adeo multi periti Iudices, Inquisitores, Consiliarij principum, quos sæpe audiui, & attonitus hæsi, cum non ludicre & disputandi causa, ut primum ego suspicabar, sed serio, & ex animi sententia plane inde se convincerent tanquam infallibili probatione, confessionem Sempronix necessario esse veram debuisse. Sed

R. Ingens inadvertentia est, putare hinc id firmiter probari & sibi satisfacere: nam ecce sic res habet: non ignorabat Sempronia, quod toti pago, atq; etiam pueris constabat, illo atq; illo tempore eam Vaccam esse mortuam, eum puerum contabuisse, ac similia quædam, quæ in pago contigerant: cum igitur urgeret dolor ad aliqua maleficia edicenda, tum ea quæ jam ante sciebat esse facta, à se esse facta dicebat: Quid hic est miri? Prudentissimè quidem Constitutio criminalis Carolina Articulo 60. notat, tum credendum esse questionibus, si edicantur, quæ nemo innocens dicere, ac scire potuerit; sed obsecro an hæc nemo innocens scire potuit, quæ omnibus in pago nota erant? Similiter dicendum, cum simplices quidam, omninò reas esse quasdam arguant, quia

Dub. XXVIII. *Quæ sint arg. eor. qui verint & sci. verint, ea omnia quæ in conventibus sagarum fiunt: nam quis hodie ea non ad nauseam audit? an non omnium plectendarum confessiones publice ad bancum juris legi solent? ut mirer iudiciales quoq; personas ex his interdum argumentari. Quare repeto argumentum meum insolubile quod sæpe soleo: sitam inopis Iudicij homines & tam parum perspicaces Iudiciis publicis, & principum Consiliis præsumunt, quis absolvat nos prudentissimo metu, ne parum sane Innocentibus consultum sit, ubi ad talium arbitrium res gerentur? Et quid fiet si imperitia se comitem jungat impetus, & affectus? quo sane multos non carere, ipse deprehendes, si lubeat: nam ubi paululum modo hæc eis proposueris, & quæ afferre solent refutaveris, notabis eos excandescere, ut mihi referunt, qui experimentum sæpius sumperunt.*

ARGUM. IV. *Ast saltem si Sempronius accuset Gracchum, quod eum V. G. viderit in saltu tali loco & tali die cum tali persona, & tali vestitu &c. vel quod ab eo didicerit tali loco tempore &c. tum deinde postea captus Gracchus, easdem omnes circumstantias, de se dicat quas dixit alter, quis manibus non tenet tunc, & comprehensam veritatem habet?*

Re Sane quidem. sed obsecro, ubi id contigit? Vbi tandem? cupio enim scire. Diligenter inveſtigo hætenus, ſic ubi exemplum reperiam, nec invenio. Sciant principes imponi ſibi, ab officialibus, dum huiusmodi crepant quæ falſiſſima ſunt aut ut mitius loquar novæ loquendi phraſes. Quod ſi, quando in eorum protocollis ſimilia conſpicerentur: ſciant id eveniſſe, his ſequentibus modis.

1. *Suggeſtione quaſitoris, de quo dixi ſupra duo. 20. qui juxta confeſſionem denunciatis denunciatum dum torquetur in eadem illa prædicta, & circumſtantias ſi non caſu incidat, quaſi manu tunc (ut ita loquar) & intento digito ſciſcitando ducit: nam hanc per me & alios ad id clam deſtinatos obſervavi arcem eſſe doli & caput artis.*

2. *Quod ſi quaſitor nil tale ſuggeſſit; ſuggeſſit ante liſtor pro ut item ibidem dixi dubio 20. rat. 11. Vnde repetat liſtor & ſciat me, quæ dico, iuratis teſtibus, probare poſſe ita geri. quod autem de liſtore dixi idem dicendum de cuſtodi- bus carcerum, qui item captivis omnibus nar- rant quæ alij faſſi ſint.*

3. *Si nec liſtores nec cuſtodes carcerum ſuggeſſerunt, tum ita factum eſt: emanavit à perſo-*

184 Dub. XXVIII. *Qua sint arg. eor. qui
his judicialibus, quid Sempronius cōtra Gracchum
effata sit, & ad Gracchum id relatum est. Iam
nim & mihi his diebus à non uno narrantur, qui
hi & isti Rei confessi sint, quas denunciarint, sel
& ipsa denunciata cum hac de se audiunt, à me
consilium petunt, an subsistant, an fugiant? quid
mirum igitur si deinde capta norunt in quibus ac-
cusata sint?*

4. *Lepidum nuper accidit, ut in pago quo-
dam aliqui torquerentur in domuncula quadam
ubi foris ad rimas pueri adjacerent atq; omni au-
dirent: quis tum ignoravit quid de se, atq; aliis
torti denunciarint? quae puncta, atq; circumstan-
tias adjecerint?*

5. *Sunt & alij modi per quos fit ut cum ac-
cusantibus, accusata in nonnullis aliquando rebus
congruant, quos ipsa norunt dicere, & in particu-
lari non possunt omnes hic adduci. Satis est hac
fieri, quae dixi; utinam ea principes curent intel-
ligere: qui id saltem hinc sat discunt, quid actum
esse cogitare debeant, cum Inquisitores clamant
denunciatas in eadem puncta & circumstantias
in quibus accusatae erant incidisse; nam vel falsum
est, vel iis modis, quos dixi factum est.*

*Pro conclusione obiter insero quod nuper acci-
dit: Excurrit ad me mulier honesta ex pa-
go suo*

go suo consilij capiendi & generaliter confitendi causa : ait se denunciata aliquoties, hæc & ista de se dicta esse : fugere se nolle, sed redire; quod & ego suasi, quia existimabam jure capi non posse : præcipue autemangebatur, ne si caperetur, tormentis victa mentiendo se damneret: dixi ego non peccare mortaliter, qui ita contra se mentiretur: rediit igitur in pagum suum sequenti die, & mox capitur, torquetur, dolori cedit, optimeq; ad mortem parata moritur. Ait deinde Inquisitor, sacerdoti qui eam eduxerat, viro docto, & religioso, quiq; penitus nocentem ex indiciis ostendebat, eam adhuc non fuisse condemnandam, nisi id unum punctum accessisset, quod ad me adduas, aut tres Leucas excurrisset; nam hanc ille plane fugam fuisse contendebat, ac proinde gravissimum indicium culpæ: nec ad me scilicet mitti, poterat ut an ita esset intelligeretur.

Ecce qui processus.



D U B I U M XXIX.

An tortura cum adeo periculosa sit ex usu tolli debeat.

RESPONDEO. Docui supra in extirpandis ex agro reipublica Z. Zaniis ea plenere-movenda esse, qua morale & frequens periculum invehunt simul evellendi tritici. Itaratio naturalis, ita ipse legifer noster Christus, illiusq; verborum in Ecclesia Catholica legitimi interpretes ajunt; ut negari non possit.

Docui præterea torturas seu quæstiones ita hodie administrari solere, ut revera frequens & morale periculum ipsi tritico minentur, quod adeo verum est, ut de facto ita sapiissimè accidisse ac triticum plurimum evulsum esse jurare audeam mihi moraliter esse certum.

Quibus tanquam majore & minore propositione firmiter collocatis, conclusio in bona forma figura prima necessario infertur, tollendum igitur penitusq; ex usu proscribendam esse torturam, aut saltem ea omnia & singula corrigenda aliterque moderanda quæ hanc periculi necessitatem torturis imponunt.

Atque hanc doceo principes conscientia rem esse quam non ipsi solum sed & eorum consiliarij
& com

& confessorij, si dissimulatione ac taciturnitate
sua praterireunt, coram iudice supremo explicatam
dabunt. Nolo ut mihi credant, consulant Theolo-
gos, & invenient in humano sanguine ludi non
posse, nec capita nostra esse pilas, quas pro libitu
leviter temereq; jactare liceat, ut nunc quidam
optimorum principum non optimi Inquisitores
facere videntur, cum ad levissimum quemq; su-
spicionis rumusculum ad adeo periculosas tortu-
ras proficiunt, & quidem illos etiam in quæstio-
nes vocant, quorum apud omnes probitatis & in-
tegrissima vita fama vel gravissimis iudiciis eli-
dendis sola sufficeret. Vbi nunc quod in iure me-
tus tortura ipsi tortura equiparatur? quodq; gra-
vissimi auctores hunc solum incuti sufficere pu-
tant? Cur non id potius amplectimur & non nisi
severissimi esse volumus in re tam periculosa?
Quicquid sit, ad hoc quamprimum principes ani-
mum conferant, ut omni quâ possunt & suâ &
suerum consiliariorum industriâ, tum quæstioni-
bus moderationem, tum innocentibus maiorem
securitatem inveniant: Syllogismus quem dedi
bonus est, stringit conclusio, & vel tolli quæstio-
nes vel absq; dicto innocentum periculo exerceri
convincit: Alterutrum horum effugere non est,
viderint quid agant. Imus omnes ad aternita-

ius tribunal; ubi si de quovis verbo otioso explicanda ratio est, quid par est de humano sanguine existimare? Vrit me charitas & incendio interiore vexat, ne non omni studio is me incendiis interponam, quæ metuo ne sinisterior quis status etiam in immerentes impellat. Argumentum est quoddam penes me occultum adhuc revelandum suo tempore ac loco, quo id mihi penitus persuadeo, ut nullatenus dubitem, inter quaslibet adrogum condemnatas vix quinque aut vix duas nocentes interesse. Audiat vero quisquam magistratum id manibus palpare velle, dabo. peram suo tempore ut palpet, nam & supra promisi dub. II. in fine.

DUBIUM XXX.

Quæ præcipue documenta confessariis sagarum tradenda putemus?

RESPONDEO. Rogabat me nuper Sacerdos quidam Sempronius, ut quoniam videretur ad reorum confessiones adhibendus, breviter instruerem in nonnullis, quæ utilia sciri essent. Negavi primum, & sane causam dedi. Mi Semproni inquam, persuasum ego quidem habeo, qui confessori partes apud incarceratos hoc

tempore in periculosissimis sagarum causis fungi velit, officium hoc ejus esse, ut medius intercedat, non inter reos & Iudices, ut moriantur, sed inter reos & Deum, ut qualescungq; fuerint, seu nocentes, seu innocententes, salventur; Suum sibi forum iudices habeant, Sacerdos suum. Veligitur officium hoc tuum facturum es, vel non facturum; si hoc posterius nolim instruere, q̄ quod instruendus sit amplecti non velit; si prius autem, instruere non est necesse; Illicò te cura omni iudices absolvent, ac de alio sibi providebunt, qui fora confundat, q̄ exempla non pauca vidi: ut proinde non sit, quod quenq̄ instruam, cum veluti nō volet veluti non poterit. Refutavit me tamen ille, ū sic instaret: Ego verò, inquit, quod officium boni Sacerdotis esse cognovero facturum sum. Vel tum me retinebunt, vel amovebunt; si prius fruar utiliter instructione; si posterius, non inutilis quoq; fuerit, cum id inde confirmatius evadat quod jam ante persuadere vis, timendum scilicet, ne iniqui multi iudices sint, quippe cum id præsumi possit, si nec conscientis reorum nisi per imperitos, & officij sui immemores consultum velint. Itaq; sequentia ferè documenta sunt, omnis alius jam tum notis, qua maxime notari proderit.

DOCUMENTUM I. Quando
audio

audio nunc passim, ad has causas adhiberi religiosos, curent eorum superiores ut eos mittant qui Christi Domini nostri spiritu sint præditi, mites, mansueti, devotionis laude commendati, Judicij accurati, & probatæ prudentiæ in Domino, quiq; animis hominum occupandis, pernoscentis, scrutandisq; cordium secretis, tum & conterendis peccatoribus operam, & experientiam sumpserint: Non impetuoſi nec affectibus ſervientes, ſed omnia ad libellam rationis & doctrinæ expendentes, curēt etiam per adjunctos eis ſocios diverſos intelligere numquid judicentur imprudenter, aut ſecus gerere: plurima enim ſæpè admittunt nimis quam corrigenda.

DOCUM. II. Confeſſarij ad carceres deſtinati poſtulent imprimis directionem à liberaliſſimo Patre luminum, commendent deinde ei animas liberatoris noſtri ſanguine redemptas, agant denique cum reis ipſis ſuaviter & paternè ut ad veram eas pœnitentiam adducant, ſeu reaſe factæ ſint, ſeu non ſint. Nec de hoc ut fateantur eis primum facient mentionem, ſed differant, & prius in genere ea afferant
quæ

quæ ciere contritionis motum possunt:
explicent iis cum aliquo affectu & facun-
dia Christiana qui noster ille mitissimus sit
DEUS Pater misericordiarum & totius
consolationis, qui vel unigenito suo pro
nobis non peperit. Adducatur Parabola
indulgentissimi illius Patris, qui revertenti
filio suo perditissimo se in collum lachry-
mans infudit, & quantumvis antea pecca-
tis filij constrictum pectus, in omnem ni-
hilominus clementiam dissolvit. Non esse
DEUM nostrum qui Dij sunt gentium, qui
iras ponere non possit: captum semel in-
credibili humani generis amore longius
progressum, quam ut revocare amoris sui
pacta nunc liceat: Exstare in Divinis libris
pacti æterni juramentum ejus irrevocabile
per seipsum: Quia si fuerint peccata no-
stra sicut Coccinū, quasi nivem tamen de-
albanda fore: sed & advocatum apud eum
esse filium ejus unigenitum crucifixum,
qui & noverit figmentum nostrum, & ve-
rò causam nostram quantumcunq; gravis-
simis criminibus consolsam, sua advoca-
tione erigere sustentareq; velit. &c.

His & similibus magno studio laborent
singuli.

singulos ad dolorem de peccatis cōcipiendum, agendamq; seriam pœnitentiam invitare : neq; enim negare se legifer noster potest, ut non animas quorumcunque peccatorum saluberrima compunctiōe frangant viri ij, quos se hominum piscatores facturum ipse verbis veris pollicitus est; Clarissima verba sunt, & oracula Filij Dei quibus fidem detrahere, naufragari est in fide. Hac igitur sponsione subnixi Jus suum sibi vendicent : ulurpent, datum sibi ministerium reconciliatoris : reducant per contritionem, qui per vitæ licentiam à Deo longius aberrarint. Ita enim fiet, ut peccatorum vinculis attritis, mollitisq; animis per colloquia sanctorum nihil obstet quin omne virus non solum ad sacrorum Sacerdotum, sed etiam Judicum tribunal facilius effundant. Hæc est enim contritionis seu pœnitentiæ natura, ut ubi in animum recepta semel est obstinatio & taciturnitas si modo verè rei sunt, habitare non possint. Optimum hoc & suavissimum torturæ genus est ad vocem solvendam. Hic artem suam exerceant Sacerdotes illi, de quibus supra consequerebar, & si zelum
Dei

Dei habent, non prius iudices instigent ad expediendas torturas illas sævas & sæpe nimium crudeles, quam ipsi hac sua tortura sacra usi sint, id est salutari de peccatis cōpunctione animos reorum laceraverint: Hic acuant ingenium & vires suas omnes explicent, ut saxea multorum pectora divini sermonis vi & impetu spiritus comminuant. Hoc est deniq; , quod sacerdotes probos & ferventes non paulo plus decebit, quam si Judicum sævitiam imprudenti instigatione excandefaciant. Nam invehere inhumaniter in captivas & afflictas, idem illis molestum esse, & quasi certissimo de earum reatu jam constet nullam eis sinere quietis partem, odiosis cognominibus laceßere, apud Iudices traducere, & similia quæ supra memorata sunt dubio 18. Non est sane quisquam in foro rabula tam hebes qui non æquè possit. At verò pertinaciam hanc talem divina vi sermonis frangere, mollire animos, cor impœnitens compungere, nemo potest, nisi manifesto Dei spiritu instructus.

DOCUM. III. Non probo igitur Confessarios qui hoc primum, hoc ultimum,

mum, imo solum agere videntur, ut modo confiteantur rei, nil celent. Itaq; non nisi confiteri, & confiteri ingeminant: cæterum autem de conversione seria ad Deum, de dolore animi vehementi, de detestatione peccati super omnia, vix tenuiter meminerunt, nedum ut præcipuum hic conarum & sollicitudinem adhibeant, qui tales actus, tam difficiles, à peccatoribus & quidem talibus, si vere rei sunt, impetrent.

Itaq; dum confessi duntaxat rei sunt, id est omnia peccata sua ad longum & enucleatè recitaverint, jam salva & tuta sunt omnia; jam appellant filios æternæ vitæ, jam verè pœnitentes moriuntur, quicquid tandem sit de contritione. Existimo autem ego nisi mea me Theologia fallit, non ita facile posse reconciliari infinitam Majestatem, sed insigni quadam opus esse sollicitudine, ad non vulgarem animi dolorem, preces, gemitus, & clamores cordis cum confessione conjungendos.

DOCUM. IV. Non putant pleriq; expedire ut rei antequam in foro externo causam suam transegerint, ad internum vocentur, sed suadent eo usq; hoc differri,
dum

dum in externo omnia liquida sint, ita Delirius *lib. 6. C. l. Sect. 3.* atq; usu ferè ordinario recipitur.

DOCUM. V. Expedit tamen, ut paullo ante dixi, per visitationes & colloquia sacerdotum reos disponi ad pœnitentiam, compunctionem, & seriam ad **DEUM** conversionem, cùm primùm fieri potest: id enim profuturum scio, non solum ad confessionem sacramentalem, sed etiam profanam, quæ hac via tutius feliciusq; quam per torturas obtinebitur. Et ad Sacramentalem quidem omnino hæc compunctio necessaria est, ut præcedat: sacramentalis enim esse non potest, nec ad salutem proficua, nisi ex prævia compunctione orta sit: illius hæc filia debet esse, aut esse non potest.

Unde rursum confirmo, quod dicebam id potius laborandum confessario ut conterantur rei, quam ut fateantur. Nam fate-ri quid attinet, ni contriti sunt? si contriti autem, jam sponte sequitur confessio.

DOCUM. VI. Etsi amplecteremur sententiam Delrij, docentis, licere judici æquivocatione sermonis, aliove quo dolo

bono reos circumscribere : id tamen fieri spiritualibus nullatenus permetteremus.

Ratio est ne ministerio eorum , atq; ordini inutatur nota , quæ non tam facile seculari iudici adhærescit. Scio contigisse ut cum Sacerdos quidam reo cui piam æquivoce promississet mitigationem supplicij, nec eam deinde consequeretur ; ita turbatum esse hac deceptione , ut vix tandem obtineri potuerit, ut ante mortem se extrema expiaret pœnitentiæ purgatione.

Caveat igitur confessor, ut aliter , quam fidelem imitorem Christi decet, in hac re se gerat, ne se deceptum esse quisquam meritò queratur ab eo, quem Dei fuisse loco agnovit.

DOCUM. VII. Omnino autem dedecet, si viri spirituales, ut nonnullos auctoritas fecisse, suggerant iudicibus torquendos modos, nisi forte mitiores. Licetorum hoc non sacerdotum munus est.

DOCUM. VIII. Sed nec decet, tormentis palam intersint & spectent, bene monet Delrius *lib. 6. cap. 1. Sect. 3.* propter irregularitatis periculum, ut ipse ait & scandalum, Sed interim tamen non va-

deco

deo, cur non alicubi ex occulto ea arbitra-
ri per rimam, aut fenestellam possint.

Ratio nam aberit & irregularitatis peri-
culum & scandalum cum nemo sciat: & ve-
rò proderit, ut quam cruda & periculosa ea
res sit, ipsi suis oculis uturpent. Quod si
concilium Antisiodorense. Can. 33. vetat
Presbyteris ac Diaconis *ad Trepalum stare*
ubique torquentur, id explicandum puto; ut
veret stare palam.

DOCUM. IX. Imo universum non
plane negliget prudens confessorius, ut sci-
re saltem ruditer laboret, quam ritè judi-
ciales processus instituantur.

Ratio est, tum ut secundum ea pruden-
tius possit cum reis in foro conscientiae
procedere; tum & Judices, si opus esse vi-
deretur, officij commonefacere.

Ita nuper totidem verbis religiosi cujus-
dam ordinis visitator monuit suos, qui ad
carceres itarent, in Epistola quadam ency-
clica, quam quidam ejus ordinis religiosus
mihi monstravit.

DOCUM. X. Displicuit mihi nu-
per Confessorius, qui primo suo in carce-
rem ad quampiam aditu, ut eam tanto me-

lius ad confessionem adduceret, denuncia-
bat ei, conclusum esse apud Iudices de ejus
morte, faceret igitur officium.

Præclara utiq; benevolentia captatio!
existimo enim Sacerdotem dedecere ut
cuiquam mortis nuncium afferat, neque
id aptum esse medium (nisi forte in plane
impœnitentibus ac desperatis, quibus alia
non profuerunt) ad rectè hominem DEO
conciliandum; cum habeam experientia,
plerosq; , aut saltem multos, etiam alioqui
strenuos viros audita mortis denunciatio-
ne ita vehementer consternari, ut ad adeo
præclaras mentis functiones sint inhabi-
les. Tristitia igitur alios nunciare sinant Sa-
cerdotes: Ipsi ea afferant, quæ consolatio-
ni esse possint.

DOCUM. XI. Laboret igitur pru-
dens Confessarius, ut reorum animos sibi
potius arctissimè devinciat: Quod fiet, si
declaret venire se, non ut Iudicem, sed Pa-
trem, qui personam acturus sit Paracliti in
spiritu Filij Dei. Explicet igitur quid inter
sacerdotum & secularium Iudiciū officium,
& intentionem intersit: apud hos, si qui
reus sit, de pœnis agi, apud illos, de condo-
natione;

natione; Non esse igitur quod metuant,
quin omnem animum penitus aperiant, &
quicquid angat explicent: agant secum fi-
dentissimè non suspicentur quicquā frau-
dis, non diffidant; se monstraturum esse eis
affectum eum, quem fidelissimus pater a-
mantissimis suis pignoribus unquam pos-
sit: Condolere verò & compati eorum
miseriis: sed & tangi dolore cordis intrinse-
co, non lecius, quam si propria res agatur:
quod si eos adjuvare qua ratione posset,
non dubitaturum proprio sanguine subve-
nire: Atq; igitur, non parum sibi ægrè esse,
quod id non liceat, nec nisi soli animæ pro-
desse possit. Et nunc huic sanè omni stu-
dio consulturum: nunquam verò se eas
deserturum, sed utcumq; res cadant, affu-
turum ad extremum articulum, erecturū
animos, additurum spem & robur ne con-
cidant, aut abundantiore tristitia absor-
beantur, & id deniq; omnimodo acturum
ut queri non possint, ullum sibi defuisse cō-
solationis genus: hæc enim & similia, quæ
fidelitatem & Apostolicū spiritum tonant,
si proposuerit, mirifice sibi reos astringet,
ut adhuc velut charitatis funiculum, seu

habenam , duci se sinant , quo libeat,

DOCUM. XII. Potissimum vero eos securos reddat etiam stipulata manu, & si opus sit, juramento appposito, quicquid secum utpote cum viro spirituali etiam extra confessionem locuturi sint, ne verbum, quod ipsis nocere queat, seu quod nolint, ad externi fori Præsides foras affluxurum.

DOCUM. XIII. Imò & juverit distinctè addidisse quod quicquid secum agant, id nec si maxime nocentes sint obesse eis possit. Nec si maximè innocentes prodesse: sibi n. nullum cum judicialib. personis in his causis commercium sermonis esse, nec illos Sacerdotib. in his quicquam credere, aut audire; sed juxta propria Jura & ordinem procedere; tantum igitur se inter reos & Deum posse medium intercurrere, & quicquid fiat de corpore, id efficaciter agere, ut spiritus servetur & ad illa domicilia perveniat Beatorum, quæ cum Dei filius pœnitentibus pollicitus temer sit, & mercatus à Patre, jure jam suo repeti possint à peccatorib. omnibus, etsi alte demersis; i a dum nec obesse nec prodesse

nisi quantum ad animam eis posse persuaserit, quæ secum secretò communicet; obviabitur tum iis qui ut à Confessario juvantur innocentes esse vellent, tum iis, qui & nocentes esse mallent, ne proderentur, & ad torturas reducerentur. Nam

DOCUM. XIV. Doceo confessarios ut certissimò sciant, plurimos esse, qui etiam in ipso sacramento nocentes se, cum non sint, fateantur. (ut ipse sæpius, & alij mecum religiosi viri manifestè nos ipsos convicimus) idq; ideo; vel, quia importuni Sacerdotes sunt, quorum impetum aliter evitare non possint, de quo repetè dicta dubio 19. Vel ne, quod dixi, in quæstiones repetantur: sic enim simpliciores multi existimant oportere Sacerdotes quæ quomodocunq; à reis audiant personis iudicialibus referre, atq; ob hanc ipsam industriam eos ad se expiscatum mitti. Nec, nisi difficulter, quidam in contrariam sententiam reflecti possunt. Misericordia hæc est oppidò notanda, & inciticia juvenum Sacerdotum lachrymis deflenda. Atq; ego quidem qui sic in sacramento mentiti sint damnare non ausim, quin potius excusari nuper posse

docui ob simplicitatem, perturbationem
& similia. Verum tamen quod & non revo-
cent quos complices nominarunt & vehe-
mentiori hoc conscientiae scrupo pressi
maiore cum dolore, quem quo tectiore
causa, eò feventioribus pœnitentiæ signis
apud Deum contestantur, decedant; atq;
hinc fiat, ut tantò confirmatius & ipsæ tam
eximiè pœnitentes, & aliæ ab eis denun-
ciatæ reæ habeantur minusq; exinde dubi-
tet Germania, quin maleficis sit plena. Res
hæc admodum convulsa & abrupta est, ut
nesciam, quid satis plangam. Porro cum ut
dixi, multi metuant, vel ex ipso Sacramen-
to; quid mirum, si quando extra illud cum
iis Sacerdotes agunt, plures sunt qui id for-
midant? Itaq; mihi constat nonnullos et-
iam alias prudentes viros magiæ falsò infi-
mulatos & captos, tum ob eum metum,
quem dixi, tum quia nihilominus de se a-
ctum videbant, nec ullam solidam Sacer-
dotum accedentium consolationem spe-
rabant ideoq; præ desperatione & stoma-
cho loqui amplius pro se dedignabantur,
tum quia alia ratione declinare nonnullo-
rum importunitatem non liceret, non ali-
ter

ter quam pro reis se apud quoscunq; extra
confessionem gessisse, ac cū ulterius mul-
tarogarentur, omnia consequenter an-
nuisse, & finxisse, quæ cæpta semel fabula
exegisset. Quare cum hæc ipsa deinde spi-
rituales illi viri simplicissimi passim sparge-
rent, & hinc criminis hujus contagionem
mirè exaggerarent, quid poterat fieri aliud,
quam ita omnes in cōcepta semel opinio-
ne de multitudine maleficorum confirma-
ri, ut nemini jam sano de ea dubitare im-
posterum liceat. Longum nimis sit, si hic
exempla inseram Sacerdotum illorum, qui
ita turpiter decepti & se & alios miris &
grandibus inaniis impleverunt.

Itane vero inter eos etiam religiosos &
Apostolicos esse viros, qui versati cum reis
multū sint, atq; hæc nondum deprehen-
derint? sed jam omnia se tenere putent,
sive modo rei eis crimen, seu intra seu extra
sacramentum verè seu falsò facti sint. Ubi
nunc ergo Evangelica illa prudentia ser-
pentina? ubi gustus ille sacerdotum, quo &
gustati quasi innocentia quorundam pos-
set; etsi alia unde colligeretur deessent?
Ubi illud Apostoli, quod agebat, *quoniam*

spiro.

spiritualis judicat omnia 1. Cor. 2. 15. An non amplius distributiones hujusmodi gratiarum in Ecclesia sunt? Væ confessoribus qui committere se rei periculosæ audent, & non plurima cogitatione omnia versant, acerbissimo gemitu dies noctes DEUM pulsan, ad obtinenda consilij & scientiæ dona.

Quicquid sit animadvertat diligenter Confessorius, & cum non aliter apud reos egerit, quam induta persona Christi, cumque eò solum reos adduxerit, ut ipsi planè confidant, admiranda quædam sensim discet, quæ adhuc ignorat. Gratias mihi non pauci Sacerdotes egerunt, quod hac una via apertos sibi in multis oculos fuisse experti essent, cum prius nescio quo impetu rapti aliter omnia existimassent.

DOCUM. XV. Non solum autem reos securos reddat de taciturnitate sua Sacerdos, verum etiam re ipsa eam severè collat: Ita ut neq; quæ extra confessionem cum eis agit, temerè foras exportet: Id quod ante citatus Visitator omnes suos in dicta epistola disertè quoq; admonuit: Et quidem omnino prudenter. Nam rationes istæ sunt:

I. Sic sæpè incauti quidam, dum consulere captivis volebant, novam eis torturam caularunt.

II. Irregularitatis sæpe periculum est, cum facilè garrulitate sua, aliove signo, mortis sententiam efficaciter promovere possint. Sunt enim Judices pleriq; , ut ipse annotavi, & monet quoq; Deltrius, qui id agunt, ut à Confessariis signum aliquod captent, quo captivi constantes, id est nocentes, innuantur, quod ubi furtim incautis abstulere (quanquam nunc iussuriale quid non sit opus, cum passim insulsi Sacerdotes (absit verbo injuria) ipsi sponte perfluant rimarum pleni) tum demum abrupta ulteriore hæsitazione ad condemnandum accedunt: Quo pacto gloriantem nuper Judicem audiebam, cum diceret, se vero ne impingat, in neminem adhuc hæctenus capitali pœna animadverti jussisse, nisi quem prius à Confessario intellexisset in culpa versari. Satis innuens quam efficaciter ad reorum condemnationem Sacerdotes concurrerent. Placet Sacerdos ille, vir mihi amicus, quem cum Judices subinde rogant maneat ne hæc vel
illa

illa constans, sic enim loquuntur, respondere solet; Ego vero, inquit, ut quod res est dicam an constans sit nec ne, an fateatur nec ne, an nocens sit nec ne sane nescio neq; curo: Nam talis an talis sit ad me non spectat sed ad Judices: Id autem spectat ut qualiscunq; tandem fuerit nocens aut innocens, bona an pessima ad coelum eam ducam, id quod Deo adjuvante pro meo munere me facturum spero. De cetero quid me affligam & mittam falcem in messem alienam? Ita ille, sed ni valdè suaviter & modestè fiat, offendi Judices solent.

III. Periculum est, ne reveletur interdum sigillum Sacramentale, aut saltem revelari videatur, quod omninò omnes maxime cavendum clamant: Neq; enim populus distinguit quid intra, quid extra confessionem acceptum sit. *Ut mirari sanè subeat religiosi illius nuperam prudentiam qui cum esset ejus loci ordinarius reorum Confessarius (nec de loco, nec de persona rogare volui) publicè de suggestu in magna populi concione pronunciare ausus est, non esse, quod Magistratus vereretur in sagas acerrimè procedere sibi enim certissimò constare, nullam adhuc eo in loco ad supplicium ductam esse, qua*

se qua culpa vacaverit. Sic ille: Mihi autem scire lubet, unde id ei tam certò constiterit? An quia iudicio publico damnatæ erant? Sed id scilicet non æq; populo erat notum, nisi & sibi hoc constare concionator diceret? Amplius aliquid voluit dicere, & majori certitudine rem firmare: Sed hæc ipsa major certitudo unde erat? An extra an intra confessionem hausta? si intra: ubi nunc tandem tam sacrosancti secreti ratio est? si extra autem, cur id additum non fuit, & occursum suspicioni, ne id dicere sic affirmatè Confessarius non videretur, nisi quid altius certiusq; quam cum communi modo cognovisset? Itaq; non parum scandalizatus esse populus dicitur, cum solum hoc sacrosanctum Confessarij nomen multorum iudicia insigniter & merito irritasset. Non tam ipsum ego Confessarium hunc miror, quam religionum superiores qui hos tales in res difficiles exponūt, quos qua sint iudicij inopia, jam tum utiq; exploratos habent, aut habere debent.

Certè hunc ipsum hominem eo intelligebam iudicio & capacitate inter suos habitum, ut in studiis suis progredi ob ingenij he-

nij hebetudinem non potuerit. Sic enim
auditores eius deinde vestigaverant & mihi
narrabant. Quæ ille igitur prudentia & ju-
dicio cum re s versatus sit privatim, qui sic
publicè, existimationi suæ parum nosset
prospicere, judicet meus lector. Sed nimi-
rum ni hos tales adhiheremus, qui impor-
tunitate sua nimia reos cogerent, ut tan-
dam victæ tædio ad redimendam vexam
faterentur, quod isti per fas & nefas volunt,
sic enim solitum fuisse eum concionato-
rem, de quo dixi, audiebam deessent Ger-
maniæ, qui inflarent credulitatem Princi-
pum, de multitudine sagarum; quasi vero
(quod nuper judici cuidam experiundum
obtuli) ulla tam innocens mulier esse pos-
sit, etiam quæ omnia licitorum tormenta
illuserit, quam non superare hujusmodi
importunitate, & agendi ratione velim, ut
ream sese tandem apud me constituat, si id
intendam. Sed prohibeat me Deus. Porro
imperitos hujusmodi principes audiunt
& sequuntur: cum tamen quidam diceret
sibi difficile non fore, in eo ipso loco, quo
is homo jactabat innocentem periisse nul-
lum, ostendere periisse plures. Sed ne tale
quid

quid unquam à quoquam ostendatur, abunde cautum est, quod id moliri incipiat, suspectus fiat, aut indignationem magistratum incurrat. Ingeniosissimum hoc inventum est inter omnia, q̄ in hoc quidem genere habet orbis. Nam ita omnis via præclusa ingeniis est, ne obscurissimis causis liberè inferre lucem possint.

DOCUM. XVI. Quæri possit, quid faciat Confessarius, si (quod impossibile non est, ut vide apud Tannerum) ex confessione vel aliunde cuiuspiam innocentiam cognoverit? An indicabit? posset, si indicet, periculum enasci revelandi sacramentalis sigilli, dum scilicet alios quoque audiens, de illis taceret: Nam innueret tacendo, hos igitur non esse qualis prior: Quod si periculum hoc absit, quia verbi causa alios non audit &c. Atq; etiam putat non frustra apud Judicem se laboraturum nec causaturum reo nova tormenta, nec aliud aliquod incommodum secuturum, ut scandalum magnum populi &c. Non video, cur non modo nō possit, sed debeat conari ut subveniat: Ita enim charitas jubet, & ita scriptura: *Erue eos*, inquit, *qui du-*

*cuntur ad mortem, & qui trahuntur ad interitum liberare ne cesses: proverb. 24. 11. Caveat tamen ne innotescat aliis reis, confessorium pro innocentibus intercedere, ne occasionem sumant hinc sacrilege confitendi, ut ante monui docum. 13. Caveat quoq; ne contra iudices quicquam agat aut dicat, seu ante seu post mortem reorum, quod eos infamet, aut iudicia publica perturbet: si quid erit, id non apud alios, sed ipsos proferat, & moneat, cum hoc utique Apostolicos viros non dedecere dicat Apostolus, cum ait: *An nescitis quoniam Angelos iudicabimus, quanto magis secularia?* 1. Cor. 6.*

DOCUM. XVII. Nec minus queri possit quid agendum, cum quis alios innocentes denunciavit tormentis coactus. Res intricata. sic tamen dicendum: leu graviter peccatum sit, siue non, quod quis tantis tormentis victus innocentibus culpam afflaverit, hoc tamen certum est, teneri eum ut id revocet quam efficaciter possit: cum autem Iudices nihili faciant (Quam rectè ipsi viderint, & tu vide infra dub. 40.) revocationē eā, q̄ fit à reis post la-

tam

ram sententiā prope mortem tenebitur ut revocatio sit efficax, revocare tempestivius ante latā sententiā, & hoc quidem, etsi metuat seu provideat se ad pœnas revocādum: Quia in pati sui & proximi necessitate rationem potius habere debet innocentis, cui fecit injuriam; dum eum falsā accusatione inique læsit.

DOCUM. XVIII. In hoc vero casu, si Titius ob apprehensionem pœnarum adduci à confessario non potest, ut sub tanto discrimine palinodiam canat, difficultas existit: dicam quod sentio: nam in primis, quid si dicat Titius, revocationem quam immediatè ante mortem ablato tormentorū metu facere palam cupiat coram populo, meritò sufficere, quippe quæ æstimatione prudentum maximi sit momenti, ac proinde de se efficax: Quod si vero vicio judicū inefficax sit, ac proinde delati non eximantur, id iudicibus, non sibi imputandum. Deinde quid si Titius tempestivè in carcere revocationē faciat, seu voce seu scripto coram Sacerdote suo, & altero adhuc teste: atq; hic postea cum

evanuit tormentorum metus, id est, vel immediate ante vel post Titij mortem revocationem hanc exponant, à Titio præsentis animo, in conspectu DEI, & testium factam, an non hæc saltem sufficiens & valida centeri debet; & si nondum admittere eam iudices velint, excusatus apud DEUM Titius est, & illi si contra denunciatos procedant iniqui homicidæ sunt? Deniq; quid si clare ostendam Titium fecisse, quod in se est, & quicquid tandem ab eo postules, non tamen futurum, ut semel accusati illa revocatione exculpentur. Nam quid Titium vis facere? An revocare tempestive apud Judicem & reductum in quaestiones, eas constanter elidere persistendo in revocatione? sed hoc frustra, novit jam imbecillitatem suam, scit certò futurum, ut quaestiones eas non toleret, uti nec priores tollerare potuit: Rursum igitur dolori cedit, & revocationem suam damnabit, an sic redibitur, quo prius, in easdem miseriae? imo tunc tantò amplius accusati habebuntur nocentes: Pæniteat igitur, & DEO commendet, & revocet iis modis quibus potest, & dixi. Si iudices id non curant,

ipsi

ipsi viderint. Id vero dolendum vehementer, quòd cum plurimæ metu repetendorum tormentorum non audeant revocare denunciatas, valdè exaggerent iudices, eas utique certissimò nocentes esse, cum tam multæ pœnitentes super eis mortuæ sint. quis enim hæc audiens vim magnam non putet in his locutionibus inesse? Et tamen quæ vis insit, ex dictis satis patet.

DOCUM. XIX. Proderit porrò Confessariis reorū, torturæ hunc nostrum commentarium non olcitanter legisse, & quæ dicuntur coram Deo sepius cum ali qua mora expendisse. Ego id cum juramēto depono, me quidem nullā hæctenus ad rogū duxisse, de qua omnib. consideratis prudēter statuere potuerim, fuisse ream. Idem ego à duobus aliis accuratis Theologis audivi; Neq; non omnem tamen Industriam adhibui, qua ad veritatem penetrarem, ut dixi supra *dub. 11. rat. 3.* dicam aliquid, quod audire cupiam quicumque aures audiendi habent, maxime vero sacratissimum Imperatorem, Principes, eorumq; Consiliarios: Fingatur enim de industria atrocissimum aliquod exceptum crimen, quo noceri sibi

vulgus apprehendat, atq; ejus deinde dispersa fama in id inquisitores lese accingant, iisdem viis, quibus nunc in maleficia: Ajo sane, si in germania paullò post pauciores erunt ejus criminis rei, quam nunc magiæ sistam me summo Magistratui & in flammis vivus injiciar. Ego sane si his ipsis verbis utentem audiam, vel ignorantissimum de plebe vereri sane incipiam, ne non sine magnis causis quas ipse norit, sic loquatur. Et ad minimum reflexa mente hæream, & meditatione aliqua dignum putem, quod homo rationalis non plane mente dejectus sic confideter, cum pacatus esset, aulus eloqui sit.

DUBIUM XXXI.

An ante torturam mulieres perlictores tonderi conveniat.

A*nte quam respondeam, oro lectore verecundum, ut dicere cum aurium ejus venia mihi liceat, quod & facere sine pudoris venia liberrimè jam alicubi solent. (um enim questionibus seu torturis ad-*

*ris admo- uenda quæ rea est, seducit eam
primum in locum proximum infamis li-
ctor, & non modo capite & axillis, sed &
qua parte mulier est, accuratè detondet,
aut adnota facula adurit. Causa est ne
quid implicitum sit recularum magica-
rum quibus ad tormenta induretur.*

Igitur

RESPONDEO. *Id nequaquam convenit.*
Rationes istæ sunt:

RATIO I. Fædum est id & spurcum,
quod Christiana & Evangelica puritas me-
minisse non fert.

RATIO II. Conjunctum est cum
periculo peccandi in homine turpi &
obsceno.

RATIO III. Obnoxium est illusioni-
bus & fœdissimis tactibus incontinentium
scurrarum, præsertim cum quidam scri-
ptor, quod miror, nonnullibi suspicionem
moveat, annon aliquid etiam hujusmodi
recularum magicarum secretius abscondi-
tum sit: videlicet ne non habeant quod
prætendant infames scurræ, si lubeat eis
profundius lascivire.

RATIO IV. Pernimium grave est sexui naturâ verecundo, qui non raro mori malit, quam coram infami nebulone sic enormiter depudere.

RATIO V. Frustra etiam suscipitur, cum & contra maleficia alia pia remedia usurpari possint, nec ea nostro tempore in detonsis unquam reperiantur quæ isti querunt. Quod stupeo nondum hætenus nos advertere, sed æq; cæcè progredi, & quod horret animus meus meminisse etiã ipsos Sacerdotes & quidem sub Principibus Ecclesiasticis licetorum torfici submittere.

RATIO VI. In locis aliis ubi ea consuetudo non est, non sanè pauciores pyraz fumant, nec minus potens sine hoc tam sædo procemio tortura est: ut omnino existimem libidinosisissimorum scurrarum hoc inventum esse, non honestissimorum iudicum: qui si quando rasuram hanc omnino necessariam arbitrati essent, non nisi intra eundem sexum pudendæ rei administrationem quæsiuissent, prout exemplum habes apud Damhauderum praxeos criminalis cap. 37. Vbi cum ita necessarium visum esset, adhibitæ tonstrices sunt.

RATIO VII. Quinimò ne hoc quidem fieri convenire hæc una & sola ratio meritò evincat, quod antiquam honestatis laudem Germanis peculiarem sanè effundimus : quæ sola causa sufficientissima est visa authoribus Mallei , qui Inquisitores hæresum in Germaniam olim à Pontifice missi, nunquam uti hac rasura voluerunt, eo quod intelligerent in Alemanniæ partibus (sic enim loquuntur) rem eam plurimum inhonestam censerì, licet ut ajunt in aliis regnis id fieri Inquisitores mandarent. Pudeat Germanos nos , si quæ tunc erat peculiaris Alemanniæ verecundia , nec hanc Inquisitores illi alias severi confundere ausi sunt, nos deniq; nunc nequissimorum scurrarum libidini prostituimus. Attendant Judices quid velim : Ego enim detondendam hujusmodi à nequam scurra raptim constupratam audio , tum mox compendio facula depilatam.



DUBIUM XXXII.

Quibus de causis ad torturam
procedere liceat?

RESPONDEO. Ante omnia id maxime curandum erit, ut quando tam periculosa & acerba tortura est, non nisi gravibus ex causis, id est premissis indiciis admodum urgentibus, quareum velut obruant, ad torturam veniatur. Indicia vocantur à Iurisperitis ea omnia, ex quibus colligi potest Titium V. G. crimen commississe. Ea triplicis generis constituam⁹. Magna, Majora, Maxima, videamusq. quæ ad Capturam, quæ ad Torturam, quæ ad Condemnationem requirantur.

I. AD CAPTURAM requiruntur magna. Ratio est: nam ex parvis causis quempiam in non parvum incommodum, qualis est captivitas, conjicere, cum æquitate simul & charitate pugnat. Ex quo sequitur, quod prout vel ex persone dignitate capiendæ, vel aliunde captivitas gravior redditur, ita etiam majoribus indiciis opus sit.

II. AD CONDEMNATIONEM, requiruntur maxima, seu urgentissima, luce meridiana clariora, quæ plena probationes sint, id est,

ita probent, & undiquaque latifaciant, & plane reos cum demonstratione quapiam legitime convincant: adeo ut si illa habeantur tortura opus non sit, imò nec adhiberi debeat ut communiter docetur. Vide Clarum l. 5. q. 64. n. 5. & Farinacium q. 37. n. 5. Atque hæc non tam solent appellari indicia quam probationes per excellentiam, ut vide subtiliter distinctum apud Farinacium loco citato, qui tamen cum ibidem inter indicia luce meridiana clariora, & probationes luce meridiana clariores distinguit, nimis subtilizat & sine causa.

III. AD TORTURAM magna non sufficiunt, cum multis modis gravior sit quam captivitas, maxima autem seu probationes plena non requiruntur, sed sufficiunt & requiruntur quæ majora diximus, adeo firma & clara, ac penè certa, ut merito prudens quisque iis multum fidere possit, ut communiter omnes iradunt: appellantur hodie probationes semiplena, melius tu fere plenas dixeris; id est, quæ ita probant, ut non plane convincant, valde autem ad probationem plenam accedant, quasi luna cum ad lucem integram ultra sui dimidium aspirat: ita ut ferè, seu quasi moraliter certum sit, ait Lessius cap. 29. dub. 17. n. 151. ipsum authorem esse, qui huiusmodi

modi probatione urgetur, nihilq; deesse videatur ad plenam certitudinem, quam sola rei confessio. Verba legis sic habent: Ad tormenta servorum ita demum veniri oportet, cum suspectus est reus, & aliis argumentis ita probationi admovetur, ut sola confessio servorum deesse videatur. Ita lex. 1. ff. de quest. ad quam vide Mysingerum. Lege etiam pro nostrare. sponse Prosperum Farinacium q. 37. num. 3. plures citationes legum & authorum nos omittere solemus, ne lectori molesti simus.

Illud tamen hic notandum est, quod indicia ad torquendum non solum esse debent qualia diximus, quæ virum cordatum moraliter fere seu quasi certum reddant; sed etiam debent esse plene & concludenter in suo genere per duos testes legitimos probata secundum glossam singularem & ordinariam in l. final. in verbo vel iudiciis C. familiæ erciscundæ, quam glossam cum Bartolo, Baldo, Saliceto, & pluribus aliis sequitur Farinacius q. 37. n. 17. & seqq. ita ut sit sententia penitus recepta, & in iudiciis ac scholis canonizata, ut dicit Brunor. à sole in suo consil. crim. nu. III. ex Alci. in consil. 465. num. 1. Quod sane & in atrocissimis servandum, rectè monet Mascardus in tract. de prob. l. 1. concl. 462. num.

18. & Farinacius loco citato, ac facile collige-
lector ex iis quæ nos infra dicemus dub. 37.

DUBIUM XXXIII.

Cujus sit arbitrari quæ indicia
in specie talia sint ut pro fere
plenis probationibus ha-
beri possint.

RESPONDEO, Cum una generalis hac su-
per re dari regula non possit, quæ indicia in
specie torture viam aperiant, id est, semiplena
sint probationes, sunt qui velint id ad cuiusq. ru-
dicis arbitrium pertinere. Ita Brunus in tract.
de indiciis & torture p. 2. q. 3. sed tantam ju-
dici in re ardua concedi licentiam periculosum vi-
detur Mynsingero in l. 1. de quæstionibus: &
merito, neq. enim ignotum est, quos sæpe iudices
habeamus. Lege Tannerum Theol. tom. 2. di-
sp. 4. de Justitia q. 5. ubi ad longum egregie
ostendit, quam periculosum sit in his causis mul-
ta iudicum arbitrio permittere. Existimem
ergo sequendam esse laudabilem quorundam iudi-
corum praxin, quæ indicia huiusmodi unius &
alterius Academiae examini submitunt, earum-
que sententiam amplectuntur, neminem ut in e-
qu-

qualeum conjiciant, cui non illa torturam decreverint. Tutius est id in re periculosa cui nulla sat magna adhiberi diligentia potest.

DICES, Res hac nimia opera ac sumptuum futura est, nimumq; retardabitur cursus in Zizaniis his evellendis, si ad quamlibet torturam Academiarum judicium sit requirendum.

R. I. Non opus est requirere ad quamlibet in particulari cum multa iisdem indiciis nitantur & ex paucis de multis pariter judicari possit.

R. II. Quid tum autem etsi mora aliqua injicitur processui dum tanto tutior evadat? Anigitur moram malunt adversarij quam periculum vitare? Sententia erat Christi, ut supra visum est, ad evitandum periculum omnino abstinendum ab evellendis Zizaniis esse, nedum sistendum subinde, & tardandum. Quid autem operam ac sumptus causamur in re tanta? an ullibi autem hac melius, ac tutiore conscientia sumuntur, quam cum agitur de tollendo periculo à corpore, vita, ac fama innocentum? An plane ingitur & simpliciter procedere, urere, cremare isti volunt, seu id periculose fiat, seu non fiat? Ego vero sic existimabam, hunc esse genium Christianæ legis, ut gauderent potius, caperentq; iudices pui-

ces paucissimos reperiri nocentes, quam id agere
atrocissimis, expeditissimisq; tormentis, ut quam
paucissimi innocentiam tueri possint. Novit De-
us, si non istud tandem erit sub specie iustitia ter-
rarum orbem interficere. Audiebam nuper
vocem ab inquisitore non tamen calidissi-
mo, sed quem hoc tempore vel tepidum
esse plerique omnes fatebantur; quæ ut ve-
rum fatear, non primùm mihi displicebat,
utpote ex qua facile ad iudices alios cali-
diores argumentum ducebam. Cum enim
sic familiariter in hanc materiam ingrede-
remur: fateor, *inquit*, deberent quidē hæc
alia morosius tractari & expēdi, deberent
ventilari, & disceptari, deberet etiam dari
sufficiens ad defendendum & agendum
tempus, ac similia. Sed tum sanè progredi
non possemus: satis quod hæc hodie sit pra-
xis, nolumus sic scrupulari. Sic ille, itaq; hoc
innuebat, si facerent inquisitores quod deberent,
non ita crematuros esse, ut tamen igitur crema-
rent, curandum eis esse, ne quomodo facerent quæ
deberent; perinde ac si sic discurras, si oculos ape-
rent homines, videre possent, ne igitur videre
possint ut ne oculos aperiant curandum erit. Pra-
clarares! Et tamen tam inquisitores, tum sum-
mi ma-

mi magistratus in altissima conscientiae pace sedent, & exporrectis pedibus dulcissimos hujusmodi suorum officialium discursus audiunt, applaudentibus interim etiam spiritualibus viris quod insigni Zelo Germaniam expurgent. Hoc si quis deplorat & audiri postulet, ac cum ratione & sine praepudicio rem altius discuti optet, an tot ubiq; sint Sage quod putantur, is repellitur & suspensus fit, atque in equuleum mitti dignus est. Exundat mihi sanguis, cum iterum occurrit memoria, atq; iterum hodie nominari audio inquisitissimos illos Inquisitores, qui, ut supra retuli Dubio 9. rat. 8. religiosissimum Theologum Tannerum in equuleum mittendum dicere ausi sunt, quod prudentissime de processibus contra sagas scripsisset: Hoc unum ex eorum indicibus est ad torturam: nec culpari poterunt cum facturi sint discursum paulo ante positum. Nam deberemus quidem, inquit, talibus viris non ita leviter torturam adjudicare, verum ni faceremus, & ad Academias primum curreremus rogatum, non posset contra eos expedire procedi: Ita hic discursus omnia excusat.

Licebit igitur inquisitoribus q; volent; Et quis mihi det ut inquisitor fiam? mox in omnes Germaniam magistratus, Ecclesiae Praelatos, Canonicos,

& religiosos inquiram; facile struam calumniam aliquam: si defendere se volent, non audiam, con-
jiciam in nervum, torquebo exquisitè, ce-
dent pœnis, & ecce, inclamabo, ubi malefici
latebant: quam hoc occultum crimen est! quam
rectè serpit! Quis me autem jure reprehendet
quod male processerim? dicam enim: nisi ita mihi
licuisset jam sanè expedite procedere, non po-
tuissim nec cremare; ut igitur expedite procede-
rem & cremarem omnia licebant. Nescio in qua
tempora devenimus: nullus jam subvenire Ger-
mania nisi magnus Cæsar potest, adhuc supplices
accedant qui premuntur; neminem is ab ara lu-
stitiæ repellat: legat is catalogum indiciorum ex
quibus passim ab Inquisitoribus nonnullis proces-
sum est, cum & futilia essent, & ridicula, & nec
sat probata, tum autem & accurate refutata: &
vel omnino fallor, vel ingenti animo exurget, ut
iniquissimorum processuum libertatem castiget.
Quamquam, ut hoc obiter notem, quis scire potest,
quid nam rei ad Indicia sibi proposita responde-
rint, & quo pacto refutarint, cum hac non perscri-
bantur? ut notavi dubio 18. Corollario 15. Et
hoc scilicet est quod Iudices Academiarum judicia
subterfugiant, ne accuratiores in actis suis notan-
dis cogantur esse, ne vè plurima se satis purgasse
pronuncientur.

Q

Dub. 34.

DUBIUM. XXXIV.

An sola fama non aliis claris & firmis probationibus suffulta, ad torturam indicium det?

RESPONDEO I. *Non dat. Ita Iulius Clarus sententiarum lib. 5. q. 21. n. 1. cum omni sententia Doctorum, quos non paucos citat, nos more nostro omittimus Rationes istæ sunt.*

RATIO I. Axioma est Juristarum & Theologorum, quod fama in criminalibus non probet, sed se habeat instar accusatoris tantum, ut igitur nō potest torqueri quis, ob solam accusationem, ni accusator aliquam afferat probationem, ita similiter &c.

RATIO II. Fama suppeditat iudicialiam rationem cognoscendæ veritatis, nempe per inquisitionem, inquit Lessius *de iustitia & jure cap. 29 dubitatione 17. nu. 156.*

RATIO III. Fama est indicium valde remotum à delicto, itemq; valde fallax, ut quotidie experimur, inquit Clarus *loc. cit.* & Farinacius q. 47. cum ijs quos citant debent autem indicia aut torturam, verba sunt Farinacij, non solum esse verisimilia, gravia, ur-

gentia

gentia probabilia, sed etiam certa, clara &c. vide quæ nos supra dubio 32. Vbi diximus debere esse talia, quæ rem ferè indubitata, & quasi certam reddant.

RESPONDEO. II. Adeo autem verum est, non sufficere ad Torturam famam solam, ut etiam hodie in crimine Magiæ sufficere non possit iuncta aliis; nisi ista alia per se sufficiant, cum fama hodierna nihil eis merito momenti debeat adijcere. Est contra communem hodiè omnium Iudicum, & Magistratum sententiam, & praxin. Sed tenemus, quod diximus, atq; hinc non parum confirmamur in opinione, de plurima innocentium turbâ, quæ simul abripitur. Rationes istæ sunt.

RAT. I. Pleraq; omnis hodierna fama à rixis, litigiis, contumeliis, detractionibus, falsis suspicionibus, judiciis temerariis, responsis divinorum, invidiâ, irrisione puerorum, ac similibus initiis ortum suum ducit, & incredibili garrendi, nocendiq; libidine, quam nulla pœnæ coercitio castigat, latissime diffunditur: dictat igitur recta ratio, nihil in ea momenti statui posse, cum malefundata sit. Miror ego sæpe numero, cum cogito in quæ tempora perversissima

incidimus, plena ubiq; omnia detractio-
bus, contumeliisq; sunt. Ut quidq; nobis
sinistrum occurrit, continuo hæ & illæ quæ
nos incantaverint animo designantur, cur-
ritur ad divinatores, onerantur suspicio-
nibus honestissimæ personæ, spargitur in
occulto temerarij judicij virus tanto utiq;
nocentius, & scelestius, quanto secretius ac
tutius dormient e Magistratu. Serpunt fi-
bili per domos atq; urbem, alij aliis se jun-
gunt, dum paullatim ubi vires sumpsere in
apertam, sed spuriam famam erumpunt:
Ne tum quidem Magistratus evigilat, ut à
quibus didita pestilētissima aura sit, inqui-
rat, sed ad spuria vocis clangorem, in eas
se accingit, quærit, capit, torquet, reas esse
vult per fas, & nefas, quas iniquus ille ru-
mor oppressit. Res indigna: in venenatas
primum linguas inquire oportebat, eas
detractoribus, & calumniatoribus excin-
di, atq; ad infamem columnam suffigi, ac
cum hujusmodi aliquot, non dico cente-
næ (ut æquum sane erat?) sed vel quinæ, aut
senæ propalam pependissent, tum deniq;
ex clamore famæ sic saltem aliquantulum
correctæ momentum aliquod suspicandi
arri-

arripere, etsi alia quoq; indicia iusta accederent, procedere.

R A T. II. Ut fama publica momentum habeat ad probandum, seu indicium validum sit, requiritur & secundum rectam rationem, & secundum communem sententiam Doctorum, quorum triginta & quinquaginta, imo plures citare possum, si opus sit, ut ea fama judicialiter probata sit per duos testes legitimos, qui saltem ruditer famæ definitionem sciant & iurati deponant, se ita audivisse à majore hominum istius loci parte, & quod orta sit, ex bono fundamento, & causa tali, ac tali, ac à bonis viris, aut saltem sic, ut constet non manasse eam ex rixis, contumeliis, & similibus ante dictis. Plures condiciones omitto, quas collegit Delrius *lib. 5. sect. 3.* Tu vide si lubet Julium Clarum, & Prosperum Farinacium, qui fusi de hoc tractant. Et hæc propositio communiter admittitur, & admitti debet! Sub qua igitur subsumo, & concludo sic: atqui vero nulla hodierna fama circa crimen Magiæ ita probatur, nulla igitur hodierna fama momentum ad probandum habet. Minorem probobus

bus argumentis, quorum alterum ex actis, alterum ex ore iudicum fumo. Nam

I. Jubeant principes omnia suorum Inquisitorum acta pervolui, vix invenient, uliam tot reorum famam ita fuisse judicialiter probatam. Citat Delrius *lib. 5. sect. 3.* insignes juristas qui idem de suis temporibus affirmant, nullam unquam famam legisse, legitimè probatam, sic enim ait: *Famam exacte probare, quam necessarium tam rarum est in judiciis, adeo ut Grammaticus Senator Neapolitanus scripserit, se nunquam vidisse processum, in quo repererit famam publicam legitime fuisse probatam, quod & Iulius Clarus, & Vulpellus, & alij egregij partim iudices, partim Advocati asseruerunt. Sic ille.*

II. Cum hodie hæc quibusdam iudicibus objicio, ac moneo non habere eos famam unquam legitime probatam, ac talem, qualem Doctores requirunt, cum fundamento ortum: imo reas excipere, & docere unde primū fama manaverit, nempe vel à rixis, vel puerorum objurgatorum clamoribus cum quibus iudicio contendere noluerint, vel aliis similibus ex causis: cum inquam hæc moneo, respondere solent

lent, non aliam hodie esse praxin: nam si sic exactè examinanda fama esset non posset unquam procedere. Sic illi ex quorum igitur ore ita argumentor, si hodierna fama legitime probanda esset, non possent Iudices procedere, ut ipsi fatentur. Sed iudices procedunt, non igitur legitime probatur. Ecce ex ore suo se judicant, procedunt ex fama quæ nulla est, procedunt ex indicio quod nondum probatum est. Contra ea quæ supra diximus *dub. 32.* Qui igitur sunt hi processus? quam sacrosancta nunc publica judicia sunt? quam quadrant cum recta ratione, cum ex indiciis nondum probatis, & invalidis procedant: nisi id forte inferri rectè existiment, quod quia debeant procedere, hoc ipso jam validum incipiat esse id, quod antea carbat valore, & probatum jã hoc ipso sit, quod nondum est probatum. Malè hoc, & imperitè, ac ridicule: quanquam non risu jam, sed planctu dignum sit, cum de hominum sanguine agatur. Sic enim oportebat inferri Fama ni legitimè probetur indicium invalidum est, ergo etsi procedere debemus, ex non probata tamen fama non debemus.

Non autem sic, procedere debemus ergo fama invalida fit valida, ergo ex hac procedere licebit: obsecro unde illi subitus hic valor? vide quæ in simili dicam infra *dub.*

49. *Argumento* 11. Quare si verum est 1. quod si quis ita tortus ex illegitimo famæ indicio, et si falsus crimen fuerit, ac quoq; ratificaverit, nihilominus id ei obesse non debeat, ut post Baldum, Marfilium, Menochium & plures alios docet Farinacius *q. 47. num. 10. & quest. 31. n. 110.* Si item verum est 2. quod gravissime peccet iudex, qui ex indiciis insufficientibus torserit, et si condemnet homicida sit, ac teneatur ad restitutionem ut docet Lessius *ca. 29. dubit. 18.* Si item verum est 3. quod in nostra materia (verba sunt Delrij *lib. 5. sect. 3.*) plerumq; contra sagas, & striges ex famæ indicio procedatur, videant hodiernæ justitiæ administri, & si quidem hi incurij, & imperiti sunt, ipsi Principes, qui tales constituunt, atq; urgent ut procedatur, quæ ratione in conscientiis subsistant. Meum fuit monere: hoc charitatis est, hoc officij Christiani; odit proximum non amat, si quis & periculum ei imminere apprehendit, &

dic', & silet. Apprehendere possum q̄ non est; errare possum: dum tamen apprehendo, nec adhuc errare scio, & fructum spero, silere non possum.

DICES I. Non procedunt iudices ex fama sola, habent alia semper indicia adiuncta.

R. Si ea indicia quæ adiuncta habent, talia sunt ut per se ipsa sine fama ad torturam sufficiant, bene habet; iam supra hæc respondi. Si non sufficiunt autem, sed à fama adjuvari postulant, iniqui sunt si procedant cum fama hodierna, ut probavi, indicium invalidum sit, & nullum, cum non probetur: Quod autem invalidum, & nullum est, non potest utiq̄ ullum alteri pondus adicere.

DICES II. Non opus est in fama Magia ut probetur habuisse originem à viris bonis, quia hoc requisitum fama, ut a viris honestis manaverit intelligitur inquit Binsfeldius pag. 619. quâdo qualitas personæ, natura rei, & circumstantiæ hoc admittunt, & sic subintelligendum, nisi agatur de re turpi: nam tunc non est contemnenda fama, quæ ortum habet a turpibus personis. Exempli gratia, si agatur de peccato commisso in lupanari, poterit oriri fama à meretricibus, lenonibus &c. non autem a Doctorib. aliisq; personis hone.

honestis, &c. sic ille ex Iulio Claro, Saliceto, Bartolo, Amadeo, Panormitano, &c. Sed

R. Ad rem non facit, nec punctum tangit in quo vim ponimus: dicimus enim hodiernam famam, ex qua hactenas proceditur, non legitime probari unde originem habuerit. Esto igitur à bonis viris nata sit, an malis, taliter an taliter, id ipsum tamen per testes legitime deponi oportebat, & causa, ac conjectura, unde nata esset, qualescunque illæ forent afferri, atq; id saltem judicialiter constare, non natam esse à contentione, rixis, calumniis, & similibus, undecunque tandem, seu ab honestis seu inhonestis autoribus effluxisset. Manet igitur si ex fama hodiernâ procedatur adhuc procedi ex indicio nondum probato ideoque jure nullo.

DICES III. Ajunt judices se nudos Theologos non sequi, neque attendere ad disputationes Scholis proprias, sed sequi hodiernam praxin, & inter cæteros in his causis versatum Delrium; sic enim hodie nonneminem loquentem audiebam.

R. Sequenda est non praxis Iurisconsultorum, sed eorum doctrina, & recta ratio, ac jura in ratione fundata. Quod autem Delrium passim sequi gloriantur & apud principes suos jactant, atque

que hi proinde amplius eis fidunt, tum deinde autem nil minus agunt, sed quam Veltrius apertissimis verbis necessariam plane esse accuratam famæ publicæ probationē docet, ij penitus negligūt, non effugiunt sane, quin & iniqui sint, & principes suos egregiè fallant, ideoq; merito vehementer debeant puniri, ac tandem adhuc disputari an Principes, an inquisitores, an utriq; ad restitutionem teneantur ob processus quos & ex hoc capite, & ex nonnullis aliis probare possim, fuisse iniquos si acta mihi publica communicentur. Multa audio, quæ in hunc commentarium inferere judicabam non expedire. Possunt quidem dicere Principes se deceptos esse, sed vaide dubito, an sine culpa decipi potuerint pastores populorum (nam sic Homerus Principes appellat) cum etiam ipsos, qui patiuntur deceptio non latet. Quo major Magistratus est, eo major ipsi subditorum cura habenda est, & gravior reddenda ratio. Possent etiam dicere Principes, se omnibus sciendis & rite curandis non sufficere, habere Officiales suos, & consiliarios in hunc finem, atq; hoc se sequi, illi vè curam committere. Sed dicam ego, propterea habere principes tot officiales, & consiliarios, ut tanto minus ignorantia earum rerum laborent, quas scire debent, atque ut tanto magis curam regendi subditos

subditos & prudentiam suam exaugeant. Quod si igitur auctâ prudentiâ, atq; auctis recte & accurate gubernandi mediis, nihilominus ignorant quæ debeant scire ac nihilominus iudiciorum publicorum exactissimam rationem non habet, jam tanto minus excusari poterunt, ut qui majoribus suffulti praesidiis minus attenderunt. Hac ad eos spectant, si qui negligentes sunt, quales esse non scio: Munus est spiritualium virorum etiam ipsos Reges latratu suo perterrefacere, atq; excitare de somno, cum de noctu periculum est. Interim vera sunt, & ab omnibus habentur hæ propositiones:

1. Necessarium est ut indicium fama legitime probatum habeatur.
2. Passim ex indicio fama in crimine Magis per Imperium Germanicum proceditur.
3. Vix aut ne vix quidem inveniri potest in processibus fama ulla legitime probata.
4. Si legitime probanda fama esset, Iudices non possent procedere.
5. Iudicia publica nemo audet reprehendere: omnia rite facta esse, putanda sunt, quæ ita saga declarata est, vere saga fuit: qui obloquitur, qui ausit, ostendit, & suspectus fiet. quid hic faciemus?

An teneatur Magistratus hoc
tempore ultro nemine urgente
se accingere in detractores
& calumniato-
res?

RESPONDEO. Tenentur Magistratus
seu Principes hoc tempore si unquam etiam
ultro nemine urgente venenatas linguas quibus
circa magis crimen proximis quacunq; dica im-
pingitur & suspiciones commoventur, acerrimis
constitutis pœnis coercere: atq; ita famam publi-
cam tanquam aërum quendam communem à co-
lumniandi licentia purgatissimum suis subditis
prestare. Rationes istæ sunt.

RA T. I. Nimumquam ubiq; detractio-
nes & calumniæ convalescāt, ac in summo
quo poterāt gradu Christiana charitas of-
fenditur. Audivi homines qui dicerent, ob
hanc causam malle se hoc tempore quo fa-
ma non corrigitur & ex fama proceditur
tantisper inter Turcas degere dum fideli-
bus esse liceret: quod profecto non parum
ablonum mihi vilum est, & compescui ego
illos, tanquam indirecte Magistratibus in-
juriam

238 Dub. XXXV. *An Magist. ultra teneatur*
juriam interrent : nihilominus hæc illi di-
cebant. Insero quod nuper factum : *Qua-*
stor quidam Urbanus infidelitatis accersitur a Se-
natu, & agitur cum eo repetundarum : offensus is
cum aliter furorem suum compefcere non posset, a-
bit domo, infamat populares suos à multitudi- ne sa-
garum & id tandem per cuniculos agit, ut à Prin-
cipe Inquisitor eo dirigatur. Nulla hodie ex-
peditior vindicandi le via est.

R A T I O II. Ultro Magistratus inquir-
rit in sagas ultro igitur in eos quoq; qui pe-
stilentissimis suis sibilis impune hæctenus
in quoscunq; quibus male nunc volunt cri-
minis ejus suspicionem afflant.

R A T. III. Inquirat autem Magistratus
ex fama per hanc etiam solam viam tibi fa-
ciendam esse putat, non solum ad capien-
dum, sed & torquendum uti ego sæpe vidi
quicquid verbis jactent fieri non debere.
Curare igitur tenetur ut vel linguas vene-
natas quæ non nisi meram pestem, fumos,
& mendacia pro fama publica exhalant, de
medio tollat, vel concedat non nisi men-
dacissimæ auræ processuum suorum volem
inniti.

R A T. IV. Tenetur Magistratus à pro-
cessu-

cessibus suis contra sagas remove omne
id quod eos periculosos reddat, juxta ea,
quæ supra disseruimus, sed ni fama publica
à detractoribus indicetur periculosos red-
de eos processus, tenetur igitur hanc ultro
vindicare.

R A T. V. Ni magistratus temporatis
rem hanc curet, nō alia jam ulla via est qua
curetur. Una esse poterat si concionato-
res, & viri spirituales in venenatas linguas
gladium spiritus educerent, quod est ver-
bum D E I: Sed nunc ea tempora sunt, ut
si excindi hæ pestes debeant, opus sit,
ut dicat D E U S quod olim: à sanctuario
meo incipite. Præeunt sæpe detrahentibus
& susurrantibus viri spirituales & clerici:
æque incautæ linguæ ac cæteri quos coër-
cere oportebat. Dolor est cordi meo cum
audire cogor viros nonnullos etiam reli-
giosos, diffamatæ & apud suos & apud ex-
teros credulitatis & garrulitatis, qui quidvis
eblaterent sine connectione & judicio, mi-
serifice hic ineptire: & ut quidq; uticunq; e-
venerit, omnia incantationibus adscribe-
re. Primi omnium inclamant non esse du-
bium quin hæc à sagis proveniant; latissi-
me

me se effundere hanc luem, & quas oppri-
 mere omni modo suscipiones debebant, i-
 psi fovent; tum deinde ne non aliquid in-
 telligere ac posse videantur, legunt exor-
 cismos, lustrant domos, præbent sacra a-
 muleta, & in his nescio an quædam etiam
 superstitiosa, certe à communi Ecclesiæ u-
 su aliena ut nuper deprehendi. Jactant per
 domos, quæ sagarum malignitas & conta-
 gio sit, perpetuas hic reculas & fabellas ha-
 bent quas garriant. Quod si deinde quæ
 naturalia fuere naturaliter pereant, tum
 demum cum exorcismis & amuletis suis
 triumphum gerunt, ac plebi admiratio-
 nem prudentibus risum cient, qui utiq; nõ
 parum ægrè ferunt anilem illam in spiri-
 tualibus viris pruriginem detrahendi &
 garriendi. Quæ hic igitur correctio ab
 iis speranda est qui ipsimet præ ceteris cor-
 rectione habent opus? Itaq; nuper audio
 cum concionator quidam (ut impruden-
 tes in eo genere sunt nonnulli) curiosius
 deduxisset, quam occulte serperet magiz
 crimen, quamq; variæ essent ei nocendi viæ
 & similia; ita omnem urbem cogitationi-
 bus & fabulis implevisse, ut nihil non ho-
 minum

minum ac rerum suspectum esset, incredibile cum omnium perturbatione & laceratione charitatis & societatis humanæ.

R A T. V I. Multæ pauperculæ sunt, abjectæ, & viles animæ, quæ vel inopiâ sumptuum, vel famæ incuriâ, vel simplicitate, cum calumniam passæ sunt, abstinent ab accusando, maluntq; ferre injuriam quam litibus intricari: jam si pueri quoq; irrideant & sagas in clament quis cum pueris judicio contendat? excitabuntur eorum parentes quoq;, & eo tandem erumpent querelæ, ut & ætati ei id ignoscendum fuisse omnes clamitent, & adhæreat tamen nonnulla macula quæ cum pueris tandem in communem famam adolescat. His igitur ut per se occurrat magistratus par erit: faciat decretam, & acerrimis pœnis in detractores & calumniatores constitutis, eos per occultos Syndicos vestiget, & qui depræhensi fuerint, sine mora ut constitutum erat, ad pœnas vocet.

R A T. V I I. Si qui honestiores & attentiores ad famam sunt, ac proinde cum per calumniam traducti fuerint litē detractori intenderint, ne sic quidem se sat purgabūt:

R nam

nam esto obtineat quis in iudicio eam causam; jam tanto latius spargitur calumnia publice ad tribunal ventilata quam silētio involuta: unde & fit ut si quid deinde quaecunque incidat, quod aliquatenus in sinistram partem trahi possit, id mox qui vis eo detorqueat, ut licet iudicio absolutum nihilominus nō omnino de nihilo fuisse tractum apud se tacite iudicet: hæret semper aliquid, nec ita eradi ē memoria vulgi audita semel calumnia potest, quin ad omnem levissimam occasionem temeraria suspicio prorūpat, & inter diffamatos hos quoque accenseant nequam homines, quorum opera Inquisitores nonnulli ad diffamatos inquirendos utuntur: nam quod diffamati aliquando per calumniam fuerint, memoria adhuc vulgus servat, quod absoluti autem facilius obliviscitur, aut favori & corruptioni iudicum attribuit. Exempli huiusmodi quotidiana sunt. Imo præterea qui interim capiūtur & torquentur eosdem uti diffamatos facilius accusant cum accusare aliquos coguntur. Itaque miserrima tempora sunt: nam vel taces ad impactam tibi calumniam, & hoc ipso reus esse

esse incipis quia tacueris, nec ausus contradicere sis; vel non taces, sed litem moves; & hoc latius omnium iudiciis & observationi te exponis. Necesse est igitur quod initio dicebam, ut ultro per te magistratus constitutis poenalibus decretis calumniis his & diffamationibus suorum civium antequam fiat occurrat: ne si ea licentia quæ adhuc hæctenus fuit continuetur, impossibile sit deinceps ulli sit innocentiam suam protegere.

DUBIUM XXXVI.

Antunc saltem sola fama legitime probata sufficiat ad torturam, cum crimina sunt excepta & difficilis probationis.

Ita sentiunt multi iuris periti & Iudices: nam Iulius Clarus cum negasset ex sententia communi solam famam sufficiens esse indicium ad torturam, subiungit tandem exceptionem in hunc modum:

R 2 pos-

posset etiam esse delictum *inquit* ad-
eo difficilis probationis ut sola fama
sufficeret, ut quandoque etiam vidi
servari. Sic ille & sequitur Clarum Fa-
rinacius quæst. 47. num. 11. ac Meno-
chius de præsumpt. lib. 1. q. 89. num.
34. Binsfeldius quoq; de confessioni-
bus maleficorum pag. 288. ait prom-
ptiorem ac faciliorem debere esse Iudicem
in procedendo ad torturam in enormibus
ac occultis, quod ea quæ fiunt in occulto
difficilius probari possunt: ex qua causa
addit resultare illud juridicum pronun-
tatum: in clandestinis & occultis
sufficere probationes per conjectu-
ras ob rei difficultatem quæ alias non
sufficerent; tandemquè de crimine sa-
garum concludens: crimen, *inquit*, ma-
leficorum ex his causis aliisq; quod
est occultissimum levioribus argu-
mentis torturâ inquiri posse quis du-
bitat?

bitat? sic ille: quo & spectare videtur q. cū
 alioquin regulariter testis infamis repel-
 latur admittatur tamen interdū cum
 aliter veritas cognosci nequit, ut ha-
 bet *Lessius* & alij. Porro quod in atro-
 cissimis possit reus torqueri ex levioribus
 indiciis videtur fuisse de mente *Marsilij*
 in leg. 1. ff. de quæst. & expresse tenet
Menochius de Arbit. lib. 1. quæst. 84.
 in fine num. 9. item *Monticella* Regu-
 la sua Crim. 10. num. 36. & *Masca.* de
 probat. libro 3. conclus. 1385 num. 13.
 & seqq. Ratio eorum est, quia in atro-
 cissimis liceat jura transgredi & requisi-
 tas solemnitates non adhibere, & ordo
 sit ordinem non servare: sic enim sat li-
 beraliter loquuntur, verum examinan-
 da hæc melius videntur. Itaq;

RESPONDEO. Quantumcunq. crimi-
 na atrocia, excepta, & occulta ac difficilis proba-
 tionis sint, nunq. tamē vel sola fama, vel alia qua-
 vis leviora indicia, quæ fere plenam seu quasi

plenam seu quasi plenam probationem non faciant, sufficiunt ad torturam. Recedimus igitur ab omnibus quæ contrarium asserunt, rejicimusque illud iuridicum pronunciatum tanquam rectæ rationi dissonum quod affert Binsfeldius. Rationes istæ sunt.

RATIO I. Ait lex i. ff. de quæstioni. bus ad tormenta ita demum veniri oportere, cum reus argumentis quibusdam ita probationi (scilicet plenæ) admoveatur, ut sola confessio deesse videatur loquitur autem universim nulla criminum facta distinctione, ubi lex autem non distinguit nec nos distinguere debemus nisi aliud nos cogat: sed si argumenta, quibus reus petitur non ad minimum fere plenam probationem efficiant non propriè dicetur reus plenæ probationi ad moveri, cum hoc appropinquationem insinuet, perinde ut non dicitur, luna admove jam ad plenitudinem cum adhuc tenuitur corniculata est, sed tum demum cum ad minimum ultra medium processit.

RATIO II. Eadem lex ita vult ad moveri debere probationi plenæ, ut nihil deesse videatur nisi sola confessio: sed si probatio antecedens torturam non est fere
plena

plena, plus sane videbitur deesse quam sola confessio; deerit enim ipsum illud quod ad fere plenam probationem minus habet. ergo &c.

R A T. III. Idem cum lege tenent multi Doctores: tenet & cum iis Delirius quem ideo expresse nomino quod hodie plerique Judices eum sequi jactent etsi falso. Isigitur sic loquitur distinctis verbis lib. 5. sectione 3. *Doctores*, inquit, *qui quo ad personam vilem & in delictis quæ sunt difficilis probationis putant non requiri ad torturam alia indicia præter famam malam in eodem delicti genere, sævini-
mis sunt, & adferunt non admodum consentanea juri: quare Farinacius eos merito reprehendit. Ideo nec in maleficiis quidem putarim Iudicem absolvendum qui hanc crudelitatem amplecteretur: sic ille.*

R A T. 4. Idem cum lege & auctoribus nobis faventibus docet recta ratio: cum enim tortura res supra modum non solum gravis, sed & periculosa sit, non erit utique ad eam nisi urgentissimis ex indiciis procurrendum: talia autem indicia non sunt quæ minus quam fere plenè probant.

R A T. V. Hæc porro causa jam allata cur fere plenam minimum probationem ad torturam requiramus, nempe ipsius torturæ gravitas & periculum non cessat aut minuitur etiam si crimen atrox vel occultum sit & difficilis probationis: non enim in tali crimine minus gravis & periculosa tortura est quàm in aliis ergo etiã in tali crimine nō min⁹ quàm in aliis fere plena minimum probatio ad torturam requiretur. Eadem causa idem operatur juxta philosophos. Unde aliter si fiat contra rationem fiet, ac proinde frustra se fundant superacitati in eo quod in exceptis liceat transgredi jura: esto enim id tantisper concedamus, non continuo tamen si ultra jura etiam ultra rectam rationem proflire licet.

R A T. VI. Imo tantum abest, ut in atrocibus, occultis, & difficilis probationis sceleribus minores probationes sufficiant quam in aliis, ut etiam secundum rectæ rationis præscriptum, quod in causa jam data innititur, majores requirantur prout latius patebit dubio sequenti; lubet enim idem argumentum velut resumpto spiritu ab novo dubio ulterius expendere.

R A T. VII. Nec dici potest famam
cum

cum in aliis criminibus non sit indicium urgentissimum nec fere plenum: in exceptis & occultis urgentissimum & fere plenum reddi, valoremq; acquirere quem ante non habebat: nam fama utiq; probandi vim non ab objecto trahit, sed ex propria natura sumit, ut facile jurisperiti omnes intelligent, qui philosophiæ olim dederunt operam. Natura igitur famæ cum in exceptis & occultis non mutetur, non erit utiq; in his probatio fere plena si in aliis non erat.

R A T. VIII. Jam si causam quæras, cur in delictis cæteris sola fama non censeatur sufficere ad quasi plenam criminis probationem? dicent Julius Clarus & alij, quia fama indicium valde remotum sit & fallax; sic enim illi ut supra vidimus. Sed obsecro fama criminis excepti, occulti, & difficilis probationis, an non item indicium est remotum & fallax? quod si enim à crimine non abstruso nihilominus remotum est, erit utiq; imo amplius remotum ab eo quod ipsum amplius à sensu hominum, unde oriri fama debuit, se subduxit: si item fallax est in crimine vulgari, cur in crimine

atroci & abstruso fallax non erit ? aut cur ibi minus saltem fallax erit ? facilius certe falli solemus quo crimen difficilius est vestigatu, non contra : Ut sane fundamento careat opinio Binsfeldij, Clari & aliorum, quod & sequenti dubio latius ostendam.

DUBIUM XXXVII.

An universim probationes quę in vulgaribus criminibus non sufficerent, sufficiant in Exemplis & occultis difficilis probationis.

RESPONDEO. *Quod non ; est directe contra commune illud pronuntiatum Iuridicum, quod ex Binsfeldio attulimus superiore questione ; & illud ex Lessio citatum infamem testem tunc admitticum aliter veritas haberi nequit, item contra hodiernam plurimorum Iudicum praxin, ubi in crimine sagarum eo quod exemptum & occultum sit levioribus probationib⁹, ut denuntiationibus infamium complicum, vel sola fama, & similibus contenti sunt : Interim Responsio nostra verissima est. Rationes istę sunt.*

RATIO I. *Opinio contraria omni fun-*

fundamento caret. Imprimis enim, esto crimen aliquod de quo agitur sit exceptū, quid tum? Jam paulo ante ostendi, rectam rationem postulare ut urgentissima sint indicia quæ torturam admittant: quod autem postulat recta ratio, æque in exceptis atq; aliis obtinere debet, præsertim si cætera paria sint, quod hic accidit, cum eadem causa ob quam hujusmodi gravia indicia ad torturam exiguntur æq; in exceptis atq; aliis reperiatur, ut dixi; proindeq; non minus in exceptis atq; aliis legitima & quasi plena indicia ad torturam haberi debent, ut bene Farinacius *quæst. 37. num. 88.* cum iis quos citavit *num. 82.* nempe Carrerio, Gabriele Saray, Monticella, Mascardo, Alber. Jodoco, Rulãdo, Paride de Puteo &c.

RATIO II. Imo sic argumentor. Ideo in vulgaribus criminibus leviora indicia & conjecturæ non sufficiunt ad torturam, quia tortura est periculosa, id est, vertitur hic periculum vitæ hominis ne innocens intereat: at hoc periculum non modo non par est in crimine excepto seu atroci, sed etiam multo majus, & præsertim in crimine magiæ, ut supra patuit ex dubio secundo,
non

non modo igitur in hoc crimine non sufficiunt indicia leviora, sed etiam revera requiruntur graviora. Recte hoc observavit Hippolitus Rimin. *Consil.* 88. *num.* 53. *vol.* 1. & *latius in Consil.* 361. *num.* 32. *vol.* 3. ubi ait plane ad nostram mentem; Quanto crimen est gravius & atrocius tanto præsumptiones & indicia debent esse graviora & vehementiora, cum de graviore agatur periculo *Cap. ubi periculum. de elect. in 6.* quod & sentit Farinacius *loco Cit. nu.* 88. etsi mox frustra excipit, nisi idem crimen sit simul difficilis quoq; probationis seu occultum: nam adhuc tenendum quod diximus ut nunc ulterius sic probo.

RATIO III. Esto crimen occultum sit, & difficilis probationis quid tum quoque? an tunc sequitur leviora argumenta atq; ut loquitur in pronunciato suo juridico Binsfeldius conjecturas sufficere debere ut mihi prudenter perluadeam Sempronium id commisisse sic ut nihil ad probationem plenam desit nisi ejus cōfessio, Nego hanc consequentiam.

RATIO. IV. Imo sequitur omnino contrarium nam si occultum crimen est
 si ab-

si abstrusum ac involutum tenebris, ergo majori opus lumine non minori ad illuminandum si difficilis probationis ergo majoribus non minoribus opus argumentis ut seu plene seu fere plene probetur neque enim satis capi potest, quomodo quod ais probari posse difficilius, id nihilominus probari possit facilius: unde si in crimine vulgari & probationis non difficilis, conjecturas repellis, repelles utiq; multo amplius in crimine probationis difficilis.

DICES Imo quia in criminibus facilioris probationis haberi possunt argumenta firmiora, merito in iis infirmiora seu conjecturas repellimus, quas tamen in criminibus probationis difficilioris admittimus, quippe, quibus argumenta firmiora haberi non possint, juxta communem hominum sensum, quo qui majora nancisci non potest minoribus contentus est.

R. Verum est, quod qui majoribus deficitur, minoribus contentus esse possit: erret tamen si utrisq; eandem vim tribuat, & his æq; atq; illis ad effectum quemlibet uti velit: neq; enim si majora deficiunt, ideo minora naturam vertunt, & majora sunt: declaro in exemplo. Vulneratus in sylva viator cum vinum habere nequeat, contentus a-
qua

qua est; hanc haurit & utrunq; leve situm: erret tamen vehementer, si quia vino deficitur, aqua se prudenter usurum existimet ad vulnera persananda; Parimodo, si in crimine aliquo abstruso non suppetant nisi leves conjecturae, erres sane si quod argumenta gravia non suppetunt, levibus his eandem vim affingas, & sufficere ad ea putes, ad qua graviora sufficerent: arripe nihilominus, contentus esto, non repelle: utere conjecturis, sed ut conjecturis, ad ulterius quarendum, cogitandum, &c. non ad torquendum, aut condemnandum: neq; enim conjectura qua conjectura est, ideo ex naturam vertit, & quasi plena probatio fit quia de crimine excepto aut abstruso est.

RATIO V. Opinio adverte manifestè pugnat cum charitate christiana ac æquitate naturali: sic enim argumentari mihi illi videntur: Exceptum hoc crimen veneficii gravissimum, atrocissimum, nocentissimum est, quo nihil scelestius, horribiliusq; cogitari potest: est item occultissimum, & difficilime de quo quam probari potest, ergo minus jam egemus fundamenti, minora ac leviora indicia, ut id tantum, tam nefandum seclis, de proximo nostro homine Christiano nos ipsi Christiani prudenter

denter & rationabiliter præsumamus, atq;
eum tanquam fere- aut quasi plene con-
victum ad gravissimas periculosissimasque
quæstiones abripiamus: Quin potius in-
terrem ego ex dialectica Evangelica; ergo
plus egemus fundamenti.

DICES. Non hæc vis est argumentationis,
quo adversa opinio nititur, sed ista: veneficium
est gravissimum, damnosissimumq; crimen, er-
go etiam vel minima ejus umbra percepta suffice-
re putandum est ut laboranti Reipublicæ quo vis
modo mature succurratur.

R. Non penitus sequelam nego, sed astringo: sequitur enim ut vel minima ejus pestis um-
bra aut suspicione coorta ad subveniendum Rei-
publicæ accingaris: non tamen indifferenter quo-
vis modo, licito seu illicito, cis aut citra rationem.
Succurrendum Reipublicæ est, non nego; sed ita,
ut nec contra rationem nitaris, nec cujusquam
jus naturale aut communem christianorum cha-
ritatem violes: quod utiq; fiet, si tam ingens &
periculosum malum cum infamia conjunctum,
qualis est tortura, levibus de causis proximo in-
feras, & invito dictamine rationis quo gravius
est crimen eo minore nixus fundamento id alicui
impingas, & quo latentius occultumq; est eo faci-
lius

256 Dub. XXXVII. *An in crim. except. suff.
lius jam te detexisse & sufficienter ad torturam
probasse credas.*

RATIO VI. Opinio adversa Dialecticam evertit. Id ita ostēdo in hoc exemplo: testimonium ajunt alicujus testis infamis aut complicitis seu socii criminis non sufficit ad torturam, nec tereplene probat: si tamen crimen exceptum sit aut alioqui difficulter probari possit jam sufficit & valide ad torturam probat: Dico ego id plane Dialecticæ adversari, probatur, nam testimonia hujusmodi secundum omnem Dialecticam sunt argumēta quæ ab auctoritate appellantur, de quibus argumentis hæc ejusdem Dialecticæ in cōcussa doctrina est, valorem eorum atq; pondus pendēre ab auctoritate testantis, id est, ab ipsius in loquendo veracitate, ita ut juxta quod ille magis minusq; verax prudenter præsumitur, ita quoq; majorem minoremq; vim probandi ac valorem argumētum habeat. Non enim ideo aliquid magis minusque probatum censeretur debet, quia est de majore minoreve crimine, excepto seu non excepto, occulto seu nō occulto, de quo probatur: sed quia major vel minor attestantis
author

authoritas seu veracitas est quæ probat: diceres Dialecticè à dicente non à dicto vim argumenti pendere: ideo enim hoc ipsum ei nomē datum est ut ab authoritate vocetur. Quo posito non video quomodo salva Dialectica ubi minor est veracitas testātis, ibi major sit vis argumēti, quod tamen in opposita sententia defenditur: quippe cū plus momenti & valoris tribuatur argumento ab authoritate infamis lagæ quam turis ducto: sint enim exempli caūsa duo hic argumenta:

I. Tale: Infamis fur denuntiat Titium esse furem, ergo Titius fur esse præsumitur, in tantum ut fere plenè probatum haberi debeat, ac Titius deinde ad torturam rapi possit.

II. Tale: Infamis laga denunciat Titiam esse lagam ergo Titia laga esse præsumitur, in tantum ut fere plene probatum haberi debeat, ac Titia proinde ad Torturam rapi possit:

De priore argumēto ajunt adversarii infirmum esse, non posse Titium torqueri: de posteriore clamant firmum esse, admodum probare, oportere Titiam in equuleum proficisci.

S

Quaro

Quæro ego unde hic posterioris argumenti valor sit? Dialectica vult esse ab auctoritate denunciantis: consideret ergo prudens lector in utro denunciante major veracitatis rationabiliter præsumi possit? infure, an in saga? & cur in illa potius, quam in illo? uter horum, fur an saga plures salis modios (si tamen sale velci solent) cum men lacij parente delinxit? uter magis de fallacia suspectus, an qui communi tantum via exerravit, an quæ omnem erga DEUM hominesq; fidem exuit, quæ Dæmoni tot annis mancipata fuit, ejus mores & ingenium non dubie combibit, fallere & mentiri sub optimo hujus artis professore didicisse potuit? major igitur in argumento ab auctoritate ducto vis inerit, cum minor attestantis veracitas erit, quod absurdum est. Quinimo etsi vim argumenti ab auctoritate ducti non tantum a veracitate testantis peteremus, sed aliquid etiam in ipso objecto hærare vellemus, quo major minorve nostra credulitas veretur, uti cum facilius ea credimus quæ facilia sunt, ut Gajum gallinam potius quam ovem integram vorasse, nihilominus & hoc causam nostram

nostram adjuvaret ita enim comparatum est, ut credibilius semper esse soleat, si crimen vulgare de quoquam asseratur; quam si extraordinarium, enorme, atrox, nefandum, & exemptum. Ut tandem illud nobis quod ostendere intendebamus omnino non relinquatur; tantum abesse, ut in criminibus exceptis, & præsertim sagarum, minora sufficiant indicia ad procedendum quam in aliis; ut etiam majora jure exigantur.

DUBIUM XXXVIII.

An nullo sensu verum sit Axioma Judicum in criminibus occultis & difficilis probationis facilius ad torturam iri posse quam in aliis?

RESPONDEO. Verum hoc axioma est, si recte explicetur, facilius enim sive promptius iri potest, posito quod omnino iri possit; id est, posito, quod habeas probationem criminis ferè plenam cam sine ea omnino iri non possit, nisi ratione reluctante, ut superius ostendi: quod ut intelligas dicam diffusius. Ponamus enim

verbi gratia duos te tenere captivos, Titium imprimis cuius crimen sit vehementer ex natura sua occultum & difficilis probationis; deinde Sempronium cuius crimen sit tale, ut non difficile videatur posse aliquam probationem plenā de eo inveniri: ponamus etiam de utroq; habere te probationem ferè plenam: ajo nunc; cum utroq; posse te ad torturam procedere: sed hoc discrimine quod cum Titio multo promptius quam cum Sempronio, id quod *ulterius declaro in hunc modum: Docent jurisperiti communi consensu, ut testatur Clarus l. 5. q. 64. n. 5. quod oporteat Iudicem antequā advolet ad torturam diligenter considerare an nō aliquas alias probationes, plenas scilicet invenire possit, quibus reum criminis convincat: nam si id quidem, abstinendum esse à tortura: cum enim tortura sit introducta, ut ubi nondum plenè sed tantum ferè seu semiplenè probatum crimen est, per eam eliciatur rei ipsius confessio, quæ hunc defectum impleat; cumq; tortura res sit dira & periculosa, sequitur ut si aliundè probatio plena haberi possit, ea ambabus potius ulnis arripiatur, quam per torturam non sine periculo queratur: sed & sequitur quod teneatur Iudex ob hoc periculum*

evitan-

evitandum eas probationes cum aliqua cura & diligentia investigare, atq; ita non nisi cum aliqua velut cunctatione ac morâ, quam in investigandis huiusmodi probationibus ponat, ad Equuleum confugere: præsertim si agatur de crimine vulgari, in quo spes sit, posse talem aliquam probationem inveniri. Nam si crimen sit ex eorum genere, quæ occulta & abstrusa sunt, ideoq; difficillimæ probationis: tum sanè (si modo aliqui indicia sufficientia ad torturam habeantur, quod semper juxta rectam rationem præsupponendum est) non est quod Iudex cunctetur ac vereatur, quin promptius & facilius quam aliàs ad torturam accedat: quippe cum in his criminibus occultis spes non sit probationem aliquam plenam facile inveniendi, propter quod in aliis criminibus vulgaribus cunctatione & curâ illâ opus esse dixi. Quibus ita expositis, cum verum esset, eo scilicet quo vidimus sensu, nimirum posito & non excluso quod reus ob habita sufficientia indicia rectè torqueri possit, tunc facilius promptiusq; possit ac minore cum scrupulo in criminibus occultis seu difficilibus probationis, quam in aliis: nonnulli hinc occasionem sumpsere errandi, ac dictum hoc ita perperam interpretati sunt, quasi facilius promptiusq; id est, minoribus habitis indiciis absq; ferè plena prob-

zione liceret in occultis ad torturam venire. Ecce fons erroris ex incauta veri dicti interpretatione: quem miror hactenus viros doctos non animadvertisse. Vnde factum est ut in negotio sagarum leviculis saepe de causis quæ à se ferè plena probatione non parum distarèt, equuleus promptissimè expeditus sit, clamantibus nec intelligentibus imperitis iudiciis; facilius in occultis ad torturam iri posse. Optandum vero erat, ut qui viri boni & Zelosi magistratum ad persequendum hoc sagarum crimen acrius inflammant, par Zelo suo studiū & scientiā in has causas afferrent, quo periculosos hos & similes errores tum deprehenderent, tum à suis eorumq; quos instigant consciētiis simul repellerent. Moneo iterum Magistratus ut attendant, neque enim omnes quorum videntur consiliis ea semper qua putantur eruditione & providentia sunt: nec tamen in tam gravi sagarū causa improvidis & ascitantibus esse licet

DUBIUM XXXIX.

An, quæ nihil in torturis confessa est, damnari possit?

Suppono damnari neminem posse nisi certo de eo constet culpam sustinere:

neq; enim innocens occidi debet, innocens
autem omnis esse præsumitur, qui nocens
esse nescitur: constare autem duobus mo-
dis solet: vel quia reus ipse jure & legiti-
mè rogatus, ita de re confessus est; vel
quia plenis probationibus, id est, luce
meridiana clarioribus, fecisse crimen cõ-
victus est: adeò, ut si alterutro horum
modorum constet quem esse reum, is da-
mnari possit: neque enim ut & convictus
simul & confessus sit requiritur, sed alte-
rutrum duntaxat sufficit. quo posito

RESPONDEO. Quæ rea si vereus in tor-
turis siluere damnari salva equitate, & recta ra-
tione non possunt. Est contra quorundam hodiè
judicium praxin, quam in causis sagarum nòn ul-
libi vidi, & ingemui: ducebatur nuper ad rogam
quadam ter, quater, imò quinquies equuleo lassa-
ta. Negabat se ream esse voce liberrima, quam
per qualibet tormenta ad flammam usq; per duxe-
rat, ubi cum notario quoq; eam dictavisset, ro-
gam intravit, pluries hoc accidit alibi; & recen-
ter etiam sacerdoti, magia postulato, de quo alias

informandus erit princeps. Sed exempla omitto. Existimo verò id iniquum esse. Rationes ista sunt

R A T I O I. damnari nemo potest, de cujus crimine non certò constat: de hujus, quam dixi certò non constabat, non igitur damnari potuit. Assumptio probanda est. Si enim constabat, vel id ex eo quod ipsa de se confessa, vel quod legitimè convicta esset, neutrum hic verum erat, nō igitur constabat. Confessam non fuisse liquet: non etiam convictam, ita probo: Si convicta esset, torta non esset, est autē torta, non igitur convicta: Constat ex supradictis (Et vide Farinacium. q. 38. num. 4) torturam adhiberi in supplementum probationis: ter quater torta est, ter quater igitur probationes suppleri indigebant: Si indigebant autem, plenæ, utiq; non erant, si non erant ream igitur non cōvincebant, non igitur ipsa legitimè convicta erat, non igitur de ejus crimine certò constabat, non igitur damnari poterat.

R A T I O II. quæro ex iudice quem in finem ream torserit? an, ut tortura pæna delicti esset? an, ut, via ad veritatem? con-

tra jura est, ut tortura pœna sit, & prorsus inauditum, nam cujus criminis erit pœna? an ejus, quod adhuc nescis & quæris? torturatur igitur ut ad veritatem via esset. Si hoc autem, nondum igitur ad veritatem pervenerat, cumq; deinde nil rea facta fuerit, ne postea pervenit quidem: si non pervenit autem, quomodo tandem nondum occupata veritate, tam sæva sententia in ancipitem ream excussa est?

R A T. III. Quæro item ex Judice, an hæc reæ confessio necessaria ad condemnandum fuit, annon fuit? si fuit? cur igitur sine ea nihilomin⁹ damnavit? si nō fuit, crudelitas est, quam morte puniendam seu confessam seu inconfessam destinaverat, tam gravibus torturis lacerasse, ne, quæ unitantum destinata morti erat, una morte moreretur.

D I C E S. *torsit iudex non quarendæ veritatis ergo, sed stabiliendæ, ac confirmandæ, ut tanto certior confirmatioq; causa esset. Sed*

R. *malè id & imperitè: nam de hoc sine tortura ad confirmandam veritatem jam inventâ, altissimum in jure silentium est: communis autē Theologorum ac juris peritorum est sententia, in*

subsidium probationum torturam introductam esse: male igitur in re odiosa & periculosa à communi sententia receditur, & novum ius inducitur.

Imo, quicquid dicas, redit nihilominus idem argumentum, vel enim confirmatio hæc necessaria ad condemnandum fuit, vel non fuit: si fuit, cur igitur nihilominus sine ea damnavit? Si non fuit crudelitas est, ut dixi, & peccatum lethale tam gravem intulisse proximo cruciatum, ob confirmationem quæ necessaria non erat, unde recte Gomezius Variar. resol. tom. 3. cap. 13. titu. de tortura reorum, numero 20. Boerius decil. 63. num. 13. Cravet. Consil. 178. num. 10. pag. 209. & alij cum Farinacio quæstio: 40. num. 4. sentiunt iudicem esse fatuum, & teneri in Syndicatu non solum, sed maxime in conscientia ut notat Navarrus c. 18. Dub. 17. nu. 59. Et Lessius cap. 29. dub. 17. num. 152. & Covarruvias, pract. quæst. cap. 23. conclus. 1. qui reum convictum torquet.

RATIO IV. Per torturas juxta communem sententiam indicia seu probationes omnes etiam plenæ purgantur, adeo ut si reus etiam convictus, in tortura & post eam constanter negando persistat, liberandus sit, ut docet ex communi sententia Fa-

rina-

rinacius, & sequitur Delrius lib. 5. Sect. 9.
torta igitur & non confessa purgata fuit : si
purgata, quo deinde jure damnata ? auxie
purgationem negationis ad mortem usq;
constantia. Neq; n. non parvum pondus
habent quæ immediatè ante mortem ulti-
ma hominis effata sunt, ut paulò post di-
cemus. Nam etsi, quidem & in omnibus
torturis, & ad rogam usq; pernegans no-
cens esse quæ possit, aio tamen, quæ sic tor-
ta inconfessa fuerat, damnari non debuis-
se, tum ob ea quæ jam dicta sunt tum quia
tutiorē partem eligere oportebat, & vel
decem potius nocentes dimittere, quàm
unius innocentis plectendæ periculo se ex-
ponere, quod axioma etsi omnes passim
admittunt & ultro jactant, vix tamen inve-
nias qui re ipsa ostendat facere se quod fa-
ciendum esse dicunt. Nequeo vero sat ad-
mirari, quî hæc tanta immanitas, quam in
exemplum attuli, cadere possit in judicem
Christiana fide tinctum, qui aliquam futu-
ræ vitæ imaginem in sinu circumferat.
Sciatque se coram judice illo comparitu-
rum, qui etiam de verbis otiosis moturus
litem sit. Magis miror, quî viris spiritua-
libus

libus tanta possit incidere cæcitas, ut nec ipsi hic quicquam apprehendant, nec formident Deum: nam & *alia quædam nuper cū nec tormentis nec incredibili importunitate insulsi sacerdotis* (parcat mihi Deus, si hunc ordinem offendo) *vinci potuisset, ut se ream diceret, ob hanc ipsam causam tanquam obstinata viva adjudicata est igni: cum ad regum innocens victima assisteret* (sic enim utiq; haberi debet quæ, & per torturas purgata fuit & nocens esse non convicta est) *non destitit molestissimus sacerdos: sed instantis supplicij acerbitate & gratia impetrandæ ostensa spe eo denique impulit, ut in has ternas tandem vocolas, sum rea igitur silentium abruperit: ad quas cum ille raptim has ternas tantum reponeret, ego te abtolvo, simul cum his subito accurrit ad ludicem, & quia jam deniq; se ream fassa sit mitigationem supplicij orat: sed indignatus iudex cum reponeret id factum citius oportuisse in hæsum est sententia, & in ignem viva coniecta. Dici non potest, quam deinde ubiq; is sacerdos ad quoscunq; accessisset, id identidem exaggeraret quam nullis deinceps magiæ postulatis fidendum sit, si crimen negent cum sic tandem sub extremum articulum se ream concessisset, quæ per tot tormenta ob-*
stinata

stinata transferat. Multa hic imprudentis-
simi hominis peccata concurrerunt, quæ si
iudicio tantillo valuisset manibus tangere
potuerat. Nam

1. *Quæ hæc perversitas fuit, quod per fas &
nefas omni adhibita vi nocentem esse voluerit,*
quæ innocens esse poterat?

2. *Non poterat sacerdos hic aliud judicare,*
quam eam innocentem esse: nam convicta nullo
modo erat, indicia omnia per torturas purgave-
rat, ne in sacramento quidem fateri voluerat, quid
hic amplius requiri poterat?

30. *Si sacerdos certus erat, eam ream esse*
& mentiri in confessione, id intra illud forum
continendum & tractandum erat, & si nihilo-
minus persisteret, credendum tandem penitenti,
& acquiescendum, ut omnes Theologi docent.
Quid hic novas & periculosas opiniones sectari
volumus? legamus & sequamur Theologiam, ut
ea hæctenus toto orbe tradita fuit.

4. *Quod, si, autem rogo jam jam imponen-*
da tribus illis voculis memoratis, rea esse consen-
sit, quis non videt ex circumstantiis & loquendi
modo, non veritati hoc, sed spei gratiæ & impor-
tunitati urgentis tributum esse? unde quæ hic ma-
teria triumphi & exaggerationis?

5. *Quod*

5. Quod si nihilominus homo imperitus veritatis eam vocem fuisse existimabat, qua hac animæ juvanda ratio fuit, ut in veteratam igitur, & cō usq; invalidè cōfessam atq; haud dubiè eximio quodam modo Sathana obstrictam credere auderet, sic quasi momento satis dispositam, & velut miraculosè conversam, atq; contritam esse, ut aliud nihil restaret, quàm ut raptim verbulo, absolveret, & mitigationem tantum supplicij non dilationem à Iudice oraret? agebatur sane de æterna animæ salute: ut hac in tuto collocaretur, & tam insignis peccatrix, ut eam is homo esse supponebat, solide cum Deo rediret in gratiam, oportebat utiq; supplicium differri & meliùs pleniusque per unicum saltem diem disponi ac sacro viatico instrui: sed & tenebatur adhuc iudex in conscientia, ut non negaret, et si negasset, sacerdotis erat observare, imo & interposita auctoritate evangelica comminationem iræ Omnipotentis Dei expromere, ac coram populo teste, ad principem appellare. Ecce qui animarum curatores! & hos magistratus habere volunt.



An criminis ante confessi re-
vocatio facta in loco supplicii
alicujus momenti haben-
da sit?

PRaxis habet ut hujusmodi revocatio-
nes criminis sive de se, sive de aliis an-
tea in tortura confessi & ratificati contē-
nantur, ut nullius penitus momenti. Mo-
ventur Iudices argumentis ex Binsfel-
dio pag. 274. & Delrio lib. 5. sect. 6. peti-
tis, quæ tamen non plane eis favent. Ut
paulò post patebit: Sic enim

RESPONDEO. Revocationes hujusmodi
si à pœnitentibus fiant, quod prudentis con-
fessarij judicare est, non prorsus nullius, sed magni
ponderis habenda erunt, maximè si alios falso de-
tulisse ajunt. Rationes ista sunt.

RAT. I. Natura dictat ut moriens præ-
sumatur memor salutis, ideoque mentiri
nolle, ut habet Simancas ex D. Chrysosto-
mo & aliis, item Canon Sancimus l. 9. 7.
& gloss. in cap. litteras. de presumpt. item
Dd. in

Dd. in l. ult. Cod. ad l. Iuliam repetundarum.

Elevant concedendo quando est animo imperturbato & sibi benè præsentī additq; non omnes morituros esse sanctos maxime sortitarios. Sed &c. Non omnes autem morituros, animo perturbato esse, nec omnes non sanctos aut sortitarios: quippe cum hoc ipsum jam quærat, annon dubitari aliquantum atq; altius considerari debeat, num omnes qui sic revocant, sortitarij sint. Unde non sic poni debet, sortitarij sunt; ergo eorum revocatio audienda non est, sed sic potius: Revocant eo tempore quo sciunt se jam jam ante æternitatis tribunal sistendos: rarum est ne tum quidem salutis memorem esse, prudenter igitur dubitari potest, an non forte sortitarii non sint.

RATIO II. Si rejiciendum est quod paulo ante mortem rei enunciant, cur Judices, & alii qui denunciationibus sagarū magnum pondus attribuunt, totum hoc inducunt (ut infra dicam) quod super iis denunciationibus mortuæ sint, ipsi igitur fundamentum hoc jaciunt, quod non videatur præsumendum quempiam cum
men-

mendacio velle vitam concludere; alioqui
opponam totidem eorum verba ac dicam:
non omnes morituros esse sanctos, maxi-
mè tortiarios, ac proinde parum id referre,
quod denunciationes suas morte obsigna-
riut. Sed nimirum si quod obsignant mor-
terale est quod iudicibus placet, jam ma-
gni ponderis hæc obsignatio est; nullius
autem si quod iudicibus non placet.

RATIO III. Constitutio crimina-
lis Carolinæ in Imperio recepta nobiscum
sentit: nam sic habet articulo. 19.

*Quod si accusatus ipso die iudicij delictum ne-
gaverit, quod antea legitime & constanter
confessus fuerat, ac Iudex ex ea confessione per
explorationem omnium circumstantiarum depre-
henderit, eam retractionem à reo solum ad impe-
diendum legitimum juris processum fuisse susce-
ptam: tunc Iudex duos illos constitutos assessores
qui una cum ipso libellum confessionis prælegi au-
diverunt, sub juramento interroget, utrum præ-
dictā confessionem audiverint, & si affirmave-
rint, idē Iudex omnino consultationē ac delibera-
tionem instituat apud Iurisperitos seu alios locis
et modis ut inferius significatur &c. Ex qui-
bus ita rectissimè colligit Tannerus dispu-*

Dub. XL. *An revocatio criminis ratione de justitiâ q. 5. dub. 4. num. 98.* quod ea constitutio etiam tunc cum retractatio rei solum ad impediendum legitimum iudicij processum facta fuerit, nihilominus vult rem diligenter expendendam, & cum viris doctis & peritis conferendam esse, utiq; multo minus negligendam aut contemnendam eam revocationem esse volens quæ à pœnitente ac non malitiosè facta potest præsumi. Restat ut ad argumenta opposita respondeatur, quibus probatur revocationem huiusmodi proximè ante mortem factam æstimari non oportere. Sunt autem ista.

ARGUMENTUM. I. Raro sunt mortem æquè sibi mente constant, ut ante illud tempus quando confessio ratificatur. Ita Iudices ex Delrio lib. 5. Sect. 5. Sed

R. *Non raro sed sæpe multi cum mortem oculos vident, præsentiores sibi sunt quam ante quantum scilicet ad hoc ut mentiri nolint, ad quod opus non est discursu, & magna animi attentione ac quiete. Quicquid sit, ut igitur concedatur ut cum perturbati animi non sunt, tum saltem magni ponderis hæc revocationes habeantur, quod volebamus. Quanquam vereor ne id nos parum juvet, forte dicent, hoc ipsum esse perturbationis signum.*

signum, si quis revocet, atq; ita nullus non revocans perturbatus fuerit: speramus mitiora.

ARGUM. II. Solent importunitate eorum qui denunciati fuere, vel admonentium de animæ salute vehementer rei sollicitari & perturbari in extremo illo vitæ puncto. Sic item ex Delrio & recidit eodem quo primum argumentum. Sed

R. Neganda sunt quæ argumentum sumit. Nam imprimis, unde denunciati sciunt, se à reo isto denunciatos esse ut ei de revocatione importunasse velint? Denunciationes omnes exceptæ sunt in acta quæ adhuc secreta servantur: unde ergo sciunt? quod si aliqui sunt sibi male conscij, qui ne delati sint verentur, atq; hos putant reo molestos esse, nec sic assentior: Nam y sane, ut natura est non rectæ conscientie, cavebunt potius ne in reorum conspectum aut mentem sub id tempus veniant, ne forte vel judici alius vesuspicionem, vel reo memoriam commoveant, quo fieri posset, ut si nec dum denunciaffet, adhuc ante mortem, pœnitentia ductus, denunciaret. Sed voluit fortassis innuere Delrius quod hodie est solenne, nec ab ullo adhuc magistratu, quod sciã, unitum, eos qui reorum quæstionibus intersunt, mox omnes denunciationes in vulgus effutire,

unde fieri potest, ut denunciati intelligant se accusatos esse: sed quicquid sit adhuc negandum est, quod denunciati, qui se accusatos esse sciunt reos ante mortem sollicitent & perturbant: nam ad reos post acceptam sententiam nemo admittitur, nisi Sacerdos & lictor: nisi hi igitur denunciati sunt, aut à denunciatis subornati, non possunt utique denunciati reos molestare; Deinde quod additur solere reos importunitate admonentium de salute vehementer sollicitari, id pro nobis est, non contra nos: si enim de salute vehementer sollicitentur, utique tanto magis salutis habebunt curam nec eam per mendacia, cum nihilominus moriendum eis sit, in discrimen adducent. Præterea morientes de salute, qui importuni sunt, non id agere solent, ut veritatem serio cognoscant & moneant reos de revocatione, si forte tormentis victi mentiti sunt; sed id agere solent, ut quicquid sit simpliciter se nocentes esse fateantur: Præsupponunt enim imperiti homines, ut supra docui dub. 19. non posse aliter fieri quàm ut nocens omnis sit qui accusari & capi potuit ac in tormentis fateri: Itaque quod revocatio fiat ante mortem non ab importunitate admonentium de salute fit.

ARGUM. III. Hæc recantatio non est facta adhibitis solennitatibus, quæ ad suffraganeam primæ confessioni, ideo prævalere prior

prior. Adde quod ista est extrajudicialis,
prior judicialis, sic item ex Delrio. Sed
12. Non dico hanc recantationem continuo
priori confessioni prae habendam esse, & reum mox
absolvendum: sic enim nemo non reus ante mor-
tem revocaret: Sed id ajo: confessionem priorem
si adhibitis solennitatibus juris facta sit, non ta-
men ideo necessario esse veram, imo nec hoc tem-
pere quidem sat prudenter veram esse prae sumi
posse, tum ob futilitatem indiciorum quibus ho-
mines utuntur, tum ob ingens periculum quod tortu-
ra secum trahit, ut sapius ostendi. Proindeq; si
paulo ante mortem rei non male dispositi canant
in odiam, eam non planè negligi & condemni
oportere, sed diligenter considerari, revocari ad
eandem inducia, examinari attentius, & ut vult
constitutio Carolina consultationem apud juris-
peritos institui: praesertim in crimine magia, quod
numquam exceptum sit non modo non minorem, sed
majorem adeò considerationem & attentio-
nem requirit, ut supra Dubio 8. probavi.
Quis autem hoc unquam iudicium in Germania
fecit? jam si quis hominum piorum admonere ju-
dices in his ac similibus velit, sunt qui indignen-
tur & inclament, quid hac ad nos attineant, nosse
illos sua jura ac leges, nos ista non studuisse: quasi
scilicet secretissima hac quaedam sacra sint, in qua
nemo

nemo unquam oculum injecerit, nisi soli illi, quos
huc professio applicuit. Quos quidem si ut pri-
mum ad moti ad has causas sunt, continuo vel ju-
dicij vel conscientia bonitas ab errandi periculo
exciperet, non esset quod monitione & sollicitu-
dine egeremus; nunc aliter res habent, & adver-
to id tantum agi, ut non tam ipsa demum veritas
per Germaniam resplendeat quam busta.

ARGUM. IV. Dictum morientis
non est idoneum testimonium ut alius tor-
tura subiciatur, nec in homicidio, nec in
judice dicente se tulisse falsam sententiam
nec in furti crimine, nec in aliis ullis, ex
communi & in praxi recepta sententia. Si
idem ex eodem; ergo similiter dictum mori-
entis idoneum non erit ad elidendam con-
fessionem prius tactam, &c. Sed

R. Sumitur hac doctrina ex l. si in gravi §.
ff. ad SC. Syllanianum, ubi dicitur quod vul-
nerato non creditur, si mox decessurus dicat se
Titio percussum fuisse, nisi id aliter probari possit
ad quem textum multa Bartolus. Sed esto ita si
(nego enim id nostri instituti est discutere, ut
deatur Farinacius q. 46.) non tamen id inde, con-
ficietur dictum morientis non aliquam facere prae-
sumptionem & indicium, alius res consideretur

quod nos volumus & constitutio Carolina nobiscum : qua articulo 28. determinat sermonem morientis aliquod facere indicium, quam & citat Binsfeldius pag. 277. Stephanum Bertrandum atq. alios, quod nobis sufficit. Certè ipse Binsfeldius pag. 275. pro conclusione fateri cogitur, quod testis talis revocatio de qua agimus non elidat confessionem priorem in foro externo, nihilominus maximum quiddam sit apud Deum & homines, quod reus statim moriturus exculpet & excuset quos inculpavit. Vnde quidem videant quid agant iudices, cum non minus ut in interno, quam externo foro subsistant curare debeant : reprobent suum axioma, prestare ut viginti nocentes dimittantur, quam unus innocens plectatur.

ARGUM. V. Talis persona primam confessionem factam in tormentis non confirmasset, quando sententia data est ad bācum juris ut vocant, tum enim conscientiam suam aperuisset, & revelasset quod in tormentis mentita esset. Sed

Re. Dicuntur hac multo promptius quam fingant: Væ illi sane si ad bancum juris id dixisset: reddidisset in easdem quaestiones, & nullo alio, quam praesentium pœnarum lucro mendacium mendacio cumlasset. Prudenter igitur illi agunt, qui &

ad bancum juris mendacium ratificant; & non nisi tum demum revocant, cum jam jam ruunt in amplexum mortis, torturarum securi. Contra vero quidam nimis simplices sunt, & turpiter impingunt, cum ad bancum bis terve ut nuper adhuc observavi voce judicis provocati ad libere edicendam veritatem, ajunt se in tormentis mētitos esse: mox enim reducti in questionem id tantum discunt nullam omnium torturarum acerbiorē esse quam q̄ eam libertatē edicenda veritatis exceperit. Neq; enim contenti quidam inquisitores sunt, quod ubi rei mentionem reductionis audiunt, subito libertatem eam damnent, confessionem priorem ratificent, ac de revocatione doleant, infectamq; esse velint: nam nihilominus adhuc reduci jubent & torqueri, ac tum denique ad bancum juris liberrime enunciare (nam hac phrasi utuntur, & discat nunc eam lector quid significet) liberrime inquam enunciare, se reos esse; non sine magna in populo exaggeratione quantam maleficorum malignitas sit, qui cum tandem aperte inventantur fuisse rei, sic antea tamen judicium ludificati sint. Ut profecto insanissimus imposterum futurus sit qui ad bancum aliter loqui audeat quam iudicibus placuerit. Nimis voo lepidē & ingeniose agit Inquisitor ille non nomi-

nancu,

nandus, qui interdum pridie, quam plectendi sunt rei, id eis denunciari jubet, etiam per confessarium, quod si vel ad judicij vel supplicij locum vacillaverint, ac postea rursus torti confessi fuerint, sciant paratas iam esse scalas ad quas alligandi sint & in rogum vivi demittendi: quas non vanas certe ejus minas esse nuper in nonnullis docuit eventus. Idem homo confessariis ipsis ausus pro imperio edicere est, si qua in supplicij loco Sacramento reconciliandæ, negaturæ essent crimen, eas plane ne absolverent, sed vivas exurendas deferrent: & sunt confessarij ejusmodi qui stipendio non laborem solum sed & auctoritatem ecclesiasticam submittunt, & indignam rem sub nequam hoc homine agere ausi sunt. Qui ydem ordinaria formulâ severissimè reis edicere solent salvari nullatenus posse nisi confessiones & denunciationes in tortura factas ad ultimum constanter ratificent. Vah quæ hæc ratio est! & quas pœnas dabit Deo Magistratus qui hos Officiales habet? gravia sane hæc facinora sunt: & tamen hac justitia est, & instigantur Magistratus atq; à Zelo commendantur.

DICES. Hæc magistratus ignorant, atq; ideo excusati sunt: si scirent utiq; gravissimè punirent.

R. Quod ignorent concedo, sed quod excusati sint, omnino nego. Poterant hac & similia omnia, si ipsi modo vellent, scire, cur nescierunt? quod potuerint sic clarissime ostendo.

Clamant omnes & Magistratus & eorum Officiales crimen magiæ occultissimum esse, & occultissime proferpere: hoc ipsum tamen occultissimū crimen hæcenus ita Magistratus non latet, ut indies infinitos ejus criminis reos in lucem se putent protrahere: norunt & narrant integras iliades scelerum & machinationum quas sage in conventibus suis secretissimis gesserint: Quod si igitur hac & similia adeo ut volunt tenebris demersa, nihilominus scire possunt, quomodo non possunt, quæ palam in luce hominum geruntur?

Itaq; apud Deum non subsistent; nec apud homines quidem, cum intendere pallium ignorantia tam affectata difficile sit. Atq; hac obiter ex occasione sint dicta, quæ tamen considerari debeant, & hinc quoq; non nihil minui admiratio unde tantus in Germania sagarū sit numerus. No- tent autem judices reliqui & imitentur in signe jam dictum Inquisitoris illius stratagema, quo id efficiant, ut nulli deinceps rei negotium illis cum revocatione facessant: Sic concidet omnis nostra disputatio, an pondus aliquod revocationibus tribuendum sit.

Quod

Quod si vero & aliud ejusdem Inquisitoris stratagemata iudices avent discere, quo id obtineant ut si qua plexa sit quam plerique innocentem fuisse apprehendant, hanc eis opinionem egregie eximant, non gravabor docere; nam ita agant: Dum alias passim inequuleo extendent, ita quaestiones cum dexteritate aliqua dirigant, ut defuncta illius memoriam eis objiciant: quam utique dum non gravate ut se pœnis eximant, accusaverint, (cum & ordinarie aliqui defunctas nominare soleant ut infra dicam) habetur institutum: nam subito id spargant & è protocollo ad bancum juris recitari curent, quam nunc indies ab novo erumpant in scelestissimam illam nova & diversa accusationes: addant etiam consultum illi esse, quod jam tum sic plexa sit, aliqui nunc si adhuc supersit, vivam ignibus tradendam esse.

Porro autem si Magistratib. Germania cordi est cognoscere & punire suorum quorundam Officialium nequitias & delicta, hoc suggero remedium. Ostendant sibi non displiciturum si integer colligatur hujusmodi rerum Catalogus, erunt qui propediem colligent, & ostendent quam indigne omnia sub specie justitiæ vastentur, mihi diligentius inquirere non libuit.

DUBIUM XLI.

Quid præsumendum circa eas
quæ in carceribus mortuæ
reperiuntur.

RESPONDEO Si quæ maleficiæ accusata
nondum legitime in tormentis confessa, aut
convicta mortua in carcere reperiatur; præsumi
debet decessisse morte naturali & honesta, nisi con-
trarium sufficienter ex certis signis deprehenda-
tur. Est id contra multorum imperitorum praxin,
qui ut quamq; in carcere animam exhalasse intel-
ligunt, mox judicant à damone jugulatam, & sub
patibulum educi mandant, ut ipse non semel vidi.
Nihilominus responsio nostra verissima est. Ra-
tiones istæ sunt.

RATIO. I. Communis regula est
Theologorum & Jurisperitorum ex ipso
naturæ jure desumpta, tam diu quemlibet
præsumendum esse bonum, donec suffi-
cienter probetur esse malus, ergo similiter
tam diu præsumendum est de morte natu-
rali, donec de alia sufficienter ostendatur.

RAT. II. Secundum jura cum mortuus
in carcere reperitur præsumit non contra
mortuū, sed cōtra cōmentariensē, i.e. præ-
fectum

etum carceris, quasi male habitus captivus sit. Vide Damhauderum *prax. crim. cap. 11.* & leges quas citat.

RATIO. III. Semper sunt hic causæ, quæ suadeant de morte naturali & honesta, nam

1. Torturis fracta fuit, de quibus Augustinus: *Etsi non morte, inquit, puniantur in ipsis, vel ex ipsi plerumq; tormentis moriuntur* Lib. 19. de Civit. cap. 6.

2. Vexata est compedibus & Catenis.

3. Carceris pudore, & horrore debilitata est.

4. Confecta est mærore & tristitia, quæ, si, teste Scriptura etiam ossa viri exsiccat, ne dum ossa mulieris exsiccare potuit.

5. Consolatione omni caruit: Sacerdos à quo tale quid sperare potuerat, molestior ei forte quam ipse licetor fuit. Dum igitur mortua invenitur nec alia sunt signa sufficientia in contrarium, his ex causis animam posuisse judicari debet, nisi forte tam imperiti aut maligni sumus, ut tot mala in cumulum collecta non putemus sufficere potuisse, ut infirmam unam restam colliderent, id est, animam muliebrem è
male

male cohærente & attrito corpusculo extruderent. Insero hoc loco, quid in hac materia ante annos circiter duos ipse præsens in arce quadam principis non mihi nominanda didicerim. Assidebam mensæ apud loci ejus satrapam, virum mihi amicissimum, aderat & forte Doctor medicus, nō vulgariter tam suæ artis, tū Mathematicæ perit⁹, cū quo nescio qua occasione, in eos incideram sermones, ut de sagis multa loqueremur, eramusq; per omnia in eadem opinione. Interea dum sub id tempus à commentariensi obeuntur carceres, & captivis prandium affertur, accurrit ad nos intro, qui Satrapæ nunciet, non neminem eorum, qui pro maleficis detinebantur, ea nocte vita esse expeditum, & à dæmone strangulatum; Aspeximus nos inter nos, Medicus & ego. Atq; ille concussos capite indignabundus: prava, inquit, & distorta hominum judicia! Iam is miser superioribus diebus ad stuporem omnium in equuleo distractus est, & virgis laniatus: jacuit in carcere heri totus languidus, & enervus inter vitam & mortem, nil magis consentaneum naturæ est, quam ut per tantos cruciatus hanc inveniret, nec quicquam magis creditu proclive est: nemo id tamen credet, nemo judicabit: dicent, omnes à dæmone jugulatum esse, hoc tanquam ex ore Apollinis pronunciant, Mira res! quam

nullis

multi hactenus per Germaniā in carcerib. vitam exuerūt, ne tamen quisq̃ omnium ob torturam, aut miseras carceris; quis enim hoc audiuit? omnes dæmon hinc eduxit, is omnibus cervicem fregit. Et quo argumento? quis interfuit? quis vidit? carnifex ita ait: is scilicet, qui audire non vult enormius torfisse, homo infamis & plerumque nequam, qui quod solus cadauer tractat & pertendat, solus testis esse potest; penes unum hunc fides tota haret? & si multa queras omnis tandem, atq̃ ultima probatio, non ulterius quam ab ejus judicio repetitur: qua in re id merito mirari venit, quod cum in rebus aliis nemo fere ea sit auctoritate, quæ non aliquem subinde relinquat dubitationi locum, solius tamen carnificis ea sit in negotio gravissimo auctoritas qua omnem dubitationem expungat, quin quod ille pronuntiarit verissimum habeatur, quasi ipse Iupiter locutus sit. Hac ille; Quæcum mihi non parum arrisissent, cupere mihi que insistere hac argumento; conversus ad Satrapam: Oro, inquā, ne non sciamus certiora quæ si animi gratia ventilemus, mittantur testes ex hac ipsa mensa in rem præsentem, qui certam ad nos veritatem renuncient. Et quando ad manum est licetor, ut vel modo cadauer possit inspicere, ij comitentur & examinent diligenter: Ita, quid ejus

rei sit certius sciemus. Placebat id satrapa usq̃
adeo, ut vel ipsemet inspectioni interesse vellet.
Abcunt igitur, & paulo post reversi: Quin imo
inquiunt, res aliter non habet, cervicem ei dæmon
elisit collam penitus confractum est, flaccidum &
enerve, sic ut caput in omnem partem corruat ac
nutet; cetera membra integra sunt & firma: ita
carnifex astantibus nobis, ne posset fallere, ad ocu-
lum ostendit: Sic ipse ego, inquit satrapa his o-
culis meis vidi, ipse testis sum, ne in uno carnifice
fides acquiescat. Idem cæteri dicebant, ac quando
jam omnis sublata dubietas erat, ad prandium se
quisq̃ referebat. Continui ego me paulisper, &
haustulo interjecto: licetne inquam, ut liberius
quid loquar hic inter scyphos & amicos? Licet, in-
quit; Satrapa; atq̃ ego: vereor, inquam, vehe-
menter, ne si ita philosophandum sit, ut adhuc
philosophati sumus, parentibus quoq̃ nostris,
quos in lectulis suis honestissimè animam posuisse
credimus, non malus aliquis genius cervices eli-
serit. Itane enim inquam ut hoc nesciamus, nullū
non hominis cadauer ut rigidissimum ac frigidis-
simum quidem fuerit, capite tamen quam maxi-
mè fluere ac in omnem partem nutare? Nun-
quam igitur cadauer tractavimus? Nunquam
vidimus ab aliis tractari, indui, moveri, in loculo
reponi,

reponi, ut rem tam luculentam hætenus ignoraverimus? Euge vero, quam insignis & clara probatio confractæ cervicis: qua si carnifex ille atque alij quoq; passim (ut æstimare licet, imo ut jam mihi constat) uti consenuere, ac simplicissimi inspectores habent ratam, quam multi obsecro intra annos aliquot indigne traducti sunt? Quæ cum ita differuissem surrexi atq; abij: cadaver deinde illud sequentibus diebus sub furcam fuisse defossam intellexi. Videant autem Judices, & ij omnes quorum interest quam egregiè se naso suspendi à carnificibus patiantur, quamq; tutam suam conscientiam conservent, cum se scire omnia existimant, atq; eam negligunt sollicitudinem ac curam, quam ego supra singularem & eximiam in causis sagarū volebā esse. Multa in hoc casu concurrunt, quæ coram judice æterno negligentem Judicem præstare oportebit. Nam.

I. Mortuus hujusmodi nondum legitime confessus aut convictus de crimine est, non etiam legitimè probatum, cum vel à dæmone, vel seipso per vim vita interfectum esse: unde sequebatur, sine peccato mortali (ut vide apud Delrium lib. 6. sect. 19.)

Ecclesiasticâ sepulturâ privari non posse; privatur tamen.

II. Nec debitâ solum sepulturâ privatur, verum insuper, ignominiosa ei impenditur, trahitur enim à carnifice sub patibulum, atq; ibi infoditur.

III. Eo ipso, quasi lata sententia damnatur, ne non certo fuisse reus ab omnibus existimetur, cui carnifex pollinctus datus sit, & furca Mausolæum.

IV. Eadem infamia in familiam ac postereros transfunditur. quod tanto gravius existimandum est, quanto stirps honestior. Quæ si singula per se magna sunt, & in conscientia atq; etiam externo foro restitutioni obnoxia, non facile existimatu est, ut quos laqueos se induant omnes illi, qui tantis futilibus credendi argumentis nixi, vel de memoria incedunt, omnium securi. Neq; enim est, quod ignorantia vel obtusitas possint obtendere, qui ne ignorantia laborarent, maximopere cavere ex officio tenebantur,

Quando tuta conscientia judicare possit, repertum cadaver à se ipso vel dæmone jugulatum esse?

RESPONDEO *Id judicari potest ex his signis.*

1. Si resti collum implicitum est.
2. Si caput obtortum est, idq; plane in posticum non enim sufficit si versus humeros in unam partem: quod notandum est.
3. Si in gutture lineamenta appereant, quæ pridie non fuerunt: in quo tamen medici judicio opus est.
4. Si, quod sine magna vi externa adhibita fieri non potuit, prima colli vertebra emota loco est, ut retro emineat; nam tum deniq; non temerè jugulatio præsumi potest, ac cadaver sub furcam trahi, nisi rursū, quod supra dixi, cōtra commentariensem aliquid præsumendum videatur. Si vero hæc aut alia manifesta signa non reperiantur, præsumendum est pro cadavere uti dixi: potest quidem quispiam à dæmone suffocari nec tamen ullum relinqui signum,

nos tamen id esse factum arbitrari nō possumus, nisi signa videamus. Utinam proinde superiores quidam religionū vel melius suos in his talibus instructos emittant, vel ora imprudentibus obstringant, ne eadem qua supra probatione, ut quemque in carcere concidisse intelligunt, ipsi quoque vel inter primos clament, & in vulgus inpergant contractas eis esse cervices. Scimus nuper cum quadam miserrimum in modum tortum, atq; iterum nihilominus in equuleum reducenda, inter manus lictorum mortua colla pla esset, atque in partem unam deflexisset caput, primus omnium religiosus, reorum confessorius exclamabat, dæmonem illi pessima saga cervicem obtorxisse. Quam fabellam, cum addere quoq; sese vidisse collum ejus penitus confractum, nemo non amplectebatur, tanto firmitus quanto minus à religiosis viris vel mendacium in re gravi vel temeritas judicandi tam insignis proficisci posse suspicio est. Et nemo ad similia plura attendit? Quod si nunc ij quorum interest rationem à iudicibus petant eorum corporum, quæ hætenus velut à dæmonestrangulata sub furcam infodi mandarunt, si & signa jubeant proferre quibus id sibi per

persuaserint, ac familias diffamarint, non
aliter subsistent quam ij tolerant, qui de re
examinantur de qua nulla eo usq; cogita-
tio suborta eis est.

DUBIUM XLIII.

De stigmatis sagarum an indi-
cium dent ad torturam

& condemnatio-
nem?

UT intelligat me Lector, sic res habet.

Ajunt in corporibus sagarum repe-
ri loca quadam quæ sensu vacent &
anguine: ita ut si acum vel stilum pro-
fundius immittas, neque dolor neque
anguis cicatur: addunt ea loca subinde
tiam quasi macula quadã seu velut nota
insignita esse, unde & vocat characterem
ve stigma quod dæmon affecit suis, (et si
fatentur non omnibus) inquit, tanquã
rem quisque suam, ut supellectilem,
rem, pecus, servum iniusta nota signare

294 Dub. XLIII. De stigm. sagar. an indic. dent
solet. Vide Binsfeldium pag. 626. Re-
migiū dæmonolatriæ lib. 1. cap. 5. Del-
rium lib. 2. quæst. 4. & 21. Quibusdam
igitur in locis captivam quamque lictores
exuunt & huiusmodi notas diligenter
non minus quam petulanter quærunt:
quas tanto utiq; invenient facilius, quā-
to maioris eorum interest qui quærunt.
Nonnulli Iudices ita pertinaciter hic se-
figunt, ut si tantillum di-vellere coneris
& examinare, non parum indignentur.
Accidit nuper ut interesset colloquio sa-
cerdotis cuiusdam viri docti, & iudicis
qui de eis ipsis stigmatibus differebāt. Mul-
ta hic Iudex narrabat, sed non credebatur
sacerdos addebatque mirari se quod viri
prudentes in his signis noscitantis in uni-
us Carnificis fidem incumberent; quo-
dictum, ut mihi quidem videbatur non
iniquum, ita Iudicem incendit, ut totus
stomachabundus è loco se & conversatio

Re- ne proriperet, nō sine calumnia in sacerdo-
Del- tes. Risi; & cum revocassem, demulsis-
dam semque verbis dum deservisset tempestas,
ores ita hominem modeste sum affatus: Ponā,
inter inquam, argumentum quod nescio an à
unt: quoquam mihi solvi possit; est autem ta-
quā- le: Nam quod si in sacerdotes quidem,
unt inquam, in quos nulla vestra est potestas,
ic se sic facile projectā bile ultra rationem ex-
erit curritis, quam merito vereri debeo quis
tur cum iis tandem agendi vester sit modus,
o sa quos sub vinculis constrictos intra ditio-
icis nem cupiditatis vestræ tenetis? quomo-
Aul do autem qui sic subitò turbato sunt sen-
eba su, nihilominus ad distinguenda ea quæ
vir in causis sagarum obscurissima sunt, erūt
uni apti? Qua item ratione cum de captis
uo agitur ad omnem innocentiae mentionem
not tume fiunt, recte innocentibus consultum
otu ibunt? respondeat qui potest. Sed ad
tio stigmata redeamus. Ego hæc nondum

296 Dub. XLIII. De stig. sag. an indic. dent
Vidi nec nisi Videro credam. Id Video
indies, infinitas esse hominum fraudes, &
sape pudendam credulitatem etiam ma-
gnorum virorum: qui quod maiores sint
quam ut ipsi huiusmodi minutias ad un-
guem examinent, quaslibet pene fabulas
amplectuntur, atq; in commentaria sua
referunt atq; orbi imponunt. Interea v.
quia nec credo, nec nego, dicam q̄ sentio,
dū à sagacib. & doctis melius examinetur
& doceatur. Itaq; adpropositū dubium.

RESPONDEO I. Frustra queratur an
stigmata possint esse indicia ad torturam. Ratio:
Nam ut concedam licere per lictorem ea querere
in corpore Reæ nudato, convenire putem, ut ha-
beatur semiplena nimium probatio. Cum enim
sine ea torquere non liceat, nec licebit sine ea ita
fæminam nudare coram infami scurrâ, quod illi
sexui quandoq; tortura gravius est: habita au-
tem semiplenâ contra ream probatione quid opus
alio indicio stigmatum est ad torturam?

RESPONDEO. II. Antequam ex sti-
gmatis tamq̄ ex probatione plena procedatur ad
condemnandum, hac sequentia iudicibus in con-
scientia

scientia incumbant, quæ boni isti ne quidem cogitare videntur.

I. Ne fidant lictori cujus lucrum agitur, & multi nequam sunt aut ipsi quoq; Magi.

II. Ne putetur stigma esse, quæ naturalis aliqua est nota, vel macula, vel cicatrix, aliave de causa sentu vacua ut caro spongiola, &c.

III. Ne stigmata quarantur rea pendente, ne forte terrore illo torturæ sanguis deferat nonnullas partes aut stupore non fluat, ut in sectione venæ subinde consistit, licet via patefactâ.

IV. Ut medici Judicium non negligatur.

V. Ut adsit solers quispiam qui distinde manum lictoris observet, nam fraudem si industrius fuerit deprehendet.

VI. Ne lictor mortificet cujusquam carnem, aut leviter tantum acu compungat, aut ut nuper nequam quidam faciebat, simulet tantum compungere, interimque clamitet se reperisse quod nusquam fuit. Unde mirum non erat si nec sanguis reo diffunderet, nec dolorem sentiret.

VII. Ne lictor utatur stilis dolosis, ut V. C. magicis & incantatis; vel ita fabrefactis, ut cum libet intrent ac vulnerent, cum

298 D ib. XLIII. De *stygm.* sag. an indic. dent
non libet intrare tantum videantur, in sei-
plos reducti: quales sunt cultelli jocularo-
rum.

VIII. Ne licetor sciat verba incantato-
ria aut artes quibus sanguinē sistat, ac hu-
jusmodi carnis stuporem inducat, ut quos-
dam conjuratores scire intelligo, & inven-
tum audio carnificem, qui hæc de se fassus
ac plexus sit, ut mirer nondum nos oculos
aperire.

IX. Ut Judices approbatum ac certum
habeant nunquam Deum permissurum ut
vel Dæmonis vel sagarum malitiâ & arte
hujusmodi inurantur innocentibus, sal-
tem malis.

X. Ea probatio non debet esse talis si
hoc Deus permetteret sequeretur incom-
modum, quia innocentes pro Reis habe-
rentur & plecterentur, nam id nego fore
ut à prudentibus & peritis haberentur; imo
male sic discurretur. Dicitur innocentes
plexum iri si Deus permetteret iis signa im-
primi; supponitur igitur quod sic signati
merito nocentes habebuntur, cum hoc
ipsum sit in quæstione; Unde in circulum
vadit probatio: cur signati nocentes ha-
bebun-

hebuntur & plectentur? Quia D E U S innocentes signari non permittet: Cur autem D E U S non permittet? quia signati nocentes habebuntur & plectentur. Perinde ut infra in simili ostendam dub. 48. Argum. 6.

Non tamen dissimulem quod in contrarium adferri possit: fortasse enim non ita male Judex ad stygmazatum loqueretur: pro certo passim admittitur, quod Dæmon ita suos soleat signare; te igitur cum sic signatum deprehendimus, à Dæmone id factum præsumimus dum tu aliud probes, & unde ea signa habeas ostendas: Si dicis permisisse D E U M ut tibi innocenti ea Dæmon aut saga imprimerent tuum erit probare.

R E S P O N D E O III. Quicquid sit adhuc existimo non credendum iudici ut ex his signis ad condemnandum procedat, dum res melius à deo sit ventiletur, & auctoritas publica certi quid statuatur. Atq; hac obiter salvo iudicio meliore. Scripsit nuper quadam Coloniensis quidam Iuris doctor, in quibus multa, postquam perlegi, desidero: ac proinde animus mihi erat, totum ejus scripti nervum succingere & incidere. Sed
quia

quia mihi dicitur, id ab alio jam esse factum, acquiesco. Iterum moneo latere fraudem. Quærant ingeniosi ac deprehendant; solis oculis, & iis sagacibus est opus. Nimis sane Dæmon desipiat si gregem suum signare velit, ut dignosci & mactari possit. Quicquid tamen sit, certe Dlerius lib. 5. sect. 4. indic. 8. & Binsfeldius pag. 626. quos alioqui iudices magnifacere & sequi jactant, indicium hoc stigmatum ut leve contemnunt.

DUBIUM XLIV.

An magnificiendæ sint denuntiationes complicum in crimine Magiæ?

Questionem hanc ex professo tractant Binsfeldius in libello de confessionibus maleficorum pag. 238. & seq. ac Tannerus Theologiæ tomo 2. disp. 4. de Iustitia, quæst. 5. Dub. 2. Nos Tanneri sententiam jecuti nostrâ methodo rem expediemus, & quæ adfert in contrarium Binsfeldius, dissolvemus. Itaq;

RESPONDEO. Et si denuntiationes complicum secundum communem hodie praxin ma-

ximi

ximi momenti habentur, sicut ordinarie tres, quatuor denunciationes sufficere putentur, ad capiendum & torquendum, etiam secundum quosdam personas bonæ alioqui famæ, consentiente Binsfeldio, Delrio & aliis: Nihilominus nos eas vel si plurimæ quoq; fuerint, ut parvi admodum ponderis, fallaces, deceptorias, vehementerq; merito secundum prudens iudicium suspectas rejicimus, negamusq; ad capiendam torquendam-que personam aliquam seu bonæ seu malæ famæ, nisi alia indicia graviora accedant sufficere. Rationes istæ sunt.

RATIO I. Sententiam hanc plurimorum optimorumq; Doctorum autoritas tuetur, sic enim (saltem quo ad personas bonæ alioqui famæ) sentiunt de Exceptis, Ancharanus, Alexander, Andreas de Isernia, Bartolus, Bertazzolus, Burfatus, Cornelius, Cravetta, Felinus, Gomezius, Gramaticus, Marfilus, Menochius, Paris, Raphael Cumanus, Rolandus à Valle, Socius Junior, Vincentius Ondedus, & alii prout citatos vide apud Tannerum l. c. nu. 31. & seqq. qui proinde cōcludit hanc sententiam non solum non esse novam sed potius communem,

R A T. II. In constitutione criminali Caroli Quinti, quam in Imperio servare oportet, cum Indicia maleficii commemorantur, non ponitur duorum vel plurium complicum denunciatio, quæ tamen poni debuisset, si aliquod eis momentum ad torturam inesse Imperator putasset.

R A T. III. Si adversariorum sententia recipiatur in potestate & arbitrio infamiũ & nequam personarum erit, gravare & denigrare bonum nomen, existimationem, & personam hominum proborum: quod est absurdum & periculolum innocentibus, ut ex sequentibus satis colliges.

R A T. IV. Vel illæ quæ alias denuntiãt verè sagæ sunt vel non sunt: si non sunt, jã quid hæ de complicibus scire possunt, quas non habent? mentiuntur de se & de aliis, ut à tortura se liberent, nullius igitur hæ denunciationes ponderis sunt, si denunciantes innocentes sunt; si sint autem nocentes seu verè sagæ, ne tum quidem illarum denunciationes ullum pondus habent: supponi enim debent ex natura sua mendaces esse quæ Dæmone Magistro usæ sint. Veracitas igitur illarum nulla est, nulla igitur

pr oba:

probatio quæ in illarum veracitate nititur, Nititur autem denunciatio, cum nihil nisi ab autoritate seu veracitate dicētis probet. Ergo. Autores Mallei alias severi ipsum hoc agnoscunt pagina 512. Cum enim dixissent maleficas qualdam Magistras servari posse, ut aut maleficatis subvenirēt, aut maleficas proderent, subjungunt; *nec tamen eorum proditori staretur eo quod Diabolus mendax; nisi pariter & alia indicia facti cum te sibus occurrerent.*

R A T I O V. Non creditur denunciationi seu Testimonio testium qui infames sint, ut est communis omnium Doctorum sententia, sunt autem sagæ omnes hoc ipso quod sagæ sint maxime infames. Ergo, &c.

D I C E S, Ex Binsfeldio de confessione maleficorum pag. 264. & 266. & ex Delrio. lib. 5. sect. 3. Infamia purgatur per torturam secundum communem sententiam jurisperitorum qui proinde statuerunt, ut complici non credatur, nisi in tortura denunciationem fecerit. Si igitur infamis saga in tortura denunciavit ut fieri debet, ab infamia purgata est, frustra igitur infamia obijtur. Ut hoc lector intelligat, sciendum est quod ajunt hodie Iudices, testimonium personæ infamæ non debere admitti: cum igitur quispiam in tortura

tura de se cōfessus crimē, hoc ipso infamis sit, non oportere ei de complicib. credi, nisi de iis per novam torturam, quæ infamiam illam expurget, rogetur, Vnde ut id fiat torturam novam pro complicibus edicendis sustinere reus debet, quantumvis sine tortura promptus sit edicere: hac hodie iudicum praxis est. Sed non potui purgationem hanc infamiae in constitutione Carolina reperire. Deinde non sat intelligo, quo tandem modo tortura infamiam abstergat, nam quicquid id est ex quo cuiquā infamia adhaeret, id utiq; non annihilatur per torturam, ergo consequenter nec infamia: Exempli gratia infamis Gaia est, hoc ipso seu ex ea causa, quia saga esse deprehensa ac confessa est. An cum torquetur desinit esse saga? Non desinit. nec desinit igitur adhuc infamis esse, manente enim causa manet effectus: Pretiosa alioqui purgatio si sic facile tortura quamlibet infamiam purgare posset. Vnde vereor ut commune hoc juris peritorum effatum non satis subsistat, dum aliter instruar. Simanchas certe ait hujus sententia auctores sine lege & ratione loqui. Quod si instruas in hunc modum: infami ideo de complicibus non creditur, quia timetur ne mentiatur, adhibetur igitur tortura in hunc finem, ut ne mentiatur, unde cum tortura tollat ne mentiatur, recte dici-

tur tollere infamiam quia efficit, ut licet infami, tamen credi possit. Respondeo, ne sic quidem difficultatem absolvi: Nam esto sagam torqueas in hunc finem ut ne mentiatur; ad idem mox finem consequeris? atque mentietur post torturam: & qui eam mentitam redargues? Imo si post torturam ti credis, jam tanto amplius mentiri volet: stulta enim sit si non usa hac occasione alienum potius regnum destruat quam suum, cum atque tibi satisfactura sit, seu nocentes seu innocentes nominaverit, quippe quam post torturam verum dicere persuasum habeas, ut haud dubie à Magistro suo intellectura est.

DICES II. Ex eodem Binsfeldio pag. 306. ut testes infames ad Testimonium admittantur inductum est jure positivo, sic enim attestantur Philippus Corneus, Philippus Francus, Petrus de Ancharano, Andreas Barbatius, & ratio suadet. Idem ergo jus exigente necessitate, ne veritas in multorum damnum occultetur admisit, ut in Exceptis infames testes admittantur &c. sic ille.

R. Negari quod assumitur, neque enim, quod in Binsfeldio, ratio hoc suadet, sed suadet contrarium. Citatos autem autores aliosve non sequimur, nisi quantum probant. Itaque, ut testimonium infamis rejiciatur, naturalis juris est, & non positivum tantum.

Quamquam ut hoc melius intelligatur, distinguo & dico, duplicis generis infames esse posse: alios qui sunt infamis vita, seu morum, id est, criminosi: Et de his infamibus intelligendi sunt authores, cum dicunt iuris esse positum, ut rejiciantur testes infames. Alios, qui sunt infamis authoritatis seu diffamatae aut suspectae mendacitatis & perjury. Prioris generis ut à iure positivo repelluntur, sic & cum videtur in exceptis & alioqui difficilis probationis criminibus admitti possunt, cum non repugnet criminis veracem esse. Posterioris generis a jure prorsus etiam in exceptis & occultis rejiciendos esse, cum hi non modo iure positivo sed etiam naturali prorsus repellantur. Nam sublato etiam omni iure positivo, qui hoc modo infames sunt eorum authoritas vacillat, aut saltem vacillare putatur, authoritate a. vacillante, vacillat quoque ei superstruitur superstruitur a. testimonium cum id non probetur nisi ab authoritate, ergo & testimonium talium infamium vacillat: si vacillat autem, merito in gravissimâ ubi de capite hominum agitur, rejicitur; dicat id recta ratio, non tantum ius positivum praescribit. Nam utique contra naturam re est, & omnem penitus rationem, ut quem ponit conclamatae authoritatis esse, ex ejus authoritate

seu veracitate argumentum ducas. Quare ulterius cum nullum hominum genus ex natura rei & juxta omnium communem sensum majore labore Infamia seu presumptione Mendacitatis, quam qua signa judicata fuerint, id est patris mendaciorum discipula; sequitur sane nullum quoque Infamium hominum esse genus, quod minus ex natura rei ad dicendum testimonium admitti possit, & hoc miror Binsfeldium non advertisse.

RATIO VI. Repelluntur in jure positivo testimonia quoque personarum vilium & inopum. Item in jure Canonico cum criminales causæ sunt mulierum ob sexus fragilitatem & mutabilitatem ingenij cap. torum 10. sub finem de verborum signif. & cap. 16. mulierum 33. q. 5. Item omni jure positivo & naturali hominum delirorum, fatuorum &c. Sed hæc omnia in sagas conveniunt, ergo &c. Sunt enim plerumque personæ viles, mulierculæ rudes, mutabiles, nonnunquam semifatua. Non igitur prudenter iis commodari fides potest, maximè ad equuleum qui probationes claras & pœnè certas postulat, ut supra docui etiam in exceptis.

RATIO VII. Docent omnes Juriscon-

sulti ac Theologi in nullis criminib. quantumcūq; Exceptis æstimari seu admitti testimonium inimici sive hostis, intellige capitalis, idq; ex jure naturali : præsumitur enim cum sit hostis nocendi studium ac proinde mentiendi : Autores omitto ne frustra in re omnibus indubitata chartas impleam : sed negari non potest quæ veræ sagæ sint, juratas esse humani generis & innocentum hostes capitales, quæ nemini non male velint ac nocere cupiant, si in earum sit potestate ; merito igitur quas edunt denunciationes, ut suspectissimas contemnimus. Elegantibus sane verbis rationem hanc Tannerus proponit: *Quod si ipso inquit jure naturali probatum aut jure præsumptum odium accusatoris, vel testis, denunciationem seu Iudicium enervat & elidit : Quidni etiam præsumptum illud odium quod saga adversus quoslibet animo fixum gerere censentur, & à quo etiam apud Germanos nomen Unholdden accepisse videntur, saltem eatenus enervabit ne sola denunciatio ad torquendam personam denunciata valeat ?*

Itaq; quid secutus sit Binsfeldius nō satis perspicio. Nam imprimis quodam loco
dilect.

dierte docet testimonium capitalis inimi-
ci penitus admitti non oportere etiam in
Exceptis, commendatq; doctrinā Ancha-
rani, Franci, & Barbatii quod nec Pon-
tifex, ut inimicus ferat Testimonium, di-
spensare possit, cum repellantur Jure na-
turæ. Deinde quoq; alio in loco non modo
nō cōcedit, sed evincit sagas omnes infestis-
simas, & capitales esse generis humani ho-
stes; Deniq; tamen rursus alio in loco pro
admittendo illarū testimonio, non secus ac
pro aris & focis pugnat. Connectat hæc qui
potest.

R A T. VIII. Communis est sententiā
si socius criminis denunciāns plures habe-
at defectus, ut V. C. non solū sit infamis sed
etiā simul vilis, abjectus, p̄jurus, aleo &c. tūc
ne in exceptis qdē facere indicatiū ad tortu-
ram, imo nec ad capturam, imo nec ad spe-
cialem inquisitionem. Et recte, nam si ob
unicum hujusmodi defectum testimoni-
um alicujus rejicitur, quanto magis rejici-
endum erit, cum plures rejiciendi rationes
coactæ sunt? Atqui vero quis nescit, in sagis
si vere tales sunt, quam plurima hujusmo-
di convenire? nam & infamatæ authorita-

ris sunt, & perjuræ sunt quæ Deo fregerunt fidem, & abjectæ sunt, & mulieres perversæ sunt, & concubinæ satanæ sunt, & inimicæ generis humani sunt & homicidæ & hæreticæ & idololatræ, & hypocritæ sunt, & quidquid deniq; scelerum cogitari potest, penitus implexæ sunt.

D I C E S. 1. His incommodis occurreretur denunciatis tanto sæpius aut tanto acerbius torqueretur, nam sicut per unam torturam purgatur Infamia juxta dicta supra, sic etiam per torturas plures, aut unam tanto acerbiorē purgabuntur defectus reliqui. Atq; ita dicitur docere Delrium in appendice 2. lib. 5. q. 17. ego illam non habeo videre possum: Ut ut sit.

R. Imprimis nescio quæ hæc tandem lanient futura sit torturas multiplicare aut juxta proportionem nequitia sagarum intendere: animus me minuisse horret. Deinde autem jam ante dixi non sat capi qui tortura hos omnes defectus purget, & ut ajunt, credibilia sagarum testimonia faciat, quæ prius incredibilia habebantur? si mentis sagæ velint, & innocentes perdere ut præsumi de capitalibus innocentum hostibus debet, aut id post torturam atque ante volent, nam æquum sane torqueri super complicibus debebunt, & a

post hanc torturam iudicibus satisfaciunt, seu veras suas complices accusent seu fictas. Imo si ante torturam praeſumebantur mentiri velle & poſſe innocentibus ut eos perderent, multo amplius id praeſumendum facturos poſt torturam cum ſciant tunc creditum ſibi iri, & oraculum habendum quidquid dixerint. Et quae cecitas noſtra eſt ut hac non cogitemus?

DICES II. Cum dicitur plane rejiciendum eſſe testimonium complicitis, ſi laboret pluribus defectibus ſeu criminibus, intelligi id debet, ſi laboret pluribus talibus quae non ordinarie conjuncta & invicem connexa eſſe ſoleant; nam ſi ea crimina ordinarie ſolent reperiri ſimul conjuncta, tunc non debet planè rejici, testimonium talis complicitis, ſed admitti poteſt.

Hanc diſtinctionem ſeu explicationem adducit Profeſſor Rinthelensis D. Göehauſius in lib. nuper edito, cui titulus proceſſus juridicus contra ſagas pag. 99 & 100. atq; ait eſſe Doctorem Friburgenſium, unde concludit testimonia ſagarum non eſſe rejicienda ob id quod pluribus defectibus laborent, quia hi defectus tales ſunt, ut non ordinarie cum crimine magia conjuncti ſint.

R. Quorumcunq; tandem hac diſtinctio ſit, ridicula eſt: nam

I. Caret ratione : aut si non caret, ea detur :
& acquiescam.

II. Cur inhabilis sit testis infamata auctori-
tatis, cur inimicus, cur semifatuus, cur vilis, cur
criminofus, &c. singula suam propriam vel ex rei
natura, vel iurispositione causam habent; an ha-
autem causa deficiunt cum ordinarie aliqua sunt
conjuncta? id mihi ostendi peto: quod si non de-
ficiunt autem; parum apta ista distinctio est.

III. Sumo tale exemplum: Exsecratur Res-
publica Idololatriam, Haresin, Latrocinium, So-
domiam &c. & vehementius quidem eum in
quo haec omnia simul convenerunt: an minus ta-
men sagam exsacrabitur, quod in eam haec non
aliquando tantum, sed ordinarie & semper con-
venire solent? Imo tanto magis exsecrabitur.
Applica.

IV. Do aliud Exemplum: statuit lex ut pel-
latur urbe qui latrocinium commiserit, Item qui
sodomiam, item qui idololatriam: hinc igitur con-
tra Titium sequitur eum maxime pellendum ur-
be esse, quia is omnia haec simul fecit, id tu conce-
dis: Negas tamen ex urbe expellendam sagam
esse, eo quod etsi haec quoque eadem commiserit, ta-
men excipi debeat, quia ea ista crimina ordinarie
eum magis conjuncta esse solent. Applica &
vide quam haec absurda sint.

DICES? Imo hac distinctio ante data criminū non ordinarie conjunctorum & ordinarie conjū. Etorum omnino admitti debet, ob hanc rationem, quam dat citatus Professor D. Goëhausius. Sic enim ait his verbis, est vero, inquit, hæc distinctio admittenda; enim vero quia malefici criminibus prioris generis quæ semper scilicet cum maleficio conjuncta sunt, semper sunt innodati; & ergo si maleficos testes seu locios criminis aliis criminibus & quidem illis ipsis cum maleficio cōjunctis carere esset necesse, nullus esset testis idoneus, atq; sic lex criminosos & infames ad testimonium in exceptis ferendum frustra admisisset, ac frustra rei in crimine veneficii de complicibus interrogarentur, &c. Sic ille.

Et Hæc ratio magis ridicula est nā sensus est sic quasi breviter dicat: hæc distinctio, q̄ ego do valere debet, quia si non valeret, tunc ego perderem & esset verum quod dicit adversarius sagis penitus non debere credi. Præclare! Porro de lege quod dicit infra merwinero, dubio 49. Argum. 1. & 3, Id nunc manet, cum in sagis ea omnia concurrant simul quæ & Iure natura, & jure positivo inhabilem reddant testem, & concurrant quidem or-

dinarie & semper, omnino rejici earum testimonium debere, & rejici quidem ordinarie & semper, ac proinde non solum frustra, sed & perniciose innocentium inimicas & semisatuas scæminas, & viles, & infames & mendaces &c. de complicibus interrogari.

RATIO IX. Si tanti denunciationes fiant, ut hodie fiunt, apertissimum nactus ostiū est humani generis hostis, ut infinitā innocentium stragem edat. Erit enim in ipsius ac suorum potestate situm, quaslibet quantumcunque innoxias denuntiationibus obtuere, & in capturam ac torturam gravissimam quam paucissimæ perferre possūt quancumque volent liberrime tradere. Nam obsecro quid hic obstare poterit? Jā pleni per Germaniam carceres sunt captivis, demus eas omnes vere sagas esse: mox tollentur in nervum ut complices suas fateantur, scit eorum magister quas nominaverit eodem rapiendas esse; cur non agat igitur qui ab initio homicida fuit ut eas nominent quas maxime perire optat? poteratne vel ipse sibi fingere commodiorem nocendi viam & tota Germania bacchandi? Ridere soleo hodiernam multorum

rum Judicium simplicitatem : Non raro enim cum postulant pro captivis sacerdotē, atq; eum ad suum genium formare capiūt, monent primum, instruunt, & identidem inculcant quanta captivarum malignitas sit, quam promptæ eis & in numerato sint mille mentiendi artes, quam ad omnē falsitatem ac dolos expedita eloquentia; Caveat ne iis credat, ne se decipi patiatur ficta sanitate; parum esse dæmonis mancipiis si & sacramentum mendacio profanent, nequissimum earum doctorem esse qui vel prudentissimis cautissimisq; imponat, & similia; quæ eo spectant ut omnem iis fidē abrogēt si tale forte quippiam confessorio exponant quo ad innocentiam quorundā quasi quibusdam vestigiis perveniri posset. Itaq; eo usq; mendaces, perjuræ, dolosæ, deceptrices sunt, quibus credi nullo modo oporteat; solum eum ad edicendas in tortura complices est, ventum, jam ex ipsæ mox omnem exuunt naturam, jam pertæfactæ artium suarum, subito è mendacibus veraces fiunt, totæ candidæ, sinceræ, sine dolo, quæ non nisi vere sagas & nocentes accusaturæ sint innocentium oblitæ.

Euge
rem

rem lepidam & festivam! non est quod jã fraudem ullam metuamus nihil hic periculi futurum est, non jam amplius mentiri possunt: pellem ætiops mutavit. Pergite inquisitores, capite denunciatas, non dubium est quin reæ sint, ducite in nervũ & extendite dum fateantur, si id nolint, obstinatas vivas incēdite, nocētes enim sunt: dæmon dixit & in tormentis dixit. O Germania quid facis? timent Judices ne fallantur à sagis viri Apostolici qui & Angelos judicaturi sunt, ne ipsi fallantur non timent. Mentiuntur ajunt vel in ipso Sacramento pessimæ deceptrices, in equuleo duntaxat verum dicunt, hic decipere non possunt. Quam hæc perversa & ridicula sunt? quæ miror Magistratus Germaniæ nondum animadvertisse, tot consiliariis & viris prudentibus vallatos. Quidni faciat jam dæmon, quod ipsi lubet, læviat in quoscunq; volet? & ecce iterum unde tantus nobis numerus sagarum!

DICES. I. Non procedunt hodie ex solis de nunciationibus sed si alia quoque indicia accedant.

R. Falsum est quod dicitur : nam plerumq;
aut certe frequentissime hodie ex solis denuncia-
tionibus procedunt : Id probat hoc Enthymemate :
Procedunt plerumq; ex denunciationibus & fama
ergo ex solis denunciationibus procedunt. An-
tecedens patet cum omnia exemplis plenissima
sint : probanda igitur consequentia est , quam sic
ostendo ; Iam supra docui dubio 34. famam ho-
diernam non esse nisi spurium rumorem atq; in-
super nunquam in Iudicio legitime probari , pro-
indeq; esse indicium ipso jure positivo & naturali
invalidum & nullum , quod si nullum autem
atq; ex eo igitur ac denunciationibus iudices pro-
cedunt utiq; ex solis denunciationibus procedunt.
Præterea verò , esto etiam demus hoc ; non plane
sit nulla fama hodierna sed legitime semper in ju-
diciis probetur : quaro tamen ex Iudiciis quid
putent ? an nocentes esse omnes qua solo hoc indi-
cio mala fama aut aliquo simili urgeantur ? nec
hoc dicent : quid igitur ? ut primum modo dæmo-
nis auctoritas accedat , id est , testimonia ab aucto-
ritate & veracitate dæmonis ac mancipiorum
ejus ducta , jam audebunt , jam de earum culpa,
quasi certi erunt , atq; ita certi ut quascunq; tor-
turas denunciata sufferant , quicquid in de-
fensionem sui velint asferre , quicquid constanter
negent

Dub. XLV. *An denunt. credi debeat negent &c. per fas nefas debeant nocentes esse, nam hac hodie praxis est. Unde Infero adhuc igitur in satana potestate esse, eas saltem omnes quæ diffamari, aliove quo simili insufficiente iudicio suspecta fieri potuerint, mox adjectis suorum denunciationibus in discrimen adducere. Equare quam multas adhuc strages machinari nobis dæmon possit facile existimare est: ignavus enim sit si hanc occasionem sine fructu sinat effluere.*

D I C E S II. *At saltem si denunciantes convertantur non contemnenda earum denunciationes erunt nec prædicta pericula timenda.*

R. *Adhuc timenda erunt & denunciationes contemnenda prout dubio sequenti latius ostendam.*

D U B I U M XLV.
An saltem denunciationibus credi debeat ob denunciantium poenitentiam.

R E S P O N D E O. *Sic quidam occurrere solent ijs quæ dubio præcedente differuimus, sed frustra. Rationes istæ sunt.*

R A T I O I. Denunciationes hodie fiunt, & in acta referuntur antequam de
con-

conversione & pœnitentia cum denun-
ciantibus actum fuerit : Nam sic praxis ho-
dierna habet, ut vix adeant spirituales viri,
nisi cum in exteriori foro cognitio expe-
dita est : Frustra igitur sagarum pœniten-
tia obtenditur, ne earum denunciationses
contemnantur, cum denunciationses o-
mnes pœnitentiam antecedant. Utinam
vero non nisi postquam serio ad Deum re-
vertissent tum denum edicere complices
juberentur, & quidem non quas equuleus
extorqueret, sed quas conscientia sugge-
reret : nam & aliquid tunc ego denuncia-
tionibus fortasse darem, & aut fallor infi-
gniter aut paucissimum sagarum nume-
rum brevi haberemus. Scio quid lo-
quar, & si multa adhuc subtrahere est ne-
cesse. Itaq; non parum semper admiratus
sum prudentissimum Theologum Tanne-
rum qui inter ea media quib. sagæ extirpa-
ri possint, hoc quoq; raptim immiscuit, ut
rei non examinētur de complicib. nisi post
acceptam suæ mortis sententiā & præviam
pœnitentiā ac præparationē ad bene mo-
tiendum à confessorio procurandam : Sic
enim ille disp. 4. de iustitia, q. 5. Dub. 5. nu.

131. sed

131. Sed medium hoc quorsum? Nec Inquisitores id unquam amplexuri sunt, nec Magistratus mandaturi: Non amplexuri Inquisitores; nam lucrum suum intervertent imminuto numero in quas procedant: Non mandaturi Magistratus: nam nemo suggeret nec ipsi legent.

R A T. II. Non modo autem verum est quod dixi, nimirum excipi hodie & inscribi denunciationes adhuc ante reorum poenitentiam, verum etiam eas ipsas solas ab impoenitentibus factas iudices valere volunt: adeo ut postea ubi vere poenitentes & ad mortem rite dispositæ à confessorio iudicatæ fuerint, si circa complices quippiam enuncient id non nisi eatenus à iudicibus vel credatur vel rejiciatur, quatenus cum denunciationib. iis quæ adhuc ante poenitentiam factæ sunt vel convenit vel dissentit. Imo ad eas adhuc impoenitentium denunciationes tanquam ad lapidem lydium arguti homines probant an vere quæpiam deinde poenitens sit an falso: nam si Titia V. C. quas adhuc impoenitens denunciationes edidit, eas post acceptum poenitentiae sacramentum approbet

probet & ratificet, id ipsis signum veræ conversionis est tum Titia non fictè poenituit. Sin autem revocet, & torturæ coactione mentitam se pronunciet, tum fucum fecit, confessario imposuit, falsa ejus poenitentia est, aut terrore mortis perturbata est, ac proinde superioribus denunciationibus insistendum est. Equidem ingeniose! nam utcunq; res cadat, seu ratificet, seu revocet Titia post sacramentum poenitentiae, semper judices quod volūt obtinere putant. Si ratificet denuntiatio ejus prior vera fuit, quia vere poenitens ratificavit, si revocat id non obest, quia vere poenitens non fuit: Sic enim illi ajunt. Sed non animadvertunt scilicet, quam neutro modo subsistant.

I. Enim cum admittunt Titiam vere poenituisse si priorem denunciationem ratificet, committunt circulum: denunciationem enim eam fuisse veram ajunt, quia poenitentia in qua ea denuntiatio ratificata est, vera fuit, poenitentiam vero hanc fuisse veram colligunt, quia ratificavit denunciationem quæ vera fuit: sic denuntiatio poenitentiae poenitentia denuntiatio-

Y

ni fi-

ni fidem facit, quod est in circulum discurre-
rere.

II. Quo jure & facilitate illi dicunt falsam esse Titiae poenitentiam cum priorem denunciationem revocat, veram autem cum ratificat, eodem jure & facilitate mihi dicere licebit oppositum, id est, falsam esse Titiae poenitentiam si priorem denunciationem in statum impoenitentiae factam adhuc ratificat, veram autem si eam revocat: alioqui ridicula res plane est ut cum dicit poenitens quod iudicib. placet jam clament vere poenitentem esse, cum quod displicet, jam fiste poenitere? Quis non hominum au- cordatorum hic indignetur? nam hoc fin- penitus nugari est.

III. Etsi negent Titiam vere poenitentem fuisse si priorem denunciationem revocet, parvum refert, nam nec poenitens quoque fuit cum denunciationem primam fecit: id mihi sufficit, manet enim quod volebam, denunciations fieri à sagis nondum conversis atque ideo tanquam diabolicas ac fallaces adhuc rejiciendas esse.

RATIO III. Imo etsi id hodie quod
nun.

nunquam fiet, esset moris ut juxta consili-
um Tanneri post poenitentiam primum &
acceptam mortis sententiam denūciatio-
nes exciperentur. Etsi etiam moris hodie
apud multos sit ut non stetut denūciatio-
& nibus nisi post poenitentiam eas ratificent,
nihilominus adhuc ajo cordatos viros me-
rito denūciationes eas repellere. Nam
merito cordatus quisq; dubitare potest, an
non poenitentia hæc sit conficta? Nam
I. Clamant inquisitores demonem sua
mancia ad gravissima quæq; & inaudita
omnibus seculis scelera jam primum vehe-
mentissime impellere: quid mirum igitur
aut incredibile fuerit, si impellat quoq; ad
fingendam poenitentiam.

II. Quotidianum est, quod & paulo
ante dixi, ut quoties quæ re revocat quod
in tormentis falsa est, exclament iudices
decipere eam confessarium, & fide poeni-
tere: fat igitur ipsi iudicant pro clive admo-
dum his reis esse ut fingant & fallant: meri-
to igitur id cordatus quisq; etiam cum de-
nūciationes post poenitentiam faciunt
aut ratificant suspicabitur.

III. Nec obstabit quod confessarius iu-

dicet Titiam V. C. vere poenitere. Nam ut iudices illi contra quos loquor aperte fatentur, confessarius in eo foro conscientia non est audiendus; si enim revocet Titia quæ in torturis falsa est, etsi dicat confessarius vere poenitentem esse, ajunt illi tamē & vidimus, eum decipi, dolosissimum esse Satanam, & mille artificem, credendū hypocritis non esse. Idem igitur & cordati viri dicent, cum Titia denunciationes ratificabit, ac quo jure isti ad mētem suam, eodem & hi ad suam uti volent. Deniq; impossibile erit unquam certo scire an Titia vere, an falso poenituerit: nam quis iudex erit? an confessarius? atqui hunc isti, ut jam diximus non admittunt: an ipsi igitur erunt? at hos certo in foro Ecclesia non admittit.

IV. Non desunt magnæ causæ cur Titia volet fingere & cur demon eam ad fingendam impellere. Videt Titia de se actum quidem esse, quod si fide tamen poeniteat mitigationem poenæ sperare posse. Posse & innocentes, quæ communis ei eum demone voluntas est, in discrimen adducere, & se non segniter vindicare, dum scilicet

licet per denunciationes suas hoc veluti poenitentiaæ sigillo roboratas tanto certius & minore cum iudicum scrupulo ad innocentum necem Zelum principum extendet, Vtentur igitur occasione sua generis humani hostes & qua libidine nocendi innocentes denunciare, eâdem & denunciationes ut infirmæ non sint ficta sanctitate vestire volent: Deniq; hæc semper summa est; dictorum iudicum processum auctoritati & veracitati demonis incumberet, ac eatenus solum nō falli, quatenus cui omnis doli & falsitatis artifex divinis literis præscriptus est, non fallit.

RATIO IV. Imo etsi concedam, concedam enim; non simulate conversam quampiam ad **DEUM** esse ac verissime poenitentem: nihilominus ne sic quidem denunciationibus ausim fidere in re tantâ tam periculosâ, eo quod & tunc fallere denunciâns possit vel quia vix aliter audeat, vel quia aliter non sciat prout dubio sequenti exponam.



DUBIUM XLVI.

An saltem Denunciationibus
credi debeat, si infallibiliter
certum sit denunciantes vere
conversas esse, & verum
velledicere.

RESPONDEO. *Sic deniq; videri poterat;
sed nec mihi nec cordato cuiquam qui atten-
tius considerare voluerimus videri debet. Ratio-
nes istæ sunt.*

RATIO I. Solent iudices si quæ revo-
cent denunciationes ante factas, eas quoq;
ad torturam revocare; & hoc ipsum licto-
res eis minari solent, ac pro singulari affe-
ctu suo quo ad extirpanda zizania ferun-
tur, sedulo ne id nesciant præmonere.
Quare etsi Titia V. C. verè conversa esset
& sincere poenituisset, non auderet tamen
non ratificare denunciationes ante factas:
vnde ulterius si eas ratificet non continuo
hinc evincetur eas igitur fuisse veras: nam
& vere poenitens formidare poenas tam
graves potest, earumq; metu continuare
mendacium: fragilitas humana magna est.
Incre-

Incredibile est quam hic multa mihi exempla suppetant, & quam multæ pereant per hujusmodi falsissimas delationes vi tormentorum expressas, quæ deinde irrevocatæ manent. Nesciunt qui tormenta non gustarunt, quã ij q̃ gustarunt supra omnẽ modum formidēt: Ex quo fit ut paucæ adduci possint, ut denunciationes suas falsas saltẽ omnes constãter revocent. Revocant igitur saltem aliquas ut sic & conscientiam, quantum possunt exonerent, & simul tamen repetitionem tormentorum declinent, quam non declinarent, nisi utiq; unam alteramve saltem irrevocatam relinquerent: unde rursus tamen his relictis quantum crectur malum facile lector intelliget; quippe cum passim ex hoc ipso concludant judices hanc unam igitur aut alteram quæ revocata cum aliis non sit, tanto certius nocentem esse, atq; ideo tanto sævius in eã si neget animadvertendum. Res sane undiquaq; periculosa, quã fusius deducere non placet, dum id modo pateat, & vere poenitentem esse Titiam posse, & nihilominus si quam ante fecisset falsam denunciationem, eam metu repetendæ torturæ irrevocatam relinquere.

R A T I O II. Quantumvis vero & pœnitens esset saga aliqua denunciāns, & id in aliabiliter constaret, velletq; vere denunciare: nihilo tamen minus fallaces denūciationes essent ob periculum deceptionis ipsarum sagarum. Nam constat & conceditur etiam ab adversariis sagas non semper realiter ad conventus & tripudia sua transferri, sed sæpe per solam imaginationem, sicut dæmone seu perse, seu per adhibita naturalia medicamēta phantasiā varie commovente, existiment fuisse, vidisse & fecisse, quæ nec visa nec facta ullibi sunt, perinde ut iis accidit, qui in somno non veris rebus, sed earum imaginibus luduntur. Exstant hac de re exempla quæ quod passim circumferuntur & nota sunt brevitatis causa omittimus. Quin imò valdè credibile esse, q̃ sagæ sæpius phantasticis huiusmodi translationibus & conventibus quam veris fruuntur, do. et Tannerus Theologiæ tomo. 1. disp. 3. quæst. 6. dub. 7. Quo posito, quis non videt, necessario fallaces delationes esse quantumvis denunciāntes conversæ sint & nolint fallere. Nam unde scit iudex an

hæ &

hæ & illæ denunciante, non sint ex ea sagarum classe, q̃ meris phantasmatis à doctrine luduntur, ideoq; fuisse & vidisse se putant ubi non fuerunt nec viderunt? Illæ iplæ certè inter phantasmata & res veras non satis distinguunt. Jurant se fuisse ubi non fuerunt: Nota sunt exempla, ubi rerum harum curiosi cum testibus adfuere, & sopitas hujusmodi sagas etiam verberibus signatas apud se præientes retinuere: quæ tamen ubi somnum per dormivissent, in conventibus suis fuisse & mira ibi egisse pertenderent. Ita veram rem putabant esse, quam non nisi in imaginatione falsæ fuerant.

Narrat experimentum tale quod ipse sumplerit Baptista Porta Neapolitanus in magia naturali, editione prima. Quod si dicas mirum esse & incredibile, quod quis nesciat distinguere, quæ realiter, q̃ imaginarie, sit passus, etsi enim cum interdum somniamus in ipso somno, omnino putemus nos vigilare; cum tamẽ deinde evigilamus, satis clare cernimus nos tantum somniasse. R. Id quidem ita nobis ordinarie contingere, ut satis discernamus somnum à vigi-

330 Dub. LXVI. *An denunt. credi debeat &c.*
lia in vigilia. Nego tamen incredibile esse
quin aliter possit fieri & in sagis fiat, ut dœ-
mon, qui mille artifex est, ita mancipia sua
turbet, ut inter rem veram & falsam non
discernant: præcipue cum ante pleræque
delirę mulieres sint, aut ad delirium à natu-
ra lexis illius dispositæ, quo facilius in ma-
teria apta nequitiam suam exercere ille ar-
tifex possit.

RATIO III. Quin imo posito quod
judex certus esset denunciante ex illarum
esse classe, quæ verè non phantasticè trans-
ferantur & cōveniant, nihilominus adhuc
his denunciationibus prudenter inniti nō
potest. Nam ut prudenter iis nitatur, non
modo constare ei debet quod Titia, verbi
causa, non mentiatur, cum dicit se Gaiam
in conventu vidisse, verū etiam quod hæc
proba consequentia sit, Titia vidit Gaiam
in conventu, Gaia igitur in conventu vere
fuit. Unde enim novit, an non forte dœ-
mon ibi Gaiam repræsentaverit, ut adesse
putaretur quæ longissime abesset? Qua de
re quoniam difficultas esse potest sequenti
Dubio latius agendum erit.



Dub. 47.

An Dæmon in Conventibus
sagarum repræsentare possit
innocentes?

RESPONDEO *videri quod sic & quidem
non modo quiescentes ut quidam facilius cō-
cedunt sed etiam cum cæteris tripudiantes. Ra-
tiones istæ sunt.*

RATIO I. Ita factum esse exempla do-
cent. Ergo fieri potest. Novi monasteri-
um ubi contigit & in acta relatum est, quod
jam dicam. Accusatus à multis sagis fuit
quidam ejus monasterii religiosus, quod in
conventu visus fuisset; addita etiam perso-
na cum qua tripudiasset, & super hoc quo-
que pœnitentes mortuæ, cum nihilominus
tamen testimoniis totius conventus cōsta-
ret, eum illis ipsis horis quibus visus dice-
batur cum cæteris in choro præsentem fu-
isse, atq; adeo in officio divino occupatū,
vel mentitæ igitur denunciantes fuerant,
seu vi tormentorum, quod solent innocē-
tes, seu malitia quod nocentes, vel si men-
titæ non sunt ut judices supponunt ima-
ginem pro re viderunt. Possum & alios no-
minare viros sanctos hodie superstites, imo
& Prin-

& Principes quos in saltibus suis vidisse jã plures fassæ sunt. Alia circumferunt exempla, quæ quod nota sint & chartam solum impleant, omitto, ubi similiter vilæ in tripudiis personæ feruntur, quæ non solum eo tempore alio in loco erant, sed etiam per destinatos ad id testes ne abessent ibidem custodiebantur.

R A T. II. Potest se dæmon transformare in angelum lucis, ut & scriptura testis est, & exempla sunt passim in vitis sanctorum, ergo etiam repræsentare innocentes præsertim cum non incredibile sit Deum multa ipsi permittere.

R A T I O III. Argumenta, adversæ sententiæ non satis solidè in contrarium probant, ergo merito & prudenter nostræ opinioni ad hærendum est, nec satis alteri fidendum. Ubi nota quod mihi, qui affirmo dæmonem repræsentare posse innocentes, non incumbat in conscientia opinionem meam solide probare: sed id incumbat in hoc casu conscientiam adversæ partis quæ negat. Ratio ista est quia ad me quidem, seu id possit dæmon, seu non possit, parum attinet. Nolo enim ex hoc seu illo posito
quic.

quicquam adversus quenquam moliri, sed tantum non nisi vel animi gratia vel studio monendi alios laborem hunc probandi assumere; in quo etsi non subsisto nec sufficienter probo, nullum aliis periculum aut injuriam creo. At vero cum adversa pars sententia sua supposita, ex eo velut fundamento ad decernendum de capitibus humanis procedat; necesse est nisi temere ad rem tam arduam ivisse velint, ut fundamentum hoc solide jactum habeant: ideoq; nisi validis id argumentis probaverint, in conscientia nequaquam subsistēt. Imo non solum in cōscientia, sed & secundum dialecticam in hoc casu neganti quod id dæmon possit, incumbit probatio. Etsi enim dici soleat affirmantis non negantis esse probare: tamen cum (quod obiter Lector discat) per affirmantem hic intelligatur is qui ponit, hinc si quis propositionem aliquam seu affirmativa ea sit, seu negativa, tanquā veritatem seu fundamentum quoddam ponit, cui superstruere adhuc aliud vult, ei necesse est, ut eam propositionem probet. Unde cum adversarii hanc propositionem negativam quod dæmon nō possit repræ-

len-

sentare innocentes primum ponant, ac deinde ei superstruant suum processum, ipsi eam negativam probare debent, cum sint hoc casu affirmantes, id est, ponentes, aut iniqui erunt qui in id incūbunt fundamentum, quod non solide jecerunt; satis est nobis attulisse rationes dubitandi; satis item; esse homines in mundo non plane doctrinæ omnis expertes, qui valde metuant, ne dæmon id DEO permittente, & possit & faciat, satis quoque quod nos hac super re iudices monemus; num ipsi si nihilominus in vitæ ac necis causa acerbissimis tormentis in personas quaslibet grassari volunt, fundamentum hoc suum vel probare argumentis viro cordato dignis debent, vel excusari non poterunt. Videamus igitur qui probent, quam solida rationes adducant.

Quæ sint Argumenta eorum
qui probare nituntur dæmo-
nem non posse seu velle in tri-
pudiis repræsentare in-
nocentes?

RESPONDEO. *Argumenta hac con-
gessit Binsfeldius ad quem & Delrius remit-
tit. Ordine igitur ea ponam, nisi quod argu-
mentum primum ex Delrio sumam.*

ARGUMENTUM I Dicitur non po-
test quam nuper quidā cōfessarius sagarū,
alioquin non peritissimus in verbis Delrii
triumpharet, cum ea ex allato ejus libro in
hunc modum recitalset : *possent*, inquit
Delrius, *dæmones assumpta hominum innocen-
tum figura in conventibus suis comparere, si
Deus id non impediret, quem id hætenus pmisif-
se mihi & illectum & inauditum adhuc in crimine
magiæ. Sic ille lib. 2. q. 12. num. 5. & mox i-
bidem, si Deus id finit, mox fraudem aperit, vel
propter alia peccata in eorum remissionem vel ad
majus meritum, vel gloriam sufferentia id per-
mittit.* Ex quo dictus confessarius : *Ecce in-
quit, illectum hoc & inauditum est ipsi Delrio? quis
igitur id factum credat?*

R. I. *Argumentum hoc nimium probat & sic nihil: probat enim infinita alia quæ facta vere sint, facta non esse, quia hæc Delrio illecta & inaudita sint: mihi certe & pluribus mecum nec est illectum nec inauditum.*

II. *Inquisitores hodierni novas indies machinationes, novas eleraſagarum hætenus inaudita novis tormentis extorquent, & apud principes ac vulgum mirè crepant. Quid si utar nunc dicto argumento & omnia illa negem eo quod illecta ea sint & inaudita Delrio, quid dicent? indignabuntur sane ac contendunt nova indies Deum permittere: & cur non mihi igitur concedant inter tot nova ista hætenus illecta & inaudita quæ Deus dæmoni in conventibus permittat, etiam has representationes intercurreret dicam hoc unum etiam ex illis novis esse.*

III. *Quæ visa in conventibus denunciantur, certo habentur nocentes, & certo ibi corporaliter fuisse: itaq; tam diu torquentur donec fateantur, & si quædam torturas superant ac non fatentur, jam ea tamen comburuntur viva ut obstinata, nam omnes simpliciter nocentes esse debent, quod mirum igitur si illectum est & inauditum Delrio nullas innocentes in conventibus comparuisse?*

probare nit. dæmonem non posse seu velle &c. 337

IV. Si excipias non ita fieri ut dixi, sed quæ
falsa in torturis nō sint dimitti secundum iura, &
non comburi: jam rursum id mihi servit: nam
illa igitur quæ dimissa sunt, innocentes judicata
sunt, non igitur illectum saltem & inauditum est
innocentes aliquas in tripudiis comparuisse.

ARGUM. II. Dæmon hujusmodi
repræsentationes non appetit. Ergo. Pro-
batur antètedens: nam perspectum est ei
ex sacris literis Deum non permittere, ut
electi tribulentur aut tententur nisi ad me-
ritum, probationem & bonum. Ita Bins-
feldius.

RE. I. Argumentum hoc nimium probat,
& sic nihil: nam iisdem plane verbis probari pos-
set, dæmonem non percussisse Iobum à capite ad
plantam pedis, nec deniq; ullorum unquam mar-
tyrum exquisitas pœnas ac necem suis artibus
promovisse. Dicam enim totidem syllabis: Dæ-
mon hujusmodi artes non appetit; perspectum
est ei ex sacris literis Deum non permitte-
re, ut electi tribulentur aut tententur, nisi
ad meritum, probationem, & bonum.

Resp. II. Non omnes quos dæmon repræsen-
tare electi essent, essent aliqui mali & nequam
immortalibus peccatis constituti, etsi magis cris-
tiani

338 Dub. XLVIII. Quasi sint argu eorum qui
minis exortes atq; eatenus saltem innocentes. Et si
igitur non appeteret dæmon ob allatam causam
repræsentare electos, non continuo probatum est,
non appetere innocentes.

ARGUM. III. Hæc doctrina inquit
Binsfeldius, quod Dæmon innocentes re-
præsentare non possit, maximum robur
sumit ex conscientia innocentiū. Quis
enim innocens angitur aut timorem con-
cipit, ne à dæmonē inter maleficos & sa-
gas repræsentetur? alias si hoc posset dæ-
mon semper omnes merito in timore &
tremore versaremur, ne in fabulam & tra-
gEDIAM, in qua salus animæ & corporis pe-
riculo exponeretur, traheremur. At secu-
ræ conscientia nullo modo sibi metuunt.
Ergo, sic ille.

Resp. 1. Argumentum hoc nimium probat,
& sic nihil: nam eisdem syllabis æque probare
posset innocentes non posse nec solere à sagis incan-
tari & maleficiis in omnem vitam miserrimè
reddi. Probo: quis enim innocens cum mane sur-
git angitur aut timorem concipit ne ea die à sagis
incantetur? alias si hoc possent sagæ semper omnes
merito in timore & tremore versaremur, ne ma-
lificio aliquo afflaremur, quod in omnem vitam

nos miseros redderet, at securæ conscientia non sibi metuunt. Ergo

Resp. II. Securi & absq. metu sunt innocentes non quia omnes existiment se à dæmone exhiberi non posse, aut quasi id dæmon interdum non faciat: sed quia existimant, etsi id fiat, sibi tamen non obfuturum, eo quod nunquam tam imprudentes & indiscretos iudices ad tribunalia lessuros supponant, qui ex diabolicorum hominum denunciationibus processuri sint, plusq. credituri nequam dæmonis mancipiis quæ accusent, quam integritati morum quæ excuset.

Resp. III. Vbi ferventer in maleficos inquitur, & iudices ejus sunt sententiæ de qua loquimur ut ex hisce nugis procedendum putent, nego innocentes non sibi metuere: falsissimum hoc est: plurimos ego scio optimos conscientiosissimosq. homines qui vehementer formidarunt, atq. adeo nonnullos q. alio transtulerunt sedem. Scio qui me aliosq. hac ipsa super re consuluerunt, scio qui cū in orbem vicinam excurrissent consulendi & generaliter confitendi causa, ubi reversi sunt sequenti die, hoc ipso indicio esse captos, quasi fugam adornassent, nec tamen fugere potuissent Deo vindice nos turbante & retrahente; cumque contrarium asserari vellent, permissum id eis non esse: scio non-

340 Dub. XLVIII. Quas sint arg. eorum qui
nullos jam, tum esse meditados si comprehendantur
& cogantur ut pœnarum se reos dicere, quas
texere narrationes velint, ut probabiliter menti-
titi videantur, ne si quippiam non congruat, in
nervum repetantur; scio & quas multis resolu-
tiones dederim circa hos ipsos conscientia casus,
quatenus sine peccato mortali in torturis contra
se vel alios mentiri liceret aut non, ut sane in mul-
tis locis insigniter multi boni formident. Itaq; ar-
gumentum hoc Binsfeldi; nihil facit nisi ut me
potius contra ipsum juvet: sic enim conficio: si tam
parvam in his rebus experientiam aut cognitio-
nem Binsfeldius sumpsit, ut adeo ignoret, qua
passim sunt nota, quidei tandem similibusq; do-
ctoribus in his causis tribuendum est? sedeant in
musæo suo & quod utilissime hætenus fecere, lu-
cubrationes Theologicas ad nos emittat: tum au-
tem reorum causas obsecro, ne attingant tanta au-
toritatis viri, nisi hanc saltem aliquando ad in-
carceratorum aures propius inclinarint & padore
carcerum saturi accesserint, qui ut habeo experi-
entia excitare spiritus ac species solet, ne non mul-
to, quam alias clementius philosophemur.

ARGUM. IV. Quod nunquam fa-
ctum est, neq; fit, secundum communem
rerum cursum, nequaquam fieri posse, si
ex

ex facti contingentia, incommoda sequantur, judicandum est. Sed nunquam, aut rarissime auditum est ex constantibus, & perseverantibus confessionibus, quod innocentes repræsentati sint in conventibus, imò semper experientia compertum, ibi repræsentatos eos, qui fuerunt rei tanti criminis. Ita Binsfeldius.

Resp. Negando minorem. Vnde enim scit Binsfeldius, nunquam innocentes repræsentatos, & accusatos, ac plexos esse? unde scit omnes repræsentatos, & accusatos tanti criminis reos fuisse? an ex constantibus confessionibus, ut ait? at unde novit has confessiones omnes veras fuisse, nec metu, aut vi quaestionum expressas? jam tum constat plurimos esse, qui contra se mentiantur. Vnde ipsi notum est, eas ipsas, quarum constantibus confessionibus nititur, non in ista numero fuisse, quæ mentita sunt. Vailli, quæ semel in tormentæ pedem immiserit, non retractura unquam quin omnia fateatur quæ cogitari potuerint. Spectat huc responsio tertia supra data, ad argumentum primum. Igitur sic sæpe mecum ratiocinari soleo, quod non omnes nos magis sumus, hanc unicam esse rationem, quod tormenta ad nos non attingunt: verissime quidam

342 Dub. XLVIII. *Quæ sint arg. eorum qui
nuper inter scyphos, & ipse magni principis In-
quisitor jactare ausus est, si sub suas manus, &
tormenta vel ipse pontifex veniret, sine dubio
tandem se maleficum quoq; esse confessurum. I-
dem faceret Binsfeldius, idem ego, idem ceteri
pauculis robustissimis exceptis.*

ARGUM. V. Si Dæmon repræsen-
tare potest innocentes in conventibus ma-
leficorum, poterit & innocentes in forma
homicidæ, adulteri, fornicatoris, cum o-
mnium innocētum maximè interitum ex-
optet. Accusetur quis ergo homicidij, la-
trocinij, furti, adulterij: eludet accusatus
ac dicet culpa se vacare, Diabolū se trans-
formasse in ejus faciem, & facinus pa-
trasse &c.

Hujus argumenti nodum, inquit Bins-
feldius, solvere non poterunt, qui ita ur-
gente conscientia, vel non rarò excoecan-
tibus affectionibus laborant.

*Et Quod Binsfeldius eos, qui in nostrâ sūt sententiâ
sic absolute perstringit, quasi laborent excoecanti-
bus affectionibus, & urgente conscientia, sine funda-
mento facit. Interim si, qui affectibus laborant
solvere ejus nodum non possunt, nos certè non la-
boramus, cum solvere possimus: dicimus enim
plan*

planè dissimile esse à nostro casu, quod ipse affert, id quod sic ostendo.

Si esset locus aliquis, in quo certis, constitutisq; temporibus, ac horis varia apparere spectra, & mirros ibi ludos, ac varias hominum affectiones fingere solerent; tum autem Sempronius accusaret Gracchum, quasi eum illo ipso tempore, atq; hora in eo loco conspexisset homicidium patrantem, meritiò prudens quisq; iudex sufficienti cum ratione dubitare posset, ne fortassis non Gracchus is verè fuisset, sed ejus loco inane spectrum. Insulse autem faceret, si sine aliis induciis hac solâ causâ Graccho quaestionem decerneret. Idem autem in nostro casu est. Ajunt enim jam antè adversarij, certa esse Dæmoni loca, atq; tempora, quibus festa, & conventus, ac tripudia sua cum sagis celebret: Ajunt etiam variis ibi representationibus, ac formis, nunc hac, nunc illa specie viri, mulieris, militis, virginis, adolescentis, hirci, leonis, &c. suorum affectarum oculis obcludere; si qui absunt à conventu, eorum quoq; vices, ut adversarij fatentur, ipse supplet: quadam verè, plura fictè inibi geruntur, putant delicatè edere, bibere, dormire in lectis eburneis &c. cum non nisi morticinis vescantur, camerinam potent, & sub patibulo quiescant. Omitto enim illusiones omnes

344 Dub. XLVIII. *Qua sint arg.eorum qui
cateras , qua in hisce sacris solemnes sunt , sicut
nihil aque ibi agere videatur infernalis histrio,
quam ut meris larvis , spectris , & falsis imagini-
bus confingendis indulgeat. Quae cum ita esse
fateantur omnes , prudenter sanè dubitabit is,
quicumq; is iudex erit , an non in hac spectrorum
omnis generis confingendorum facultate ad alia-
rum quoq; personarum , maxime in peccato mor-
tali existentium , fictionem licentia daemonis se
in his locis extendat : prudenter etiam formida-
bit , ne qui in his locis eo tempore visus esse dicatur,
is ipse ille fuerit , an verò vana aliqua larva ocu-
lis objecta. Ex quo tamen minime sequetur quod
ut quisq; in alio quovis loco nullis talibus illusio-
nibus seu phantasmatis obnoxio latrocinari , fura-
ri , adulterari &c. conspectus sit , tum quoq; suspi-
cari debeam , ne à spectris sim delusus. Longe enim
dispar ratio est. Ex quibus admodum jam liquet,
quam planè nihil in eo Binsfeldij argumèto insit,
quod ipse penè insolubile putabat. Quamq; male
nos arguerit habere oculos clausos , sic enim ait,
quod ista non videamus , quae ipse se in allato ar-
gumento videre putabat. Posset & aliter respon-
deri , sed quod respondi sufficit.*

ARGUM. VI. *Deus non permit-
ret unquam Daemoni , ut innocentes ex-
hibeat , ergò & non potest.*

Resp.

R. Negando antecedens. Unde hoc certum est aduersariis, quod Deus id non permittet? multa alia graviora permittit Deus, ut supra docuimus, necesse Martyrum, infantulorum, conculcationes sacrarum hostiarum, & similia infanda. Præterea permittit Deus ut Dæmonium in speculis, tum aqua, oleo, aliusve exhibeat imagines variarum personarum cum passim curiosi ad ariolos & divinos accedunt, consueuntq., quis furtum in domo factum commiserit, quis equos abegerit, quis pecus maleficio infestaverit, quis filia familias futurus sit sponsus, quis primus est familia moriturus, aliave id genus nimis usitata ac nota, in quibus tamen sæpe fallit, & innocentes quoq., uti constat, falso indicio onerat. Noviego virum probum, doctum, & religiosum, egregiâ formâ, in quem cum procax quadam mulier, & saga insano furore Veneris exardere cœpisset, nec tamen ullâ viâ, quas varias tentarat, potiri optatâ spe posset, hoc uno se utcunq. leniebat, quod dæmonem suum concubinum in illius semper faciem formatum accipiebat, ut ei deinde ipsamet esset fassa. Et cur nos igitur quod alibi potest dæmon representare innocentes, id in solis suis conventibus & solennibus sacris non possit?

DICES. Si in conventibus representa-

346 Dub. XLVIII. *Qua sint arg.eorum qui
re doemon innocentes permittatur, nimis magna
hinc incommoda in rempub. redundabunt.*

R. I. *Sit ita: sed unde tibi constat Deum non
permittere ea, ex quibus magna incommoda in
rempub. redundant? permittit Deus doemoni ut
sagas transferat, pharmaca iis ad maleficia sub-
ministret, & similia, quibus nemo adversario-
rum controvertit: nullane ex his incommoda na-
scuntur? nisi igitur aliunde constet Deum non per-
mittere innocentium representationes in diabo-
licis illis ludis, frustra id negatur.*

Resp. II. *Negando quod assumitur: nam quod,
obsecro, incommodum ex iis representationibus
in rempub. redundabit? an quod innocentes habe-
buntur nocentes? torquebuntur &c.? sed Respon-
deo: habebuntur nocentes, & torquebuntur à
iudicibus prudentib. & cordatis, nego; ab impru-
dentibus, & vecordibus, concedo: Deinde verò
adversarij malè discurrunt. Ajunt innocentibus
representatis hoc incommodi datum iri, quod ha-
beantur nocentes & torquebuntur: Praesuppo-
nunt igitur quod taliter presentati nocentes ha-
beantur: cum hoc ipsum sit in questione, an ta-
liter representati nocentes habendi sint? Itaque
in circulum argumentantur: Cur visa in salu-
merito nocentes habebuntur? quia Deus inno-
centes*

prob. nit. dæm. non posse seu velle in tripud. &c. 347
centes ibi representari non permittet : cur autem
Deus non permittet ? quia incommodum sequi-
tur ; nam ibi visa nocentes habebuntur. Ecce
quam parum hodiè adversarij ad Dialecticam
attendunt ! A. quia B. & B. quia A. Nemo igitur
hunc circulum hætenus deprehendit ! Porro quod
vult Binsfeldius privilegium hoc esse filiorum
Dei, ut tale quid non permittatur, suprarrefuta-
tum est dubio 10. inde repete. Omnino hic in-
ferendum est, quod nuperrimè contigit loco cele-
bri Germania, in quo omnia pæne in cineres con-
ciderunt. Vocaverat ad mensam suam Princeps
religiosos duos, viros spectata virtutis, & doctri-
nae : inter epulas deinde Princeps ad alterum eo-
rum : Mi pater inquit, existimas ne ex aquo, &
recto geri, cum eos hætenus in nervum abripi-
mus, qui à decem & duodecim sagis denunciati
sunt in saltibus comparuisse ? vereor non parum
ne mille artifex suis affectis illudat, & non aque
tuta sit ad veritatem via, quam per hasce denun-
tiationes sternimus : præsertim cum & viri gra-
vissimi, doctissimiq; non pauci passim incipiant
reclamare, & conscientiam nobis commovere :
Dic igitur, quid sentis ? tum ille, ut est acer sub-
inde & profusus impetus eorum, qui non ultra
pedes quatuor à fornace absiti philosophari solent :
quid

quid malum, inquit; quod nos anxios hic facit, ac conscientiam constringit tot testimonius convictam? Scripulus sit existimare, id unquam Deum permissurum, ut innocentium persona ita traducantur: non est quod ad tantū denunciationum numerum Iudex hesitet, quin tutò progrediatur. Ad quod cum rursus à principe replicatum esset, atque ultrò citròque multa in utramvis partem hinc inde mota; videreturq; religiosus penitus obtinere velle, concludens tandem disputationem Princeps: Atqui verò, inquit, doleo mihi pater tuam vicem, qui in re capitali tuomet ore te confodisti, nec habes adeò quod reclaims, si te quoq; in custodiam recludo: quippe quem à se in conventibus suis visum non minus quindecim denunciarunt: neue putes rem seriò non agi, nihil impedit quin è vestigio acta afferri iubeam, ut te ipse ibi legas, tot testibus quot nec ipse postulabas convictum. Obstupuit vir bonus & dejecto vultu non habuit quod sic subito opponeret præter confusionem, & è summa facundia silentium. Non fabulam narro res ita gesta est ut dixi, locum & personas designare non est necesse. Id unicū mirari subit, cum & inquit scriptura, & adversarij concedant posse dæmonem ut perdat animas se transformare in angelum, imò actū se trans.

prob. nit. dæm. non posse seu velle in tripud. &c. 349

transformare dicat Apostolus 2. Cor. II. cur ut perdat corpus non posset in hominem innocentē?

ARGUM. VII. Hanc sententiam & veram doctrinam inquit Binsfeldius, quod Diabolus non possit in conventu re-præsentare innocentem præterquā quod nostri malefici testimonium perhibent, tenent Doctores; Auctores Mallei, Itemque Jaquierius, Spinæus, Loyerius: sic ille pag. 360.

℞. Sententiam nostram, ubi modò ventilari cæperit, multò plures tenebunt. Et hanc veram potius doctrinam esse ratione malumus quam auctoritate obtinere. Quod autem ab auctoritate sagarum orditur Binsfeldius, ridiculum nimis est: nam sensus est quasi dicas: Sententia hac vera est quia tenent eam discipula parentis mendacij: pulchra probatio, testimonio igitur sagarum auctoritatem conciliant ipsa Saga ait Christus in Evangelio: si ego testimonium perhibeo de me ipso testimonium meum non est verum: ait allatum argumentum si Satanæ testimonium perhibeat de seipso testimonium ejus est verum. Quamquam ut ad extremum dicam quod sentio: planè in ea opinione sum cum dicunt rea se has & illas in conventibus vidiſſe mentiri coactione poena-

350 Dub. XLVIII. *Quæ sint arg. eorum qui &c.*
rum: cum plurimam partem innocentes esse putē:
Id saltem video, neceſſè eſſe ut ſi aliquot ſolum in-
nocentes cum reliquis involuta ſint, mox ingens
alia innocentum multitudo ſequatur, dum alia a-
lias quas neſciunt vi tormentorum coacta ſecum
accuſando trahunt. Veritatem ſcire non volu-
mus ſed ut ſimpliciter ſe omnes reas fateantur vo-
lumus. Id neceſſariò tandem quicquid fiat obti-
mendum eſt. Nunquam mihi ſanè hætenus in
mentem venit dubitare quin in mūdo ſaga mul-
ta eſſent: nunc cum publica judicia penitus exa-
mino, eò ſenſim me duci video, ut dubitem, an
ſint vix ulla. Certè de tripudiis ſeu conventibus
an unquam corporaliter fiant non parum dubita-
ri poteſt. Et utinam quis excutiat accuratè. Nunc
hoc quidem commentario excitare doctos placuit
ut qua ad proceſſus hujus criminis ſpectant pau-
lò altius ventilare incipiant. Caco impetu & me-
ditatione caſſo multos ferri quotidie experior: in-
genia mihi illa placent qua non univerſa eſſe ve-
riffima & indubitata exiſtimant qua vulgus am-
plectitur. Sed quicquid ſit, provideant principes,
ne in re gravi & qua reſtitutionem anne-
xam habeat incauti ſint.



Quæ sint argumenta eorum
qui Denunciationibus Saga-
rum fidem habendam esse vo-
lunt, & sufficere ajunt ad de-
nunciatas torquen-
das?

Multa adducuntur sed quæ facile cor-
ruant, nos ordine ponemus & sol-
vemus.

ARGUMENTUM I. Judex tene-
tur reum maleficum, seu maleficam de a-
liis interrogare, & reus sive rea tenetur de
aliis respondere; Ergo reo malefico cre-
dendum est & ejus denunciationi standum.
Probat. Nam si fides ei adhibenda non
est, frustra teneretur judex rogare, & reus
respondere. Ita Binsfeldius pag. 248.

R. I. Nos qui tenemus fidem denunciationi-
bus sagarum commodandam non esse, consequē-
ter negamus judicem teneri ad hujusmodi denū-
ciationes curandas, & reum interrogandum.

R. I. Concedamus etiam teneri judicem à reo
malefico de complicibus interrogare: non inde ta-
men

352 Dub. XLIX. *Qua sint arg.eor.qui denunt.*
men sequitur quod illi nolunt, mox credendum si
dicat se complicem in conventibus vidisse, aut si-
milia qua aliter probare non possit. Nam ideo te-
nebitur rogare, quod fieri posset, ut nonnulli alia
quædam cum iis circumstantiis & probationibus
additis deponerent, qua omnino arguerent, de-
nunciantes hos & illos, hic & nunc non mentiri,
id quod interdum fieri posse quis dubitat? Roga-
bit igitur iudex, non id veto, sed ni ea probatio-
nes addantur, qua omnino arguant denuncian-
tem non fallere, non credet. De conventibus au-
tem quod ibi visa, &c. non credet ob causas supra
memoratas.

ARGUM. II. Omnium tam Theos
logorum quam Canonistarum & Legista-
rum iudicio receptum est, quod de se con-
fessus super aliorum conscientia non de-
bet interrogari, & si interrogaretur, non
ideo juxta hoc proceditur, aut ei creditur
secundum jura: Et hac regula non obstan-
te eximuntur crimina illa quæ vocantur ex-
cepta, in quibus debent de aliis interroga-
ri, & iis credendum est. Ergo eorum con-
fessio fidem facit, alias nulla esset distinctio
inter crimina excepta & non excepta. Ita
Binstfeldius p. 252.

Resp. I.

Resp. I. Nego alias non fore distinctionem inter crimina excepta & non excepta. Nam hæc est distinctio, quod in exceptis non sit opus per omnia servare communem procedendi modum à jure in aliis præscriptum. Ut autem complicibus ex natura sua mendacibus non credatur, nisi aliæ circumstantiæ & probationes convincant eos non mentiri, non à jure præscriptum solum est, sed à natura, à cujus lege non datur exceptio.

Resp. II. Plura sunt crimina excepta quam sagarum, sit igitur quod in objectione dicitur, in aliis istis exceptis verum: atq; ibi si ita volunt, credant denunciationibus complicum. In hoc autem solo crimine sagarum non consentio ut credant, ob scilicet particulares illas rationes, quas supra dedi, quæ in aliis exceptis rationibus non ita reperiuntur.

ARGUM. III. *Regulæ standum & in hærendum est, donec de exceptione & fallentia ostendatur: sed leges quibus ut regulis nitimur denunciationibus maleficio- rum standum putat, ergo. Probatur minor ex L. fin. Cod. de maleficis & mathematicis quæ vult maleficos debitæ quæstioni subijci ad Itacinosos socios publicandos, ac proinde denunciationib, eorum standum judicat.*

Recedere autem à textu juris, à ratione & communi sententia, summæ temeritatis est, Ita Binsfeldius p. 253.

Resp. I. Verum est quod regula standum sit, & inhaerendum, donec de exceptione & fallentia ostendatur. Verum etiam quod à textu juris, & sententia communi recedere temerarium sit, si sine ratione fiat. Sed dicimus nos recedere à regula & textu juris ac communi sententia, cum bona ratione & ostendendo fallentiam. Id quod abun. defecimus supra.

Resp. II. Duplicis esse generis quæ rogari à maleficis circa alios possunt.

I. De sociis, si quos habuerint in necandis hominibus, vel animalibus, in referendis damnis & similibus sceleribus.

II. De sociis suorum conventuum, ludorum, qui artem magicā calluerint, & ibi visi sunt. &c. Dicam igitur jura intelligenda esse de questionibus prioris generis, ac nos concedere, si quidem ita adversarij volunt, fidem eis adhiberi at quam posse in questionibus prioris generis, maxime si circumstantias quoque addant, quæ congruant, & ex quibus ea oriantur de veritate denunciationis iudicia, quæ prudenti & cordato viro satisfaciunt. Non autem adhibendam esse in questionibus posteriori

sterioris generis: eo q̄ in hisce et si velint, verum
dicere non semp possint. Ob rationes nostras supra
allatas ex periculo delusionum circa conventus.
Binsfeldius hanc distinctionem planè explodit,
tanquam nullo fundamento nixam & implicans
tem ignorantiam eorum criminum quæ in convē-
tibus admittantur: ait enim in conventibus ad-
mitti crimina læsa Majestatis divina, aliq̄ simi-
lia omni nece hominum aut animalium illatis ac
damnis graviora. Vnde sic argumentantur: si
credendum est, & standum denunciationibus sa-
garum cum queritur de nece hominum & ani-
malium, de q̄ illatis damnis quæ minora crimina
sunt, multo magis standum denūciationibus erit,
cum questio est de conventibus, quæ majora cri-
mina involvunt. Sed

R. Binsfeldium hanc distinctionem frustra
rejicere.

Nam I. nititur principiis quæ non tenent. Po-
nit pro fundamento, quod quo majus sit crimen
de quo questio est, eo amplius sit denunciationi tri-
buendum, quod fundamentum ratione caret, uti
supra Dubio 37. rat. 7. ostendimus, dum docui-
mus vim testimonij non à re testata, sed à testante
pendere.

II. Iam supra dedimus rationes sæpius citatas,

356 Dub. XLIX. *Quæ sint arg. eor. qui denunt.*
cur etsi credi possit, de sociis in aliis criminibus nõ
tamen in crimine veneficij, cum dicunt de suis
conventibus; ea rursum considerentur & abunde
satisfecerimus.

ARGUM. IV. Malefici sunt latrones,
& plus quam latrones, sunt conjurantes cū
Dæmonibus, sunt rei læsæ summæ Maje-
statis, sunt sacrilegi, sunt proditores patriæ,
sunt hæretici &c. Sed latronibus, conjura-
toribus, reis læsæ Majestatis, Sacrilegis,
proditoribus patriæ, hæreticis &c. Credi-
tur contra socios, erga & maleficus. Idem
Binsfeldius pag. 254. & seq.

Resp. Non esse parem rationem maleficorum &
altorū. supra enim data particulares rationes sunt,
cur etsi aliis credi possit, sagis tamen credi non de-
beat, nimirum ob specialem illarum malitiam,
naturam mendacem, ac particularem in illo cri-
mine falsitatis præsumptionem ob varias illusio-
nes & incertitudines. Vnde ab aliis ad sagas ar-
gumentari non licet, ac frustra hic vehemens est
Binsfeldius.

ARGUM. V. Eis qui veritatem lo-
quuntur credendum est, alias fides huma-
na periret; Sed communiter accidit, ut so-
cij in hoc crimine complices denuncian-
tes

tes veritatem dicant , ut constat experientia , & ex processibus contra maleficas , Ergo , Idem Binsfeldius pag. 257.

Resp. Concedendo majorem, negari minorem ut penitus falsam ac de qua jam hic queritur ac cōtrovertitur, ut proinde assumi nō debeat, sed probari. Quod autem ait eam constare experientia & ex processibus contra maleficas aque nego. Repe-te qua dixi dubio proximè precedente argumento 1. responsione 3. & argumento 4.

ARGUM. VI. Testes qui non debent examinari examinati faciunt aliquam fidem , quia faciunt quale quale indicium ut Doctores loquuntur &c. Ergo magis credendū illi testi , qui debuit examinari quia majorem fidem facit ; Sed maleficus de se confessus debet examinari de complicitib. ex legibus & communi sententia. Ergo ei magis credendum est. Idem Binsfeldius pag. 259.

Resp. Coincidit vis hujus argumenti cum primo, ibi igitur satisfactum est , ut lector animadvertet:

ARGUM. VII. Praxis Ecclesiæ tradit sagis esse habendam fidem , nam omni tēpore Judices ex hujusmodi denunciationi-

358 Dub. XLIX. *Qua sint arg. eor. qui denunt.*
bus inquisiverunt contra denunciatos,
Idem Binsfeldius pag. 259.

Resp. I. Praxis hac et si multorum fuit non ta-
men omnium. Supra enim ostendi sententiam
nostram non carere auctoritate doctorum.

Resp. II. Esto nostra sententia à communi re-
liquorum opinione & praxi plane recederet, non
ideo continuo damnanda foret, dum solidis ratio-
nibus non destitueretur: non destituitur autem ut
supra patuit: Ergo.

Resp. III. Praxis iudicum non continuo vo-
canda est praxis Ecclesie. Sonat id, quasi res fi-
dei agatur: Absit autem ut omnes eas praxes,
quæ communiter in usu sunt, Ecclesia approbet, &
suas appellari velit cum multæ careant ratione &
& malæ sint, quàm longè & latè practicata est
in orbe à iudicibus probatio illa sagarum per aquâ,
an igitur & hanc praxin Ecclesie vocabimus?
Frustra igitur specioso nomine Binsfeldius nos
terret.

ARGUM. IIX. *Multæ sagæ conveni-*
unt in denunciationibus suis in eandem per-
sonam, Ergo signum est quod non menti-
antur, Ergo eis credendum est.

Resp. Quod multæ in eandem personam con-
veniunt, mirum non est, nec eis fidem simul sum.
pris

ptis conciliat, si alioqui singula non habent. Nam id ex multis causis fieri potest, ut ostendam. Velenim denunciante verè sage fuerunt, vel fuerunt innocentes, quæ vi tormentorum coactæ, ut iis se subducerent alias nominarunt. Vtrum fuerit mirum non est, Nam

S I V E R E Sage fuerunt, potuerunt.

I. Plures malitiosè in unam aliquam conspissime ut si contingeret in manus magistratus devinire eam secum in exitium traherent, & in iisdem accusationis circumstantiis convenirent, prout exempla non pauca narrantur, quæ brevitatæ causa prætereo.

II. Potuit Dæmon, ut supra diximus, innocentem representasse in conventibus ubi cum plures conveniant ut ipsi ajunt, à pluribus videri potuit, & nominari cum iisdem loci & temporis ac reliquis circumstantiis.

III. Potuit Dæmon suggestisse, instigare, mandasse, ut has illas quas vellet singula accusarent, & has illas circumstantias simul adderent.

S I V E R E Sage non fuerunt, ne tum quiquidem mirum est; quia

I. Vbi multa torquentur & rogantur quid proclivius est, quam aliquas casu incidere in eandem personam, præsertim si pauca adhuc restant

360 Dub. XLIX. Quæ sint arg eor. qui denunt
in pago personæ nondum denunciata ac exusta.

II. Cum tales nesciant alias, solent plerumq;
eas nominare de quibus jam ante est communis
rumor, vel quæ eo nomine incarcerata seme. fue-
re, vel exusta.

III. Fit jam plerumq; ut videmus indies, &
bene notavit Tannerus, officiales justitiæ non ser-
vare secretum, & spargere in vulgus si quæ no-
minata sunt, ut igitur quæ deinde torquentur
pænis se liberent, easdem nominant.

Atq; hic certò nullo modo excusari Magistra-
tus in conscientia poterunt quod id non emen-
dent. Iam ubi versor tota pene urbe nota sunt
non pauca nuper à diversis denunciata. Hæ igitur
nunc quidem differuntur dum fama crescat, post
annum autem ex hac fama procedetur. O tempo-
ra! hic Germania est Zelus.

IV. Sed & malevoli quidam ut supra docui
nominatim de quibusdam in tortura interrogāt,
quid mirum igitur si eas sic in os sibi inditas plu-
res accusent?

ARGUM. IX. Patet ex processibus
criminalibus quod plerumque omnes illæ
quæ ab aliis denunciata sunt, verè sagæ
fuerint, cum id deinde ipsa met in tortura
falsa sint, unde sequitur denunciantes ve-
rum

rum dixisse, atq; igitur denunciationibus fidem detrahendam non esse.

R. Quod denunciata plerq; verè saga fuerint, non satis ex secuta earum confessione convincitur, quam parum tuta sit fides à tortura quasita, abunde liquet, & ex supra à nobis allatis manifestū est. Stulta a. est, ut dixi, quaecunq; delata ream se non fateatur, cogetur n. tot tormentis ut tandē succumbat & si non succūbat comburetur viva ut obstinata, repete qua hinc inde supra dicta sunt; nesciunt sane omnes quid virium in tormentis insit, qui vel commentari lucubrationes suas in quiete atq; otio solent, vel immiti animo ac feroce quis pœnarum sit sensus experti unquam non sunt. Quos ego non ex ulla malevola voluntate, sed aff. ctu optimo & Christiano, ad maius ipsorum bonum, & maiorem conscientie cautelam precarer, ut vel ad dimidium quadrantem equulei aliquem gustum sumere, & velut prius ipsi pralibare velle in animum inducerent, quam accederent ad odiosas has rerum causas in equuleo tractandas. Neque enim tam durus esse velim ut is nescio qui princeps fuisse dicitur, qui quos causis criminalibus judicandis admovere voluisset, eos quantumvis reluctantes in nervum prius per horam dimidiam conjici jubebat, ne non pla-

362 Dub. XLIX. *Quæ sint arg.eor. qui denunt.*

nè dolorum rudes eorum vim exactius perspectâ haberent: quo id consequi se posse existimabat, ut unius hominis non longissimo tormento multorum aliorum non modo tormenta, sed & necesse redimeret: Ideoq; se id salva conscientia in utilitatem reipublicæ facere posse; alterumq; ob eandem causam sustinere id debere omnino sibi persuadebat.

Iudicium meum non interpono, faxit Deus ut eum omnes amemus & sic transeamus per hæc temporalia, ut non amittamus æterna.

DICES. At denunciata non solum fatentur se reas, sed etiam easdem circumstantias & puniunt: quæ denunciantes de ipsis deposuerant. Signum igitur &c.

Resp. Id vel falsum est, vel contingit ut supra docui dub. 28. Arg. 4.

ARGUM. X. Nequid dissimulem eorum quæ reperio, adjungo his Binsfeldij argumentis aliud Professoris Rinthelensis D. Gœhaussii quem & supra citavi. Is igitur sic argumentatur.

Constat, inquit, summo labore sagas adigi ad has denunciationes, Dæmone eas prohibente ne regnum supplicio affectis subditis diminuatur, ac ejusmodi exem-
plis

plis cæteri ab hoc crimine absterreantur.

Ergo tanto certius existimandum, denunciationes illas esse veras, quas scimus dæmone invitissimo fuisse extortas, & ideo sagæ solum defunctas quasdam personas nominant. Sic ille pag. 152.

R. Argumentum hoc nimium probat, & sic nihil, quod nimium, ostendam: quia probat quoq̃, & quidem potius id ipsum quod nos volumus quam quod ille. Sic enim ex ipsius verbis hæc formo enthymemata:

I. Dæmon invitiſſimus eſt, ut ejus aſſecta ſuas veras complices prodant; non autem invitus eſt aut eſſe poteſt, ſed volentiſſimus ut nominent & necent innocentes. Exiſtimandum igitur nominare potius innocentes volentiſſimo ſuo domino, quam invitiſſimo nocentes.

II. Dæmon prohibet, imo, ut dixerat alibi idem auctor, adigit juramento in conventibus ne nominent ſe invicem; ne innocentes autem nominent, nec prohibet is unquam, nec juramento cavet. Et cur eas igitur quas vetat nominabunt potius ſubjectiſſimæ ſervæ, quã quas non vetat?

III. Si nominent veras complices, minuetur dæmonis regnum. Si nominent alias, non minuetur. Et cur illas igitur potius, quam has no-

mina-

364 Dub. XLIX. *Quæ arg.eor. qui denunt.
minare volent? O fidas asseclas unius regni si sic
inter sese diuisa sunt!*

IV. *Si nominent se invicem, absterrebuntur
sagæ superstites visis suorum supplicis, sin alias nō
absterrebuntur sane, sed magis aximabūtur, dum
non in suum gregem sed hostilem grassari vindi-
ctam vident.*

*Et cur igitur potius alienas quam suas accu-
sent? nimirum igitur hoc argumentum probabat,
quia in rem nostram. Interim ne dissimulem,
sed juvem potius contra me idem argumentum
sic urgeri poterit: Nam.*

DICES. *Imo pervertitur vis argumenti:
ea enim longe alia erat, nimirum hæc, quam vel
ex ipsa responsione data sic ex acuo: Saga si nomi-
nent innocentes tum & facient quod optat Dæ-
mon, & non minuet suum regnum, & anima-
bunt ceteras sagas, & à tormentis se excipient.
Sane igitur ad nominandum innocētes promptæ,
volentes, & expeditæ erunt; sed non sunt autem
ad nominandas eas quas nominant promptæ, vo-
lentes, & expeditæ, sed magno labore & victori-
mentorū ad id cogi debent, non igitur eæ quas
nominant sunt innocentes sed nocentes. Brevius
sic, si saga nominarent innocentes essent ad nomi-
nandum promptæ, non igitur nominant innocen-
tes,*

tes, qui est syllogismus formalis in secunda figura hypotheticorum:

Resp. 1. Circa syllogismi hujus majorem. Erunt enim sage promptæ ad nominandum innocentes, nec ut tormentorum coactæ eos nominabunt, si quidem id possit fieri, & quantum in ipsis est, alioqui non. Atqui vero non potest fieri, ut unquam promptè nominent, sed omnis earum nominatio necessario debet esse coacta, ac non nisi tormentis expressa, ac proinde tam nominatio innocentium quam nocentium semper est coacta atq; utrinq; paritas. Mordicus enim volunt jurisperiti criminales ut si quæ de se crimen confessa deinde etiam complices velit nominare, nondum tormentis coacta, ea nominatio non audiat, sed velit nolit eam torquent ut sic confessio complicum exprimatur per novam ac singularem torturam ad id unum destinatam, quæ simul infamiam expurget, ut ajunt ac nos supra meminimus Dubio 44. rat. 5. Vnde frustra jurisperiti jam dictum argumentum usurpabunt sed & lepidè sanè agunt ipsi enim faciunt ut omnis omnino nominatio complicum vi tormentorum fiat, & sic coacta fiat, ac deinde nihilominus quod prompta non sit, sed coacta ex eo argumentum ducunt. Non capio hunc ratiocinandi modum:

Resp.

Resp. II. Circa syllogismi minorem. Nam ea quæ alias nominare debent, vel veræ & reales sagæ sunt, vel non veræ, sed nominales tantum, ut sic loquar, quæ scilicet vi tormentorum coactæ, suscepere in se crimen, quo vacabant. Si veræ sagæ sunt, nego minorem. Nominabunt enim innocentes promptè, volentes, expeditè, ob rationes ante datas; Quod si a. nunc passim quæ nominare debent, non nisi magno labore & vi tormentorum ad id cogi debent, jam exinde arguam potius, eas igitur veras sagas non esse, sed nominales. Argumentum enim allatum omninò in aduersarium retorquebo in hunc modum.

Veræ sagæ si nominare debeant erunt promptæ ad nominandum saltem innocentes, ut aduersarius concedit; sed nunc passim ea quæ nominant non sunt promptæ ad nominandum etiam ullas, ut idem concedet, Ergo quæ nunc passim nominant nō sunt veræ sagæ. Syllogismus formalissimus est.

Ex quo sane sequitur solutio ad id, quod supra in allato argumento dicebatur: & ideo sagæ solum defunctas quasdam personas nominant.

Attendant enim principes quod dicam in re gravi. Nam sic res habet:

Iudices pleriq; imperiti & incurij, multi etiam avari, & malitiosi ex futilibus indiciis capiunt & torquent

torquent: vis tormentorum parit sagas quæ non sunt: quia tamen esse debent; debent & edicere magistras suas, & discipulas & socias quas non habent. Id quia conscientiam exagitat, renuntur dum tormentis aut metu tormentorum adiguntur: tum denique pœnis impares eas nominant, quibus & faciant suis dictis fidem, & quam minime possunt, noceant: nominant inquam eas, quæ jam vita functæ sunt, & pro sagis exusta. Si ulterius urgentur nominant quoque vivas, atque eas quidem primo, quas jam ante audiunt diffamatas aut ab aliis quoque denunciatas, aut hoc nomine aliquando captas. &c. Id enim ita passim fieri, si sciens fallo; tum Pater omnipotens adigat me fulmine ad umbras: scio autem quid loquar, & atque unde sciam in ultimo illo vivorum mortuorumque judicio ostendam magistratibus iis, quos hæc scire oportebat; quosque merito in illum diem tot innocentes ad tribunal citant?

ARGUM. XI. Nisi denunciationibus credatur aliud non suppetet medium ad sagas deprehendendas & extirpandas, unde res publica à malevolis non purgabitur, est igitur denunciationibus credendum. Argumentum hoc Judicium est, & omnium eorum hodie apud quoscunque denunciationes

368 Dub. XLIX. Quæ sint arg. eor. qui denuntiationes, ut fallaces, rejiciendas esse dico. Vehementer autem urgent Binsfeldius & viri alias eruditi, quod soleo mirari. Itaque ostendam quam parum considerent quid objiciant.

Resp. 1. Nego non suppetituros alios modos ad reas deprehendendas, sunt alia indicia quæ sufficient, ut ad inquisitionem & torturam procedatur. Enumerat nonnulla Tannerus & Delrius quæ me piget exscribere. Legant quorum interest.

DICES. Et si subinde indicia se prodant, quibus communes saga deprehendantur, non tamen quibus sagarum principes & magistri: ita Binsfeldius: Nam quando, inquit, principes hujus sceleris visi fuerunt, aut scopas erigere ad causandum pluviam, aut illam supponere vestibulo alicujus stabuli, & lites & minas intentasse plebeis, aut alia opera externa exercuisse, quæ indiciorum vices subeant ad probandum? Hac enim sunt facta vulgarium & vilium personarum, quæ rus incolunt, & ruri versantur inter plebeios. Ibi quandoque hæc & similia perspicuntur indicia. Sic ille.

Vnde probat & vehementer urget, ut denunciationibus sit locus, sine quibus nulla alia suppetat via, ad sagarum saltem principes in apertum trabendas. Itaque.

Resp. 2.

Resp. I I. Esto etiam verum sit nullam super-
esse viam ad sagas earumq; principes detegendas.

Quid tum postea? an ideo via utar inepta &
periculosa qualem esse eam supra ostendi, qua per
denominationes procedit? Facio dilemma; Vel
habent adversarij certas & bonas vias dete-
gendi sagas, vel non habent; si habent, age iis u-
tantur; si non habent, abstineant & non detegāt,
quos detegere non possunt; quis illos cogit eradi-
care zizania qua non norunt? quid se frustra ve-
xant, & affligunt, nec acquiescunt Evangelico
praecepto, ut sinant utraq; crescere usq; ad messem.
Hac scilicet non praevidebat caelestis pater familias
cum id in mandatis daret.

Resp. I I I. Miror autem qua haec tandem
probatio sit, alia via non est sagas detegendi,
ergo haec per denunciationes bona est, perinde
quasi sacerdos celebrare volens, cum vinum non
invenit, sed acetum ita colligat, non alia hic est
Materia consecrandi, haec igitur est bona.

D I C E S. Hoc est sagis patrocinari. Sed Re-
spondeo: vox est quam nunc primum non audio,
non primum etiam contemno. Rationibus agere
soleo non cavillis pulchre tamen respondet Tan-
nerus cum sic ait: non hoc est sagarum sed potius
innocentum adversus sagas illis malitiosè insti-

370 Dub. XLIX. *Quæ sint arg. eor. qui denuntiantes patrociniū sumere: ne sicut extra iudiciū etiam cum amissionis vitæ & bonorum suorum periculo, ita in iudicio hoc periculo & metu soluta in eorundem vitam, famam & fortunas eo nocentius quo liberius grassentur.*

Resp. IV. Imo quid pugno? sit verum quod argumentum allatum proponebat, nisi denunciationibus credatur, aliud non suppetere medium, ad sagas deprehendendas & extirpandas. Concedam hoc adversariis, sit ita: verissimum enim est; sed ecce pro me hoc facit, & confirmat in opinione quam concepī de paucitate sagarum: nam sic mecum hac sequentia puncta meditari soleo.

I. Clamant omnes omnia esse sagis plena: quæro ego unde sciant? unde sagas deprehenderint? non alia est ajunt deprehendendi via, nisi denunciationibus credatur. Atqui has ego fallacissimas esse paulo prius ostendi, omnia igitur sagis plena sunt, quia falsissimo nocendi medio usi sunt: nisi id usurpant, aliud habere negant.

*II. Omnia esse sagis plena tam certum est, tam indubitatum, ut qui hasitet in invidiam vocetur, explodatur, audiri non debeat, dicam breviter certissimum est: quæro ego unde hac tanta certitudo nata est? ex testimoniis sagarum; Ex auctoritate Dæmonis: hac igitur cum certissimam
pariat*

di- pariat notionem infallibilis credo erit? Nam ex
uo- auctoritate fallibili nunquam ducitur cognitio
etn certissima, ut omnes Theologi, & Dialectici, atq;
nas ipsum lumen rationis nos docet.

III. Quid pugnant inter se adversarij? cla-
uod mant quidem se urgentissima habere indicia mul-
cia- ta & magna quod Titia V. G. Saga sit: Nunc Bins-
,ad feldius & alij clamant non haberi alia nisi denun-
ce- ciationes, si his non crederent progredi nõ possent.

IV. Audio nuper dixisse quosdam Inquisi-
im tores communem se praxin sequi; errare se non
ppi- posse. Alij si non verbis at factis tamen idem
am dicunt nam sic liberi sunt quasi imprecabiles sint.
o. Vulgus quoq; existimat judicia omnia criminalia,
na: nescio quid sacrum & sanctum habere ut qua ibi
de- judicata sint infallibiliter hoc ipso justè facta sint.
nisi Obsecro unde omnia hac? quia fundant se iudices
lla- in testimoniis satanicis: nisi id haberent progre-
agi- di non possent inquit Binsfeldius.

V. Ego vero existimo hanc insignem esse Ca-
am lumniam, & nihil ignominiosius Germanico no-
ce- mini aspergi posse, quam dicere Magistratus no-
vi- stros & hactenus acerrimè progressos esse, & ta-
er- men progredi non potuisse nisi deniq; testimoniis
au- satanicis subnixos.

VI. Multo fortius erit si eadem testimonia

372 Dub. XLIX. Quae sint arg. eor. qui denunt.
tantum apud Germanos valere auditum fuerit,
ut etiam in personas Ecclesiasticas summo cum
Catholica religionis inter haeticos despectu re-
cipiantur.

VII. Dubitare hic mihi incidit an casu quo
Catholicus Sacerdos ex his testimoniis magia po-
stulatus, bis, ter, quater acerbissimis tormentis se
purgasset, nihilominus vivus igni adjudicari
posset, & bona phrasi obstinatus & impaenitens
dici, quod se tantis testimoniis opponeret? Et quid
si ipso mortis die à Confessario suo vere paenitens
judicatus coram venerabili altaris sacramento
magnâ cum Cerimonia innocentiam suam conte-
staretur? Quid si ad praesentem, & venturum o-
lim Iudicem ex ejus verbo seu Evangelio appella-
ret? quid si testem eum invocaret, quod ne sacer-
dotali nomini inureretur nota intolerabiles alio-
qui torturas eas haecenus exhausisset? Quid si ad
bancum juris auditurus sententiam, eandem re-
peteret protestationem, ac vehementius hortare-
tur iudices ne in D. E. I. Sacerdotem cum insigni
religionis despectu procederent, qui nec convictus
esset, nec confessus crimen? Quid si eadem repe-
teret coram populo in supplicij loco, eo cum sensu
pietatis & energiâ sermonis, animorumq; com-
motione, quam communes omnium gemitus, &
lacry

lacryma sequerentur, etiam qui interessent hæ-
reticorum? an adhuc testimonia tam grandia per
has omnes procellas tenerent cursum suum, &
valorem? Et quid si dum Magiam pernegavit, vi-
tamen tormentorum, alia esset scelera confessus,
an ob ea tunc saltem, cum nec accusatus ante fuisset,
nec proinde legitime rogatus, aut confessus
damnari posset? Certe ea tempora possent inci-
dere; ut in omnem eventum quid tali casu
sentiendum esset, scire expediret. Sed de hoc for-
tasse alias.

Nunc id manet, ridiculum mihi videri,
quod tam multas nobis sagas in Germaniâ ima-
ginamur si ita procedamus: præsertim cum
multi quoque Iudices ex multiplicatis sagarum
denunciationibus, non solum ad capiendum &
torquendum, sed etiam ad condemnandum pro-
currerint, secuti nimirum auctores à Delrio ci-
tatos, qui multas hujusmodi denunciations ple-
nas esse probationes tenuerunt. Quinimo &
audio inventos esse, qui ex testimoniis Energu-
menorum ad capturam & torturam iri volue-
runt.

Et quæ jam deniq; testimonia exclusuri su-
mus? quo deveniemus? non hac manifesta no-
stra punitio est? Et quid dicam de testimoniis

374 Dub. XLIX. Quae sint arg. eor. qui denunt.

puerorum mendiculorum qui seu à malevolis
conducti, seu ut facile est illi aetati illudere, ita
arte quadam examinandi & captiosis interroga-
tiunculis circumventi, seu etiam sponte escâ &
potione illecti se seductos esse annuunt, & ut mi-
ra rogantur, mira narrant, quae in conventi-
bus viderint, quae acta sint, qui interfuerint,
& similia quorum deinde à viris spiritualibus,
& intelligentioribus rogati, non meminerunt,
& omnia alia retexunt.

Itaque cum & capra nuper quodridiculi caus-
sa interpono, amissa esset, (nam miles abduxe-
rat) ea quoque in conventu sagarum ab his &
istis jam plexis nescio an plectendus absumpta e-
rat. Plurima talia sunt, quae, quod ad finem pro-
pero, omitto. Alias fortasse ista colligemus. Id
sciat Magistratus mirifice sibi & dolendum
in modum ab Officialibus illudi.



An iudex alterutram sententiam securè amplecti possit seu nostram quæ contemnit, seu aliorum quæ magnificat denunciationes.

RESPONDEO Non potest securè amplecti sententiā adversariorum. Rationes istæ sunt.

RATIO I. Tutior via in dubiis eligenda est. Quæ regula etsi in cæteris consilii rationem habet, tum tamen præcepti vim obtinet, cum periculum est, ne alioqui proximo fiat injuria, ut docent Cassiæ & supra quoque dixi *Dubio 8. sub finem.*

RATIO II. Ostendi bonis exemplis adversariorum sententiam solide non subsistere: vel igitur iudex melius eam fundet, aliis adductis argumentis, & nostra refutet, vel tenebitur nos sequi.

RAT. III. Jura volūt ut in dubiis reo potius quā actori faveatur juxta regul. 11. jur. in 6

RAT. IV. Judex sequi debet securiorem interpretationem juxta cap. ad audientiam. & c. significasti. 2. de Homicidio.

DICES I. *At clamat Binsfeld, remp. hoc modo purgatū non iri.*

E b 4

Resp.

R. Id frustra clamat, facile n. ex hæcenus di-
ctis colliges, si denunciationibus tantū deferatur,
contrariū futurū, & potius triticū quā Zizania pe-
riclitaturum: Nam hoc scilicet purgare emp. est
ita periculosus viis ad excindendos nocentes ince-
dere, ut vix innocentissimus quisq. jam tutus sit?

Clamant Inquisitores omnes, magia crimen
occultissimum esse; Obsecro autem quomodo oc-
cultissimum est, si tam facile deprehenditur, ut
nullum jam sit in orbe crimen cuius tot rei in lu-
cem protracti sint, & iudices protrahantur, ut
isti putant?

DICES II. Sententia quidem hæc mitior est
respectu nominati, sed altera utilior respectu Rei-
publicæ & boni publici: Siquidem ita iudicia pro-
moventur & facilitatur via executionis. Sic Pro-
fessor Rinthelensis D. GÖEHAUSIUS su-
præ citatus in libro de process. contra lagas
pag. 151. Sed

Resp. In primis sententia hæc nostra & miti-
or & utilior est, tum respectu nominati, tum
nominantis, tum Reipublicæ. Nam nominatum
è discrimine eripit, nominantis militia, & stu-
dio occurrit, Reipublicæ vastationem impedit, dum
paucos nocentes tolerat ne plurimos innocentes pe-
reundi periculo exponat. Deinde ratio in obje-

ctione

Etione allata pro altera sententia, quia sic promoveantur judicia &c. non probat utiliore eam reipub. esse, sed è contrario damnosam. Nam promoveri judicia, & facilitari executiones tam graves ex indicis levissimis, id est, testimoniis fallacissimis, innixis veracitati mendacium Sagarum tam noxium reip. est, quam illa gravia sunt mala, quæ ex temere tractatis his causis possunt consequi, ac dixi supra dub. 8. rat. 3.

DICES III. Iudex nocet bonis quisquis perpercerit malis Crudeles illi qui ut uni parcant multos necari permittunt &c. sic idem Rinthelensis pagina 153 Sed

R. ita est, sed ad rem non spectat. Nam imprimis, qui non nisi ex fallacissimis denunciationibus malorum, vult malos nosse, is potius parcat malis exscindet bonos, ac sic dupliciter nocebit bonis. Deinde crudeles sunt, qui ut unum perimant malum, non curant si & simul plures bonos. Denique non unus est cui parceretur, cum denunciatis parceretur; nam parceretur multis & parceretur merito; quippe adhuc nondum sat probatis, quod nocentes sint. Si tu autem nocentes & malos ponis, quibus parci non debeat, jam id ipsum ponis, quod an poni debeat in questione est. Id enim est quod quærebamus, an nocens & malus haberi debeat,

378 Dub. L. *Quæ sit summa processuum contra quem mendax famina nocentem & malum dicit. Binsfeldius igitur cum pag. 292. vehementius Magistratum increpat, & justitiam urget, nec aliam tamen viam procedendi esse ait, nisi per has Satanicas denunciationes, parum discrete zelat.*

DUBIUM LI.

Quæ brevis sit summa & methodus processuum contra sagas hodie apud multos in usu, digna quam Germania consideret.

RESPONDEO. Poterat hanc summam lector qui vis ex tractatu hoc ipse apud se colligere: sed quod mihi id fuit factu facilius, eam hic apponam, omissis tamen multis quæ commodè inferi non poterant: de quibus consulantur hæcenus dicta, uti & de his quæ hic posita sunt si diducetius lubet singula cognoscere. Itaq; summa hæc est.

i. Incredibilis vulgi apud Germanos, & maximè (quod pudet dicere) Catholicos superstitio, invidia, calumniæ, detractiones, susurrationses & similia, quæ nec Magistratus punit, nec concionatores arguunt,

guunt, suspicionem magiæ primum excitant. Omnes divinæ punitiones quas in sacris literis Deus minatus est, à sagis sunt. Nihil jam amplius Deus facit aut natura, sed sagæ omnia.

2. Unde impetu omnes clamant ut igitur inquirat Magistratus in sagas, quas non nisi ipsi suis linguis tot fecerunt.

3. Mandant ergò Principes suis Judicibus & Consiliariis ut incipiant in sagas procedere.

4. Nesciunt hi primum unde ordiantur, cum indicia seu probationes non habeant : nec temerè tamen his quicquam moliendum esse à conscientia sua satis audiunt.

5. Monentur interim bis tervè ut procedant. Clamat vulgus moram hanc non carere suspicione. Et pæne idem sibi, à nescio quibus informati, Principes persuadent.

6. Hos autem offendere & non subito obsequi in Germaniâ grave est : plerique omnes, etiam viri spirituales nimium pœnè probant, quæcunq; modo Principibus placuerunt : nec advertunt à quibus hi sæpè in

380 Dub. LI. *Quæ sit summa process. contra*
pè instigentur quantumvis optimi natura
sua sint.

7. Tandem igitur voluntati eorum Judices cedunt, atq; aliquâ demum viâ processibus initium inveniunt.

8. Aut si illi adhuc hærent, & horrent tangere rem periculosam, mittitur Inquisitor ad id singulariter deputatus, qui si quid secum trahat imperitiæ & impetus, ut fieri in humanis rebus solet, id in hac materiâ colorem ac nomen mutat, & non nisi mera justitia ac zelus est; quem utiq; spes lucri non imminuit, præsertim in homine tenuiore & avido habendi cum familia plena prolibus est, & in singula reorum urendorum capita aliquot dalerorum stipendium constitutum est, præter accidentarias collectas & contributiones, quas liberrimè à paganis exigere Inquisitoribus permissum est ut supra.

9. Tum si dictum aliquod Energumeni aut si malignus & spurius horum temporum rumor (non enim unquam probata fama) in pauperulam aliquam & vilem Gajam gravius incubuit; ea prima est.

10. Ac ne tamen ex solo hoc rumore si

nea

ne aliis indiciis, ut vocant, processū esse videatur ecce subito in promptu est indicium aliquod per hoc dilemma: vel enim Gaja ea malæ & improbæ vitæ fuit, vel bonæ ac probæ. Si malæ; indicium id, ajunt, magnum est: nam à malitia ad malitiam pro-na præsumptio est. Si autem bonæ; & hoc quoque indicium non minus est: nam sic, ajunt, tegere se sagæ solent, & vel maximè videri probæ velle.

11. Rapi igitur Gaja in carcerem jubetur; & ecce novum iterum indicium per hoc dilemma: Vel enim timere se tunc ostendit, vel non ostendit. Si ostendit (quippe cum audierit quam gravibus tormentis in hac materiâ uti soleant) jam hoc indicium est: nam conscientia accusat, ajunt: si non ostendit (q̃ppe cū innocentiaē confidat) jam id quoq; indicium est: nam hoc deniq; propriissimum esse sagis ajunt innocentissimas jactare se, frontemque porrigere.

12. Ne non verò adhuc plura in eam indicia suppetant, habet Inquisitor homines suos, sæpe improbos & infames, qui in omnem retrò vitam inquirent, in quâ sane fieri

382 Dub. L. *Qua sit summa process. contra*
fieri non potest quin occurrat quippiam
seu dictum sive factum, quod abjecta in
malum hominum interpretatio in magiæ
culpam faciliè detorqueat & obvertat.

13. Sed & si qui tum ei malè hætenus
voluerunt, pulcherrimam nocendi oppor-
tunitatem naçti, afferunt quod, quale lus-
bet, faciliè reperiunt: clamaturq; passim,
gravari eam magnis indiciis.

14. Atq; ideò quamprimum ad quæ-
stiones abripitur nisi eadem adhuc die quâ
capta est jam tum abrepta sit: ut sæpe con-
tingit.

15. Neque enim advocatus & integer-
rima sui defensio quibusvis conceditur
cum clament Exceptum crimen esse, cūq;
q; defendere & advocare velit in suspiciōe
criminis vocetur; uti & omnes illi qui in
his causis quicquam loqui velint & Iudices
movere ut cauti sint: nam mox nominant
sagarum patronos: Sic omnibus occlusa
ora sunt & obtusi calami, ne loquantur aut
scribant.

16. Plerumq; tamen ne non aliquis sal-
tem defensionis locus Gajæ datus videatur:
sistitur primum in speciē ac indicia ei pri-
mum

mum præleguntur & examinantur, sitamen examinantur.

17. Quæ etsi tunc illa purgat, & ad singula accuratè satisfacit, id non attenditur nec notatur, vim suam & valorem omnia retinent quantumvis optima responsione detrahatur: jubetur tantum reduci in vincula, ut consideret attentius an obstinata velit persistere: jam tum enim quia purgat sese, obstinata est.

18. Ubi consideravit: rursus alio die sistitur, & prælegitur ei decretum torturæ: quasi nihil jam ante ad objecta respōderit, nec quicquam eliserit

19. Prius tamen quam torqueatur, seducitur à lictore & ne contra dolorem muniat se magicis quisquiliis, ex quæruntur toto corpore detonso, atq; etiam eâ parte quâ sexum monstrat petulanter excussâ; licet nihil tale hætenus unquam reperiât.

20. Quidni v. mulieri id fiat? cū & cōsecratis quoq; Sacerdotibus? idq; etiam ab Inquisitoribus & Officialib. Ecclesiasticis Principum Ecclesiasticorum neq; enim nō bruta fulmina apud Judices Germanos habentur, quæ in Bullâ Cœnæ eos petunt, qui
fine

384 Dub. LI. *Que sit summa process. contra*
sine speciali & specifica Apostolicæ sedis li-
centiâ in Clericos procedunt. Quod ne
Principes ipsi pientissimi atq; in Romanâ
sedem observantissimi intelligant, ac pro-
inde fr̃enum processibus adducant, Inqui-
sitores cavent.

21. Tum ubi sic excussa & detonsa Ga-
ja est, torquetur ut veritatem edisserat, id
est, ut sese simpliciter ream pronunciet:
quicquid aliud dictura est veritas non erit,
nec esse potest.

22. Torquetur tamen torturâ primi
generis, id est levioire: quod ita intellige, ut
licet gravissima quidem ea sit, tamen res-
pectu aliarum sequentium lenior sit. Unde
si fatetur, ajunt & spargunt falsam esse sine
torturâ.

23. Quis autem Principum aliorumq;
qui hæc audit, nō existimet certissimò no-
centem esse quæ sic ultrò sine torturâ se re-
am falsa sit?

24. Sine scrupulo igitur ullo post hanc
confessionem plectitur: plectenda interim
nihilominus etsi confessa non esset: nam
ubi modo torturæ datum initiū est, jã jacta
alea est, evadere non potest, mori debet.

25. Itaq; vel fatetur, vel nō fatetur: æq; quicquid fiat actum est. Si fatetur, res clara est, nam, ut dixi & liquet, plectitur: Revocatio omnis frustra est, ut supra ostendimus. Si non fatetur, repetitur tortura bis, ter, quater: licent omnia quæ hic lubet: neque enim temporis, nec acerbitatis, nec repetitionis pœnarum in excepto crimine est ratio: nihil hic peccare se putant iudices q; in conscientiæ forum adducendū sit.

26. Tum si Gaja aliquoties torta nondum silentium abrumpit; si vultu connititur, adversus pœnas, si patitur deliquium &c. clamant eam ridere & dormire tormētis, uti maleficio tacurnitatis, ac tantò jam nocentiores esse; quàm proindè vel vivā uri deceat: quod & nuper nōnullis factum quæ fateri aliquoties tortæ noluissent.

27. Atq; id tunc vocant etiam confessori, etiam religiosi obstinatum & impœnitentem decessisse; noluisse converti, nec deferere concubinum suum; sed servare ei fidem voluisse.

28. Quod si autem contingat quampiam ex tot tormentis animam deponere, ajuunt eam à Dæmone elisam cervicem esse: at-

386 Dub. LI. *Qua sit summa process. contra*
que id probant argumento quodam invin-
cibili, quo si uti velis, neminem non omni-
um hominum sic à Dæmone elidi confi-
cies, ut supra.

29. Quare merito scilicet cadaver à li-
ctore educitur & humatur sub furca.

30. Quod si autem nec Gaja moritur,
nec scrupulosi quidam ulterius torquere
audent sine novis indiciis, nec inconfessa
exurere, retinetur in carcere, atq; arctiori-
bus vinculis accipitur, ibi vel ad annum in-
tegrum maceranda dum subigatur.

31. Neq; enim per torturas purgare se
unquam potest & aspersum semel cri-
men abluere, ut volebant jura. Dede-
cus id esset Inquisitoribus semel captam sic
emittere: Nocens esse debet per fas nefas,
quã illi modo semel vinculis amplexi sunt.

32. Interim & tum, & jam ante submit-
tuntur Sacerdotes imperiti, impetuoosi, li-
ctoribus ipsis importuniores: horum offi-
cium est eo usq; miseram omnib. modis di-
vexare dum se tandem sive sit leu non sit
ream fateatur: ni id faciat salvari simplici-
ter non posse clamant, nec sacramentis
muniri.

33. Ne vero Sacerdotes sedatiores, doctioresq; & qui fœni aliquid in cornu ac in corde sâlis gestent, admittantur, expressissima cautio est. Uti & ne quisquam alius ad custodias accedat qui advocare aut principes erudire possit. Nihil enim quidam æq; formidant, quam ne quo modo tale quipiam se forte prodat, quo captarum innocentia in lucem profiliat. Itaq; cujusmodi generis viris non modo orbis terrarum juvenutē, sed & ipsi Principes conscientiam suam fidant, hos quidem eorundem Principum Inquisitores eo habent loco, ut non modo à conscientiis reorum quantumvis expetiti sint eos removeant, sed & jactare ad nobilium mensas nuper ausi sint à patria merito exigendos esse tanquam Justitiæ turbatores.

34. Interea vero dum Gaja sic ut dixi adhuc in carcere attinetur, & à quibus minime debebat divexatur, non desunt Judicibus accuratis pulcherrima inventa quibus non modo nova indicia contra Gajam reperiunt, sed quibus etiam in faciem eam sic convincant (si Diis placet) ut Judicio Academicorum Doëtorum tum saltem vi-

Dub. LI. *Quæ sit summa processus contra*
va exurenda esse pronuncietur: uti superi-
us ostensum est.

35. Quidam tamen ex abundanti & ex-
 orcisau Gajam jubent & in alium transfer-
 ri locum, ac sic iterum torqueri: si hac for-
 te mutatione loci & expiationi maleficium
 taciturnitatis possit discuti: Ac si ne ita qui-
 dem proficitur tum demum vivam flam-
 mis immittunt. Scire cupiam me Deosa-
 mer si & falsa & inconfessa perit, quis hic
 tandem quantumvis innocenti evadendi
 sit modus? Miseram te nimis quid sperasti?
 quid non primo in carcerem accessu ream
 te fecisti? Age stulta mulier & vesana quid
 toties vis mori cum possis semel? Sequere
 consilium, & ante omnem poenam dictam
 ream, & morere; non evades: nam hæc de-
 niq; zeli Germaniæ catastrophe est.

36. Itaq; si se quæpiam vi dolorum fa-
 so semel ream fecit, dici vix potest quæ mi-
 seria sit. Nam & medium nullum suppetit
 apud plerosq; quæ evadat, & alias quoq; re-
 as facere cogetur quas nescit, quasq; non
 infrequenter Quæstiores in os induunt, aut
 licitor suggerit, aut quas jam ante infames
 aut deletas aut semel captas & dimissas aut

diver

diverunt: quæ cum rursus alias, & illæ quoque alias indicare debeant, & sic deinceps; quis non videt in infinitum iri oportere?

37. Quare & ipsi Judices vel abrumperé processus, & damnare artem suam debent, vel & suos deniq; , & semet, atq; omnes exurere: Nam ad omnes tandem falsissimæ denunciationes excurrent, & , si modo tormēta succedant, fontes ostendēt.

38. Unde & ij deniq; involvuntur, qui initio vel maxime clamabant, ut incendia constanter alerentur: Neq; enim prævidebant imprudentes ad se quoque ordinem necessario perventurum. Et hi quidem iusto Iudicio DEI: quippe qui pestilentibus suis linguis cum tot nobis maleficos creassent, tot innocentes ignib. addixerūt.

39. Sed jam multi prudentiores atque eruditiores id cernere paulatim incipiūt, & quasi ex gravi somno excitati aperire oculos, ac lentius cautiusq; sævire.

40. Neque est quod negent Judices se ex solis denunciationibus ad tormenta procedere: nam ostendi supra vere procedere, ac proinde fallere optimos suos Principes cum negant. Nam & fama quam fere cum denunciationibus conjun-

390 Dub. LI. *Qua sit summa process. contra*
gunt invalida est semper atque nulla, cum
legitimè nunquam probetur: Et de Stig-
matis q̄ nugantur, miror nondum annota-
tū à sagacib. esse, fallacias fere esse liētorū.

41. Interim vero dum sic fervent pro-
cessus, & quæ torquentur aliæ alias strenue
denunciant acerbissimis cruciatibus co-
actæ; mox foras manat qui nam hi & isti sic
denunciati sint: Nam hæc ratio secreti est
eorum qui quæstionibus intersunt: Et id
non sine suo fructu, cum hinc subito con-
tra denūciatos indicia captare possint per
hoc dilemma: Nam siqui audiunt se dela-
tos esse ut sane audiunt; vel tum illi fuga se
subducunt ne capiantur, vel constantes in
loco manēt: si fugā arripiunt, jam hoc ajunt
ingens culpæ & metuētis conscientiaē indi-
ciū est: Si manent a. tū & hoc indicium est:
q̄a dæmō, ajūt, eos detinet ne abire possint;
ut nup̄ nō semel cum gemitu audire debui.

42. Præterea si quis adit Quæsitores &
an verum sit quod audit interrogat, quo
mature defendat sese, & via juris venienti
incommodo occurrat, jam id quoq; pro
indicio est, quasi conscientia & culpa eum
moveant, contra quem nihil tamen ab In-
quisitoribus sit adhuc motum.

43. Sed & quicquid agat conciliat sibi famā; q̄ post annū unū & alterū sat adulta, ad torturā sufficiat cum denunciationibus cōjuncta, licet ipsa hæc ex denunciationib. primum contracta sit: nā & hæc exēpla vidi.

44. Similiter eis evenit quoscunq; calumniam aliquam à malevolo quopiam parti contigerit: Nam vel defēdunt se iudicio, vel non defendunt: Si nō defedunt, indicium id culpæ est quod tacent: Si defendunt autem, jam latius spargitur calumnia, & suspiciones ac prurigo vestigandi commoventur iis, q̄ ante ignorabāt, didicq; mox fama quæ deinde nunquam obruatur.

45. Itaq; nihil pronius factu est, quam ut hos quoq; facillime nominare eæ soleant quæ interea torquentur & nominare aliquas coguntur.

46. Unde & **COROLLARIUM** quoddam consequitur rubricā enotandum: quod si modo processus constanter urgentur neminem hoc tempore cujuscunq; sexus, fortunarū, conditionis & dignitatis fuerit lat esse tutum, qui modo aliquem sit nactus hostem & detractorem à quo in Magiæ suspiciōē & famam pertrahatur. Ut sane quocunq; me obvertam miserrima

302 Dub. LI. *Qua sit summa process. contra*
ma horum temporum sit ratio nisi aliter
provideatur. Dixi supra, & verbo repeto,
non posse pestem hanc, quæcunq; est, in-
cendiis aboleri: sed aliter tamen efficacissi-
mè posse vix paucò sanguine effuto. Sed
quis nosse volet? Plura dicere conantem
obnuit, ut accurate & ad unguem summam
hanc perficere non possim, nec, quod ali-
as non inutile futurum erat, versionem
Germanicam meditari: Erunt fortasse qui
id patriæ suæ & innocentum amorì dabunt,
ut accuratius perficiant. Id ego deniq; e-
ruditos omnes, & pios, ac prudentes, mo-
deratosq; rerum moderatores (nam cæte-
ros non moror) per omnipotentis Judicis
tribunal obtestor, ut quæ scripsimus tra-
ctatu hoc, non parum sedulo evolvant, &
expendant: In magno periculo salutis ver-
santur Magistratus omnes & Principes ni-
si attentissimi esse velint. Non mirentur si
quid acriter subinde & animosè eos admo-
neo: neque enim inter eos me esse deceat
quos appellat Propheta canes mutos non
valentes latrare. Attendant sibi & univer-
so gregi, quem de manu eorum olim De-
us accuratissime requireret.

APPENDIX

APPENDIX.

*Quid possint tortura & denun-
ciationes?*

POSSUNT pænè omnia. Unde quidam nu-
per non illepidè torturam appellabat
Omnipotentem. Et circumferuntur salè
exempla non pauca eorum, qui tormentis
victi falsissima de se confessi sunt, & plexi
ob neces hominum, qui deinde viverere-
perti sunt, & similia. Sed nolui ego unquam
hoc libello exemplis iis uti, tum ne chartas
narrationibus implerem, quod quivis po-
test, tum ne quispiam suspicari vellet rara
hæc nihilominus esse, ac non quotidie cõ-
tingere. Unum tamen libuit hic appone-
re, quod ingentem hominum turbam cõ-
plectitur, & miror non magis hætenus an-
notatum esse: est autem tale.

EXEMPLUM MEMO-
RABILE.

ARSIT olim Urbs Roma sub Nerone
Imperatore: casu id factum sit, seu
Principis ejus jussu dubium est; lege scri-
ptores, Tacitum, Suetonium, Dionem,
Sulpitium, Baronium, & alios. Constan-

tillimus certè rumor Principem in culpam vocavit, sed hanc ille mox transtulit in Christianos: quos quia tunc vulgi fama ut sceleratos & ad quidvis projectos differebat, corripere primum quosdam iussit & torqueri. Hi igitur tormentis victi de se fassi sunt, tum & alios indicarunt seu denunciaverunt: ita ut ex horum denunciationibus & tormentis ingens subito multitudo convicta sit, non solum incendij ejus rea fuisse, sed & multo amplius odij in humanum genus. Quare deinde ut incendiarij & humani maximè generis inimici varia morte plexi sunt; atq; alij quidem ferarum tergis connecti laniatu canum discerpti sunt, alij affixi crucibus, alij exusti atq; ubi defecisset dies in utrum nocturni luminis cremati: cum scilicet infixi palis & dispositi per amphitheatrum tum pice ac resinâ circumfusi & obligati, ac sic accensi instar tædarum exarserunt. Quo alludit Juvenalis, cum ait Sat. i.

Pone Tigillinum; tæda lucebis in illa

Qua stâtes ardēt, qui fixo gutture fumât.

Cornelij Taciti fidi Scriptoris de re totâ verba luculenta sunt Annalium lib. 15. cum sic ait:

Ergo, inquit, abolendo rumori Nero subdidit
reos, & quasitissimis pœnis affectit quos per flagitia
invisos vulgus Christianos appellabat &c. Igitur
primo correpti qui **LATEBANTUR**. Deinde
INDICIO eorum **MULTITUDO** **INGENS** haud perinde in crimine incendiij, quam
odio humani generis **CONVICTI**. Et pere-
untibus addita ludibria, ut ferarum tergis con-
tecti, laniatu canum interirent aut crucibus affi-
xi, aut flammandi, atq; ubi defecisset dies in usum
nocturni luminis ureretur. Sic ille. Circa q̃ e-
xemplū notet lector & consideret sequētia.

PRIMO. Processus Neronis contra
Multitudinem ingentem his indiciis seu
probationibus subnixus fuit: 1. Famâ, quâ
pestissime audiebant Christiani. 2. Confes-
sione propriâ tormentis expressâ. 3. Con-
fidentium denunciationibus, nam ita deni-
que & incendiij, & inimicitia humani gene-
tis innocentissimi homines convicti sunt.

SECUNDO. Permisit **DEUS** non ut
pauci tantum sic convincerentur & peri-
rent, sed ut multitudo ingens.

TERTIO. Omnes eos, qui sic convi-
cti perierunt Ecclesia ob hoc ipsum pro
Martyribus colit, & eorum memoriam ce-
lebrat Octavo Kalendas Julij ubi ita de eis

loquitur Martyrologium Romanū. *Erant,* inquit, *hi OMNES Apostolorum discipuli & primitia Martyrum, quas Romana Ecclesia fertilis ager Martyrum ante Apostolorum necem transfmisit ad dominum.*

QUARTO. Nec obfuit Martyrio, quod tormentis victi & se & alios fecêre reos : Nam omnes simpliciter Martyrologium vocat Martyres. Nec de aliis loqui Martyrologium & de aliis Tacitum, sed de iisdem planè, facile intelliges, si Martyrologium inspexeris, quod Taciti ipsa verba recitat. Vide quoq; si lubet annales Baronij in anno Christi 66. & Sulpitium Severum histor. lib. 2.

QUINTO. Nec Martyribus igitur, nec Apostolorum discipulis nec in ipso Christianitatis primo fervore luctâtibus ea suppetiit constantia quæ contra tormenta & c. nunciatiations evinceret.

SEXTO. Hæc mens Neronis in tormentis adhibendis fuit ut torti se reos fateantur : nisi id quoq; hodie tormentis intenditur, quid obsecro intenditur ? Repete supra spatim diximus. Quod si tamen aliud intenditur, est quod gaudeam, bene habet.

SEPTIMO. Esto autem aliud nunc Judices intendunt quam Nero; esto etiam pluribus ex indiciis quam ille ad tormenta advolent; id tamē non obstat, quin eadem nunc vis sit tormentorum quæ olim fuit. Uti tunc igitur tormenta & denunciationes innocentissimum quemq; reum facere potuere, poterunt & nunc quoq;. Ac si nunc verē rei sunt qui rei denunciantur, tunc quoq; verē rei erant qui rei denuncia- bantur. Certē Judicium Neronis non eadem cum Nerone mens fuit, judicio tamē eorum Martyres convicti sunt.

OCTAVO. Cum Nero tormentis & denunciationibus MULTITUDINEM INGENTEM tam Sanctorum hominum reos fecisset. Dubiū non est quin si pergere ulterius voluisset nunquam invenisset finē reorū. Nā uti tam multi convicti erant ita & reliqui cōvinci potuissent, & hæc hodie quoq; causa est cur ubi denunciationib. insisterē pgimus ad finē impossibile veniē sic

DICES. Putat Baronius Tacitum in dato Exemplo mentiri, quod quidam Christiani tormentis superati se & alios falso reos fecerint.

Resp. Putant alij qui vim tormentorum paulo quam multi perspectiorem habent Tacitum non

mentiri. Et sanè cum judicialiter habita quaestio-
 nes illæ Neronianæ sint, & lata sententia: non est
 credibile in inconfessos & negantes scævum esse:
 cum id plane cum intentione Neronis pugnasset,
 quippe qui sic auxisset rumorum de se conceptum,
 non aboluisset. Neg. Tacitus in hac quidem re
 Christianis iniquior quam Neroni fuit; quin po-
 rius favit, ac, si attendas, satis innuit fuisse adhuc
 Christianos innoxios & magis nocentem Nerone.
 Sed nec mirari debet Baronius etiam sanctos tam
 exquisitis pœnis initio cecidisse, deinde perituisse
 & frustrare vocasse, ac sic nihilominus martyrio
 decoratos esse: Nam & hodie si sanctissimi quique
 nostris quaestionibus subderentur, æque succumbe-
 rent, uti neminem adhuc de se diffitentem audiui,
 qui vel semel tormenta hæc propius spectavisset.

Sed hæc clarius olim ad tribunal DEI.
 Tu nunc vale Lector atque exemplum hoc
 mente versa ac Numen time.

PROTESTATIO.

Siquid scripsi quod Ecclesiæ sanctæ Ro-
 manæ displicet: id vanum esto; damno &
 detestor, uti & quod quenquam in-
 justè lædat. &c.

F I N I S.

CONCLUSIO AD LECTOREM.

De Auctore hujus Commentarij.

CUM auctor hujus commentarij adduci non posset ut eum typis excuderet, judicavi boni communis causa pium furtum committi posse: commisi igitur, & subito ad vilurgim misi ut excuderetur. Si peccavi, Resp. ignoscet; ut & lector erroribus ac inæqualitati typorum: Unum erratum est pagina 188. quod ante omnia ita corrige: nam ubi est *inter quaslibet ad rogum*. Legendum erit *inter quaslibet quinquaginta ad rogum &c.* Cætera deinde corrige pro commoditate.

Ultinam vero sit quisquã qui brevi & hæc paucula dubiola resolvere velit quæ nunc passim multi incipiunt proponere & sunt ista.

1. *An Magistratus cum accipiunt ab Imperatore Regalia & jurant in Constitutiones Imperiales, vi hujus juramenti teneantur in foro tum interno tum externo curare, ut sicut ceteri communes Iudices criminales prestare debent juramentum quod habetur initio Constitutionis Criminalis Carolina, ita etiam illud præstent Inquisitores Magia.*

2. *Si Inquisitores hi illud hætenus non præstiterunt, & in processibus suis Constitutionem hanc Carolinam plane neglexerunt, an ideo excusati sint?*

3. *Et ubi debeant hac de re conqueri subditi, qui sentiunt velle se gravari & vastari integras regiones ex ejus Constitutionis neglectu?*

4. *An reliqui Iudices communes qui jurarunt in hanc Constitutionem, teneantur eam servare etiam in crimine Ma-*

Conclusio ad lectorem.

*de Magia. Seu quod idem est, an Magia sit crimen ab ista
Constitutione Carolina Exceptum.*

5. Et ut hic non erretur: an Caesar Exceperit? & ubi?
aut quis Caesar?

6. An alia autoritate quam Casarea Excipi poterit?
Et si quidem non; an & quatenus conveniri possit quid
fecit?

7. Et quia dicuntur aliqui capti in causa magia elap-
si esse è vinculis, & queri inquisitum è secum ab Inquisito-
ribus esse actum, ac manifesto innocentiam suam velle
docere, dum modo id concedatur. An id concedendum
sit?

8. Et si petant consilium an super hac re supplicatio-
nem & Apologiam mittere debeant ad Principes è quorum
vinculis elapsi sunt, an potius immediate ad Casream
Majestatem, aut Pontificem seu laici seu clerici sint; quid
ijs praeferat suaderi?

9. Et quid particulatim de Sacerdotibus in favorem
si lei & illius ordinis etiam si periculum sit non solum In-
quisitores sed ipsi quoque Magistratus inveniantur culpa-
biles, si querela ad Caesarem aut Pontificem immediate
dirigantur: &c. Erunt spero ingenia quae se hic propedi-
am exercebunt.

78

id

it?

id

la.

ro-

elle

um

io-

um

am

uid

em

ln-

pa-

ae

edi-